





2257 16948. 2f (24)

39288/B

= 1/10

D. XVIII.

17/10

jac

2^e

Bibliothèque

des Dominicains d'Arcueil

M. C. T. T.
Paris
11.06.

Q. D. B. V.

HISTORIA PARTIUM

ET

OECONOMIÆ HOMINIS
SECUNDUM NATURAM,

Sive

DISSERTATIONES
ANATOMICO - PHYSIOLOGICÆ,
in Academia Lipsiensi

publicè ventilatæ,

&

in usum philiatorum
collectæ,

AUCTORE

D. JOH. FRIDERICO ORTLOB,

Anat. & Chirurg. P. P. Extr. Facult.


Med. Assess. & Maj. Principum Coll.

Collegiat.

L I P S I Æ,

Apud JOH. FRIDER. GLEDITSCH.

ANNO MDC XCVII.



16948

Illustri Medicorum Pari,

JOHANNI BOHNIO,

In Academiâ Lipsiensi Therapeutices P. P.

Facultatis Medicinæ Seniori, utriusque Principum Colleg.

Collegiato, Academiae Decem-Viro,

& Urbis Physico,

atque

BERNHARDO ALBINO,

Consiliario & Archiatro Electoris Brandenb.

& in Acad. Viadrinâ Med. P. P.

Præceptoribus suis

S. P. D.

JOH. FRID. ORTLOB.





Quando Typographus colligendo meas chartas me nunc in publicum prodire sollicitat, meritò primitias has, tanquam grati animi anathema, Vobis, Præceptores Optimi, sacras nuncupare tantum non religione jubeor. Equidem non tam exemplo aliorum, neque præceptis majorum, aut jurejurando Hippocratis ad reverentiam Præceptoribus habendam obligor, quàm quòd ex verâ meritorum Vestrorum æstimatione hæc animo meo firmiter insideat pietas. Neque hoc sine nutu aut assensu Vestro fieri potuit, dum mihi semper & tendandi aliquid, & quiescendi Vobis auctoribus ratio constat. Imò pium quoque erat, ut qui forte aliquod hinc capturi sint commodum, se id Vobis potius debere intelligant, quibus me omnia debere ingenuè confiteor. Primus eras, Excellentissime Albine, cujus felicibus curis à Patruo meo committebar, atq; id singulari mihi gloriæ cedere existimo, me si non primum, inter primos tamen fuisse, qvi Tibi à Potentissimo Electore

ad ornandam Academiam suam recenter vocato se for-
mandos traderent. Alter eras, Celeberrime Bohni, qui,
eodem Patruo auctore, in Academiâ Lipsiensi eligebaris,
ut cœptam telam feliciter pertexeres, cum is pluribus ex
exemplis intelligeret, Te dictis factisque erudiendo felicem
non minùs quàm prudentem in arte medicâ laudari magi-
strum. Utriusque ergo sedulitati, quæcunque demum par-
ta mihi doctrina est, meritò in acceptum refero, quàm ad
hunc usque diem alter per literas, alter præsentis consilio au-
get, firmat, dirigit. Nullus proin dubito, quin & reliqua
omnis Vobis quoque adscribenda sit supellex, quàm vel ali-
orum medicorum in Germania & exteris oris conversatione
& informatione, vel ex lectione scriptorum, vel ex proprii in-
genii ausu mihi sequentibus annis comparavi. Etenim nisi
Vestro id didicissem studio, non istorum gratiam mereri,
aut dicta intelligere, non illorum nervum assequi, & verum
à falso dignoscere, non hujus viribus uti potuissem. Patia-
mini ergo, ut in sinum Vestrum refundam, quæ ex ore Vestro
accepta prædico, imitatus flumina, quæ aquas, quas per fon-
tes ex mari hauriunt, eidem iterum retribuant. Sinite quæso,
ut nunc publicè, non red hostimenti, sed grati animi indicium
præbeam, cum referre gratiam parem pro Vestris beneficiis
nec audeam quidem, etsi maximè debeam. Itaque ad vo-
ta confugio, Deum immortalem precatus, ut Vos æternâ
laude florentem Virtutis Vestræ gloriam incolumes & fortu-
natos aliis super alia operibus augere concedat! Valet! Lipsiæ,
è museo, pridie Eidus Octobr. A. ab O. R. clō Io. CXCv.

PRÆ-



PRÆFATIO.



Oſtuas Athenas me miſiſſe, Amice lector, non
 immeritò putabis, quando diſſertationes
 has conſpicias, cùm materiam contineant tan-
 tum non perfectam ab aliis, qui me ingenio,
 doctrinâ, præſumptione longis paraſangis an-
 teſtant. Sed quid me ad ſcribendum com-
 pulerit, te docere poterit programma, quod
 adjectum invenies; in quo præſertim requi-
 ſita phyſiologiæ tractationem aggreſſuro neceſſaria re-
 cenſuimus. Unica illa & vera eſt ratio, quòd nimirum
 philiatrì, qui exercitium diſputatorium deſiderabant,
 reſponſuri haberent, in quibus fundarent ſenten-
 tiam, oppoſituris autem meta conſtitueretur
 certa, ad quam ſua emitterent ſpicula. Non ergo
 miraberis, ſi trivialia etiam & omnibus nota in
 iisdem reperiſ. Juvenes enim ſunt, quibus deſti-
 nanſur, notiſſimâ medicæ rei imbuendi, non
 illi, quos longus rerum uſus ad ſublìmi-
 ora evocavit. Aliorum potiùs dicta factaque,
 quàm mea, contineri aſſeris. At nec nova
 eſt materia, ſed antiqua illa naturæ à
 primo rerum exordio conſtituta facies,
 quam depingimus. Nec nova & noſtra
 duntaxat ſunt, quæ philiatro futuro
 neceſſaria ſcitu judicamus, quin opus
 potius eſt, ut & antiquorum ſenten-
 tias non ſciat ſolùm, ſed cal-

leat quoque, quòd malè omninò de medicinâ nostrâ mereantur, qui scripta veterum plane è manibus juventutis excutiant. Multa in iisdem continentur, quæ hodiè pro novis venditantur ab aliis, qui, si quisque suum reciperet, instar corniculæ alienis psu-
mis ornatae denudarentur. Neque omnia nostra esse possunt, quòd brevis unius hominis vita & studium vix sufficiat ad artis adeò longæ abyssum exhauriendam. Et aliena quoque cognitu necessaria, ut, quæ bona sunt, ad imitandum nobis proponamus, quæ minùs cum veritate conveniunt, fugiamus. Historiam enim scripsimus, quæ aliorum res gestas, interdum etiam suas, comprehendit. Brevis ergo esse poterit sciagraphia juveni, quæ structuram partium & actionum ætiologias velut in tabula exhibet, sive eadem communem cum aliis sententiam foveant, sive meam licuit adjicere conjecturam. Habebunt proin philiatri, quibus memoriam sublevent, quod dein vivo sermone accedente penitus dilucidatur. Id solum te rogatum cupio, ut si quando inæqualitatem dictionis, aut omiſsa quædam annotabis, veniam concedas, quòd non continuus quidam, sed interruptus sæpius & festinatus, neque editioni solenniori sub initium destinatus sit labor; cum singulæ dissertationes lucem viderint, nunc à typographo collectæ. Si Deus vitam & vires conceſſerit, & è re tuâ fore intellexero, faxo, ut debitâ limâ adhibitâ, & conferto magis ordine aliquando palato tuo melius arrideant.

Vale!

IN-

INDEX DISSERTATIONUM.

- I. De Homine in genere.
- II. De corpore humano.
- III. De vitalitate corporis.
- IV. De assumptione cibi.
- V. De chylosoos instrumentis.
- VI. De ciborum solutiōe, & chylo.
- VII. De chyloficationis continuatione in intestinis.
- VIII. De chyli motu ad sanguinem.
- IX. De organis hæmatofoeos.
- X. De respiratione.
- XI. De motu sanguinis.
- XII. De sanguificatione & sanguine.
- XIII. De secretione in genere, & in specie lymphæ.
- XIV. De lacte & semine.
- XV. De humoribus serosis, qui ad canalem alimentorum deponuntur.
- XVI. De lienis officio.
- XVII. De hepatis munere, & bile.
- XVIII. De transpiratione, sudore, & urina.
- XIX. De fluxu mensum.
- XX. De pnevmatofoeos officinâ.
- XXI. De spirituum animalium secretione, & natura.
- XXII. De spirituum distributione.
- XXIII. De nutritione.
- XXIV. De motû in homine differentiis, instrumentis, & modo.
- XXV. De motibus automaticis, & commercio animæ cum corpore.
- XXVI. De sensatione in genere & motu voluntario.
- XXVII. De sensib'us externis, & in specie de tactu.
- XXVIII. De gustu, & olfactu.
- XXIX. De auditu.
- XXX. De visione.
- XXXI. De fame, siti, & dolore.
- XXXII. De sensibus internis.
- XXXIII. De affectibus animi, ut & somno & vigilia.
- XXXIV. De subjectis & organis generationis.
- XXXV. De materia generationis, & conceptione.
- XXXVI. De motu ovuli ad uterum, & fœtus nutritione.
- XXXVII. De partu, & vitâ fœtus.

Nomi-



Aturam humanam, ut vocant veteres, scrutari fert animus, Nobilissimi Philiatrī, quæ primam constituit partem eorum, quæ medico genuino inprimis cognoscenda sunt, & ad quam cætera referri assolent. Absit proin, ut illotis, quod ajunt, manibus eandem, aut reliqua medicinæ mysteria aggrediamur, ut potius necessarium judicemus, iis præfidiis instrui prius debere, quæ ad intricatos illos labyrinthos filium Ariadneum concedere possint. Apage enim cum his nugis & cordato medico indignis, quæ omne philosophiæ genus minùs necessarium medico contententes, solam naturæ humanæ & functionum ejus contemplationem eidem sufficere existimant, atque explosam diu empiriam restituere laborant. Usus quippe philosophiæ & auctoritas & ratio confirmat. *Democritus* (a) olim sapientiæ cognitionem medicinæ sororem, eamque præsertim *παιδείας καὶ λόγων* peritis utilem judicavit. Quanto studio à patre suo Nicone, *Galenus*, divinitus medicinæ destinatus, præstantissimis sui temporis philosophis prius erudiendus fuerit traditus, à *Charterio* (b) præsertim docemur. Etenim postquam Stoicorum, & Platoniorum & Peripateticorum, & Epicureorum præceptis imbutum eum fuisse asseruit, non dubitat, *logicum, ethicum, physicum, imò universæ philosophiæ ἀφεσδίτην, καὶ λύραν, præterea ἡσπρόν φιλόσοφον*, ac proinde ἰσόθεον (ex Hippocratis conclusio) eundem pronuntiare. Et revera his adminiculis adjutus non modo amplissimam ex medicina prudenter facta laudem reportavit, sed & eandem in ordinem redegit, & reliquas sectas minùs firmo innixas talo corripuit & superavit. Enimvero philosophia in genere tam vitam rectè instituendi, quàm scientias rerum divinarum & humanarum sibi acquirendi optimam tradit methodum. Qvis ergo eam medico rerum naturalium notitiam sibi comparanti non utilem, non summè necessariam judicet? Multæ sunt sanè notiones generales, quæ si minùs rectè intelligantur, & hinc in phænomenis medicis explicandis incongruè applicentur, vanis altercationibus & irritis litigiis occasione sunt. Quod præ aliis advertit *Galenus*, (c) & philosophiæ in medico maximum & præcipuum esse requisitum strenuè asseruit, quod *corporum naturas, instrumentorum actiones, partium u-*

sus

(a) in ep. ad Hipp. de nat. hum.

(b) oper. Hipp. & Gal. Tom. I. Galen. Bit. c. 8.

(c) Quod opt. med. su. philos.

sus, morborum differentias, curationumq; indicationes cognoscere, & philosophum non esse, aut rerum naturam scientem repente apparere posse ἀτοπον sit. Imò tandem sententiam suam gravi epiphonemate claudit, certè in-
 quiens, nos primum studium debemus in philosophiâ consumere, si veri Hip-
 pocratis amuli esse volumus, quod si fecerimus, nihil impediet, quo minus
 eo meliores efficiamur, nedum similes; si cognitis iis, quæ ab illo bene dicta
 sunt, cetera, quæ arti desunt, ipsi inveniamus. Omnia tamen hæc præ-
 fidia ad medicinam sibi comparandam & faciendam aliisque iterum tra-
 dendam dirigantur necesse est, adeoque à generalioribus ad specialiora
 atque scopo propiora descendendum est. Sic quod institutum nostrum
 attinet, actionum in homine integritatem investigabimus. Quis vero
 inoffenso pede se progredi posse, aut distinctos conceptus sibi formare,
 præsumat, nisi prius matheſi, physica, cognitione anatomicâ, imò chymi-
 cis quoque præceptis imbutus. Mathematicas disciplinas, & præsertim
 geometriam atque mechanicam, imò algebram quoque, utiles quod exi-
 stimen, ne miremini, suavissimi commilites. In hac enim vera potimur
 analyticâ, quæ uti ingenium insigniter acuit, ita præsertim in veritatis in-
 vestigatione & demonstratione præcipuam facit paginam. Illis ad natu-
 ram, affectiones & habitudinem mutuam corporum declarandam com-
 modissimè utimur. Quamvis enim in abstracto tantum considerationes
 suas instituere videantur, eæ tamen facillimè ad corpora ipsa physica ap-
 plicationem admittunt. Juvabit proinde, non tantum scientiam natura-
 lem in genere, sed & quando eadem ad specialia phænomena, medico ma-
 gis propria, descendit, & in anthropologiâ corporis actiones, in therapia
 medicamentorum ad corpus relationes contemplatur. Matheſeos do-
 ctrina summæ statim necessitatis primis medicinæ conditoribus visa est.
 Audiamus Hippocratem, (d) quantum eandem Theſſalo filio commendat:
 quod ea non solum vitam ipsius gloriosam & ad multa utilem erga huma-
 nam sortem efficiat, verum etiam mentem acutiorem & clariorem, ut in
 arte medica juvetur ad id omne, cujuscunque indiget; & quidem geome-
 tria cognitio, cum figuris & formis multiplex sit, & omnia cum demon-
 stratione transgat, utilis sit, & ad ossium positus, & articulos emotos, & ad
 reliquum membrorum ordinem: imò tandem, quod splendidum sit, mini-
 sterium habere in re medicâ ejusmodi, quod intensiōis ac remissionis partes,
 cum ex parte inæquales sint cognitu, faciles ipsi absque errore exhibeat.
 Simili instituto Galenum refert memoratus Chariterius (e) mathematicas

): () : (2

di-

(d) ad Theſſal. fil. (e) l. a. s. 6.

disciplinas tanti duxisse, ut qui his minimè versati fuerint, eos & ad philosophiam, & ad medicinam, & alias sublimiores scientias adipiscendas, tanquam asinos ad lyras accedere proutulerit. Quis ergo gloriæ aut veritatis argumentum habeat, si ætiologia phænomeni naturalis cum mathematicis fundamentis pugnet? Horum enim ratio in demonstratione fundatur, cum sine illis, aut contra ea aliquid asserere, suavis atque vanis infomniis comparari mereatur. Accedit, quod Deum & naturam ipsam in condendis quoque & humani & reliquorum animalium corporis partibus geometriam exercuisse, ex earum conformatione, situ, connexione, & c. videatur. Ut proinde ad earum actiones declarandas mechanice regulis non inepte quoque utantur hodie quàm plurimi phænomena naturæ interpretandi solertiâ clarissimi scriptores. Eadem physica scientiæ est necessitas. Eapropter enim Hippocrates medicum naturæ scientem esse desiderat: & Galenus (f) acriter invehitur in illos, qui hunc præceptum ab illo ordinem negligunt, imò alios, qui in ea operam consumunt, tanquam inutilia tentantes reprehendunt. Qui enim corporum essentiam, affectiones, vim agendi aut resistendi, mutationum ætiologias in genere cognita habet, ei facile erit ad particularia illa à medico cognoscenda demonstrationes suas transferre. Multa quippe in physicis inveniuntur, e. g. doctrina de motu, de luce, de calore & frigore, de gravitate & levitate, de elasticitate, de aëre, de igne, & sexcenta alia, quibus in physiologiæ, pathologiæ, chymix, & aliorum partium phænomenis explicandis indigemus. Quæ prout distinctè prius cognita ætiologias in medicinâ mirum faciunt, atque evidentiores, & firmiores efficiunt, ita contra neglecta aut non benè percepta tanquam πρῶτον aliquod ψῦδός infinitis aberrationibus ansam suggerunt. Sed ab bivium Herculis vos devenisse putabitis, philiatrī dilectissimi, & quâ eundum sit viâ dubii hæretis. Ea enim pro dolor! sententiarum est diversitas, ut quænam alii anteponenda veniat, meritò satis arduum haberi possit. Insignem autoritatem tot sæculorum decursu, & sectatorum frequentia stabilitam jactant Peripatetici, atque in suas partes vocare videntur. Ab altero latere hypothesis mechanica, tot demonstrationibus suffulta, tot experimentis probata assensum procari studet. Non pigebit vos mecum in posteriorem potius sententiam descendere, quamvis arduum magis iter expediendum veniat. Ut enim taceam, notionibus illis generalibus & abstractivis materiæ, & formæ, atque qualitatum, quæ huic iniunt, aut etiam facultatum, quæ iis innituntur, nihil distincti in specialium corporum naturâ cognoscenda, aut operandi ratio-

ne

ne definienda tradi. Revera enim iisdem non quæ corporum principia sint determinatur, & quod diversis modis, non vero quomodo operentur, declaratur. Verum hanc viâ potius incedamus, quâ non modò corporum in genere, sed particularium quorumvis etiam naturam distinctius cognoscere licet. Etenim essentiam corporis cujusvis in extensione, non tamen mathematicâ & abstractivâ, sed physicâ & ad rem applicata consistere, matheſeos principiis imbutis absurdum non est. Neque obstat, quod hic conceptus nimis generalis esse videatur, quod tale primorū conceptuum requisitū esse ex entis & substantiæ notionibus appareat. Sufficit, quòd omnia omninò corpora tanquàm extensa trinis dimensionibus necessariò intelligamus. At quando jam extensa ejusmodi singula, sub modis diversis considerata, nunc varios suæ extensionis habent terminos, adeoque magnitudine & figurâ differunt, nunc moventur, nunc quiescunt, nunc situm mutant, nunc servant, nunc arctius, nunc laxius connectuntur, hanc vel aliâ ratione inter se componuntur, speciatim de quorumvis energiâ, habitudine, viribus ad agendum aut resistendum, proportionibus, mutationibus, &c. ope præsertim matheſeos pronunciare ac concipere aliquid licet. Atque proin eam vobis ex Verulamii, Gassendi, Cartesii, Digbæi, Boylei, Bohnii manuductione viam parate, quæ non modò in phænomenis naturæ, sed medicis quoque, intelligendis feliciore tramite vos ducat. Hi enim sunt præcipui, qui vel antiquissimam, sed injuriâ temporum collapsam naturæ mysteria interpretandi methodum restaurârunt, vel novam condere studuerunt, vel ratiociniis suis solidissimis & experimentis infinitis stabiliverunt & exornârunt. Reliqui enim, qui vel excolendæ, vel confirmandæ, vel applicandæ ulterius hypothesei mechanicæ aut corpusculari manum adhibuerunt, nominatorum auctorum vestigia legere videntur. Tantum verò abest, ut ex in medicinam contaminari, aut ludicris & irritis tempus teri metuatis, ut potius tot clarissimorum virorum exemplis, & adeò evidentibus ex rationibus uberem vobis messem promittatis. Ab eo enim tempore, quo hæc methodus in physicam & medicinam inducta est, ad illum nitorem, quo hodiè antiquam superat, perductam esse eandem, faciliè observabitis. Ad *anatomiam* pergimus. Evidentior adhuc hujus necessitas esse videtur. Ea enim omnia, quæ in physiologiâ de partium usu traduntur, non fictis qualitatibus aut facultatibus insunt, sed ex illarum constructione, organisatione, connexione, communicatione cum aliis depromuntur. At hæc anatomicus suggerit, quæ per sectionem & diversas alias enchireses partium substantiam, situm, connexionem, & similia in corpore animalis, modò vivi, modi mortui, in-

vestigat & demonstrat. Et quamvis in demonstratione tunc acquiescat, ea tamen physicus ad corporis animalis doctrinam illustrandam, physiologus ad hominis œconomiam perficiendam, pathologus ad causas morbi imò mortis, reddendas assumit & adhibet. Ecquis proin non videt, supponendam esse, imò conjungendam anatomiam in medico? *Chymiam* verò sociam cum nominatis disciplinis operam in physiologiâ explicandâ præstare asseruimus, ad quam tamen non tyronibus & initiandis, sed candidatis medicinæ, & eam jamjam facturis communiter aditus conceditur. An igitur chymia naturalis scientiæ & totius medicinæ cynosura est? Id sanè tum *Paracelsus*, tum *Helmontius*, tum *Sylvius* imprimis sibi persuadebant. Sed istius sal, sulphur & mercurius vix principiorum chymicorum, multò minus physicorum titulum merentur, neque, etiamsi terram & aquam addideris, ad mutationes, destructiones, combinationes corporum declarandas sufficiunt. Illius aqua & fermentum multis adhuc dubiis premitur. Hujus, ut & Tachenii, acidum & alkali salium speciebus determinandis, non verò omnium omninò corporum naturæ exhauriendæ conveniunt. Itaque arti huic etiamsi excellentissimæ non tamen abyssus naturæ emetiri conceditur. At verò latiùs eadem pater, quàm ut in speciali quodâ fine, vel docimastico, vel alchymistico, vel mechanico, vel etiam pharmaceutico terminetur. Hoc siquidem medicinam iniens nondum utiq; opus habet. Etenim & physicum juvat, variis chymicæ phænomenis scientiæ naturalem, & varias corporum mutationes illustriores reddere. Idq; est, quod Excell. *Bobnius* circa methodum studium medicum cum emolumento tractandum prudentissimè monet. Felicius adhuc in physiologiâ intelligentur actiones, quarum modò cum fermentatione, modò cum solutione, modò cum extractione, modò cum transcolatione, aliisve comparatio instituitur. Qvis solventis ciborum conditionem & ætiologiam, nisi doctrinâ de mensuris imbutus definiat? In pathologia pariter nemo febrium naturam aut calculi generationem melius, quàm chymicus declaret, aut acidum morborum omnium causa sit, dirimat. Idcirco quamvis medicinæ multas partes à chymiâ juvari constet, ipsa tamen ex physiologiâ & pathologiâ nihil, ex physicâ aliquid adhibet ad operationes suas adornandas aut illustrandas. De his ergò, quibus medicinæ penetralia accessurus instructus venire debeat adminiculis, differendi mihi occasio hæc nata est. Exoptârunt aliqui ex ordine vestro, commilitones honoratissimi, exercitio quodam disputatorio vires explorare, dicendi promptitudinem sibi comparare, atq; sententiam dubiorum resolutione firmare. Nihil ergò antiquius unquam habui, quàm vestris votis adesse & commodis stude-

re. Physiologiam autem materiam elegimus, quod fecundam, quod amenam, quod excultam magis, & ventilationi maxime accommodatam judicaverimus. Singularum disputationum argumenta singulæ plagulæ complectentur. At annon Iliada post non unum Homerum scribere videor. Id sane non inficior. Nihil enim novi, sed ab aliis dudum tradita continebunt, quod lubentissime concedo. Neque me pudet fateri, Bohnio atque Albino, Præceptoribus meis ad cineres usque colendis, me omnia ea in acceptum referre. Nihilque in votis habeo magis, quam ut, si forte aberrarero, veniam dent non ex arrogantia desciscienti, sed quod mihi & ingenio, & rerum usu tantis naturæ mystis longè inferiori similis ejusdem mysteria interpretandi dexteritas non concedatur. Absit etiam, ut consummata quis existimet, quod nemini mortalium præstare datum est. Erunt probabiles mihi visæ conjecturæ, non Doctoribus, sed commilitonibus meis tantum, & ideo consignatæ, ut in oppositionibus formandis, quorsum arcum intendant, conspectior & evidentior meta sit. Neque etiam aliorum sententiam obscurare aut evertere est animus. Sed quemadmodum aliis libertatem aliter sentiendi lubentissimè concedo, ita ab iis, si æqui fuerint, similem mihi polliceor. Quamobrem etiam non aliorum opiniones recensendo, aut refellendo, sed nudam meæ sententiæ thesin exponendo occupabor. Gravi enim, at dignâ, censurâ notantur ab Hippocrate, qui in aliorum operâ, minus rectè interdum intellecta, aut in reprobum sensum collo obtorto tracta, irridendâ ingenium exercent, aut ex in gloriam aucupantur, neque distinctius quicquam aut probabilius proferunt. *Mibi, ait (g) aliquideorum, quæ nondum inventa sunt, invenire, quodq; inventum quam non inventum præstiterit, scientiæ scopum munusq; esse videtur, atq; inchoata & imperfecta opera ad finem perducere consimile est. At eniti verborum in honestorum arte, quæ ab aliis inventa sunt contaminare, neq; quicquam emendare, sed à doctis ad indoctos inventa traducere. sane scientiæ scopus munusq; id esse non videtur, sed magis naturæ proditio, aut artis ignorantia: solis enim artium ignavis hoc opus competit, qui ambitiose quidem contendunt, nequaquam tamen improbitate suâ præstare possunt, ut quæ recta aliorum sunt opera, calumnientur, vel non recta vituperent.* Sed ad institutum! Respondentium partes singuli, & opponentium trini per vices sustinebunt Juvenes Nobilissimi, quibus citra præjudicium eruditionis aut præcellentiæ, ex compromisso & sortis arbitrio sequentem ordinem servare placuit.

M. Fride-

(g) de arte C. I.

M. Fridericus Wilhelmus Klose/ } Lips. Med. Baccalaur.
 Polycarpus Gottlieb Schacher/ }
 Johannes Benjamin Glado, Custrinens. March.
 Martinus Francisci, Muscoviâ-Lufatus.
 Johannes Nicolaus Schmieterlovv, Gryphisvaldens.
 Johannes Christianus Emrich/Schoenbornâ-Silesius.
 Johannes Antonius Helvigius, Gryphisvaldens.
 Gottlob Berggold/Camentia-Lufat.
 M. Michaël Ernestus Ettmüller/Lipsiensis.
 David Samuel Wagner/Laubâ-Lufatus.
 Johannes Georgius Schulz/ Wratilaviensis.
 Johannes Henricus Helcherus, Olsnâ-Silesius.
 Benedictus Gullmann/ Augustanus.

Diebus Mercurii & Saturni, in auditorio medico, ab horâ III. pomeridianâ instituentur disputationes, id quod tamen una cum Respondente, & materiâ tractandâ, more solito, in valvis ædium Academicarum significabitur. Quare hoc, Nobilissimi artis Asclepiadeæ cultores. in vestram notitiam perferre volui. Quod si autem è re Vestrà fore existimatis, exercitium hoc disputatorium vestrà honorificâ præsentâ splendidius reddere ne dedignemini. Erit enim hoc mihi non modò insigne vestri favoris documentum, sed calcar quoque addet, ut nullam occasionem præterlabi patiar, quâ non studiis atque officiis meis paratissimis gratum animum promptissimè exhibeam. Valete! Lipsiæ, d. XXIV. Junii, A. à stupendâ & salutari παρθενοτονία clob XCIV.



DISSERTATIO I.

tradens

PRÆCOGNITA PHYSIOLOGIÆ,

De

HOMINE IN GENERE.

§. I.



Non à scopo aberraverit, qui medicinam in artem & scientiam distinguat. Artis erit actu medicinam facere, atque adeò per congrua remedia sanitatem vel conservando, vel restituendo opus aliquod post se relinquere. At quis medicum naturæ scientem repente fieri, aut sponte nasci affirmet? Scientia proin opus est eorum, quæ ad artem prudenter instituendam necessaria sunt. Ea verò cognitionem aliam *theoreticam*, *practicam* aliam involvit. *Theoria* occupatur in pernoscentis vel subjecto, quod curandum est, vel remediis, quibus curatur. Subjectum illud homo est, cum brutorum medicina, quæ veterinaria dicitur, vero medicò rectè indigna habeatur. In homine addiscantur necesse est tum status secundum naturam, ut & quantum ab eo desciscat, & quo reduci debeat constet, tum status præter naturam, morbus nimirum, & morbi causa, illius quippe curatio hujus remotione peragitur; tum utrumque statum cognoscendi & distinguendi signa. Primum Physiologiam, secundum pathologiam, tertium semioticam dicunt. Altera theoriæ pars includit remedium. Eo iustum (1.) diætæ regimen, (2.) congrua manuum aut instrumentorum, pro partium integritate præstanda, aut remediorum applicatione administratio, seu scientia chirurgica; atque (3.) notitia medicamentorum, & quoad materiam atque selectum, & quoad præparationem tam chymicam, quam pharmaceuticam, & quoad operandi in corpore humano ætiologias, atque sub certis formulis applicandi rationes in genere comprehenditur.

A

tur.

tur. Sive eadem ad conservationem valetudinis, in hygieine, sive ad restituendam in therapevtica adhibeantur. *Practica theoria* remedii ad subiectum applicationem molitur, atque ex morbi historia ejus speciem, partem affectam, causam, & hinc natas indicationes atque remediorum inventiones eruere laborat. Et ejusmodi theoriâ utrâque probe instructus naturæ vacillanti actu succurrendo, ejus ministrum, & medendi artificem se præstat. Quare eadem medicina, dum discitur, aut docetur scientia est, dum exercetur ars commodius dicitur.

§. II. Hæc ideò adducuntur, ut constet, cur medici hominis considerationem sibi vindicent, quæ tamen philosopho potius naturali convenire videtur. Etenim eidem incumbit & microcosmum, qui homo dicitur, tractare, cuiâ generali corporum natura, & affectionibus per universum Macrocosmum, omnesq; ejus species vagari conceditur. Et hæc doctrina in physicis anthropologia dicitur. At quamvis revera physicum tum agat medicus, ejus tamen est hominem, & ejus naturam nosse, imò pernosse, quia & in illo operatur, & hujus demum adjumento omnia ejus præsidia in effectum deducuntur.

§. III. Verum non totus homo ad physicam refertur, quæ tantum corpus naturale considerat, in eo verò præter corpus, & anima, quam immaterialem esse mox intelligemus, invenitur, quæ eidem doctrinæ non subjacet, aut adæquatum objectum esse potest. Proinde physici labor solius corporis contemplatione finitur, & mentem, nisi quantum ab ea illud varias alterationes subit, non attingit. Medicus verò doctrinam hanc ad scopum suum ulterius transfert, & indicationes atque remediorum applicationes superstruit. Quando ergò actiones in homine medicus perpendit integras, eidem physiologia, status secundum naturam, & sensu antiquorum natura humana, stylo autem recentiorum œconomia animalis appellatur.

§. IV. Dum verò hominem, quem nostræ tractationis argumentum constituimus, attentius scrutamur, diversas in eo actiones

ctiones observamus. Nunc enim videmus non modo multas in eo partes varia magnitudine, numero, figura, connexionē &c. componi, sed & totam compagem modo viciniā inter alia corpora, imò ejus partes quoq; inter se mutare, aliis propius adduci, modo iterum abduci, ad ima, ad summa ferri; uno verbo, moveri: nunc verò eundem intelligere, velle, affirmare, judicare, brevibus ratiocinari. Quæ sanè nos docent non simplicem, sed duplicem quandam & distinctæ essentiæ substantiam in homine inveniri.

§. V. Altera ergò materialis est, & corpus humanum dicitur. Id ergò ἀναλόγως melius concipiendi gratia cum machina comparari potest hydraulica, pneumatica, aut alio quocunque automato nobiliore. Etenim quemadmodum in hoc à motore aliquo vel fluido, vel solido rotulæ, elateres, vectes, &c. pro varia sua structura, connexionē, habitudine &c. varia ratione circumaguntur, & ad diversos effectus edendos diriguntur; ita etiam in humano corpore partes solidæ à motore & interno & externo, pro diversa sua conformatione, situ, figura, communicatione mutua commoventur, impelluntur, sistuntur, contrahuntur, extenduntur, implicantur &c.

§. VI. Alteram verò hominis partem essentialē & constitutivam, quæ mens, aut anima humana, item rationalis appellatur, immaterialem esse cognoscimus. Ut taceam materialitatem ejus principiis revelatis repugnare, atque indeclinabili absurdo corruptibilitatem involvere, ipsum rationis lumen aliud persuadet. Quæ enim in anima nostra deprehenduntur actiones, aut affectiones, si mavis, tales sunt, quæ materiæ competere nullatenus possunt, quatenus intelligere, judicare, examinare &c. nulli corporum competit. Quamvis regeratur, eam nullos nisi materiales conceptus formare posse, adeoque materialem necessariò esse: negatur tamen prius, quia etiam circa res merè intelligibiles, e. g. attributa divina contemplan-
da versatur: neque consequens firmo stare talo apparebit con-

sideranti, quod alius sit status animæ sibi relictæ, alius corporis arcta conjunctione impeditæ. Prout miles per se satis fortis & strenuus esse potest, si soli concederetur cum hoste suo dimicare, qui talis esse non desineret, si aliis copiis immixtus communem desidiæ notam invitus suscipere cogeretur.

§. VII. Anima hæc substantia est, quæ per duas facultates, intellectum & voluntatem variis modis continuo operatur. Etenim volendo, nolendo, affirmando, negando, examinando, judicando, percipiendo, distinguendo, concipiendo &c. perpetuo occupata se naturæ intelligentis esse omnino probat, i.e. suarum operationum intimè semper consciam esse videtur. Hæc si cogitationis notione cum *Cartesio* exprimere, aut ejusmodi substantiam Spiritum dicere velis, non refragabor. At, inquis, actiones tantum recenseres animæ, cujus verò naturæ sit subjectum, cui eas inesse asseris, positivum conceptum desidero. Videntur equidem primo intuitu meræ actiones, aut etiam attributa, ea tamen curatius perpendenti ipsam entis hujus essentiam declarabunt. Sed fingamus dubiam adhuc manere naturam entis, quod intelligat, sufficit tamen, si attributa illa concesseris animæ hominis inesse, quod talia hæc sint, quæ nulli rei materiali, aut corporeæ competunt, adeoque conceptum nostrum priorem negativum de mentis nostræ immaterialitate confirmant.

§. VIII. Verùm substantia hæc immaterialis, cum materiali illa, licet distincta planè essentia gaudeant, ad hominem tamen constituendum arctissimè conjunguntur, quod neutra sola præstare potest. Interim tamen non impedit, quo minus observemus alias actiones esse solius mentis, alias solius corporis, alias verò, quæ ex mutua utriusque habitudine & cooperatione propter arctissimam unionem emergunt.

§. IX. Mentis naturam aut actiones nosse equidem medico, ut medico, ex *Galen*i arbitrio, non convenire videtur, si finem ejus nimirum respicias. Quamvis enim hominem curet, & animæ quoque medicinam facere videatur, præsertim, quando deliriis opitulatur, nihilominus verò &

tum corpori soli auxilium affert, quippe vel humorum, vel spirituum a-taxiam, & impetum tantum medicamentis refranat, his verò emendatis atq; paroxysmo composito cessat desipientia. Ast dignū judicem homine partem sui primariam nosse, cum sic quoque illæ actiones, quæ ex utriusque commercio proveniunt, medico verò scitu summe necessariæ sunt, melius intelligantur.

§. X. Animæ proin hujus vita consistit in perpetuo actu intelligendi & volendi, vario modo sese exerente. Facultatem enim cogitandi tantum, ut cum *Henrico Regio* asseramus adduci vix possumus, quia eo tempore, dum se facultas in actum exereret, tantum existeret mens nostra; non vero quando in actum non deduceretur, adeoque modo esset, modo non esset, quod sanè cum ratione non convenit.

§. XI. Attamen hæc mens nostra nec existentiam, nec vitam à corpore conjuncto habet. Quamvis enim fingam fortè animam hominis nascendi non prius existere, quam corpus fuerit formatum, cui jungi debeat, quod in generationis negotio ab ovuli imprægnatione, adeoque corporis formatione initium fieri videatur, imò hoc à prima nativitate matri, cum rudimentis infantis futuri (quod suo tempore ostendetur) insit. Dubium tamen manet, quod nulla ratione dilui potest, ex hac animæ à corpore dependentia ejus quoque mortalitatem necessariò invehì. Immortalitatem verò ejus non modo ex revelatione divina certo cognoscimus, sed observamus quoque prudentioribus gentilium ex lumine naturæ eandem innotuisse. Quoniam ergò anima existit & agere poterit aliquandiu sine corpore, sanè manifesto liquet, eam hoc non indigere ad existendum, aut ad agendum.

§. XII. Corpus humanum cum machina comparavimus. Itaque, quemadmodum automati est, pro diversa rotularum, elaterumve structura, insertione, &c. quamdiu motoris eadem actuantis impulsus durat, congruas sibi functiones obire; ita præsertim brutorum & corporis humani vitam à duratione motuum in illis computamus. Etenim cessantibus iisdem vitam quoq; cessare in apico est, quatenus cadaver non nisi machinæ ad motus ineptæ redditæ quoq; æquiparari potest. Quippe sanguinis circulatio & respiratio non modo id sufficienter arguunt, quæ non nisi cum vita desinunt, sua autem præsentia de ejus præsentia testantur: verum & membra variè inter se moventur, atque ipsum corpus quoq; situm mutare pro lubitu aptum est, & de loco in locum transfertur.

§. XIII. Ad hos verò motus vitales concipiendos, ad duo respicere, præsertim necesse est. Alterum est, iusta partium corporis solidarum con-

formatio; Quamvis enim passivè eadem in motu se habeant, & omnis energia ab influentibus pendeat, revera tamen sua configuratione, situ, sensibilitate, connexionem &c. eorum actiones moderantur, & speciatim determinant, aut si in dictis circumstantiis peccaverint, impediunt quoque ac inhibent. Simili modo videmus e.g. in horologio motorem ad horarum intervalla indicanda in effectum deduci; si rotula bene formata, & sibi mutuo, & reliquis partibus implantata commodè fuerint. Contra verò motor frustra impellet, si reliquæ partes fractæ, dislocatæve inveniantur.

§. XIV. Alterum est justus partium moventium impulsus & agitatio. In harum censum meritò reponimus partes fluidas, quia (1.) ordinariò hæc in machinis præ solidis eò munere funguntur, e.g. aer, aqua, ignis &c. imò (2.) propter mobilitatem particularum omnium optimè id præstare possunt, (3.) motus per omnes, extremas quoque partes, æqualis & constans deprehenditur, ab elatere solido in locis à se remotioribus languidior esse debet, atque (4.) nullum prorsus premens in corporibus animalis reperitur, cui omnem hunc motum tribuere valeremus.

§. XV. Fluidorum horum moventium alia erunt in nostro corpore, alia ab extra eidem advenient. In nostro corpore motorem præstat *primò* sanguis, qui nimirum & à motu vitalitatem suam habet, & per omnes partes diffunditur, atque iis vitalitatem concedit, (1.) quia ejus influxu plenariè impedito, omnis calor, motus & sensus partis perit: (2.) ejus profusione nimia non vires tantum imminuuntur, sed & sensibilitas partibus aboletur, imò mors ipsa sequitur. *Secundò* interni motoris partes tribuimus spiritibus, quorum affluxu ad partes motus, refluxu à partibus per objecta determinato sensus earum, vitalitatis præcipua argumenta, peraguntur, siquidem & horum affluxu excluso actiones laudatæ omnimodè fatiscunt.

§. XVI. At in homine & brutis viventibus externum quoque motorem jungere necesse est, à quo interiorum, præsertim sanguinis, impetum & motus perennationem derivare convenit. Etenim ab illo momento, quo animalia semel respirarunt, aeris accessione sine vitæ dispendio carere nequeunt, respiratio etiam motum sanguinis juvat, quod ea impedita eundem quoque inhiberi, aut sisti observemus. Imo motus in partu edito brevi finiretur, nisi ab aëre ulteriorem actuationem fusciperet.

§. XVII. An ergò hæc corporis vita à mente pendet? Non sanè; (1.) quia ea plurimarum actionum non est conscia, quod chylicatio, circulatio, respiratio sine ejus attentione aut directione instituatur, neque (2.) eadem vel in melius, vel in deterius verti possint, sed ex necessitate organificationis,

tionis, & habitudine influentium peragantur : (3.) in animalibus brutis mente destitutis nihilominus instituantur. Ut proin motuum corporeorum mechanica sit necessitas, quod pro integritate partium activarum & passivarum motus, animâ licet rationali nolente, nihilominus fiant, atque contra, hâc licet volente, tono partium deperdito, motus illi omnino desinant. Itaque vita corporis ab apta conformatione partium solidarum, & fluidarum conveniente impulsu ab illa directo, dependet.

§. XVIII. Duo equidem, quod non inficior, analogiam corporis humani & brutorum cum machinâ dubiam reddere videntur. *Alterum* est, quod multi etiam motus spontanei in illis observentur, i.e. quod nunc hæ vel illæ partes, nunc tota moles quasi pro lubitu viciniam mutet, quod à nulla machina alia expectari poterit. At respondeo, concedendo multos in homine motus ab animæ rationalis directione pendere, de quibus etiam mox dicemus, sed ii etiam interdum non ab animæ imperio aut præmediatione fiunt, quatenus interdum ambulatio sine meditatione, & loquela quoque sine mentis attentione instituitur. Imò non nego motus quosdam merè mechanicos ex se, e.g. respirationem in homine à mente adfermonem, cantum, alvi exonerationem adhiberi & variè dirigi. Quoniâ verò eò laboramus præjudicio, quod omnes hi motus & semper ab anima prodeant, etiam brutorum similes actiones ab animæ cujusdam præcognitione derivamus, cum easdem, vel internis agitationibus, vel ab externis objectis sensoria atq; spiritus variè commoventibus, dirigentibus, determinantibus proveniant. Si enim artificibus licuit machinas construere, quæ motus varios, spontaneis similes, edere potuerunt, viarum anfractus observare, impedimenta evitare, &c. ex sola organorum constructione, & diverso ab extra advenientium impulsu modificatæ: quales à *Bohrio* (circul. anat. phys.) recensentur. Non mirabimur corpus nostrum & brutorum nulli machinæ artificiali secundum, sed propter opificis, Dei, nimirum conditoris summam sapientiam, alias omnes longissimis parafangis superantem propter organorum pluralitatem & constructionis majus artificium actiones plures longè illis & mirabiliores instituere posse. *Alterum* est, quod machinæ analogiam destruere satagit, quod nimirum in automato ex rotularum conditione omnes ejus motus determinare valeamus, non verò idem licitum sit in homine & brutis. Enim verò quemadmodum autopsia anatomica plurimarum partium mechanicam eonformationem, & agendi necessitatem atq; ætiologiam declarat, ita nihilominus quilibet fatebitur, multa adhuc in corpore animalium tam perfectorum, quam imperfectorum, uti vocantur, aut omnino latere organa, aut organorum ul-

timum

timum mechanismum adeoq; multas etiam debere esse actiones, quas determinare non possumus, etiamsi eas mechanicè fieri reliquarum analogia doceat.

§. XIX. Absit itaque ut quis existimet me hominem cum machina comparasse, eumq; hinc mechanicè, atq; necessariò agere, quod tantum de corpore ejus intellectum volo. Etenim quoniam hominis partem primariam constituit quoq; anima rationalis, ens sanè libertate arbitrii præditi, multæ sanè ab homine actiones voluntariæ aut spontaneæ perficiuntur, quamvis in homine mechanicè quoq; fiant. Licet enim corpus humanum & animam propriam agere vitam asseruerimus, non tamen existimandum est corpus humanum unquam sine anima vivere posse, quod Deo, sapientissimo Creatore, ita ordinante nunquam illud vivat, quin animam habeat conjunctam, animam verò sine corpore victuram aliquandiu pie credimus, hoc enim summum Numen nos docuit. Etenim singulare placuit Deo optimo maximo in homine artificium condere, cui simile in rerum natura non datur, ut nimirum anima immaterialis cum materiali corpore adeò arctè jungantur. Exinde enim comperimus non modo varias in anima perceptiones, ideas, judicia, affirmationes, negationes &c. à motibus corporis excitari, atq; varias ipsi species offerri; sed & multos in corpore motus ab animæ hujus rationalis imperio & ordinatione procedere. Quamvis verò modum, quomodo immateriale in materiale & vice versa agat, concipere distinctè non liceat, clarè tamen, quod fiat, cognoscimus. Itaq; multi quidem motus fiunt sine mentis directione, quidam tamen ab ea in corpore efficienter & physicè fiunt.


§. XX. Et quemadmodum in hac conjunctione atq; mutuo commercio mentis & corporis vita hominis consistit, ita nexus etiam tamdiu durat, quamdiu animæ imperata corpus facere, aut commercium mutuum institui potest. Corporis autem machina destructa, conjunctionis effectus cessaret, adeoq; anima à corpore secedit, & mors sequitur.

§. XXI. Atq; ex his apparet quod superius innuebamur, triplices in homine actiones esse, alias solius mentis, alias corporeas tantum, alias hominis. Primæ instituti nostri non sunt, sed quæ à corpore, aut animæ & corporis conjunctione pendent, & non incongruè compositi sc. entis dicuntur.

§. XXII. Integritas verò omnium actionum, quæ in convenientia, motus & mixturæ partium fluidarum in organis ritè conformatis & totius corporis ad mentis arbitrium exequendum, & congruas perceptiones offerendas consistit, dicitur Sanitas. Et hanc generalius adumbratam in sequentibus dissertationibus specialius pertractabimus.

CORPORE HUMANO.

§. I.

 Orpus humanum nobis altera hominis pars essentialis, materialis nimirum; sive concinna illa diversarum partium & organorum, ad vitalitatem exercendam congruorum congeries atque compages appellatur. Vitale autem hinc tantum intelligimus, quia in actionibus ejus cognoscendis occupamur, quas vel conservare integras, vel emendare lasas, scopus est noster. Enimvero quemadmodum in horologio, aut aliâ machinâ, operationum rationes non nisi is curatius reddere poterit, qui singularum partium structuram, ordinem, connexionem, agendi habitudinem, aliasque circumstantias cognitatas habet; ita etiam summe necessarium erit, fabricam humanæ machinæ indagare, quod ejus conformationi omnium actionum ætiologiæ innitantur. Proin considerabimus ejus partes, & in quo earum operandi, atque ad vitalitatem præstandam aptitudo consistat.

§. II. Partium nomine indigitamus, non elementares, & quæ minùs sensibus patent, sed corpora quædam minora, sensibilia tamen, quæ ad integritatem totius faciunt, atque communi cum eo vitalitate gaudent, inter se verò texturâ usûsque diversitate distinguuntur. Atque hinc patet, humores quoque & spiritus ad partes integrantes corporis referri debere, simili modo, quo in thermometro liquorem æque ac vitrum inter ejus partes reputamus. Neque pili atque unguis excludendi veniunt, quatenus non modò ornamentum & munimentum corpori præstant, sed & augmentationem cum eo communem agnoscunt, imò etiam, si rescindantur, restitui queant.

§. III. Non proin ad curatiorem partium cognitionem sufficere videtur corporis in ventres & artus divisio. Neque etiam, si secundum Hippocratem eadem in continentes, contentas, & imperum facientes dirimantur, omni difficultate caret. Quia enim per istas solidæ, per illas humores, per has spiritus tantum intelliguntur, in aprico est, non singularum functionibus adæquatam esse distinctionem. Quippe nec omnes partes solidæ tantum continendo inser-

viunt, nec humores semper & tantum passivè se habent, sed quamvis in ipsis principium motus non ponatur, agitata tamen aliis quoque impellendis conveniunt, quod præsertim effectus ex motu cordis & sanguinis declarant, atque adeo impetum facientibus jungi posse ostendunt. Quinimò aërem quoque, actuandi & commovendi nostri corporis partes energiâ inclytum, iisdem annumerare quid prohibet? Convenientius proinde, me iudice, partes distinguuntur tantum in solidas & fluidas. Ut quoque non attendamus earum in spermaticas & sanguineas divisionem, quatenus illæ albicantes, hæ rubicundæ sint, quia falsæ innititur hypothesi, hodiè verò omnes spermaticæ potius dicendæ veniunt, quòd ovulo inexistant earum rudimenta.

§. IV. Solidæ partes nobis audiunt, quarum particula constitutivæ non modò sibi firmiter connectuntur, sed quæ omnes etiam inter se cohærent, & unam quasi compagem vasculosam & tubulosam constituunt. Reverà enim una pars, si non tota, quadantenus tamen alteri annectitur, quatenus ossibus tendines, tendinibus muscoli, musculis nervi & vasa sanguinea, non tam implantantur, quàm continua sunt, ut non nisi cum violentiâ aut laceratione dividi queant. Interim tamen satius erit singulas prius separatim considerare, & hinc connexionem scrutari, quòd sic functionum formalitas, atque partium consensus eidem innitatur. Quamobrem eadem omnium commodissimè in simplices & compositas subdividuntur.

§. V. Simples sunt, quæ etiam veteribus similes, aut elementares quoque dicuntur. Elementa hîc non intelligimus physica, utpote quæ humano corpori cum aliis communia sunt, molecule scilicet exiliores, quæ pro diversâ suâ magnitudine, figurâ, situ & texturâ, atque motu aut quiete, omnia corpora mixta constituunt, & variam eisdem conformationem atque agendi habitudinem concedunt. Enimvero sermo hic est de elementis potius sensibilibus, i. e. ultra quæ in analysi partium corporis animalis progredi anatomico non licet, etiamsi principiata naturalia existant, i. e. hoc intuitu ultima non sint. Tales à medicis antiquis habebantur ossa, cartilagine, fibræ, nervi, arteriæ, venæ, cutis, adeps, membranæ, ligamenta, tendines, carnes &c. Ast recentiorum anatomicorum solertia ostendit, hæc minus homogenea, qualia tamen supponebantur, sed plus minus heterogenea aut composita, existere, id quod suo loco constabit.

§. VI. Rectius proin fibræ solæ partium ejusmodi similium nomi-

nomine insigniuntur, quas si cum *Lindano* fila, cum *Sennerto* villos appellare mallet, non repugnabo. Ita verò mihi nominantur filamenta illa albida, plus minus tenuia, parva, tensilia, ex quibus omnes nostri corporis partes solidas contexti accuratius examen detegit. Eâ quidem ratione, ut quemadmodum filamenta ex serico, lana, lino, cannabi, &c. non modò inter se differunt, sed etiam hinc, & pro diversâ texturâ differentes pannos formant; ita etiam hæc fibræ pro robore diverso, flexibilitate aut rigiditate, arctiore aut laxiore connexione, variâ implicatione, contorsione, &c. diversas partes, pro variis usibus præstandis constituunt. Simplicissimæ tamen quoque non attinguntur, quatenus etiam *Leeuwenbækius* in *Transl. Angl.* eas ex minoribus iterum contexti, microscopiorum suorum optimorum ope annotavit. Quinimo & caro & adeps malè iisdem associantur, quòd illa quoque & in musculis, & glandulis, & visceribus, & ventriculis cordis, (tot enim carnis species dicuntur) non nisi fibrarum certa expansio aut textura; hæc verò diversarum partium minùs homogenearum congeries habeatur. Sic quoque tomentum partium hujus loci non est, quod non nisi pars feri aut sanguinis iisdem intertexta sit, atque hinc & elui possit, aut in tabe absumatur, & eapropter solidis nullatenus adscribi possit.

§. VII. Compositæ ordinariò medicis dissimilares, à partium constituentium dissimilitudine, vocantur. Eas iterum dicemus vel simpliciores & pluribus partibus communes, e. g. membranam, ligamentum, fibram motricem, tendines, cartilagine, & ossa, atque fortassis etiam pilos & ungues; vel compositas magis, e. g. nervos, vasa sangvine, lymphatica, atque ductus & canales multis partibus proprios, e. g. *Virsungianum*, *choledochum*, ureteres, salivales, &c. item glandulas & musculos; vel decompositas, quatenus plures ex recensitis earum constructionem ingrediuntur, & in genere *ῥῶτοι*, eâque cum differentiâ nominantur, ut internæ, e. g. cerebrum, ventriculus, hepar, lien, renes, pulmones, &c. viscera; externæ verò, e. g. crus, brachium, caput, membra, aut artus appellentur. Priores duas species quoque non organicarum, ultimam organicarum nomine designant, quatenus functioni cuidam præstandæ congruum organum existant.

§. VIII. Quod simpliciores attinet, membranæ, quales quoque interdum tunicæ, pelliculæ, hymenes, meninges, &c. audiunt, sunt expansio.

panfiones fibrofa, plus minus ténues atqve fimplices, ita quidem, ut omnes ferè in plures lamellas fecedant, aut diftingvi queant. Ea connectendis & involvendis, adeoque & diftingvendis ab invicem partibus inferviunt, interdum verò licet continuæ fint aut eadem, ad meliorem diftinctionem, pro partibus, quas inveftiunt, peculiâres denominationes fortiuntur, & fic, quæ cerebrum involvunt, dura & pia mater; quæ thoracem interiorem ambit, pleura; quæ eum diftinguit, mediaftinum; quæ abdominis interiora inveftit, peritonæum; quæ inteftina connectit, mefenterium; quæ offibus fuperinducitur, perioftium, & in fpecie fupra calvariam, pericranium, nominatur.

§. IX. His non adeò abfimilia funt ligamenta, ita dicta, quòd quandoque partes quasdam molliores aut aliis, aut inter fe, e.g. interi, hepatis, lingvæ &c. quandoque offa præfettim fibi invicem alligent. Et funt pariter expansiones fibrofe et flexiles, à duplicaturâ aut pluribus stratis membranarum oriundæ, iisque idcirco craffiores, imò interdum cartilaginibus firmitudine & robore propius accedunt.

§. X. Ex ejusdem generis partibus, fortè etiam cum antecedentibus, conftituuntur fibræ motrices, tendines, cartilagineæ & offa, & duntaxat texturæ diverfitate diftinguuntur, ut non tam fubftantia, quàm fubftantiæ modo differre videantur. Fibrâ enim motricem dicimus filamenta firma, flexibilia, tenacia, cylindracea, fortè etiam tubulofa, vel fingulatim fub certâ, fimplici aut diverfâ ferie, vel in plures fasciculos collecta: & quæ motûs instrumentum paffivum conftituunt. Hæc fi laxius cohæreant, ut fanguinem intra interftitia admittere valeant, & fub certo ordine membranâ quadam involvantur & diftingvantur, mufculi audiunt; fi eadem hinc arctius colligantur, & inter fe ligenitur, tendines; fi majorem firmitudinem acquirant, cartilagineæ; & arctiffimo demum nexu unitæ, & robuiffimæ texturæ, offa, appellantur. Si quidem mufculi in tendines, & hi in offa facelfunt, ut horum epiphyfes & prominentiæ non tam pro illis excipendis, quàm ex iisdem magis induratis formatæ videantur. Imo quæ in homine adulto offeam foliditatem poffident, in embryone primum tendineam molliem habent, hinc cartilagineæ, atqve tandem offeæ evadunt. Hinc quia fibræ in mufculis laxiores fanguinem intra fua interftitia recipiunt, illi rubent, ftrictior verò connexio in ligamentis, tendinibus, cartilaginibus & offibus eundem excludit, ea albicant:

omni-

omnino tamen exsangvia non eapropter dicenda, quia cum sanguine nutrimentum suum suscipiunt, in tenellis praesertim infantibus ossa fracta rubent, & in consolidatione quasi sanguinem plorant.

§. XI. Ex compositis nervi spiritus, arteriae sanguinem ad partes, venae a partibus, vasa lymphatica lympham, lactea chylum, canales alii debitos sibi liquores ducunt, glandulae secretioni congruorum sibi humorum inserviunt, cutis variorum stratorum & partium contextus est. Verum harum, ut & decompositarum structuram in functionibus, quas praestant, describendis praemitemus, quod in ea aetiologia fundetur.

§. XII. Omnes v. haec partes iustae gaudeant conformatione necesse est, siquidem ad oeconomiae animalis functiones exercendas aptae esse velint. Utinam tamen liceret eandem etiam secundum minimas circumstantias nosse, quod sic multi actionum mechanismi, qui nobis per conjecturam & ex parte tantum cogniti sunt, evidentius paterent. At quamvis hodierna anatomia, illos eruendo, in machinam intimius penetraret, multa tamen adhuc restant in Democriti puteo demersa. Sub conformatione autem iustae partium comprehendimus (1.) rationem magnitudinis, & quidem tum debitum earum numerum, ut nulla desit, nulla supersit, & exinde actiones turbari possint: hinc quantitatem, sive molem, ut nec ex maiore molestia, nec ex minore actionis debilitas aut insufficientia emergat: tandemque amplitudinem in cavitatibus, meatibus, vasis, atque canalibus aliis, item acetabulis ossium. Porro includit ea (2.) congruam figuram, quae vel externa dicitur, ut nimirum pro actionum edendarum diversitate modo rectae, modo curvae, modo depressae, modo convexae, inveniantur; vel interna, quam de superficie intelligunt, quia haec pro particularum constituentium figuris variat, ut sc. itidem vel laevis, vel aspera, plana, concava, aut convexa eadem existat. Requiritur (3.) ordinatus partium motus, ut neque vehementius, neque remissius, neque celerius, neque tardius, aut alio modo inconveniente agitentur; aut etiam earum, quae stabiles & firmae esse debent, composita ad invicem quies. Et denique (4.) congruus earum situs s. textura desideratur. Sub hac vel intelligimus iustum fibrarum, ex quibus eae construuntur, ordinem, figuram, firmitudinem, quod tonum, sive agendi habitudinem veteres vocant: vel connexionem partium inter se concinnam, quatenus non modo omnes partes debito quaeque sibi loco repositae esse,

sed etiam iustâ insertione aut aliâ commodâ communicatione gaudere debent, ut actiones omnes & congruè & harmonicè perfici valeant. Sic enim cordiarteriæ continuæ sunt, hæ cum venis per partes intermedias commercium habent, atque eadem cordi iterum ad circulationem absolvendam implantantur; ossa non modò per coalescentiam, aut articulationem inter se, sed etiam, ut trahi & trahere possint, cum aliis partibus, connectuntur. Imò tandem omnium partium debita & ordinata compages hominis corpori destinata hinc emergit.

§. XIII. Fluidæ in nostro corpore partes sunt, quæ particulis mobilibus, invicem non firmiter connexis, sed ad situm continuò mutandum aptis constant. Eæ verò duplices sunt, vel adventitiæ, ær nimirum, cujus energiam in nostro corpore singularem suo tempore experiemur; vel internæ, humores sc. & spiritus.

§. XIV. Humorū nomine denotamus omnia illa liqvida spissiora, aut tenuiora, quæ vel in toto corpore, vel in quibusdam ejus partibus inveniuntur; sive laudabilia, & ad integritatem aut individui, aut speciei facientia, sive excrementitia habeantur; nimirum sanguis, lympa sive serum, saliva, bilis, succus pancreaticus, lac atque semen: ad hæc enim genera reliquas adhuc species faciliè reducemus. Imò huc quoque pinguedinem referre nulli dubitamus, ita tamen, ut non tam glandulas ei intertextas, aut ductus adiposos, aut etiam sacculos membranaceos respiciamus, quàm ipsum illum cremorem, ab iisdem vel secretum, vel asservatum. Hæc enim, quamvis solidior videatur, ex partibus tamen oleosis & gelatinosis, ex fluidis elicitis, constat, imò non tantum extra corpus calore in liqvamen abire, sed in eo etiam colliquescere iterum quandoque solet. Mucum & cerumen idèò non adjecimus, quòd potius priorum quorundam præternaturales conditiones esse videantur. Ille enim non est nisi serum illud in glandulis narium pro salivâ constituendâ secretum, & hinc laudabile, sed condensatum, aut aliis minùs congruis qualitatibus imbutum. Hoc verò iterum vel designat quoque lympham in aure productam, & per aquæductus Fallopii ad os deportandam, in spissatam p. n. & glutinosiorem, atque in aure collectam, aut etiam per transpirationem ad aurem externam depositas & accumulatas impuritates.

§. XV.

§. XV. Singulorum humorum analyfin suis locis exhibebimus, fufficiat modò nunc in genere annotare eorum elementa itidem non physica, sed quæ in eorundem evolutione ulterius nos progredi non sinunt. In iisdem ergò deprehendimus aqueas particulas, quas omnium humorum nostrorum partem maximam constituere eorum examen ostendit. Ita tamen, ut eas etiam, quæ ex solidis eliciuntur, non tam iis proprias, quam humorum interfluentium reliquias pronuntiare liceat. Aërearum partem mediam & subtiliorem humoribus & sanguini inexistere, in phaenomenorum de respiratione explicatione docebimur. Sulphureas quasdam & oleosas pinguedo ex humoribus separata, & quibusdam partibus apposita demonstrat. Salinas gustus exhibet, atque chymica exploratio, ita tamè, ut eæ in statu naturali non sint alkalicae, quia cum acidis non effervescent, & illæ non nisi ignis violentioris producta sint, quod nullo modo in corpore animalis vivi concipere licet. Non sunt acidæ, quia nec syrupum violarum rubicundum reddunt, nec cum alkalicis configunt, & propter coagulandi potentiam corpori minus congrua existerent. Salsæ ergò potius, aut enixis æquiparandæ, atque sâli communi aut ammoniaco similes deprehenduntur. Terreas etiam in humoribus inveniri utinæ præsertim pervestigatio, atque hinc etiam sanguini inexistisse, declarat, quia illa ex hoc prolucitur. Et quamvis non negemus, fortè etiam recensitas particulas solidarum compositionem ingredi, præcipuè tamen in humoribus inveniuntur.

§. XVI. Humorum igitur itidem congrua proportio tam particularum constituentium inter se, quam in relatione ad solidarum structuram requiritur. Eapropter enim ratione magnitudinis nec plures, nec pauciores, imò etiam moleculas ipsas quantitate congruâ esse convenit. Etiam si verò adeò lynceis esse nobis non liceat, ut in singulis particularum figuram describere possimus, determinatam tamen & convenientem suæ functioni obtinere eas oportet, quòd ex figuræ diversitate non modò liquorum varietates, sed & diversæ agendi habitudines dependeant. Sic quoque motu neque nimio & rapidiore, neque iustò remissione aut tardiore agitentur. Consistentiam autem præsertim nec spissiore, nec subtiliorem habeant, sed suæ actioni congruam servant. Atque pro his etiam conditionibus variam suam ad solidas partes habitudinem exerunt.

§. XVII.

§. XVII. Spirituum nomine designamus corpuscula illa subtiliora, fluida & summè activa, quæ à cerebro præsertim, ex sanguine separata, per nervos ad omnes corporis partes derivantur, atque non modo motus & sensus primum instrumentum existunt, sed etiam, quibus mentis atque corporis commercium præ cæteris exercetur.

§. XVIII. Ultræque ergò, & solidæ, & fluidæ, partes, in corpore benè constituto, & ad vitalitatem apto mutuâ quoque habitudine gaudeant, i. e. illæ his justâ conformatione, hæ illis conveniente secundum enarratas circumstantias mixturæ proportionem respondeant. Nimirum, quemadmodum solidæ, pro transmittendis aut transcolandis certis fluidis, congruis meatibus & poris; pro asservandis & continendis, debitâ texturâ & crassitie; pro excipiendis justâ amplitudine; pro derivandis ad desideratum locum conveniente insertionem atque connexionem; pro determinandis ad certum finem congruis fibris, earum ordine, serie, firmitudine, implantatione, &c. instrui debent; ita vicissim fluidæ illis sufficienter adimplendis, justâ quantitate; pro aptitudine fibrarum ad motum & flexibilitate conservandâ, perpetuâ, sed moderatâ, irrigatione; pro impellendis & movendis, debito robore; pro transitu per eas commo-
modo, conveniente consistentiâ, &c. congruant, necesse est.



VITALITATE CORPORIS.

§. I.



AD corporis humani vitalitatem describendam primas tantum lineas haecenus duximus, curatius verò nunc cognoscenda est, quia principium actionum corporearum, & ætiologiam generalem complectitur. Vivum verò esse corpus ex motu cognoscimus. At nunc integra moles cum aliis, nunc partes inter se viciniam mutant, aut mutare possunt. Interdum motu locali hoc quiescente, alii nihilominus in nobis vel continuo, vel per vices instituuntur. Omnes verò hominem, aut brutum vivum, à statua, aut cadavere distinguunt. A proprio aut interno tamén motore proveniant, quia mortuum corpus à vi quovque externâ, aut fortassis etiam dæmonis, transferri aut regi potest, non tamen vivum est, imò aliàs à machina vitæ experite nihil distincti foret. Ex continuis autem motibus inprimis nominandi sunt respiratio & circulatio sanguinis, quia ex horum præsentia vitæ indicia sumimus. Et quamvis in syncope, & ecstatis interdum, superstitie vita, desiisse videantur, apparens tantum, non vera & plenaria abolitio est. Alios in nobis motus non tam fientes, sed ex effectu cognoscimus, e. g. secretiones, & excretiones varias, augmentationem, imminutionem &c. Imò omnes actiones corporeas motus species ostendere per facile foret, nisi limites nobis angustiores essent constituti.

§. II. Omnis verò motus, quod ex physicis cognoscitur, affectio aut modus tantum corporis, nimirum non nisi situs, viciniae, aut contiguitatis inter alia, aut cum aliis mutatio est. Atque proin, quando eum à nobis vel in nobis fieri descripsimus, actionem sanè non mentis, substantiæ illius immaterialis & intelligentis, sed materialis tantum notavimus. Ast quia nulla vis in corpore mobili, sed omnis ab alio impellente est, cum nullum corpus moveatur à se ipso, merito quærimus, quidnam motus illos corporeos in nobis præstet. Ita tamen, ut non specialia organa & agendi modos hic determinare sit

animus, quæ suo tempore sequuntur, sed ut de principio quoque illarum actionum generali quodammodo constet. Hoc alii in homine animam rationalem, alii sensitivam peculiarem, aut illius facultatem constituunt.

§. III. Animam rationalem motus in homine voluntarios, & quorum est conscia, instituere, non negatum est. Sermo proin nunc est de iis, ad quos vel nunquam, vel interdum tantum non attendit, nec dirigere, nec moderari, & coercere; nec in melius, nec in deterius mutare, nec accelerare, nec cohibere, nisi quandoque tantum, solet, sed qui nobis cum brutis, animâ rationali destitutis, communes sunt. Sic enim hæc ad chylicationem, sanguinis circulationem, juvando aut impediendo directè nihil confert. Sed eâ sive nolente, sive volente fiunt, & desinunt, rectè aut malè peraguntur, quod nimirum tantum ex mechanica necessitate organisationis & habitudine agentium instituantur. His equidem bene se habentibus uti potest mens nostra pro arbitrio, vitam tamen non impertit. Quippe hanc non in ejus potestate positam esse, clarè percipimus, quia pedi aut brachio, inflammatione aut arthritide obsessis, anima frustrâ imperat, aut vitam superesse desiderat, cum sphacelo corrumpuntur. Similiter, si respiratio ex organorum & atmosphæræ congruitate benè contingat, eam ad varios usus mens adhibere potest, non sine tædio verò ejus læsionibus impeditur. Ut proin ab anima ut tali, neque ab ejus facultate actiones recensitæ pendere possint.

§. IV. Quodsi ergo animæ rationali id præstare non conceditur, fortè peculiari cuidam animæ sensitivæ id licitum erit? Si per animam sensitivam forma substantialis intelligatur, animali existentiam tribuens & ejus actiones dirigens, meritò qualis illa sit, utrum immaterialis an materialis inquiritur. Aliam, quàm mentem nostram, substantiam immaterialem, in nobis concipere nemo ausus sit. Imò nec in brutis ejusmodi invenitur, quia non est naturæ intelligentis, &, ut cum *Sperlingio* loquar, *nec verum amat, nec liberè agit, necessitate quâdam ducitur, nec potest aliter*: Imò etiam materiâ destructâ interit. Observamus insectorum quorundam partes à se invicem divulsas, reliquorumque animalium, imò ipsius quoque hominis, moveri aliquo tempore & contrahi variè. Si ergo anima has movet, erit aut in partes divisa cum illis, ut movere singulas queat; aut si quasdam

tantum movet, sese ex illis retrahet, quæ non amplius moventur, & se recipiet in reliquas, ut eas agitare valeat. Sive divisibilis aut actu divisa est, sive se contrahit, utrinque materialitas ejus necessario elucescit.

§. V. Materialis ergo erit & corporea. Verum an peculiare quoddam agens hypostaticum per eam concipitur, quod corpori actuando, ejusque partibus disponendis, & agitandis, quasi ex arbitrio & præscientia præsit? an erit ipsa corporis nostri partiumque ejus certa quædam & determinata ratio.

§. VI. Prius qui affirmant, varii sunt, & non modò animam illam diversis nominibus insigniunt, sed diversimodè etiam concipiunt. *Helmontius* Archæum nominat, seminalibus partium ideis, aut agendi potentiis signatum. *Willisus* animam brutalem vocat, & ex particulis ejusdem materiæ, è quâ corpus organicum formatur, sed subtilissimis & magis activis, constare existimat. Et quia naturam ejus igneam concipit, vitam quoque in incendio ponit, quod flammæ instar omnia moveat & calefaciat. Parùm distat ab illo, quando *Gassendus* particularum activarum & subtilissimarum, sive atomorum congeriem corpori coëxtensam huic muneri præficit. Pariter quando *J. A. Borellus* spiritum quendam vitalem omnibus partibus affusum, & qui omnem ipsis vitam & activitatem concedat, vice animæ fungi sibi persvadet.

§. VII. Enimverò corpora tamen sunt, etiam subtiliora, quamvis exinde agilitatem, & vim ubique penetrandi majorem obtineant aliis, adeoque precariò satis in ipsis quoque principium motûs ponitur. At regebris: liberè agit hæc anima, quæ sanè adeò multos motus spontaneos producit. Fortè falleris ex præjudicio, aut inscius contradictionem incurris. Liberè agere pronuntiatur, sed à rationali tamen anima distincta creditur. Illud verò præscientiam, meditationem, rerum inter se collationem, electionem, judicium includit, quod idem est, ac ratiocinari. Quinimò amplior foret anima sensitiva, ipsâ rationali, prudentiâ & sapientiâ. A tot seculis chylicationis formalitas, motûs sanguinis omnes habitudines, secretionum differentiæ, ab ingeniosissimis etiam, aut planè non, aut per conjecturas tantum, cognoscuntur, id verò omne anima hæc sensitiva corporea adeò scienter, adeò commodè, adeò belle præstat, disponit, dirigit, & pro lubitu gubernat, adeò occultat, ut animæ rationali, sagaciori licet, & intima conjun-

ctione unita, ne quicquam de eo, aut per conjecturam tantum, innotescat. Imò quoniam plures sive atomi Gassendianæ, sive igniculi Willifiani, sive spiritus Borelliani, animam constituunt, vel omnes simul regnabunt, vel aliqui tantum, vel singuli proprio munere, aut æquali omnibus jure gaudebunt. Omnium simul in tot dissitas partes ablegatorum incongruum, si non impossibile, regimen foret; si quidam, unde alii præ aliis dominatum suscipiunt, & si secedant aut perdantur (perdi verò quotidie necesse est aliquos) an per electionem, an per successionem alii sufficiuntur. Si singulorum officium aliud est? quando omnium speranda est harmonia, quam tamen in tot actionibus subalternatis in corpore deprehendere cuius licet? Aut quid aliud erit, quam myriades animalium fingere, si omnes & singulos quævis agendi facultate liberâ instructos concipias. Denuò innuitur: sic corpora brutorum viventia machinas dici. Quid impedit? Potuisset potius Deum liberè agentia creare. Non repugno. Verum, quia Deus tales non condidit, nemini mortalium tales sibi fingere licet, sed cuius sapientissimi potius Creatoris tantum esse artificium, ut hæ machinæ motus spontaneis simillimos ederent, mirari & deprædicare convenit. Adeò mirandæ sunt, ut ingeniosissimo Dædalo non liceat vel minimæ muscæ exactè quandam similem struere aut adornare, vel etiam actionum ætiologias assequi. Quid? annon *Willisus* ipse tandem animam suam machinam appellat?

§. VIII. Posterius quid defendunt, animatum & vivum pro synonymis habent, adeoque & hominis corpus, & bruta, animata vocant. Etiam si enim nullum admittant ens peculiari vitæ directorio præditum, cui animæ titulum uni tribuere valerent, sufficit, si vitam corporis plurimorum & determinatè atque concinnè coagentium harmoniam esse declarent.

§. IX. Primum ergo ad vitalitatem exercendam corporis organici iusta aptitudo requiritur. Etenim ejusmodi congruitatem subiecti, in quo operetur, etiam animæ sensitivæ patroni desiderarunt. Atque ejus condiciones in præcedente Dissertatione explicuimus.

§. X. Compages illa organica & maximè concinna licet, se ipsam movere nequit, sed opus habet impellente, quod omnium rectissimè partibus fluidis tribuimus. Horum ergo impulsu deficiente iners eadem existit, & in cadaver transit. Etiam si sub variis agitationibus, flexuris, & modificationibus aliis, ab iis actuetur, iterum tamen

& vicissim in fluida agit, eadem variâ ratione commovendo, atque determinando. Simili ratione, quâ videmus in quibusdam machinis perpetuum quasi motum ita continuari, ut globus percurrens per planum declive in elaterem quidem ultimò incurrat, eumque impellat, ab hoc verò in priorem locum iterum rejiciatur. Et proin nulli partium soli, sed omnium actioni & reactioni mutua atque reciproca, dependenti licet, prout in machinis, in animalis quoque corpora omnes in vitalitate partes debebuntur.

§. XI. Solidis tamen partibus immediatè magis movendis inservit sanguis, quatenus præsertim duplici motu gaudet, altero locali, altero intestino. Ex his enim vitalitatem habet & præstat. Inde verò facilem videbimus rationem, cur animam animalis in sanguine ponant sacra Biblia: Etenim, quod propulsione primò sanguinis ad partes continuam attinet, ab eâ sanè illarum vitalitatem procedere, multa evincunt: 1.) quod durante illâ vita, calor & motus partium vigeant, impeditâ torpescant, frigeant, emoriantur, hinc est non modò, quod imperiti chirurgi in fracturis interdum strictiore nimis deligatione, ex affluxu sanguinis intercepto, sphacelum illis inducant; sed & quod arteria, e. g. aorta descendens animalis vivi ligata inferioribus partibus eandem ob rationem omnem motum adimat: 2) quod punctum illud falsiens primum vitalitatis in ovo incubato indicium, circulantis sanguinis primordium sit, successivè magis ampliorem ambitum acqvirens: 3.) quod ab hoc motu sanguinis succus nutritius ad omnes partes deferatur, cum nutritio præcipuus vitalitatis effectus sit.

§. XII. Intestinam quoque particularum sanguinis agitationem dari; multa confirmant, quatenus (1.) vix fluidum aliquod corpus de loco in locum propelli possit, quin necessarium sit concipere, ejus partes singulas quasi inter se agitari, cum (2.) particularum sphaëricarum, quæ in sanguine inveniuntur, aptitudo, & (3.) reliquorum eidem simul inexistentium diversitas assertum probabilius reddat; præsertim, cum (4.) adeò differentes liqvores exin fecernantur, atque (5.) ex urinæ illâ intestinâ agitatione heterogeneousitatum secretiones, sive coctiones proveniant, illa verò à sanguine secreta ejus conditiones sequatur.

§. XIII. Sed unde hi sanguinis motus? circularis sane immediatè magis à cordis pulsu, coagentibus tamen & auxiliantibus vasis peragitur, illo enim inhibito sanguinem restagnare in propatulo est. Intestinus, spræterquam quòd ab illo aliquatenus etiam pendeat, externi

præsertim motoris moderamini subicitur. Aer hic est, quem ceptos motus in embryone, postquam in lucem editus est, continuare oportet, secus restagnaturos. Hic enim eidem ad vitam continuandam necessarius est, ita, ut eodem infantes, jam in cymba Charontis constituti, sæpè iterum in vitam revocentur, post verò eo intercepto, etiam sanguinis motus inhibeat & vita desinat. Mobilitatem tamen ipsi non omnimode concedit, sed, quam ex utero matris vigentem adhuc affert, conservat. Confirmat idem Hookianum experimentum, quod in cane recenter mortuo, aut moribundo adornare necesse est, si aëre per asperam arteriam folle inflato cordis motum diutius servare velis, quod sanguine jam grumefacto non succedit. Interim crassamenta illa atmosphæræ, utpote nimis elastica, sanguini sine vitæ periculo integrè equidem commisceri nequeunt, quod flatum sanguini inspiratum mortem inducere quotidianæ hodiè experientiæ sit. Subtilior tamen ejus portio, globulosa nimirum & ætherea, sanguinis partibus actuandis & commovendis inservit, quæ antea particulis terrestribus, & irregularibus licet, agitandis commoda erat. Hinc etiam est, quod omne animalium genus, pisces etiam, peculiarem sibi aëris conditionem desiderent; & nostri sanguinis quoque motus atmosphæræ conditioni & vicissitudinibus sit obnoxius. Quatenus ea agilibus partibus destituta illum torpidiorem reddit; abundans nimis exagitat, & multis incommodis occasionem suggerit. Prout verò aer particulas aëris movet, ipsæ tamen non adeò expedite obsequuntur, quin aliquali renitentia eidem novam, & à suâ texturâ venientem, determinationem imprimant; atque sic aer sanguini, sanguis aëri ad vitalitatem modificando congruus esse debeat.

§. XIV. Verum enim verò, annon potius calor est, qui motum hunc producit, quoniam constat, veteres calidum aliquod innatum, *Cartesium* calorem cordibus inexistentem, *Willisium* ignis vitalis incendium, potius pro causa asseruisse. Ut verò huic sententiæ subscribam, multa impediunt: (1.) quod in piscibus, sine calore sanguinis tamen, motus fiat; (2.) quod à flatu, frigido licet, venæ cavæ aut etiam ductui thoracico, in animali non adeò dudum mortuo, immisso, cordis motus restauretur; (3.) quod calor potius motus & vitalitatis effectus sit, quatenus sanguis durante motu calet, desinente frigescit; atque sic (4.) flamma quoque vitalis multis adhuc ambiguitatibus involvatur; calidum verò innatum esse non possit, quod calor in partibus omnis ab influentium habitudine pendeat, atque cum prio-

re

re dudum à sanguinis impetu extinctum fuerit; pari modo, quo humidum radicale ab eodem sanguinis fluxu & refluxu elui cernitur.

§. XV. Uterque ergò ille motus sanguinis, & reciproca utriusque, & cum aëre ambiente relatio, vitalitatis magnam partem constituit. Ea verò adeò singularis est, ut sive cum fermentatione, sive cum ebullitione, sive alià quavis actione in rerum natura comparetur, & in uno alterove tertio conveniat, in multis tamen disparitatem insignem attentius observanti annotare licebit. Circularis enim intestinum variat, hic illum, prout ab atmosphæra modò plus rarefit, modò condensatur, nunc accelerat, nunc inhibet, omnium verò, durante vita, mutuum quasi temperamentum est. Interea tamen à locali præsertim, ejusque impulsu, partium solidarum & organorum actuatio pendet, quatenus experimento Bohmiano, cum supra allegatis, docemur, aquam frigidam, syringâ in canis recenter mortui arterias injectam, vibratione hæc partes, furculos exinde suscipientes, movere iterum, & exagitare. Calor verò intestini effectus præsertim est, quatenus hujus formalitatem in singularum particularum, corporis imprimis fluidi, peculiari, at plus minus intensiore agitatione hodierni Physici constituunt.

§. XVI. Temperamentum quoque corporis humani male à mixtione elementorum & primarum qualitarum derivatur, quod etiam illa aliquatenus adhuc in cadavere maneat, & præter plures alias difficultates, corporis vitalis temperiem hæc non exhauriant, quod sexcenta adhuc alia, Hippocrate innuente, in eo reperiantur, quæ ejus crasin variant. Quamobrem etiam in nostro corpore nullum erit temperamentum aliud, sive ad pondus, sive ad justitiam definias, quam ut insitum solidarum partium justam & congruam conformationem, fluidarumque proportionatam cujuslibet individui naturæ mixturam: insitum verò utrarumque mutuam habitudinem pronuncies. Sensu verò & præjudicio veterum partibus solidis propriam & pluribus diversam temperiem non assignare licet amplius, quod ex se calorem nullum aut frigus, sed pro influentis tantum conditione obtineant. Disparem enim crasin, caloris nimium plus hepatis & cordi, minus ventriculo aut cerebro tribuere, renues, quia idem in omnibus influxus gradus est, præsertim, cum thermometra, diversis animalis viventis partibus applicata, æqualem in omnibus caloris gradum ostendant.

§. XVII. Sed an nullæ partes spiritibus reliquæ manent, quæ tamen inter motores aliquoties referuntur. Hactenus locuti sumus de motibus humorum & in vita continuis, in iis verò movendis spiritus non immediate concurrunt, sed tantummodò agendo in organa. Quippe fluidum à fluido impelli immediate commode nequit, nisi termino quodam alieno coercetur. Movent igitur spiritus cor, cor pellit sanguinem. Jam verò etiam hujus motus effectus solis spiritibus attribui non debet, quatenus appulsus potius motus illos inducere, experimentis, pulsus cordis redintegrantibus, sine spiritibus præsentia edocti sumus. At ad motus spontaneos & locales corporis totius atque partium magis evidenter concurrunt. Etenim, quamvis sine sanguinis appulsu habitudinem partium movendarum concipere non liceat motus tamen ab illo solo non fiunt, sed ut insitui possint, novâ spirituum accessione opus est.

§. XIX.

§. XIIX. Anne verò corporis animalis vita tantum in motu ponitur? Sicne eodem jure quavis automata, molæ etiam, aqua aut aëre, aut quocunque demum motu, vivere dicenda sunt, nam moventur. Non adeo crasse philosophandum est. Disparitatem enim inter machinas artificiales & naturales, viventes, & nonnisi ab uno fortè motore, sed longè diverso, impulsas, ex antecedentibus facile ingenio pollenti distingvere licebit. Sensatio tamen desideratur. Non sane. Perfectior sensatio, quæ hominis rationalis est, alio & debito magis loco explicabitur. Altera est, quando objecta organa sensoria, hæc spiritus, hi impressionem per nervos concinuant cerebrum, sive sensorium commune, modificate exagitant, unde hoc iterum spiritus ad novos motus illis respondentes edendos denud determinat. Itaque hæc sensatio motus quædam est species, sed singularis, ut non mirari opus sit, cur nullæ aliæ machinæ similes inveniuntur. Artificem intueamur Deum, quem tales machinas condere non potuisse, blasphemum est cogitare, quippe in contemplatione operum Dei infinitorum argumentum à nostra ignorantia maxime imbecille, imò nullum est.

§. XIX. Proinde vita corporis multifarius quidem, ordinatus tamen, totius, partiumque motus est, qui ex mutuâ organorum ritè conformatorum, & agentium habitudine dependet. Quapropter etiam vana esset, si non impia, quaestio; an corpus humanum sine animâ rationali vivere possit? Deo enim aliter placuit, nimirum ut corpus, quamvis in aliquibus independentè ab anima, nunquam tamen sine illâ vivat. Quemadmodum etiam hæc machina corporis vitam suam, pro memoratarum circumstantiarum habitudine continuat, & sic nexu animæ & corporis in homine perdurat, ita dissolvitur idem, non ex vitio illius, quæ immaterialis & physice corruptionis experta est, imò etiam vivere non definit: sed hujus culpa, utpote in quo organa à vi, vel externâ vel internâ, destructa, aut motores, tam externi, quam interni, male se habentes, congruos motus amplius edere nequeunt. Etiam si enim anima vitam velit diutius continuare, ex organi tamen vitio, corde transosso, circulatione impedita, spiritu intercepto &c. necessariò tamen homini moriendum est. Vita verò primum principium in foetus œconomia tradetur.

§. XX. Itaque, quoniam non per animam quandam peculiarem sensitivam, neque per rationalem, actiones in homine corporeæ instituuntur, quis non videt, & facultatum nomina exspirare, quæ vanum quondam ignorantie asylum erant, & pro lubitu fugebantur, rectius verò ex organisatione & habitudine agentium desumuntur. Omnes equidem eunt in circulum, & una alteri subsidiarias copias mittit, ut singulæ vix considerari sine reliquis possint. Placuit tamen à Chylificatione, naturâ viam monstrante, ad sanguificationem, & hinc ad pneumatosisin progredi, atque sic interim in prioribus ex posterioribus quædam supponere, postea demonstranda.



ASSVMPTIONE CIBI.

§. I.



Ad actiones corporeas specialius descensuris, placuit primò contemplari *χόλωσιν*. Ea diversas alias sub se complectitur, prima est, alimentorum assumptio, secunda, assumptorum in ventriculo solutio, tertia, solutionis in intestinis continuatio, & chyli à fœcibus secretio, atque quarta, secreti chyli ad M. S. transitus.

§. II. Prima nunc tantum investigabitur, nempe alimentorum assumptio. Quatenus verò alimentorum nomine nobis insignitur omne illud, sive solidioris substantiæ, sive liquidæ, quod pro alendo nostro corpore iudicamus congruum, ita assumptio hæc plures iterum actiones comprehendit. Prima est eorum in os ingestio, secunda ingestorum præparatio, tertia præparatorum deglutitio.

§. III. Osque, ut admodum in internum & externum dividitur, ita hoc assumptioni, illud præparationi litatur. Est enim hoc, quod labia atque buccæ definiunt. Iis verò bruta non modò omnia sua alimenta arripiunt, sed quamvis homo, ministerio manuum, sive immediato, sive mediato magis, & per convenientia instrumenta, ob decorem, quoque utatur, ope tamen labiorum quædam decerpta ori immittuntur, semper verò eorum commissura, ne iterum elabantur, retineri solent, quòd labiis divulsis, aut ob tumescentiam moveri non aptis, omnia ori ingesta facile iterum effluant.

§. IV. Labiorum nomine describimus hiatum illum transversalem, in vultu intra genas medium, duplici præsertim limbo, superiore & inferiore, eoque mobili, constan-

stantem. Substantia illorum musculofo-fungoso-glandulosa est, quæ exterius cute, in extremitatibus rubentibus tunicâ interiore oris obtegitur. Motum præsertim ope musculorum, & fibrarum motricium præstant, quæ in extremitatibus quasi omnes in unam congeriem terminantur, difficulter extricabilem. Illos verò commodissimè omnium in communes & proprios distingvere licet. Communes dicuntur illa membraneo-carnosa musculi quadrati substantia, quæ ut faciei partibus inferioribus & lateralibus, ita etiam labiis prospicit: hinc buccinator, quem *Bidlous* duplicem, propter diversam membranam & fibras, modò circulares, ab inferioribus ad superiores gingivas, & contra, abeuntes, modo rectas, à naso ad superiorem & inferiorem maxillam, imò & labia, diductas, asserit. Ex propriis alii labio alterutri, alii utriqve prospiciunt. Superiori quidem inservit teres & exilis, qui per pinguedinem recta inferitur, & secundum *Bidloum* quoque aliquas fibras inferiori concedit. Porro ad idem superius labium recto cursu ab oculorum orbitâ & naso alter ducitur. Inferiori dicatus est, quem *Bidlous* mentalem vocat, quòd à mento oriundus recta sursum ad labium feratur. Utrique labiorum prospiciunt Zygomaticus, tertius, hinc quartus laudato auctori vocatus, & sphincter. Quibus omnibus labia variâ ratione flectere, aperire, claudere, & ad vocis quoque modulationem agitare valemus.

§. V. Assumtorum alimentorum præparationi os internum, sive cavitas, labiis, dentibus, palato & faucibus circumscripta, inservit. Atque ea iterum duo involvit, nimirum masticationem, & salivæ permixtionem.

§. VI. Masticatio dicitur illa actio, quâ alimenta solidiora, mutuâ maxillarum collisione, dentibus substrata, comminuuntur. Maxillas dicimus structuram illam osseam, cui dentes per gomphosin uniuntur. Superiorem quidem totam illam diversorum ossium, per futuram, & harmoniam connexorum compagem, quæ fixa est, & dentes

dentes inferiori limbo infixos alvearibus foveat. Inferiorem verò mobilem, duorum ossium per synchondrosin unitorum, in adultis ferè coalitorum, ambitum, & ossi temporum per *αρθρῶδες* sociatum. Motum huic præstare solet musculus temporalis, quòd eo contuso aut læso masticatio notabiliter inhibeat, & qui tendinem suum processui maxillæ acuto inserit, eumque sursum trahendo os claudit. Hinc quoque dygastricus, qui à processu mammiformi prodiens, primâ suâ carnositate angulum maxillæ inferioris adit, hinc tendinosus iterum redditur, & sic, alterum quasi ventrem assumens, menti medio usque adducitur, & maxillam deprimendo, aperturæ oris inservit. His opem suam jungit masseter, à mandendo nomen suscipiens, qui variis suis fibris & insertionibus compositum velut musculus constituit, & horum ac illorum trahendæ mandibulæ inservit. Quibus auxiliatrices manus porrigit alaris externus, sive Fallopii, cum interno congruis maxillæ agitationibus dicatus.

§. VII. Dentes verò officula parva nominamus, maxillis contenta, albida, dura, simplici aut pluribus radicibus instructa, atque contritioni ciborum destinata. Ossa enim revera esse, eorum cum aliis structura à *Leewenhæckio* (in Transf. Angl.) atque *Bidloo* (tab. 92. f. 7.) descripta evincit, quamvis ratione regenerationis, quando primo annorum septenario quidam excidunt, & quòd in summitate perioestio non investiantur, quamvis eodem locellis inclusi cingantur, ita ratione duritie, aliquid peculiare foveant. Omnes equidem à nativitate, quod *Kerckringius* docet, infantibus adsunt, initio quidem mucosi magis, & ultimis mensibus ossescentes, rarò tamen in embryone, aut recenter edito, extra præsepia sua eminentes, in iisdem conditi sunt, atque post demum eisdem in lucem editis, & interdum satis tardè, atque gravissimis cum symptomatis prorumpunt. Etenim extremitatibus quoque suis, quæ pro ætatis conditione molliores sunt, *Bidloo* testimonio,

nervulos à quinti paris nervi propagine quâdam insigni fuscipiunt, quibus præsertim, & membranæ investienti, atque interiori substantiæ cum iisdem communicantibus, summa ipsorum sensibilitas in acceptum referri debet, cum ipsa eminentia ossea ejusdem expers sit. Quinimò gingivis quoque per *συσσώδεντον* firmiter cohærent, iisque optimè firmantur. Et licet numero in subjectis omnibus non respondeant, species tamen eorum omnibus conceduntur, nisi quòd dentes ultimi utrinque, sapientiæ vocati, multis desiderentur, aut tardissimè erumpant; quatenus primi, plani & acuminati, incisores incidendis; hinc acuti magis, canini frangendis durioribus; tandem molares, planiore capite, sed variis eminentiis dicato, instructi, atterendis magis destinati videntur.

§. IIX. His præsertim, ope motu maxillæ inferioris invicem commissis, masticatio, atterendis, collidendis & comminuendis alimentis occupata, peragitur, ita tamen, ut non modò labia bolos iisdem committant, sed etiam lingua huic muneri præesse videatur. Ut enim mittamus ejus stratum extimum, in gustus organo declarando evolvendum, hinc saltem notasse sufficiat, eam interius ex fibris diversi ordinis contexti, quarum aliæ secundum longitudinem excurrant, aliæ ad latera, nunc ascendendo, nunc descendendo, aliæ transversim magis ferantur, & sibi adeò implicentur, ut evolvi vix invicem valeant. His adjungendi musculi, partim ossi hyoideo, cui lingvæ basis insistit, partim immediatè lingvæ implantati, eamque pro diversa sua habitudine & insertionem diversimode moventes. Volubilitatis enim hujus ope non solum ad vocis usum, sed etiam ad masticationem, dicta ratione, juvandam, imò etiam deglutitionem egregiè confert.

§. IX. Tota vero masticationis ratio in eo consistit, ut alimenta magis attrita & divisa plus acquirant superficiei, adeoque activitati solventis in ventriculo melius pateant. Simili modo in pharmaceuticis videmus concreta

extra-

extrahenda pulverisatione, limatura, & similibus enchiresibus magis accommodari. • Qvippe etiam sine ea deglutitio non modo difficilior evadit, sed & digestio in ventriculo minus commode peragitur.

§. X. Quemadmodum autem in chymicis fieri solet, ut quoque ad meliorem extractionem concreta aliquandiu in menstruo macerentur; ita etiam alteram preparationis partem salivæ permixtio explet. Siquidem nunc supponimus humorem illum serosum, continuo ad os derivari solitum, qui saliva dicitur, non esse excrementitium, quatenus de ejus proventu natura adeò sollicita est, atque eum ex tot fontibus, partim in ore, partim extra os constitutis, aut immediate, aut mediate per canales eò excurrentes deducat, ut proin custodiri potius & deglutiri, quam exspui debeat. Quoniam præsertim constat bruta, demisso licet capite incedant, nunquam, homines verò non in infantia, nisi in ptyalismo à denutitione, rejicere, sed quasi natura stimulante servare. Nunc equidem secretionem illius alii occasione reservamus, cum hic sufficiat annotasse, hanc salivæ cum alimentis miscellam duo præsertim involvere, nimirum quod per eam digestionis initium fiat, quia quotidianæ observationis est, alimenta à masticatione, & imprimis à salivæ permixtione, mox saporis & odoris pristini immutationem experiri; nucleos & semina ore detenta ad germinationem frustranea reddi; atque etiam sola masticatione Brasilienses, aliosque populos, legumina certa ad fermentationem disponere, quæ potum sibi convenientem parare queant. Alterum est, quod sapidæ partes, quas præcipuè salinæ, sub certa agitationis modificatione linguam ferientes constituunt, salivæ particulis aqueis dilutæ evolvantur, quas aliis intertextas, aut plane non, aut non ita commode percipere licet. Quid enim facilius à quopiam intelligi potest, quam res insigniter sapidæ interdum plane tanquam insipidas cognosci, etiam si ore teneantur, modo non masti-

centur, masticatione autem demum, & melius innotescere. Addo his imbutos saliva bolos lubricos magis reddi, adeoque facilius deglutiri.

§. XI. Præparata hæc ratione alimenta ad ventriculum demitti debent, quod deglutire communiter appellatur. Non verò existimandum est, sponte quasi, aut propria gravitate, bolos per patulum canalem descendere, sed diversarum partium actionem esse, partim ipsa experientia, partim sequentia partium moventium munera testantur. Inter eas verò quæ ipsi famulantur, merito primo loco iterum recensemus linguam, quæ volutione sua, uti masticationi inserviebat, ita masticata epiglottide asperam arteriam claudente, ad fauces detrudit. Etenim hujus motu, in infantibus per ranulam, aut frænuli ejus ad apicem nimia protensione, impedito, nec liquida commode deglutiri possunt, quæ difficultas quoque ex salivatione mercuriali linguam tumentem habentibus accidere solet.

§. XII. Excipit ergo pharynx, ex tribus musculorum paribus, & sphinctere compositus, ubi illorum est bolos suscipere, & contractione sua ad sphincterem, hujus sua coarctatione ulterius promovere. Hinc gulæ committuntur, quam œsophagum quoque indignant. In hujus consideratione præsertim ad duo respicere actionis hujus mechanismus jubet.

§. XIII. Alterum est tunica musculosa, & glandulæ interioribus lateribus assistentes, sive potius tunicæ nervæ, rectius tendinæ, intertextæ. Quoad tunicam musculosam non subscribere licet *Vesalio*, qui transversas; non *Scenonio*, qui spirales; non *Willisio*, qui duplex stratum obliquorum sese mutuo decussantium, recenset, imò delineatum exhibet. Verum ejusmodi structura in brutis pro no corpore incedentibus, ut plurimum, præsertim in canibus, observatur, quatenus horizontaliter locato œsophago, aut etiam capite in terram defixa, nihilominus deglutire possunt, atque assumpta per gulæ tractum devolvere.

At

Ast in homine erecto, & non commode supino corpore deglutiente, alius fibrarum ordo, nimirum exterius longitudinalium, interius transversalium invenitur, quales cum *Fallopio & Aqvapendente* Cl. *Bohnius* asserit, & à nobis quoque in nupera anatomie publica eruere licuit. Glandulas in interiore tunica plurimas reperiri, & quorundam anatomicorum testimonio comprobatur, & ratio persuadet, quatenus ea semper irrigatur & absterfalicet sæpius, nihilominus per novam compressionem nova iterum humiditate imbuatur: imò mucus etiam, qui interdum manifeste exinde ascendere observatur, humiditatem illam confirmat.

§. XIV. Alrerum ad actionem deglutitionis perfecte cognoscendam est gulæ cum aliis partibus connexio. Initio ergò suo faucibus cohæret, ut suscipere alimenta possit. Progreditur hinc asperæ arteriæ, illic loci ubi circuli cartilaginei desinunt, socia, ad tractum vertebrarum per cavum thoracis ad diaphragma. Hoc non in parte tendinea, quæ communis est opinio, sed, quod *Blancardus* annotavit, & nupera sectio cadaveris foeminei confirmavit, in musculo inferiore, ejus fibris numerosissime stipata, personat. Tandem non tam in ventriculi orificium sinistrum desinit, quam in ampliorem cavitatem expanditur. Reverà enim continuum esse cum ventriculo corpus, & tunicarum numerus, & fortassis etiam fibrarum series, saltem quod ad figuram ventriculi aliam, magis eadem accommodari videantur, autopsia demonstrat.

§. XV. Quoniam exinde fibris motricibus eadem partes recensitæ gaudent, & quædā, præsertim pharynx, totæ musculosæ sunt, protrudendis utique alimentis vacant. Etenim prout glandularum est irrigando oesophagum ad faciliorem descensum lubricare, ita boli à lingua ad pharyngem protrusi, ejus musculorum ope per sphincterem adiunguntur; hic dilatatione stimulatus, contractione ad inferiora urget, & sic porro gula, transversalibus fibris angustatur,

tur, & boli ulterius volvendi, ne ad superiora regurgitent, longitudinalium actione à supernis partibus ad inferiores continuata, deorsum diriguntur, & ventriculo impelluntur.

§. XVI. Quamvis enim alii fingant, sponte quasi, & solo gravitatis pondere, alimenta ventriculum, per canalem sæpius nominatum, illabi. Plurima tamen sunt, quæ id dubium reddunt, nam 1.) gula non aperta est, sed ejus latera semper quasi collapsa inveniuntur, ut alimenta, nisi vi propulsa, eandem aperire nequeant: 2.) etiamsi interdum, & in statu naturali liqvida facilius descendant, dantur tamen casus, ubi solidiora facilius, liqvores non nisi cum maxima difficultate, & suffocationis periculo, assumi possint. Nimirum quando pharynx resolutionem, inflammationem, tumoremve alium serosum patitur, nisi per vim externam, ejus ambitum assumpta superare nequeunt, quia lingvæ adjumento promota solida facilius penetrare possunt, dum fluidis id præstare non conceditur, quod diffuant potius, adeoque ad nares regurgitando suffocationis periculum augeant: 3.) quod pharynge licet superato, reliquis verò gulæ partibus paralyti affectis, adeoque passive se omnino habentibus, nihilominus descensus impediatur, quemadmodum non modo in moribundis quælibet effluere potius, quam descendere observamus, & exemplum à *Willisio* (pharm. rat.) suggestum præ aliis confirmat, ubi propter orificium non tantum ventriculi sinistrum, sed totum oesophagi tractum paralyti laborantem, ne fame periret, opus habuit æger, machinula quadam deficientem fibrarum motricium impetum restaurare, & alimenta, secus restagnatura, ad ventriculi cavum usque protrudere.



CHYLOSEOS INSTRUMENTIS.

§. I.

Preparata in ore alimenta per deglutitionem ad ventriculum detruduntur, i. e. thoracis cavo superato ex canale angusto in ampliorem quasi utrem volvuntur. Quod hic iisdem accidit, in specie magis chylicatio dicitur, quia præsertim ejus productum chylus est, ulterius tantum in reliquo cursu depurandus & exaltandus. Ut vero id felicius à nobis perficiatur, nunc instrumenta tantum, quæ ad actionem illam requiruntur, & quæ eorum sit habitudo, scrutari convenit. Etenim facultatis concoctricis auctoritate elusâ, & destructio animæ cujusdam peculiaris sensitivæ dominio, aliunde ætiologia ejusdem depromitur. Plura verò ad chylosin hanc operas suas contribuant, ut uni cuidam & soli causæ efficientis rationem adscribere non liceat. Eorum verò quædam immediatè, quædam mediâtè magis ad actionem hanc concurrunt.

§. II. Immediata instrumenta vocamus, quæ præsertim eum in usum condita sunt, atque etiam massam alimentarem accedunt. Et inter hæc primò nominari meretur ventriculus, cujus structuram & usum investigare præ aliis convenit. Incipit ille mox ubi canalis, œsophagus hætenus dictus, diaphragma perforat, & magis dilatatus, ventriculus appellari mavult. Hinc enim in amplam magis globositatem extensus, à sinistro latere dextrorsum flectitur, & successivè angustatur, atque hinc iterum ascendendo in canalem denudò arctiorem transit, quem intestina vocant. Introitus ergo orificium sinistrum respectu alterius vocatur, quamvis in medio fermè ventriculi situm conspiciatur; exitus dextrum, & pylorus nominatur. Illud quoque superius, hoc inferius, sed minùs congruè dicunt, quòd hoc, ad chyli regurgitationem impediendam, ad æqualem fermè illi altitudinem elevetur. Quem in finem etiam valvuloso exitu gaudet hoc, quo transitus, non reductus, conceditur; illud verò fibris plurimis stipatur, ut coarctatum ascensum vaporum

E ad os

ad os è ventriculo impediat. Fundus illic loci, ubi vertebris dor-
si incumbit, & vena cava cum arteriâ aortâ situm habet, aliquam
patitur incurvationem, ut duos veluti gibbos formet. Immediatè
ergò substernitur diaphragmati, à dextro latere hepatis cavâ parte
excipitur, & aliquatenus tegitur, à sinistro lienem obtinet, à tergo
pancreas constituitur, fundo colon substernitur, & epiploon anne-
xum super intestina panditur.

§. III. Substantiam quod attinet, ex diversis quasi lamellis,
quas tunicas vocant, componitur. Extima, communis dicta, peri-
tonæi propago, merè membranæ est. Hanc carnea sive fibrosa ex-
cipit, diversâ sanè fibrarum serie gaudens, ut in earum numero de-
scribendo anatomicorum insignis dissensus observetur. Ipsa verò
ratio & experientia suadet, ut duplices eas tantùm, longitudinales
alias, alias circulares appellemus. At verò, quoniam illæ non re-
ctas lineas formant, quæmodò in gulâ, sed ad figuram ventriculi
se accommodant, hinc dum ab uno ad alterum orificium feruntur,
modò ascendere, modò descendere, modò incurvari eas, necesse est,
& sic modò rectæ, modò transversæ eadem dicendæ veniunt, non
tamen peculiare stratum constituunt. Idem de circularibus
dicendum, eas nimirum pariter propter irregularem ventriculi
tractum nunc rectæ à summitate ad fundum, nunc obliquè magis
flecti, atque sic diversam faciem induere. Imò quoniam in utris-
que id simul avtopsia patet, non esse unam quandam fibram, quæ
vel per longitudinem, vel per latitudinem ducatur, sed ex pluri-
bus ita coagmentari, ut, antequam una plenariè obliteretur, altera
jam inceperit, nostri asserti firmitas eò evidentius apparebit.

§. IV. Nervea hinc, aut non adeò incongruè tendinea po-
tius dicenda, sequitur. Singularia bina hæc obtinet; alterum est,
quòd longior sit recensitis, adeòque, ut illarum figuræ & expansio-
ni respondeat, in varias plicas & inæqualitates componatur, quarum
extima circa pylorum reliquis major valvulam illam supra memo-
ratam format; alterum verò, quòd vasa sangvineæ per hanc præ-
sertim disseminata videantur. Huic vel intertextuntur, quod *We-*
pferus docuit, vel ex *Bidloi* sententia, tanquam peculiaris tunica se-
parari possunt, glandulæ, quas peculiaribus ductibus excretoriis, ad
cavum ventriculi desinentibus, instructas in suis *Brunneris*, in

calore,

castore, imò etiam in homine *Wepferus*, unà cum *Pecblino*, annotârunt. Utrum verò hæ à villosâ interiore omninò distinctæ sint, an verò ex earum variâ texturâ, & vaforum excretoriorum, & membranarum eas colligantium compage constructa sit illa, suspicor sanè, est tamen hæc, quæ non modò à *Willisio*, sed aliis quoque anatomicis, nec sine ratione, glandulosa nuncupatur: falsò verò mera mucilago excrementitia veteribus habebatur.

§. V. Vasa varia, nervos quidem ab octavo pari insignes, plexibus præsertim circa orificium sinistrum conspicuis notabiles; arterias quinque, duas ex epatico, tres ex splenico arteriæ celiacæ ramo; venas itidem totidem ad venam portæ immediatè, aut mediante ramo splenico terminantes, & variis, vel à partibus, quibuscum communicant, vel à quibus prodeunt, vel à tractûs longitudine, denominationibus insignitas, imò tandem & lymphatica obtinere, anatomicorum omnium consensus est.

§. VI. Quidnam hoc viscus ad chylicationem conferat, nunc dispiciendum est. Est verò illud in quo, & simul per quod eadem instituitur. Revera enim in ventriculo chylicatio peragitur, quamvis nunquam chylus in eo purus inveniatur, aut ab eo prodeat. Si quidem ejus actione læsâ, intestina eam non perficiunt: atque cum aliud sit præparare, aliud secernere, non huic, sed illi dicatus est intrinsecus ventriculus, & purus non nisi secretus, in venis nimirum lacteis, apparebit. Quod modum verò concernit, non negamus, ventriculum lebetis aut ollæ vicem gerere, quatenus simili modo ac ille res digerendas aut coquendas, & in chylum vertendas in se continet. At merè passivè se non habet, quin amplior ejus simul usus, & potior efficacia est. Sanè, ut taceam nunc, inferius memorandum, liquidum, quod ipse ex tot fontibus ad solutionem ciborum concedit. Sufficiat nunc intelligere effectus à fibris ejus motricibus provenientes, utpote sine quibus omnia reliqua frustra chylicationem præstarent, ut in atoniâ ventriculi cognoscimus. Iisdem enim contractis, dum angustatur & abbreviatur, duo proveniunt; alterum est, ut contenta ejus ulterius, & quidem naturaliter versus intestina promoveantur, & per pylorum, eminentiorem licet, extrudantur, de quo in dissertatione VII. nobis agendum erit; alterum

est, quòd alimenta per hunc motum magis subigantur, dividantur & attenuentur, atque à solvente felicius superari possint, eo modo, quo videmus solutiones salium ab externâ agitatione nimium juvari & facilitari. Motum verò hunc, quamvis necessarium summè & utilem, non tamen unicum, qui chylicationem absolvat, cum *Leeuwenbaeckio* asserere possum. Quippe utut contractoriâ hâc actione deficiente chylosis impediatur, eâ tamen integrâ ex solventis quoque vel defectu, vel pravitate, interdum apesia aut dyspepsia provenit, atque sic illius quoque necessitatem arguit. Accedit *Drelincurtii* observatio in cane, in quo pane triticeo optimè pasto nullus chylus repertus est, motu licet ventriculi integro, copiâ verò alimenti solventis energiam eludente.

§. VII. *Secundum* instrumentorum immediatorum constitui-
mus menstruum ventriculi, ciborum solutioni destinatum. Eo nomine designamus serum illud, in ventriculo congestum, quod in animali vivo limpidum satis invenitur, & interdum tale quoque vomitu à jejunis rejicitur, quamvis in mortuis concretum magis, viscidumque invenitur. Constituitur hoc in ventriculo, partim ex salivâ, quæ tùm deglutitur, etiam non attendentibus nobis, quamvis aliqua portio rejiciatur exspuitione, tùm sponte, præsertim dormientibus nobis ex ore descendit; partim ex sero, à glandulis œsophagæ continuò destillante, & ad stomachum deciduo; partim verò ex glandulis ipsius ventriculi ad ejus cavum deposito.

§. VIII. Ut huic ergò genuini solventis partes demandemus, multa nos movent argumenta. Primum est, quòd in sufficiente quantitate adsit. At regeris, hoc esse, quòd contra munus ejusdem maximopere excipi possit. Si enim aspiciamus alimenta quæ à nobis quotidiè non in exiguâ dosi capiuntur; & comparatio instituat eorum cum hoc ventriculi sero, hoc minimè sufficiens videtur, quòd regulæ pharmaceuticæ solventis ad solvendum minimum quintuplam aut sextuplam quantitatem efflagitent, cum paucillum illius tamen inveniatur. Verum enim verò largimur, interdum, imò sæpiùs alimenta non ad necessitatem, & quantum nostro corpori alendo opus est, assumi, sed ut genio indulgeamus, aut appetitum vagum, irregularem, variis illecebris agitatam fallamus. Et sic iis nullatenus quantitate respondebit menstruum hoc ad necessitatem tantum comparatum.

ratum. Satis tamen erit pro alimentis ad justam mensuram & proportionem necessarij alimenti revocatis: præsertim si simul duorum habeatur ratio. Unum est, quòd ex tot fontibus, & successivè quidem congeratur, sic enim, etiamsi illi satis exigui sint, pluralitate tamen, & tractu temporis exilitatem tam organorum secernentium, quàm canalium deferentium compensant. Alterum, quòd observemus nullam digestionem in ventriculo peragi, nisi etiam alimentis solidioribus liquida superbibantur. His ergò simul in auxilium vocatis, & à sero ventriculi magis actuatis operatio chylicatoria institui potest, quæ alterutro solo existente utique illi præstando iners foret.

§. IX. Secundum est, quòd hoc serum appetitûs causa sit, atque ferme omnium consensu id veri solventis proprium esse innuatur. Etenim si hoc ipsum longiore à pastu morâ, in ventriculo colligitur, irritando tunicas, famis sensationem præstat. Scilicet, quia iteratis circuitibus gelatinosæ, quæ à priore digestionem reliquæ erant, partes subiguntur, & sic salinæ, quas sero huic inesse mox constabit, liberæ magis, aut minus impeditæ, vellicando leniter commonefaciunt, opus esse, ut novorum alimentorum assumptione defectus ille restauretur. Quid? annon ipsa natura hujus lymphæ in ciborum solutione necessitatem indicare videtur, quoniam dum esurimus, aut alimenta grata appetitum movent, saliva ad os copiosius confluit, quasi prompte officium sibi debitum præstitura.

§. X. Tertium tandem lymphæ favet sæpius nominatæ documentum, quòd particulis ad cibos resolvendos, & chylosas excipientibus, congruis instructum sit. Sic quod salivam attinet, ex ejus analysi deprehendimus, triplicis generis particulas in eâ inveniri, aqveas, salinas, & viscidas. De primis nemini erit dubium, medias verò aliqui negant, quòd insipida ordinariò inveniatur. At quamvis mercurium discontinuandi facultas in salivâ eas forte non demonstret, quòd hæc à visciditate quoque ejus, simili modo ac ab axungiiis, terebinthina, aut vitello ovi, provenire possit, acres tamen & salinas evincere videtur, quòd tumores (ut vocant) frigidus, aut à sero viscidiorie oriundos à jejuno illita discutiat, atque texturam ciborum mox à masticatione notabiliter resolvat. Omnium verò optime

chymicum examen eas declaret, scilicet sive nuda, sive digesta saliva igni exponatur resolvenda, avocatis aqveis, ultimò sal superest, insigni acrimoniâ lingvâ afficiens, quod leMortius acido-falsum pronuntiat. Quòd autem hoc gustu observari non soleat, non opus est, ut ad consuetudinem confugiamus, quæ ob continuam à primâ juvenile irrigationem ad eam nos minùs attendentes reddat. Verùm evidens sane est ratio, quòd abundantia aqvearum salinas percipere nobis non concedat, quatenus ex uncia salivæ ultra grana iij. vel iiij. salis rarò obtineri soleant, atque aqveæ sic fermè quingentis excedant. Imò ad occultandas illas multum adhuc conferunt viscidæ, quas in salivâ suspicari commodè licet, quòd in combinandis diversis rebus glutinis, quamvis levioris, instar sit, & præsertim spumofitas innuit. Hæc enim à volutatione lingvæ imprimis salivæ accidit, quòd oscitantibus ex sublingvalibus fontibus sæpè omninò limpida & non spumosa profiliat, talis verò æstuantibus nobis, aut etiam sermone diuturno fatigatis, evadat. Et ejusdem generis est lymphæ glandularum œsophagi & ipsius ventriculi, quam in jejuno præsertim animali mox à morte, aut vivo adhuc, exenterato invenire perfacile est: quia ex eodem sanguine, ab ejusdem generis vasis, & glandulis conglomeratis, & in eundem usum separari solet.

§. XI. Meritò hic mentionem injicimus veteris illius dogmatis, quòd acidum quoddam fermentum coctionis instrumentum asserit. Vanum equidem omninò est, uti *Galenus* opinatur, & *Helmontius* recoxit, illud à liene ventriculo inspirari, quia duplicibus manifestis erroribus, in sequentibus demonstrandis innititur. Alter est, quòd in liene acidum falsò supponatur; alter, quòd commercium lienis & ventriculi nullum sit, quod sententiæ huic faveat. Nam arteriæ, quæ ex splenico ramo ad ventriculum disseminantur, non uni aliquid ex altero, sed utrique ex majore arteriæ cœliacæ trunco sanguinem adducunt. Non venæ, quatenus neque, qui ex liene remeat sanguis, ventriculo, nec vice versâ, sed uterque venæ portæ invehitur. Accedit, quòd liene exstirpato non fieri posset chylificatio, quia menstruum deficeret, quæ tamen in canibus ἀσπληνoις integra continuat. At nihilominus multi sunt, qui acidum illud & hodiè adhuc asserunt; atque alii ex reliquiis chyli

chyli acescentibus & fermentum panis referentibus; alii ex arteriarum ostiolis eò transfundi autumant. Ut plures rationes & levioris armaturæ milites mittam, potiores recensebo, quas *Helmontius*, *Zacutus Lusitanus*, *Walaus*, *Higbmorus*, *Sylvius*, *Willisus*, *Tachenius*, *Hogelande*, *Bræckhuysen*, aliiqve proferunt. Acidum ergò innui arguunt, (1.) quòd alimenta chalybeata assumpta similem nidorem moveant, ac si acida fuissent affusa; (2.) quòd lac jejuno ventriculo haustum coaguletur; (3.) quòd *Hippocrate* asserente, & experientiâ comprobante, acidi ructus post morbos oborti sanitatem redituram spondeant; & (4.) quòd acida medicamenta & alimenta, e. g. spir. nitri, Elix. propr. e. sp. sulphuris, acidulæ, vini Rhenani vitrum, &c. appetitum moveant.

§. XII. Verùm enim verò ad hæc regerimus primò in genere, acidum non esse menstruum universale, sed multa potius ex alimentorum classe, e. g. pingua, iisdem non obedire, quæ tamen in ventriculo resolvuntur. Porro in chymicis operationibus versatis quoque notum erit, magnum esse inter ipsa acida discrimen, quatenus acetum facilius plumbum, sp. vitrioli ferrum, aqua fortis reliqua metalla, non aurum, aggreditur. Adeoque, quomodo ventriculi menstruo, ut acido, adeò universalem solvendi vim assignabimus, si nulla alia acida eadem polent. *Secundo* respondemus in specie ad (1.) & (2.), concedendo quidem ejusmodi effectus, qui describuntur, interdum accidere & acidi præsentiam testari: at negamus, tum statum esse naturalem, quin potius acidum illud vel ab assumtis ejusmodi, vel chyli reliquiis non rectè digestis, & ob diuturniorem moram acorem contrahentibus, provenire, adeoque morbosum esse. Etenim id symptomata, quæ ex acido hoc, nisi corrigatur & removeatur, innumera in malo hypochondriaco propullulant, sufficienter evincunt. Et sic quoad (3.) largimur quoque *Hippocrati*, ructus acidus coctionis redeuntis indicium esse, sed ea tum debilior, non perfecta est, quatenus eà omnimodè restituta iidem cessant, aut ulteriorem medelam desiderant. Ad (4.) tandem, acidum quandoque appetitum stimulare, non est negandum, imò in fame caninâ interdum manifestè acidum appetitus ejusmodi aucti causa est. Ast prout contra nemini esse ignotum potest, etiam acidorum abusu, & à cruditatibus acidis sæpè appetitum prosternei; ita non sequitur, quodcumque appetitum stimulat assumtum, id infert necessariò, menstruum quoque ventriculi ejusmodi naturæ esse. Quippe quemadmodum illi de acido subsument, ita eodem jure de alkaliciis, exemplo spir. salis ammon.; de amaris per absinthium, & similia; de aromaticis per farraginem stomachicorum exinde paratam; de oleosis per liquorem terræ foliat. tartari, & sexcenta alia, prædicari potest, eadem appetitum suscitare. Atque hinc quis non videt, aut ea omnia arguere menstruum ventriculi esse ejusdem generis, aut infirmè satis pro acido solo concludere. Omnia enim recensita non quæ acida, non quæ alkalica, non quæ aromatica, appetitum movent, sed quatenus ventriculum vellendo & irritando desiderium assumendi alimenta simili modo suscitant, quo superius fermentum ventriculi agere diximus.

§. XIII.

§. XIII. Alkalium ergò classi fortè erit adscribenda activitas? At sane quis nescit, salia illa non nisi fortissimi ignis producta esse, & magnà vi ex concretis elici, quæ tamen circumstantiæ in homine vivente, nullatenus concipi possunt. Nec si quis experientiam Cl. Hoffmanni alleget, quòd in ventriculis morbo castrensi denatorum invenerit liquorem cum acidis confligentem, movebimur; partim, quòd non sequatur, alkalicum eum fuisse, quatenus constat, etiam acida cum acidis confingere; partim quòd à statu morbofo, & morte ipsà, ad naturalem non valeat consequentia.

§. XIV. Non dubitabimus ergò id ipsum potiùs falsum pronuntiare, (1) quia novimus eadem ferme omnia concreta aggredi, quatenus e.g. tartarus tartarus id præ aliis confirmabit; (2) quia in animali leviter falsum gustu deprehenditur, nisi forte ab assumtis peregrinum saporem susceperit. Ita tamen, ut quamvis solvens illud ratione aquearum salinis alimenterum, ratione salinorum spiculatorum diffringendis solidioribus, inserviat, peculiare tamen nihilominus ab illis habeatur solvens & suigenis, quoniam *Taubrio* non incongruè moneute, multas etiam particulas oleosas & sulphureas obtinet, quas cum ex adeò diversis assumtis suscipit, diversissima quoque solvendi aptitudinem id habere non absolum est. Viscidas unionem particularum chylosarum cum aqueis juvare, inferis declarabitur.

§. XV. Porro hæc quoque mentio injicienda spirituum, non spiritus illius vitalis, qui nobis dubius adhuc videtur, sed particularum subtilissimarum & activarum, quæ uti ad omnes partes, ita etiam ad ventriculum per nervos à cerebro veniunt. Ex illis ergò evoluti massam alimentarem subeuntes mensui activitatem juvare simili modo possunt, quo aquæ regis in auro solvendo vis calorè externo mirum augetur. Et sic *tertium* instrumentorum immediatorum constituunt, aliis tamen jungendum, non solitarium; quatenus (1) subtiliores, (2) pauciores, (3) minus sufficiente robore & agendi vi instructi sunt, quam, ut alimentis resolvendis inservire possint.

§. XVI. Potior eorum effectus est, quando *primum* instrumentum sunt mediatum, scilicet, quando in ventriculi fibras influendo, eumque exagitando, insignem ad chylosin conferunt symbolam. Similiter *secundò* inter instrumenta mediata recensemus motum diaphragmatis reciprocum, utpote quo continuus eidem ventriculus exagitur, atque hæc externâ concussione simili ratione solutio ciborum facilitatur, quâ videmus solutiones alias agitatione externâ feliciter institui.

§. XVII. Addendum his *tertiò* calorem partium circumjacentium existimem. Quatenus nimirum à motu sanguinis intra vasa ipsius ventriculi & vicinarum partium major quoque agitatio menstruo alimentari imprimetur, ut in solutione majore cum energiâ procedat. Ut verò cum veteribus calorem pro causâ efficiente primariâ agnoscam, adduci non possum, quatenus (1) pisces etiam sine calore digerunt; (2) propter potum frigidiorum, qui à nobis iuter cibandum assumitur, eum caloris gradum nemo concipere possit, qui tamen ad solutionem necessarius foret; (3) etiam in febribus ardentibus, ubi maximus & in ventriculo, & in partibus reliquis, calor, nulla tamen aut exigua sit digestio; (4) & tandem calori solo non conveniat productum sive chylus, quatenus illo smolliri, comburi, aliòve modo alterari quidem concreta possunt, non verò in chylum converti.

DISSERTATIO VI.

De

CIBORUM SOLUTIONE

&

CHYLO.

§. I.

Investigatâ instrumentorum ad chylosin, vel immediatè, vel mediatè magis conferentium naturâ, & singulorum operandi ratione cognitâ, faciliè nunc erit, eam, quæ in ventriculo instituitur, actionem totam declarare. Nimirum alimenta, comminutione per masticationem, & maceratione per salivæ admixtionem, præparata, ad ventriculum deglutita veniunt. Serum hîc, ex tot fontibus congestum, liqvidorum, quæ simul assumuntur accessione adjutum, atqve spirituum admixtione energeticum magis redditum, forte etiam ab aëris fluido, per œsophagum descendente, non minùs actuatum, jam præsertim personam suam ludit. Iis enim particulis instructum est, quæ diversissimorum licet concretorum, qualia assumuntur à nobis, poros subire valent, quatenus præsertim aquæ & oleosæ lubricitate & flexibilitate, salinæ suâ rigiditate & figuræ aptitudine viam sibi parare possunt. Atqve adedò illarum interjectione, harum impetu, textura & connexio particularum pristina in alimentis dissolvitur, sicq; eadem comminuuntur, discontinuantur & in massam pulvisformem rediguntur. Ut verò operatio hæc feliciùs institui possit, non modò ventriculus alimenta continet, sed & suo motu activitatem solventi illi majorem imprimit, imo ipsam massam magis subigit, atterit, & resolutionem summo perè adjuvat. Similemq; operam motus diaphragmatis ventriculo & contentis concedit. Neqve hoc mirum erit consideranti, quantum agitatio in salium solutione facilitandâ, & conqussatio in resolvendis vegetabilium aut animalium partibus mollioribus & succulentioribus, chymicis aut pharmaceuticis exemplis adstipulantibus, præster. Pari ratione calor efficaciam menstrui majorem efficit, prout videmus aquam cremori tartari solvendo vix commodam esse, nisi ignis vi adjuvetur.

F

§. II.

§. II. Quantum equidem temporis ad resolutionem hanc ciborum impendatur, certò definire non audeo. Quippe non tota massa simul resolvitur, sed successivè, atque sic illud, quòd dissolutum est, per pylorum ad intestinum duodenum protenditur, dum crassa-menta ciborum, minùs adhuc attenuata, pondere suo fundum potiùs ventriculi petunt, atque adeò majore etiam vi ad resistendum prædita, per eminens orificium dextrum, expelli nondum possunt. Imò variat (1) assumptorum quantitas, quatenus plura longiorem, pauciora verò breviorè ad digestionem moram desiderant; (2) qualitas, quatenus quædam, expepta eapropter dicta, citius, alia texturæ solidioris aut tenacioris & firmioris tardius consumuntur, & post multos demum dies residua adhuc & indigesta deprehenduntur; (3) pro actionum vigore & debilitate, quatenus pueri mox digerunt, & novum cibum desiderant, senes non item, sed à cœnâ cum magno emolumento abstinent, aut non nisi parcissimam, & ex alimentis facillimæ digestionis instituunt, quia breviorè illo, quòd prandium & cœnam intercedit, tempore, coctio peragi non potest, sed longiorè intercapedinem efflagitat, cum novorum ingestione, prioribus nondum subactis, cruditatibus occasio daretur; (4) pro instrumentorum secundum individua diversitate & differente constitutione atque energia. Quamvis verò ex dictis constet tempus variare, ordinariò tamen quartâ, quintâve circiter horâ perficitur, atque in statu naturali rediens de novo ciborum desiderium, postquam illud antea sufficienter fuerit expletum, omnium optimè factam declarat bit coctionem, si sc. illud ex sero ventriculum irritante oriatur, & tunicas ab alimentis liberâs iterum testetur.

§. III. Verùm dum alimentorum textura hâc ratione lacera-
tur, quædam particulæ ex illis à reliquarum compage liberæ, & sui
juris fiunt, fortè etiam mutuâ attritione & collisione specialius mo-
dificantur, atque à lymphaticâ parte sive aqueâ suscipi & retineri
possunt, quòd non poterant aliis adhuc combinatæ, aut in nativâ
conditione existentes. Sic etiam observamus in chymicis concreto-
rum quorundam texturâ per triturationem, digestionem, fermenta-
tionem, resolutâ, particulas quasdam ex illis evolutas & recenter
modificatas cum solvente affuso uniri posse, cui sine ejusmodi ha-
bitudine nullatenus obsecundabant.

§. IV.

§. IV. Ast licet chylus nondum hîc separatus existat, placet tamen eum nunc scrutari, qvòd hujus præsertim actionis productum sit, quamvis in sequentibus ulterius perficiendus. Is verò liquor albicans, minùs diaphanus & lactescens, homogèneus non tantum apparet ab extra, sed etiam, si microscopio aspiciatur, & *Læwenbæki* observante, ex globulis multis diaphanis constat. Ast talis non est, sed ex diversis partibus constat, quarum alias dicemus excipientes, aqueas nimirum & serosas, alias exceptas, gelatinosas nimirum & oleosas. Illæ sunt serum solutioni inserviens, hæ, quæ eidem uniuntur, & priorem diaphaneitatem turbant. Quia verò eadem non facile conjunguntur, sed uti in terebinthinâ aut resinis aliis cum aquis maritandis vitello ovorum opus est, ita etiam hîc tertiæ quædam, sive mediæ requiruntur, quæ combinationem faciliorent, & has vices in ventriculo tribuimus viscidioribus, quarum in antecedente dissertatione facta est mentio.

§. V. Dulcis ille liquor, quamdiu massæ adhuc inexistit, chymus veteribus audit, & tum colorem ut plurimum assumptorum servat, aut communem cum illâ obtinet; ubi verò ex eadem secretus est, & per propria vasa in sequentibus declaranda fertur, albidus observatur. In quo phænomeno determinando non opus est, ut ea cum *Williso* in auxilium vocemus exempla chymica, quæ negotio huic minùs conveniunt, partim qvòd acidum ventriculi & urinosum alimentorum sal demonstratu impossibile sit, partim qvòd horum miscelâ turbidus, non verò lacteus, & tali in statu permanens liquor producat. Verùm prout in emulsionibus partes oleosæ & resinosæ cum aqueis nunquam connubunt, quin lacteum colorem inducant, ita non mirabimur, simile quid in chylo contingere, quem ex oleosis & aqueis constare supra ostendimus. Neque etiam adeò difficile erit hinc invenire, cur partes ex alimentis cujuscunque coloris in chylum abeuntes nihilominus lactescant. Qvippe gelatinosæ partes tantum ex illis in chylum vertuntur, remanentibus reliquis, at illa semper, quando cum aqueis coeunt, albicantem tincturam concedunt. Sic enim tinctura benzoës rubicunda, balsami de Copayva flava, resina jalappæ fusca, semina diversi coloris cum aquis juncta lacteum liquorem constituunt. Quando verò gelatinosas asserui chyli partes, nec illas unius generis concipere licet, quatenus præsertim tot liqvo-

res, tot partes diversæ indolis & structuræ, in nostro corpore ex eo materiâ suscipiunt. Etenim pro diversitate alimentorum, è quibus evolvuntur, diversæ quoque habitudinis sunt, quamvis omnes eandem externam faciem gerant. Similiter enim videre est, resinas, gummi, balsama, semina, odore, sapore, colore, imò etiam viribus inter se discrepantia, nihilominus sub sulphureorum classe stare, & similes liqvores in emulsionibus apparere, quamvis alia urinam, alia alvum moveant, alia narcosin inducant, atque sic ex differentibus partibus constare necessum sit.

§. VI. Quemadmodum verò à primis incunabulis artis nostræ usui fuit, ad actiones, in nobis fieri solitas, rectius concipiendas, varias cum aliis instituere comparationes; ita chylosin quoque, quam plurimi solum in ventriculo perfici existimabant, cum diversis aliis conferunt. Antiqui coctionis denominatione eandem definiunt, quòd rudis illorum pharmacia appropriata magis exempla non suggereret. Verùm præterquam quòd in dissertatione antedaneâ ostensum sit, calorem efficientis causæ vicem subire non posse, culinare hoc paradigma in plurimis non erit adæquatum, quæ tamen essentialia chylicationis attributa sunt. Nam licet quædam concretorum in pulvem coctione vertantur, & simile quid alimentis in ventriculo eveniat, ingens tamen disparitas adhuc intercedit. Scilicet coqvenda igne circumfuso parantur, cum hîc nemo focum instruat, sed calor ambiens juvando actionem exigua tantum operam præstet. Nulla concretorum plenariam structuræ lacerationem, sed particularum tantummodò variam dispositionem in coctione sustinent, cum illud in verâ chylosi accidat. Nulla coctione in lacteum liqvores vertuntur, quòd in ventriculo tamen alimenta experiuntur. Accedit, quòd tùm vas continens merè passivum sit, hîc vero ejus motus multum auxilii ferat.

§. VII. Ob egregiam hanc diversitatem & antiquis jam quibusdam minùs commodus visus fuit coctionis terminus, & neoterici alia nomina substituerunt, quæ negotium penitiùs exhaurirent. Digestionem ergò chylosin nuncuparunt. Quemadmodum enim in illâ concretorum partes mutuâ attritione & collisione aliæ à se invicè divelluntur, e.g. corallia ab oleo anisi; aliæ inter se combinantur, e.g. olea destillata cum spiritu urinoso in præparatione salium volatiliû oleosorum; aliæ

aliæ planè immutantur, e. g. stigmata acida à spiritu vini mitescentia; atqve pluries crassiores à subtilioribus separantur: ita etiam in chylosi massa alimentaris resolvitur, lymphaticæ cum gelatinosis coeunt, hæ dulcificantur, & à sæculentis secernuntur. Imò hic liquida assumpta aut in ventriculam confluentia idem præstare viderentur, quod in illâ necessaria ad digerendum succulentia efficit. Enimvero, ingens denuò differentia est, quòd iterum in digestionem quoque vasa continentia merè passivè, in chylosi etiam aliquatenus activè se habeant: illic vel ignis externi, vel aëris ambientis energia concretis adjuandis & commovendis necessaria sit; hic verò ignis ejusmodi, quod supra ostensum, non inveniatur: aëris autem quamvis aliqua, tanta tamen, quàm in digestionem, non observetur; atqve tandem etiam illic mora aliquot dierum, imò mensium requiratur, quæ hæc paucarum horarum spatium exigit: & productum etiam hoc ab illo multis parasangis differens est.

§. IIX. Commodior fortè erit fermentationis notio? Quod si verò eam sensu chymico strictiore describamus, ea est particularum concreti mutua actio & reactio, ex quâ vel succorum in vegetabilibus, e. g. vini defæctio, vel acetorum productio, vel spiritus sulphurei destillatio provenire possit. At quamvis depurationi succorum æquiparare velis nostram chylosin in hæc tamen nullum ejusmodi fermentum, non sufficiens mora est, quæ omnia tamen requirit fermentatio. Imò res fermentationi præ aliis obnoxia, e. g. fructus horrei, & similia, non commodè obsequuntur chylicationi, & contra, multa ad fermentationem suscipiendam inepta, e. g. ossa in canibus, ferrum in struthione, carnes in pluribus & homine digeruntur. Ut sciet iam si salivæ vim fermentandi eatenus asserere non dubites, quòd masticata frumenta, ut supra monui ad fermentationem disponantur, alia tamen subest ratio, quia à nudâ tantum concretorum resolutione pendet. In aceta converti alimenta non improbabile videri posset illis, qui chylum acidum asserunt, quod tamen supra quoque destructum est: & in statu eque p. n., & subjectis hypochondriacis sæpè quàm maximè verum est, ut omnia, quæ assumuntur, acore primarum viarum similiter contaminentur. Multò minùs verò ea est digestorum in ventriculo expectanda dispositio & particularum modificatio, ut spiritus ardens exinde elici valeat, siquidem experientiæ refragatur,

quæ ex quorumvis animalium viventium ventriculis digesta alimenta nullum spiritum ejusmodi fundere ostendit. Interim tamen, si fermentationem philosophico, aut physico potius, sensu explicari mavis, pro eâ texturæ in concretis laceratione, ut quædam partes ab aliis separantur, quædam aliis uniri possint, felicius forsan analogia succederet. Veruntamen, cum in hac notione multum homonymiæ lateat, & nisi semper explicatio reiteretur, minus distinctis conceptibus occasione sit, commodius erit ab eâdem abstinere, præsertim cum productum, chylus nimirum, talis sit, qui ex nullâ fermentationis specie prodeat.

§. IX. Non invitâ naturâ dici potius potest solutio, revera enim alimentorum nexus à solvente quodam naturali dissolvitur. Id præ aliis confirmat sectio animalium, ex quâ *Brunnerus* didicit, in serpentum ventriculis se non tantum invenisse alimenta in liqvamen mucilaginosum resoluta, sed etiam pedes ranarum, quos deglutiverant, ex parte abiisse in mucum, quâ ventriculo immergebantur, alterâ, quâ prominebant, liberos & incorruptos fuisse. Pariter in noctuâ quoque deprehendit ranæ tibiae in gula hærentis similiter integras, femora vero in liqvamen abiisse ventriculo immerfa, imò ossa quoque filorum instar extenuata extitisse. Quo simul exemplo confirmatur, non animæ sensitivæ opus hoc esse, sed organorum & solventium habitudinem, quatenus illi facile fuisset, & eminentes ex ventriculo partes aggredi, quæ intactæ manserant, quod non in genuino essent organo, neque debito paterent solventi. At quia non in eo nostra chylosis terminatur, sed singularia adhuc aliqua obtinet, quatenus non totum concretum resolutum, sed quædam tantum ejus partes, exclusis reliquis, à menstruo retinentur; per specialem quandam solutionis actionem determinanda erit. Itaque non incongruè dici posset extractio, quemadmodum enim in hac à solvente quodam congruo, massæ cuidam superfuso, non modò tota illius compages resolvitur, sed quædam partes ex eâ solutæ cum menstruo junguntur, & à reliquis, quæ remanent, & ad combinationem inepta sunt, decantatione, aut quâvis aliâ enchiresi, separari possunt, quod infusorum, tincturarum, essentiarum, &c. elaboratio docet; ita etiam in chylicatione à fero in ventriculo alimenta discontinuantur, ut quædam partes chylû constituturæ cum eodem coeant, quædam, tanquam excrementitiæ & ad unionem ineptæ, remaneant, deinceps iterum rejiciendæ. Verum pluribus adhuc circumstantiis quadrat cum eâ extractionis

spe.

specie, quæ in emulsionibus parandis adhiberi solet. Scilicet in eâ femina & nuclei vegetabilium aquæ affusione, & continuâ externi motoris contritione & agitatione ita adaptantur, ut oleosæ particulae hac ratione evolutæ aqueis accedant, atque lacteum liquorem constituent, crassioribus & terrestribus magis, ex corticibus forte diffraetis, relictis. Pari ratione in chylosi agitur, concreta cum menstruo, plus tamen, quàm aqueo mero, ope præsertim agitationis, ex ventriculi continuo motu resultantis, subiguntur, atteruntur, ut gelatinosæ cum iisdem unitæ chylum albicantem efficiant, reliquæ verò, tanquam excrementitiæ & minùs congruæ, rejiciantur. Accedit, quod etiam eidem emulsionis speciei comparare non repugnet, quæ ex resinis, interveniente quodam viscido paratur, nam & hæc viscidas salivæ partes eidem muneri destinari, supra monitum est, & idem de bile inferiùs annotabitur.

§. X. Diffiteri tamen non possumus, etiam hæc quasdam circumstantias inveniri, quæ forte in his operationibus artificialibus non exprimuntur, quòd in animali vivente, diversis coagentibus organis, singulari à solvente nostra actio instituat, adeòque peculiaris etiam haberi debeat. Sufficiat tamen, si ejusmodi exemplis liceat actionem illustrare, quòd non opus sit ad ignotas planè chymæras & facultates confugere, sed potius simpliciorum & artificialium ejusmodi operationum contemplatione, & ex consideratione tam singularium productorum, quæ mechanicis sanè regulis subsunt, & pro mutuâ tantùm agentium & patientium habitudine variantur, eò deduci possimus, ut non miremur naturalia ejusmodi, quæ Deum artificem agnoscunt, singularibus magis effectibus, quàmvis ex eodem tantùm fundamento, producendis apta esse.

§. XI. Interim tamen, ut in operationibus chymicis certæ quædam circumstantiæ attendendæ sunt, ut ex voto succedant, ita etiam ad chylosificationem felicitiùs perficiendam quædam observentur necesse est. I. Congruum est, alimenta assumere calida potius, quòd sic particulis actu jam agitatæ earum resolutio faciliùs succedat: & contrarium illi magno suo damno experiuntur, qui vel non nisi frigida assumunt, vel eadem calidis assumtis intempestivè accumulunt, atque sic inspissando aut coagulando solvenda, ac narcossi afficiendo fibras motrices chylosificationem turbant, & cruditatibus

gene-

generandis occasionem præbent. II. Proportio semper servanda est inter solidiora & liquida, i. e. cibum & potum. Quemadmodum enim illo licet ad satietatem ingesto, ad hujus tamen assumptionem, naturâ monente, nihilominus invitamur; ita utriusque justam mensuram ipsa necessitas exigit. Qvippe quimeris liquidis vescuntur, in cachexiam incidunt, qui neglecto potu cibos affatim devorant, obstructionibus alvi, cruditatibus & sexcentis aliis incommodis vexantur: præsertim cum ratio exigentiæ ex prioribus pateat. III. Ut cuncta alimenta utriusque generis justâ quantitate gaudeant, i. e. tantum assumatur, quantum corpori alendo requiritur, non verò, quantum diversitas, selectus, delitiæve aliæ, & illecebræ, tum proprii, sed intempestivi appetitus, tum aliorum persuasione suggerunt, adeoque interdum separari, & in succum laudabilem converti nequeant. IV. Debitam qualitatē obtineant, i. e. evchyma sint, & bono succo turgida, atque evpepta & facile digestibilia; dum contra viscida, solidiora energiam solventis eludunt; acida, putrilaginosa, aliæque vago hominis appetitu desiderata id corrumpant, atque sic itidem œconomiam animalem notabiliter alterent. V. Ut congruus in ingerendis iisdem servetur ordo & tempus, quatenus videmus potum intermedio tempore à prandio & cenâ, & præsertim nocturnum, insigniter nocere, quod digesta jam denuò confundantur: & quòd novo alimento assumto, priore nondum concocto, nullus laudabilis chylus expectari possit. Ut taceam id confirmari infinitis incommodis, quæ illi, quibus vel ex munerum amplitudine & agendorum, abundantia, vel intemperantiæ studio, nullum ordinem & tempus attendere frequens est, sustinere coguntur. VI. Ætatis quoque habeatur ratio, quatenus alia alimenta infantibus, alia juvenibus, alia consistenti ætati, alia senibus convenire experientiæ quotidiana est. VII. Climatis quoque constitutio variat assumptionem alimentorum, quatenus septentrionales populi meridionalibus aut occidentalibus voraciores observantur; hi verò pauxillo contenti sint, & sufficienter nutriantur. VIII. Consuetudo quoque differentia alimenta efflagitat, ut sic victus rusticis usitatus, delicatiori vivendi ratione assuetus in alimoniam non cedat, atque sic ipsa chylosificationis actio pro his, similibusque circumstantiis, & juvetur, & impediatur.

CHYLIFICATIONIS CONTINUATIONE IN INTESTINIS.

§. I.

Resoluta in ventriculo massa alimentaris successivè ex angusto in angustum canalem promovetur, ulterius digerenda. Continuatur autem chylificatio in intestinis, *partim*, quòd alimenta ulteriùs resolvantur, & ad dimittendas particulas chylosas disponantur, atque hæ cum lymphâ uniantur; *partim* quòd in iisdem chylus à facibus separetur. Utrique scopo inserviunt intestina, priori verò magis liqvida, quæ matia ex ventriculo venienti accedunt.

§. II. Quod intestina attinet, continuus sunt ventriculi orificio dextro, sive pyloro, ductus, & per varios gyros, & circumvolutiones, tandem ad anum terminantur. Id ideo necesse esse videtur, ut propter longitudinem, quæ ferè quinqvies, sexies, imò interdum pluries hominis longitudinem æquat, in abdominis cavo componi possint. Nihilominus tamen variè inter se dividuntur; communissimum est, quòd dicantur illa ventriculo proxima tenuia, reliqua crassa. Ad tenuia referuntur duodenum pyloro continuum, & ab eo valvulâ distinctum, hinc brevius eqvidem, quàm duodecim pollicum tractu, post incurvationem tergum versus, jejuni nomen suscipit, quòd ordinariò vacuum magis inveniatur; tandem, quod per varias complicationes medium circa umbiliciregionem obtinet locum, & vel à volvendo, vel ossibus, quibus continetur, ileum dicitur. Horum terminus valvulâ munitur, satis affabrè factâ, ut descensum facilem præbeat, reditum & flatui quoque neget. Post hæc crassa incipiunt, quorum primum monocolon & cæcum dicitur, quòd ad exitum idem foramen cum ingressu habeat, atque in homine quasi vermiculi appensi faciem gerit. Inde colon ex dextro hypochondrio surgit, & connexum vesiculæ biliaræ, renique dextro, sub ventriculo ad sinistrum latus flectitur, & sic lieni connexum post aliquam

lem curvaturam ultimo superos sacrum in rectum definit. Tenuitatis aut crassitie attributum non susceperunt à tunicis, quia duodenum tum crassius recto esset; non ab amplitudine, quia cœcum angustissimum est; sed à contentis, quæ crassiora in ultimis, liquidiora magis in tenuibus reperiuntur.

§. III. Substantiam illorum quod attinet, similibus cum ventriculo tunicis gaudent. Exterior communis itidem membranæ est. Hanc excipit carnea, duplici fibrarum strato iterum instructa, nimirum exterius longitudinalibus, ab intra circularibus, quæ tamen à *Coleo* rectius dicuntur spirales, quod singulæ intestina non cingant, sed per canalem eorum circumvolutione continuâ magis ducantur. Hujus est motum præstare intestinis, qui ab initio eorum incipit, & exitum versus, repentis instar vermis, continuatur, atque peristalticus appellatur. Nervea aut tendinea huic substrata longior, prout in ventriculo, ex *Fallopîi* sententiâ, triplo est, hinc iterum in varias plicas annulares, sed pauciores & minus eminentes in jejunio, semilunares & elevatas magis in ileo & colo, atque irregulares potiùs in recti initio, quæ *Kerckringio* conniventes dicuntur, componitur. Imò eidem tunicæ elevatæ debetur valvula illa coli, non à *Baubino* inventa, sed ante eum à *Varolio*, *Sal. Alberto*, & *Piccolhomineo* jam observata, quæ ex duplici quasi limbo semilunari constat, ita sibi invicem impositis, ut descensum permittant, & cedant, ascensum flatûs quoque, & aquæ injectæ inhibeant, quia tunc ita sibi junguntur, ut tubulum plenariè occludant. Interior denique crusta villosa, itidem non mucosa & excrementitia est, quia ejus defectum aut abrasionem in dysenteria, aut phthisi, gravibus symptomatis luimus, sed tubuloso-glandulosa existit, atque non incongruè ab *Hornio* velamentum bombycinum dicitur, & cum filtro laneo pharmacopœorum comparatur.

§. IV. Meritò nunc mentionem injicimus glandularum, quarum considerationem *Pechlino*, & ulteriorem enucleationem *Peyero* debemus. Scilicet tunicæ potiùs carneæ intertextæ in intestinis flatu distentis, & exsiccatis, conspiciuntur, eâ cum differentiâ, ut in tenuibus sint exiguæ, sed plures quasi in cumulum congestæ, & numerosiores circa ilei exitum appareant; in crassis vero singulæ sint, ad lentis tamen magnitudinem excrecentes, cum

prio-

priores vix milii granum æquent, illarum tamen vestigium nullum in subiecto humano detegere nuper licuit.

§. V. Connectuntur intestina membranâ quâdam, sed ex duplici laminâ constante, expansione, quæ mesenterium dicitur, ita quidem, ut ejus exterior limbus, circularis fermè, toti tractui adhæreat. Eâ tamen cum differentiâ, ut duodenum atque rectum ab eodem non attingatur, colo verò quasi propria quâdam sit, quæ mesocolon nominatur. Duplex verò maximè membranæ hujus usus est. Alter, ut intestina adeò longa, & in exiguum spatium per varios gyros reponenda, ita firmentur, nè sibi implicari aut contorqueri, sed ut necessarium adeò alimentorum motum liberum magis præstare possint. Alter est, quòd vasa intra duplicaturam ejus ad intestina ferantur, & ab iisdem iterum abeant. Omnia verò tandem, cum partibus abdominis reliquis, communi quâdam membranâ itidem duplicatâ involvuntur, quæ peritonæum anatomicis nuncupatur.

§. VI. Vasa cum aliis partibus intestinis communia sunt arteriæ, venæ, & nervi. Hi non à nervo octavi paris, qui in ventriculo potissimum desinit, sed intercostali veniunt. Arteriæ ex duplici trunco disseminantur, quorum alius superior, maximæ intestinorum partì, alius inferior, coli ultimæ portioni, & recto tantum prospicit, & uterque ex aortæ descendens corpore originem trahit; at quia per mesenterium ad intestina ducuntur, mesentericæ vocantur. Venæ verò, quæ eandem obrationem mesaraicæ audiunt, præterquam quòd ex recto redux, hæmorrhoidalis, una cum ramulo arteriæ inferioris eò excurrentis, dicatur, omnes tamen sanguinem suum in venam portæ transfundunt, quod in cane vivo, dissecto abdomine, & ligatâ venâ portæ, egregio spectaculo confirmatur, omnes mox notabiliter intumescunt.

§. VII. Peculiares quidam ductus inveniuntur in intestino duodeno, alter est choledochus, qui bilem ex hepate, alter Virsunganus, qui succum pancreaticum ex pancreate adducit, & in homine communi insertione gaudent; quamvis & hic interdum duplex, quod nuper demum observare contigit, inveniatur. Vasa quoque huc transferimus lactea, ab *Acellio* inventa, quæ copiosissima ab intestino jejuno, & hinc ileo, pauciora à colo, rarius etiam, interdum tamen, à recto prodeunt, & chylo excipiendo, post factam ejus secre-

tionem, dicata; quæ tamen intermedio tempore lymphaticorum potius vicem præstant, sed de his in sequentibus pluribus.

§. IIX. Ad liqvores potius nunc progredimur, qui in intestinis massæ alimentari accedunt. Inter eos primò nominamus bilem, quæ in hepate separata, ex eo per hepaticum, ex cysti per cysticum ductum in choledochum coeuntem, ad duodenum, ut dictum est, fertur. Bilis verò ipsa plus minus flava, amaricans, & in statu naturali sufficienter fluida reperitur. Analysis ejus particulas aqueas, viscidas, oleosas & inflammabiles, atque etiam salinas exhibet. Salinas gustu & ex acrimonia cognoscere licet, quæ quidem à plurimis alkalicæ naturæ habentur, suo autem tempore salis potius ostenduntur. Duplice ergò potissimum ratione ad chylosoos continuationem confert. Scilicet salinis chylum viscidior adhuc & crudior magis attenuat atque perficit; intestina verò ad motum peristalticum instituendum simul stimulat, quatenus hinc initio statim intestinorum inferitur, atque ex ejus defectu in ictericis alvus constipata, ex abundantia verò fluidior observatur. Viscidas gluten esse, quod chylosoas, cum lymphaticis difficulter conjungi solitas, uniat, eo modo, quò vitellus ovorum resinarum cum aquâ connubium efficit, ex eo præsertim colligimus, quod itidem bilis ex defectu, aut negato ad intestina fluxu, chylus crudior, & hinc cachexia oriatur.

§. IX. Hinc mentio injicienda est succi pancreatici, quem *Græfius* præsertim in vivis canibus colligere docuit, cum in subjectis mortuis ductus ille ordinariò vacuus appareat. Ejusdem conditionis est, ac serum reliquum salivare & glandularum ventriculi, scilicet, particulis constat aqueis, viscidiusculis, & paucis salinis. Hæ verò non acidæ sunt, quod *Græfio*, *Sylvio*, plurimisquæ aliis visum fuit, sed acido salis potius inveniuntur. Ad chylosoin verò juvandam vel mediatè, vel immediatè confert. Hoc quidem modo, quatenus similiter ac reliquum serum ad ulteriorem massæ alimentaris resolutionem, atque sic pro chylosois partibus evolvendis, attenuandis & excipiendis inservit. Illo, quatenus bilem aqueis & viscidis suis particulis diluendo, & acrimoniam nativam temperando, eam ad munus suum magis accommodat. Ut hoc asseramus, multis præsertim rationibus movemur; (1) quòd in homine communi, in aliis verò animalibus ut plurimum vicinâ insertione cum choledocho ad intestina ve-

niat.

niat: (2) quòd, *Brunnero* annotante, canes, quibus vivis pancreas excinditur, vomitus enormes & biliosos quidem experiantur, imò pluri exinde moriantur, manifesto indicio, eos ex defectu hujus feri provenire: (3) quòd, eodem referente, illi contra canes in vivis manent, in quibus natura hunc defectum aliunde, & quidem ordinariò per copiosiore solito lymphæ intestinalis affusionem compenset.

§. X. Tandem quoque commemoranda est lymphæ, sive serorum glandularum intestinalium, quòd tùm ex plexibus illorum, tùm singulis ad hos canales deponitur. Quod & hoc ad chylicationem conferat, non obscure augurari licet, quia ejusdem cum prioribus indolis est, & per eadem vasa, eundem quoque in usum, secernitur. Eum verò ponimus (1) in eo, ut mucositate suâ intestinorum tunicam interiorem obliniat, & nè à facibus successivè magis induratis & condensatis aliquid detrimenti patiantur, defendat; (2) irrigando & lubricando latera, facum descensum faciliat; & (3) chylum magis aqvositate suâ diluat & excipiat. Hunc enim in finem imprimis natura copiosiores eas ad exitum ilei, & valvulam coli, ejusque initium reposuit, quoniam hîc præsertim opus est, ut nova lymphæ accedat, quòd transitus contentorum, ob chylum, & cum eo lympham simul, secedentem magis condensatorum, eò feliciùs eveniat: atque sic intestina hîc præsertim lubrica sint, & ab injuriâ à facibus induratis magis metuenda defendantur. Et licet tertia ratio huc minus quadrare videatur, quòd in intestinis crassis exiguus aut nullus chyli proventus, adeoque non opus sit sero, eundem excipiente & diluente. Quoniam tamen & à crassis, imò recto quoque, interdum lactea vasa prodeunt, chylum, si ejus quicquam adhuc superfit, separandum exceptura, adeò tùm præsertim necessarium est, ut etiam præsto sit lymphæ, quæ eum diluat, quæ eum devehat, cùm reliqua omnis, aut maximam partem, per reliquum tractum intestinorum cum chilo secesserit.

§. XI. Atque proin massa alimentaris ex ventriculo veniens, bilis, succi pancreatici, imò etiam feri intestinalium glandularum accessione magis resolvitur, attenuatur, & dividitur, atque ad unionem cum malsâ sanguineâ magis disponitur. Hinc chylolæ partes magis à reliquis explicantur, & cum lymphaticis uniuntur, ut deinceps, motu peristaltico accedente, purum ab impuro, quod utrumque ex ventriculo commixtum adducitur, separari possit, & sic contenta quocumque

ulterius semper promoveantur, atque etiam magis magisque condensentur.

§ XII. Revera in ultimis his specialis magis intestinorum functio sita est. Separatio chyli à facibus est, quando particulae laudabiles, sub emulsionis formâ, ex intestinis ad vasa lactea urgentur & reliquæ tanquam ad nutritionem minus congruæ in intestinis retinentur. Modus hujus actionis ergo in eo consistit, ut intestinorum structura talis sit, præsertim ratione tunicæ interioris, quæ orificia vasorum lacteorum non hiantia, quatenus flatus in intestina ligata immisus illa non subit, sed ad chylosas tantum excipiendas apta, & certo modo modificata, obtineat. Quod enim non indifferenter omnis generis liquida ab iisdem admittantur, sanè evidens fit, quod, uti dictum de flatu, liquida quoque, etiam si subtiliora, e.g. sp. vini, non admittant, eum enim, quamvis intestino viventis animalis immisum, atque colore tinctum, nullibi ad venas lacteas penetrare, aut visu, aut odore in chylo, per ruptum aliquod vas effluente, deprehendes.

§ XIII. Modum hujus actionis per analogiam ex chymicis si declarare placeat, en filtratio, sive colatio commodissima videtur. Quemadmodum enim in illa per filtrum laneum, lineum, aut chartaceum, taliter conformatum, ut aliquas tantum partes, figurâ & mole poris accommodatas, transmittat, reliquas verò non respondentes arceat, liquor aut partes subtiliores transeunt, & separantur, crassiores verò retinentur; ita etiam tunica intestinorum filtri ejusmodi vicem supplet, & transitum chylo tantum concedit, relictis, aut exclusis partibus crassioribus, quæ faeces atque excrementa postmodum indigitantur.

§ XIV. Cum verò duplex colandi ratio officinis pharmaceuticis familiaris sit, altera sine, altera verò cum aliquâ vi externâ comprimente, quâ liquor secernendus per filtrum urgeatur, huic potissimum comparari meretur. Vim verò illam concedit primò motus ille intestinorum peristalticus. Quamvis enim in eorum contradictione venarum lactearum orificia potius clausa concipi debeant, atque ad suscipiendum chylum minus accommodata appareant; faciliè huic difficultati obviam itur, si consideremus chylum in intestinorum dia-stole à spongiosâ eorum substantiâ absorberi, & vasorum orificia subintrare, à systole verò ulterius & versus venas propelli atque protrudi. Huic secundò auxiliatrices manus porrigunt muscoli abdominis, qvo-

q̄vorum q̄vinque paria in homine abdominis ambitum firmant. Etenim non continendis tantum partibus inserviunt, sed ulteriorem usum præstant. At q̄vamvis diversis fibris, obliquis, descendentibus, ascendentibus, transversis & rectis, & in pyramidem cuspidatis instructi sint, omnium tamen conspirat actio in eo, ut contractis iisdem in expiratione, abdominis fornix contrahatur, atq̄ve sic viscera contenta aliquatenus comprimantur. Eum enim usum illos præstare facile apparet, q̄vòd in cane vivo dissectis musculis abdominis, atq̄ve actione eorum impedita, chylus ex ductu thoracico vulnerato non promanet, facilius verò, si blandâ manuum contrectatione in intestinis id munus, aliàs abdominis musculis debitum, reparaveris.

§. XV. Aliam potius causam & actionis quoque formalitatem sibi concipiunt, q̄vi præcipatione potius hanc chyli à facibus separationem fieri asserunt. Scilicet ex chymia innotescit, si liquida diversi generis, e. g. acida & alkalia, commisceantur, aut etiam uni illorum alterum injiciatur, notabilem fieri plus minus effervescentiam, atq̄ve sic, q̄vòd vel pori continentis laxentur, vel angustentur nimis, vel etiam quædam partes, quæ continebantur, aliter modificentur, & sustineri amplius nequeant, à reliquis separari, & pro gradu gravitatis, nunc in summitate aut medio suspendi, nunc, q̄vòd ut plurimum sit, ad fundum vasis deijci. Idem in intestinis accidere, sibi persvadebant. *Helmontius* ergo, quia chylum acidum, bilem alkalicam existimabat, mutæ harum luctæ in duodeno emergenti, hanc chyli, in falsum mutati, à facibus secretionem in acceptum referebat. At cum bilis non alkalica, chylus non acidus sit, facile vanitas asserti elucescit. Præsertim cum experimenta, per acidos liquores cum bile instituta, equevidem ostendant hanc ab illis immutationem, e. g. coagulationem, nunquam verò effervescentiam experiri. Ut taceam, eam in duodeni initio hâc ratione finiendam, per longum sane intestinorum tenuium tractum ejusmodi separationi instituendæ vix parem energiam posse obtinere. *Sylvius* autem, q̄vi fermentationis in ventriculo patronus extiterat, eam ad separationem omnimodam non sufficere arbitratur. Hinc alkali bilis affusum chylo, eum magis attenuatum à reliquis liberare, & pancreatico succo ulterius dilutum ad vasa lactea mandare. Ast idem falso præsupposito inniti, quis non videt?

§. XVI. Quæ factum nomine remanent in intestinis, eodem motu peristaltico opiculante, semper ulterius promoventur, quatenus angustato simul canale, & ulterius semper continuatâ coarctatione magis magisque contenta propelluntur.

tur. In eo verò præsertim conformatio intestinorum plurimum juvat, quatenus valvulae conniventes *Kerckringii* ita constructæ sunt, ut impendant, nè, quòd jam protrusum est, sæcum in priorem locum iterum relabatur, sed obiecto quasi obice firmetur, ut novo impetu accedente ulterius ferri valeat. Atque sic necessariò plures & eminentiores, & firmiores desiderabat colon, quòd illud ascendendo ex dextro inguine sub ventriculo feratur, atque sic contenta hinc magis magisque indurata facile retro agerentur, & ad inferiora descenderent, nisi valvularum ope retinerentur. Præsertim verò intestinorum latera irrigatione à glandularum humiditate magis lævigata, hanc ulteriorem excrementorum promotionem mirum facilitant.

§. XVII. Eidem motui peristaltico in acceptum refertur ea sæcum alvarum condensatio, quam coctionis signum medici asserunt. Scilicet chylo ad venas lacteas expresso, atque serositatem simul secedente, contenta non modò crassescunt, sed etiam simili modo condensantur, ac videmus in decoctorum cum expressione facta colaturâ residuæ intra filtrum materiæ accidere.

§. XVIII. Quando tandem ad rectum plures congeruntur, mole sua & pondere ad exclusionem stimulant, atque sic in brutis & infantibus, contractis musculis abdominis, depresso diaphragmate, per sphincterem apertum, tanquam partes inutiles, ex corpore exterminantur, dum interim, ne versus superiora regurgitent, valvula coli, retro occlusa, vetare solet. At decoris ergo actio hæc in homine adulto cohibetur, & ad lubitum institui solet, ut hoc nomine dein potius ad arbitrarias referri debeat.

§. XIX. Singularia tamen hanc actionem plurima adhuc præ nudis illis operationibus, cum quibus analogiam intercedere asseruimus, obtinere, duo præsertim evincunt. Alterum est, quòd non tantum remanentiæ alimentorum, quæ in chylum cedere nequeunt, hinc inveniuntur & eliminantur, sed etiam impuritates, ex sanguine per glandulas intestinales secretæ, ad hunc canalem simul excernendæ, deponantur. Quòd ipsum præsertim in criticis alvi fluxibus, naturâ causam morbificam interdum per has vias educente, experimur. Imò bilis quoque non tota chylo impenditur, sed plures ejus etiam partes excrementis commixtæ manent, & cum iisdem rejiciuntur. Si quidem & tinctura ordinaria meritò bili adscribitur, quatenus in ictericis, ex ductibus biliaris obstructis, ob ejus defectum feces albicare potius solent.

§. XX. Alterum est, quòd feces odorem quoque à nativis alium, imò maxime ingratum suscipiant. Illum *Helmontius* à fermento quodam stercoreo & corruptivo, quòd in intestino cæco hospicaretur, derivat. At non opus est fingere, naturam nostram ipsam ad corruptelas ejusmodi semina fovere, cum potius fracedo illa ab ipsâ menstrui solventis diversâ modificatione proveniat, quòd videamus omnium animalium feces ea propter diversum quoque nidorem spirare. Imò, quamvis exinde, quòd lac sulphuris, aceto præcipitatum, similem ferè fœtorem emittat, concludant, & hunc in excrementis à bilis alkalicæ in chylum acidum actione produci; infirmitatem tamen argumenti quivis facile observabit, quòd utrumque tale supponatur, quale non invenitur. Interim nidor quoque pro alimentorum diversitate variat. Quòd verò omnibus adeò ad versetur, am mirum non sit, cum hæc partes ad nutritionem minime congruæ, necessariò alio & contrario longè modo organa sensoria afficiant, atque hinc non nisi ingratam perceptionem & aversionis ideam excitare possint.

DISSERTATIO VIII.

De

CHYLI MOTU AD SANGVINEM.

§. I.

Missis faculentis ex corpore excludendis, chylum sequamur, qui in intestinis secretus ad sangvinem transferatur. Primò ergo consideranda erunt vasa, usque ad eorum terminum, hinc motores, & modus postea, quo hi per illa chylum urgent; atque denique quidnam chylo ulterius in cursu ejus accadat.

§. II. Vasa, quæ chylum ex intestinis excipiunt, venæ lacteæ inventori *Asellio* vocantur. Scilicet ex intestinorum cavo transcolatum chylum ad exilissimas suas radices admittunt, hinc in majores ramos & truncos coeunt, atque sociæ ordinariò venis mesaraicis ad glandulas mesenterii, quæ in homine, quàm in brutis, exiliores, & ab *Asellio* pancreas dicuntur, excurrunt. Quando in cane aut animali vivo comprimuntur, à parte versus intestina intumescunt, & hinc inde nodositates quasdam ostendunt, quæ valvulas earum denotant, à *Ruyfchio* præsertim delineatas, tales quidem, quæ semilunulis quasi canalem ab intestinis aperiant, retrò autem claudant. Quamvis verò aliquot à pastu horis institutâ sectione, chylus in iisdem reverà lacteus, & candicantia, ac quasi argentea vasa conspiciantur, postea tamen pellucidam magis lympham vehunt, atque eo nomine lymphaticorum vicem præstant, saltem quòd etiam partem lymphæ glandularum conglomeratarum puriorem simul transferant.

§. III. Ratione termini tamen non inter se conveniunt anatomici. Primus vasorum horum inventor eundem se ignorare quidem fatetur, suspicatur tamen, eum pancreas esse, imò etiam hepar ascendere, sine dubio hujus lymphatica redeuntia pro lacteis existimans. Alii, e.g. *Waleus*, *Riolanus*, *Higbmorus*, & hepatis, & venæ cavæ trunco immitti voluerunt, quod tamen hodierna anatomia erroris arguit.

arguit. Opinantur verò nonnulli, venas lacteas non in glandula supra nominatas concedere, sed eas potius præterlabi, & ad receptaculum mox describendum transire. At quamvis in quibusdam locis probabile videatur satis, quòd appareat, ac si eas transcendendo ulterius ferantur: attamen avtopsia & accuratius examen docebit, eas utique, licet ultra unam vel alteram glandularum excurrant, alii tamen implantari, & in eam desinere. Hoc præsertim in talpâ & ovibus *Brunnerus* evidens esse pronunciat. Præsertim, cum ex glandulis, quæ vasa prodeunt, ampliora sint, & chylum dilutiorem vehant, adeoque cum prioribus continua esse, rationi repugnet.

§. IV. Neque *Marchetti* sententia applausum ab aliis merita est, qui avtopsiâ allegat, quâ plexui nerveo eas immittere autumat, & hinc ad medullam spinalem ferri, quòd evulsâ vertebrâ profluens chylus id sufficienter testari videatur. Etenim concedendo experimenti posterioris veritatem, negamus ætiologiam, cum effluens chylus à ruptis potius, ob vim in administratione adhibendam, vasis lacteis proveniat. Præsertim, quia vertebram illic loci eximit, ubi receptaculum lumbare iisdem firmiter alligatur.

§. V. Ab hisce glandulis prodeunt nova vasa, pauciora quidem, sed ampliora, atque ad receptaculum Pecquetianum desinunt. Lumbare hoc à situ dicitur, quia nimirum vertebris illic loci firmiter annectitur, ubi arteria magna per diaphragma descendit, & cava vena ascendit, atque præsertim musculo diaphragmatis inferiori substernitur. Equidem *Bartholinus* id in homine glandulosum asserit, ab *Hornio* tamen, *le Noble*, *Rudbeckio*, *Lowero*, saccus, à glandulis lumbaribus vicem mesentericarum, in homine minorum, præstantibus aut suppletibus, distinctus, aut quasi canalis ampliatus describitur, magnitudine variâ, ut *le Noble* ad semipedalem longitudinem, latitudinis trium pollicum aliquando observârit. Receptaculum hoc chyloferum, aut etiam toroiferum, dictum, præter memorata vasa, quoque lymphatica, ex partibus vicinis abdominis, aliisque inferioribus, recipit. Hinc in ductum angustatur, qui ab inventore *Pecquet*, quia per thoracis cavum ascendit, thoracicus appellatur. Is simplice ut plurimum ductu, interdum tamen ex recessuum observatione duplex, mutuis ramulis communicans, &

in unum alveum quoque coiens, vertebrarum medio in homine, inclinans in bratis ad latus sinistrum, incumbit. Postquam ad subclavi-
am, sinistram ut plurimum, perventum est, rarius simplice, saepius du-
plici, imò quandoque triplice exitu eam subit. Et quemadmodum
toto itinere vasa lymphatica intra se recipit, ita praesertim prope exi-
tum quoddam, cisternam velut constituens, & collare majus ali-
quibus dictum, à superioribus partibus reducem lympham appor-
tat. Toto verò suo tractu non modò valvulae inveniuntur, sed praes-
sertim sub finem aliqua notabilis, quæ aditum chylo concedit, &
contra sanguini reditum negat, imò illum simul guttatim sanguini
infundit, & ut secundo cum eo flumine feratur, determinat.

§. VI. Quamvis alium usum *Bilsius* & *Schwammerdammius*
venis lacteis attribuunt, iis tamen chylum vehendi munus integrum
manet. Nam *Bilsi* de lacteis vasis, rorem aliquem ad intestina
vehentibus commentum à *Ruysschii* valvulis, & ligaturâ, obicem ex-
pertum fuit ejusmodi, qui omnem feri aditum ad intestina excludit.
Neque *Schwammerdammi* opinio veritate nititur, quasi nimirum
lymphæ glandularum intestinalium per lacteas venas, non chylus,
profluat. Quippe illic, ubi pauciora vasa lactea, e. g. in intestinis
crassis, copiosa & majores conspiciuntur glandulae, & liquor, qui
exin promanat, modò lacteus, modò lymphaticus apparet, prout
brevius, aut longius à chylosi considerantur, cum ab illis idem po-
tius ubique & semper, æquè ac lymphæ in reliquo corpore, inveniri
deberet.

§. VII. Etiam si verò condonari antiquis possit, quòd venis la-
cteis nondum cognitis, venas mesaraicas chylum sugere, eundem-
que ad hepar deferre, sibi persuaserint, miror tamen cur ex recentio-
ribus & hodiè inveniantur, qui has illis subsidiariam operam præ-
stare arbitrentur. Etenim (1.) *Harveus* pennatis venas lacteas adesse
negat, adeoque in mesaraicis chylum vehi debere instat; & (2.) *Brun-
nerus* flatum anseris intestino ligato immissum ad venas mesaraicas
penetrare affirmat, & hinc chylo suscipiendo idoneas eas esse con-
cludit. At quia *Bartholini* asseveratio lactea quoque vasa in vo-
lucris adesse testatur, nemo de officio eorum dubitabit allegato.
Verum fingamus volucres nulla habere vasa lactea, & largiamur fla-
tum in anseris ad mesaraicas venas penetrare, adeoque & chylum fortè

in eo subire easdem posse, sed quia in homine & aliis animalibus dantur venæ lacteæ, & status ad intestinalia ligata immixtus ad venas mesaraicas non penetrat, etiam illis in homine operas suas integras relinquimus, has verò pro chylo quoque excipiendo minùs congruas judicabimus. Imò (3.) non diffitebimur, interdum in sanguine venarum mesaraicarum chylum quoque observatum fuisse; quoniam id etiam in aliis reliqui totius corporis venis quotidiè contingit, si chylus per ductum thoracicum ad sanguinem delatus, subactus nondum fuerit, adeoque illis peculiarem magis aptitudinem non innuit. Videntur equidem (4.) arteriis in mesenterio venæ plures & ampliores, atque sic plus reducere, quàm per illas afferebatur, & id probabiliter chylum esse. Ast quis hoc mesenterii venis proprium, & non familiare cum omnibus aliis agnoscat, quòd in toto corpore id contingat, quòd celeritatem affluentis sanguinis per arterias venarum numerus & amplitudo compensare valeat. Nec (5.) opus est, ut breviorẽ viam necessariam esse arguamus, quàm per ductum thoracicum, quia mox ab assumptis alimentis reficiamur: quoniam statim chylicatio incipit, & refocillationis quoque alia causa subest. Favere equidem videretur sententiæ illi (6.) quòd aliquando Parisiis in Comite quodam denato, in intestinis spaciatis, venas mesaraicas, orificiis apertis, sanguine grumefacto, quasi cerâ, refertis, hiasse viderim, atque sic chylo quoque aditum patere potuisse. Enimvero status hic maximè fuit p. n., atque contra in canibus vivis, quibus venam portæ ligavi, sanguinem ad intestina sincerum prorupisse, nunquam observare potui, quamvis tota intestinorum tunica coccineo quasi colore imbueretur, & animal quoque ex stagnationis continuitate mortem obire cogeretur, cum tamen necessariò illud evenire debuisset, si venæ mesaraicæ in cavitatem intestinorum aperirentur. Equidem (7.) paucitas atque exilitas vasorum lacteorum subsidium venarum mesaraicarum exigere videtur, quòd chylo omni illa minùs sufficientia appareant. Necessarium tamen id minimè esse, patebit consideranti, quòd chylus non simul & semel paretur, atque ad sanguinem ex intestinis mittatur, sed successive, adeoque sic tot rivulos per vices transferendo illi adæquatos utique inveniri.

§. VIII. Ordinariò ergo, & nisi lusu naturæ aliud quid acciderit

derit, chylus ex intestinis ad vasa lactea, & per ductum Pecquetianum ad venam subclaviam, & omnis quidem, fertur. Docemur hoc præsertim experimento, quod *Lowerus*, postquam varias aliorum sententias discussit, instituit. Nimirum, cani vivo & benè pasto digitus in vulnusculum, tergo inter secundam & tertiam costam inflicto, adigitur, eodem ferræ instar inciso ductus thoracicus disrumpitur, ut chylus ad cavum thoracis effundatur. Sic canis paucos intra dies emaciatus & marcidus penè redditus interimitur. At quoniam dubium hæc enchirisis id relinquit, utrum chyli; an lymphæ, defectu mors acciderit, sequentis argumenti robur potius mihi videtur. Scilicet digito pariter, secundum modò memoratas circumstantias, canis thoraci immisso ductus chyloferus comprimitur, & sic nullum chylum in sanguine per apertam venam extracto, reperire est, faciliè verò si remisso digito, currenti per suum canalem chylo, transitum concesseris.

§. IX. Sed quid chylum versus sanguinem urget, & eidem infundit? Ex intestinis motu peristaltico ad orificia receptus, angustato canale ad venas lacteas urgetur. Sed quoniam præsertim in ductu thoracico perpendiculariter ascendere debet, novo impellente opus est, quod diaphragma agit. Hoc in inspiratione deorsum dum movetur, ad ampliandum thoracem, comprimit, intumescens processibus musculi inferioris, receptaculum, & per superiora chylum urget, quod retro ire valvulæ non concedant, imò etiam eundem, ne relabatur iterum, quasi de contignatione in contignationem suspendunt. Et his contractionem musculorum abdominis jungimus, utpote quibus experimentum, dissertatione præcedente enarratum, hoc munus quoque adstruit. Etenim compressis intestinis chylus quoque ulterius promovetur, cum ductu thoracico per vulnus evacuato novus chylus non succedat, nisi manuum palpatione, vicaria contractioni abdominis opera præstetur.

§. X. Quibus declaratis motibus hujus modum determinare per facile est. Scilicet chylus ex constrictis & ab abdominis contractione compressis intestinis in venas lacteas propellitur, ex his ad glandulas mesenterii effusus, à vasis lacteis secundi generis suscipitur, & ad receptaculum confluit, ex quo superiora versus à diaphragmate adigitur, & sanguini, ne ejus motum inhibeat & turbet, per diversos ut-

plurimum ramos, partim infunditur, ita quidem, ut cum eo cor versus proferri valeat. Neque sic opus est, ut cum *Craanio* existimemus, chylum in vaporem resolvi, & instar fumī ex sacculo chylifero per Pecquetianum ductum ascendere, quia avtopsiæ repugnat. Verum potius facile mechanismum ejus invenire licebit, si perspiciamus, vasa esse chylo aut sero turgida, & inter se continua, ut sic chylus ad venas lacteas primi generis ex intestinis venire nequeat, quin expellat eum ex glandulis versus vasa secundi generis, hinc ad receptaculum, ex hoc illum, qui in thoracico ductu continetur, ad sanguinem, simili artificio, quo aqua, in canalibus licet longissimis, externâ vi in eos adacta, ob continuitatem provolvitur, quia tunc rationem habere solet ejusmodi liquor tubulos opplens corporis continui, i. e. prout in hoc, unâ extremitate motâ, eô momento movetur altera, ita etiam contiguæ invicem liquoris guttæ per totum meatus tractum susceptam impressionem continuant, ut quantum in principio ejus subit, tantum in fine iterum effluat. Præsertim verò hîc maximam utilitatem concedunt valvulæ, per omnia hæc vasa conspicuæ, quòd impellens per vires agat, atque sic facile cessante ejus impulsu tantum retrocedere possit, quantum prius affluerat, nisi per valvulas reditu interdiceretur, atque simul, quorsum moveri debeat, determinaretur.

§. XI. Interim nemo sibi persvadeat, solum hunc chyli motum esse, qui attendi mereatur, & eum, prout ex intestinis fertur, in quæ vasis lacteis conspicitur, hîc tantum merum transitum invenire. Aliud longè curatius perpendenti apparebit, chylum nimirum hîc magis perfici, & demum ultimam limam experiri, antequam cum sanguine uniri valeat, imò hoc tam arduum esse quoque, quod ipsi accadat, ut sine eo nullatenus congruus sanguini nostro videri possit. Scilicet primò attendamus, quid ipsi intra glandulas mesenterii accadat, non enim mera ejus diverticula easdem pronuntiare licet, quia depuratio & limpidior, aut dilutior ab illis per vasa lactea secundi generis prodire solet. Duplex verò ipsi officium eas præstare chylo suspicor; alterum, quòd particulas oleosas & pingviores separent, utpote quæ ipsi in cursu cum sanguine per capillaria vasa remoram facere facile possent, præsertim, cum copiosissima pingvedo, quæ circa eas ordinariò invenitur & colligitur, id innuere quàm maxime videat.

videatur. Alterum verò, quòd novum aliquod serum, ab iisdem ex sanguine secretum, pro ulteriore chyli dilutione, eidem affundatur, atque eapropter tenuior propullulare valeat.

§. XII. Quis deinde frustra aut casu, & non potius Sapientissimi conditoris prudentissimo consilio, factum esse existimet, quòd & ad receptaculum & ad ductum thoracicum tanta lymphæ corpore reducis copia revertatur, & cum chylo, antè ejus ad sanguinem transitum, uniatur. Facilius fuisset lympham, prout cum arterioso sanguine affluit, etiam per venas refluere potuisse, aut immediate magis cum venoso sanguine conjungi, quàm per tot anfractus ad novum quoddam canalium genus, & illud quidem ferri, quod chylo ex intestinis vehendo accommodatum est. Imò quis putet etiam chylum frustra ex imo ventre ad mediū summitatem duci, cum breviori viâ venæ lacteæ abdominis venas subire, & sic sanguini adducere laticem suum potuissent, præsertim, quòd *Conringius* convenientius & consultum magis judicet, si pluribus in locis chylus sanguinem subeat. At aliter visum est naturæ artificii, Deo, qui chylum longâ hâc viâ ulteriore depuratione ad sanguificationem sustinendam disponere magis maluit. Experientia enim Medicorum illorum Parisiensem, *Perrotii*, *Gayantii*, *Pecqueti*, singularis, & naturæ ludenti adscribenda est, quâ ductus thoracicus cum emulgentibus & lumbaribus per furculos communicaverat.

§. XIII. Etenim si lympham, quæ in sacculo rorifero, & ductu thoracico chylo affunditur, inspiciamus, facile deprehendere est, (1.) eam similem esse humori salivari, glandularum ventriculi, & intestinalium, quia ex arterioso sanguine latex ejus fermè ab ejusdem generis organis, glandulis scilicet conglobatis, secernitur: (2.) imò longè puriorem & defæciorem dicendum, quia conglomeratarum succus viscidior, hic tenuior, fluidiorve est; ille multas adhuc partes crassiores in intestinis percolatione secernendas, & cum excrementis excernendas fovet, hic limpidus & purus est, neque ulteriore defæcatione indiget, siquidem eum provida natura, uniendum sanguini iterum, ad eò studiosè reducit. Ut proin nemo sit, qui non percipiat similem aut majorem in chylo lymphæ in receptaculo & ductu Pecquetiano affusionis necessitatem & utilitatem esse. Nimirum, minùs accommodatus sanguini foret, ut cum eo circulatio-

nem per omnia exilissima filamenta vasorum, & interstitia partium absolvere, liberumque fluxum & refluxum, sine metu stagnationis, obstructionis, aut alterius obstaculi instituere posset, nisi lymphâ hâc magis divisus, dilutus, attenuatus, fluidior, & ad unionem cum sanguine suscipiendam præparatus magis fuisset redditus.

§. XIV. Ex quibus apparet, quàm incongruè, & contra naturæ institutum, agant illi, qui uni cuidam parti, aut ejus functioni, ascribunt, quod illa per tot instrumenta, adeò lentè demùm, ad maturitatem perducit. Præsertim, qui intelligit, quàm multum operæ impendat in chylum, quàm plures partes mutuas vices simul præstent, antequam ille ad sanguinem perfectus plenariè perveniat, quòd cum devenerit, chylicificationis terminus est.



ORGANIS HÆMATOSEOS.

§. I.

Sanguinichylus affunditur, revera enim aliquot à pastu horis in eo, ex secunda venâ educto, & frigefacto, conspicitur, successive verò subigitur, & tandem disparet. Id αἱματώσω, sive sanguificationem communiter appellant. Multum verò ea in recessu habet, quod ut curatius nosse liceat, primò contemplabimur instrumenta, eorumque organisationem, & agendi habitudinem; tum quæ sanguinis motum circulationem præstant, cor cum suis vasibus; tum quæ ad intestinum magis conferunt, respirationem: sic enim utriusque motus formalitatem, & tandem, sanguificationem ipsam, & quid ex eâ proveniat, declarare facilius erit.

§. II. Cordis, vasorumque ejus imprimis structuram, sub organorum hæmatoseos titulo hac vice exponere placuit. Non quòd sola illa amplissimum illud munus absolvant, sed quòd præcipuum & immediatum magis ejus instrumentum existant, & quòd eorum conformationi, vi agendi, & communicationi rectè tradita, actionis hujus, vitalis antiquis nominata, ætiologiæ firmiter innituntur, quam ubi fictitiis illas facultatibus assignabant. Quemadmodum verò ex centro peripheria fluit, ita etiam ex corde ad vasa, tanquam radios ex eo excurrentes, nostram considerationem dirigimus.

§. III. Cor quamvis non totius corporis, thoracis tamen velut centrum existit, & medii ventris medium occupat. Opus enim erat, ut capiti proximius collocaretur, quoniam homini os sublime, cælumque tueri datum est, adeoque brevior meta sit sanguini ad caput, & perpendiculariter ascendenti, quam ad inferiora distribuendo, & sponte quasi eò ruenti. Figura conum representat, cujus latior pars basis audit, & firmatur per vasa, acuta mucro dicitur, & libera pro motu felicius præstando invenitur. Illa supremum, hic infimum locum, ita tamen, occupat, ut basi ad dextrum latus reclinata, ejus sinister apex velut in medio emineat, cuspis verò sinistrorsum inclinet, atque ansam dederit existimandi, cor sinistrum latus occupare. Imò nec sine causâ hæc cordis inclinatio fit, ut nimirum vena cava descendens & ascen-

ascendens melius implantari, aorta commodius disseminari queat. Magnitudine quinque vel sex, latitudine circa basin quatuor fere digitos transversos æquat, eâ tamen circa mucronem proportionatè imminutâ. Ambiant id pulmones à tergo connexi, ab anticâ parte liberi, & id in inspiratione inflati cingentes, in expiratione collapsi derelinquentes. Non quòd flabrum ipsi concedant, sed vasorum per illos ramificatio, ad aëris energiam suscipiendam, fieri commodius possit.

§. IV. Exterior quasi in thecâ conditur membraneâ, aut faculo inclusum videtur, quem pericardium dicunt. Id eque ne hinc & illinc labatur, sed motum potius constantem edat, cor firmat, laxius tamen eidem adhæret, & non nisi circa basin & vasa continuum est. Habet verò hoc peculiare in homine, uti nuper quoque aytopsia confirmavit, quòd parti diaphragmatis tendineâ à mucrone basin versus, palmam fere, firmissimè adhærescat, dum in brutis interveniente demum mediastino eidem connectitur, quod, quare fiat, sequente dissertatione dicetur. Quemadmodum verò omnes partes animalis internæ madore quodam perfusæ inveniuntur, si aperiantur, ita etiam cor vapore quodam seroso continuo irrigatur, ut fibræ eò melius motui perpetuo præstando aptiores sint. Is ergò in animali mortuo condensatur, & exigua in quantitate, in breviori morâ vitam finientibus, majore, in suffocatione pereuntibus colligitur. Revera enim æquè ac lymphæ in reliquo corpore concrescibilis, & ejusdem generis est, quam secernendi munus forte glandulæ inter auriculas sitæ tribuere liceret. Quamvis regeratur, sequi hinc, quòd toto vitæ tempore plus colligeretur, cum tamen tantillum reperiatur. Ast quid repugnat, quòd minùs concipiamus eam, nè mole molestiam creet, à lymphaticis vasis, quæ à pericardio quoque prodeunt, absorberi, & sic in strangulatis, uti ordinariò evenit, ob stagnationem deprehendi copiosiore, cum videamus in ejusmodi subjectis, eandem ob rationem, vasa hæc serosa conspectiora fieri, & hinc extravasationem quoque facilius contingere.

§. VI. Substantiam cordis nemo ex recentioribus anatomicis amplius dubitat musculosam pronuntiare, quòd fibrarum carnearum fasciculus, tendo, & contrahendi munus id sufficienter, refragante licet *Diemerbrakio*, innuant: præsertim cum *Hippocrati* quoque auctoritas cor musculus esse asseveret. At quemadmodum reliqui musculi diverso munere pro fibrarum diversâ serie, insertionem, &c.

gau-

gaudent, ita quoniam cordis singularis & continua est actio, non modò firmitudinem & densitatem aliis musculis majorem, sed peculiarem quoque & maximè artificiosam structuram obtinet. Non defraudandi sunt suâ laude *Steno*, *Lowerus*, *Bellinus*, *Borellus*, *Bartholinus*, *Bidlois*, *Vieussens*, & ex vetustis quoque *Vesalius* & *Columbus*, qui nodum hunc Gordium solvere, & fibrarum in corde seriem evolvere summo perè laborârunt, quò mechanisum ejus eò melius patefacerent. Enimvero, non tantùm in ordine fibrarum determinando inter se discrepant, sed & ingenuè fateri coguntur, quòd quamvis in corde, præsertim elixato, aliæ rectâ ad tendinem, à basi ad mucronem obliqve & sigmatis instar productâ, abeant, aliæ obliqve magis excurrant, in glomum volvuntur, cochlearum instar contorqueantur, in spiras, præsertim in mucrone, flectantur, interius aliter, aliter exterius ducantur, aliæ utriqve communes, aliæ alterutri propriæ appareant, omnium tamen inextricabilis textura sit, ut nullum certum earum stratum constituere liceat, sed Alexandri potiùs ense discindi, quàm humanâ industriâ explicari valeant. Utut verò hic fibrarum nexus adeò varius, adeò mirabilis sit, omnium tamen actio & conformatio ad cordis constrictionem, & mucronem basi adducendum conspirat. Exterius autem totus ejus glomus membranâ obvolvitur, arctiùs, imò arctissimè, adhærente, quàm de pericardio dictum est, quæ multis ductibus adiposis & glandulis, *Bidlois* testimonio, stipatur, ut eapropter ut plurimum multâ pingvedine obsideatur, non alium in finem, quantum mihi videtur, hîc congestâ, quàm ut oleaginositate hâc fibrarum aptitudo contrahendi servetur, neque eadem ejus defectu obrigescant.

§. VI. Præsertim verò notari meretur interna ejus structura, præsertim maximè singularis, quòd nimirum musculoſa illa compages ita construatur, ut in medio duæ cavitates relinquantur, quæ ventriculi, thalami, & sinus appellantur. In illis varia attendi debent; (1) quòd dexter laxior & flaccidior sit sinistro, huicqve firmiori, strictiori, crassiori, & magis in globum formato, atqve mucronem altiùs subeunti, desuper incumbat, appendicis instar, quippe eo reſecto hic pristinam formam tenet, aut cor adhuc constituere videtur. Imò eapropter etiam figura cavitatum harum variat, quæ in dextro valdè irregularis, in sinistro rotunda magis est. Unde fit, ut, quamvis dexter capacior appareat sinistro, id tamen reapse non sit, sed tantæ quantitatis aquam infusam, quàm ille, hic contineat. Siquidem & necessarium hoc est, quòd impossibile sit concipere, quomodo plus sanguinis ex dextro

thalamo ad pulmones urgeri, quàm à sinistro iterum excipi possit, cum tantillum feri, quod ad vasa lymphatica secedit in pulmonibus, disparitatem tantam efficere nequeat, præsertim quia pars illius ex sanguine per arteriam bronchiale adducto, non solum ex illo venæ arteriosæ provenit. (2.) Foveæ, quæ etiam scrobiculi, & à similitudine fissuræ, dicuntur, in interiore parte ventriculorum conspiciuntur, atque ab inæquali fibrarum carnearum excursione & texturâ formantur. In brutis pauciores quidem, sed majores, & validæ magis, observantur. In homine pariter pauciores & firmiores in sinistro ventriculo, quàm in dextro, reperiuntur. (3.) Columnæ dictæ carneæ, quæ à mucrone basin versus ascendunt, & in tendinea filamenta abeunt, valvulis venarum tricuspidalibus annexa, de quibus mox plura dicemus, similiter minore firmitudine, quàm in sinistro instructis.

§. VII. Bini verò ventriculi à se invicem distinguuntur intermedio quasi pariete, quem septum cordis dicunt. Quamvis enim ad sinistrum formandum potius videatur fabrefactum, quod hujus figuram sequatur, insimul tamen utriusque communicationem intercipit. Equidem *Helmontius*, *Bartholinus*, *Gassendus*, & pauci alii, foramina, modò triangularia, modò rotunda, modò flexuosa in eodem sibi concipiunt, quæ ex dextro ventriculo portionem sanguinis subtilioris ad sinistrum immediatè transferant. At avtopsia repugnat, nisi stylo fortè foveis imprudenter immisso eadem paraveris. Imò & ratio dissuadet, (1.) quòd nil impediret, quòd minùs etiam ex sinistro ad dextrum sanguis regurgitaret; (2.) quòd utroque contracto simul, adeòque occluso, ad alterutrum transitus *ἀδύνατος* sit: præsertim cum (3.) observemus, naturam in embryone foramen ovale formasse, pro sanguine ex dextro ad sinistrum ventriculum fundendo, & præterea canalem arteriosum constituisse, pro combinando & per aortam distribuendo dextræ cavitatis sanguine cum eo, qui è sinistro eò prodit; quibus non opus fuisset, si immediatus per foramina quædam transitus pateret.

§. VIII. Basis cordis foramina quatuor, bina in dextrâ, & bina in sinistra cavitate obtinet. Omnia verò cataraçtis quibusdam muniuntur, sive pelliculis obducuntur, valvulæ vicem præstantibus. Duplicis tamen structura sunt, alteræ enim accessum concedunt ad ventriculorum cavum, ex eo reditum negant, alteræ contra exitum facile permittunt, versus cavitates verò occluduntur. Illæ mitrales à figurâ, aut etiam tricuspides dicuntur, & fibris tendineis firmissimis columnarum carnearum continuæ sunt. Hæ semilunares aut etiam, sigmoideæ, appellantur, quæ etiam à formâ interdum digitales,

quòd

quod mulierum digitale referant, audiunt. Dextra cavitatis alteri foramini ex semilunaribus tres, alteri tres mitrales; sinistra verò alteri itidem tres semilunares, duæ tantum mitrales apponuntur.

S. IX. Vasa cordi alia sunt toti corpori cum eo communia, de quibus inferius, alia ipsi magis propriè debentur. Hæc sunt ex sanguineis arteriæ & venæ coronariæ, àfiguratione suâ ita dictæ, à basi enim ad conum exporrectæ, coronæ instar, cordis thalamos cingunt. Illæ ex aortâ prodeunt, hæ in cavam terminantur, utrinque mox in cordis confinio. Lymphatica vasa ex corde prodeuntia lympham suam. Pecquetiano ductui vel immediate, vel mediâtè magis concedunt. Nervi octavi paris, quod vagum dicitur, propagines sunt ramulorum ab intercostali accessione locupletati. Illi majora vasa sanguinea variis suis fibris circumstant, & ambiunt. Hi à plexu Fallopiano fibras immediate magis ad cor transferunt, & per totam ejus substantiam disseminant.

S. X. Adstant cordi circa basin quædam appendices, auricularum instar, & hoc quoque nomine anatomicis describuntur. Earum structura musciculosa pariter ac cordis est, ita quidem, ut non immeritò à Bidloo musculi ejus cavi, adjutorii nuncupentur, & columnæ quoque carneæ æquè ac in illo inveniantur, ex duplici præsertim fibrarum serie, alterâ ad tendinem in basi cordis, alterâ ad circulum tendineum duriusculum cavæ & pulmonalis desinente. Major & laxior est dextra, sinistra minor, sed firmitior. Et prout firmitudine ventriculis respondent, ita capacitate venas, quæ in eas terminantur, respicere videntur, dextræ enim vena cava amplior, sinistra pulmonalis minor, sanguinem suum concedit. Nervos etiam illæ ex octavi paris furculis citius suscipiunt, quàm ad cor distribuuntur.

S. XI. Actio partium descriptarum hinc facile determinabitur. In utrisque, corde scilicet & auriculis, duplicem motum, durante vitâ, observamus. Alius est contractio, & systole dicitur, alius dilatio, & diastole appellatur. In systole cor & auriculæ abbreviantur, & in illò mucro ad basin retrahitur, atque ventriculi latera tumescunt. In diastole restituitur iterum cordi pristina figura, & cuspi à basi recedit, atque fibræ elongantur & remittunt; in auriculis autem fibræ iterum laxantur & expanduntur. Interius in systole cordis latera quoque angustantur, musculosis fibris utrinque velut statu distensis: in diastole verò relaxantur, id quod facili experientiâ cognoscitur. Nempe, si in animalis vivi foraminulum, cordi ad cavitatem usque penetrans inficium, digitum immittas, manifestè experieris, in systole undique, interius quoque, digitum constringi, in diastole autem liberari. Et id quidem utrique ventriculo eodem momento contingit. Admittunt ergò in diastole sanguinem ventriculi cordis, & auricularum cavitates, quia tunc, habentis quasi laxatis, sanguini conceditur aditus, præsertim, cum in corde, ventriculis elongatis, expandantur columnæ, atque sic simul retrahantur continuæ valvularum cuspides, & sanguini introituro valvis reclusis portam aperiant: dum sigmoides, quod expulsum est, relabi non permittunt. At contractis & angustatis cavitatibus necessariò contentus liquor exprimitur ex corde per valvulas sigmoides, contra nunc exitum concedentes, dum remittente tricuspidalium retractione refluxui per eas obex ponitur. Motus hic cordis pulsus dicitur, in quo dum systole fit, à contractis & tumefactis ventriculis, præsertim sinistro, pectus

quatur, non à mucrone recedente, utpote qui interiora versus potius abit. Auriculæ quemadmodum in diastole suâ sanguinem ex venis admittunt, ita in systole eundem exprimunt ad cordis cavitates. Eapropter distinctis interval-
lis cordis & auricularum motus fiunt, dum cor constringitur, dilatantur auricu-
læ, dum hæ constringuntur, cor admittere potest sanguinem. Ita enim compa-
ratum esse docemur, quod in experimentis, quibus statu cordis motum restitui-
mus, auriculam prius corde pulsam inchoare quoque notemus. Imò necessa-
rium est, ut corde contracto, & valvulis ad auriculas positis oclulis, sangvis
interim admittatur, ut dein relaxatis harum loris, & influat, & exprimatur, & à
corde in diastole constituto admittatur. Opus ergo est auriculis, ut ne sangvis
sine remora nimium irruat, & quoque ab iisdem cum aliquali impetu, ne resta-
gnatio metuenda veniat, ad cor adigatur.

S. XII. Unde cor & auriculæ moveantur, non est, ut opero sus inquiramus. Etenim non opus est ad facultatem pulsificam confugere, sed prout om-
nium muscutorum motum ab influxu spirituum, cooperante sanguinis affluxu,
pro fibrarum serie & insertionem contingere, suo tempore demonstrabimus: ita
& horum, de quibus nunc agimus, contractio, quæ propriè agunt, dum diastole
remissione potius sit, ab influentibus per nervos spiritibus pendet: quia nervis
ad cor excurrentibus ligatis motus cordis perit. Ut tamen sanguinis per arterias
coronarias affluxum, & per auriculas incurrentis stimulum in corde non exclu-
damus. Ex adductis etiam facile patet, quod nec fermentanti in corde sangvi-
ni, cum *Cartesio*, *Hogelando*, *Sylbio*; nec ebullienti, cum *Bartholino*, *Willisio*,
Horstio, motum hunc tribuere valeamus, quatenus nimirum tum latera exten-
dat, & ora quasi vasis elabatur. Nam flammula horum vitalis dudum extincta
est, & illorum fermentum in corde firmissimè angustato nullum invenit locum.
Duo autem præsertim id destruunt: (1.) quod hic motus sit valde æquabilis,
qualis nec ab ebullitione, nec à fermentatione, præsertim tam exigua morâ, expe-
ctari potest: (2.) malè præsupponatur in systole cordis figuram capacissimam ef-
se & sanguinè admitti, effluere in diastole, quia ex antecedentibus contrariū patet.

S. XIII. Pergimus, naturâ indic, ad vasa, quibus cum toto corpore com-
municat, & quidem primum ad ea, ad quæ sanguini ex corde aditus patet. Appel-
lantur arteriæ, & ex angusto in angustum desinunt, sive ex trunco in ramos, fron-
des, & furculos, atque exilissima capillamenta dividuntur. Tubulosa earum com-
pages ex diversis lamellis constat, in quarum numero determinando auctores va-
riant, prout eas vel plures conjunctim, vel separatim considerant. Exterior reti-
cularis est, cui glandulæ subternuntur plures & diversæ figuræ, has excipit car-
nea, ex fibris circularibus aut annularibus composita, cui *Bidlow* & *Blancardus*
membraneam, aut tendineam potius, adhuc subijciunt. Dux sunt, altera ex dex-
tro ventriculo prodit, & quasi alteram circumducit, atque in pulmones dissemina-
tur, hinc etiam recentioribus pulmonalis dicitur, antiquis vena arteriosa audiebat.
Alterâ, è sinistro originem trahens, aorta sive magna vocatur, & ad omnes totius
corporis partes dispergitur. Usus utriusque est admittere sanguinem, ex corde
in ejus systole propulsum, adeoque ab affluente sanguine dilatarî, atque contractis
suis fibris sanguinem ulterius promovere, dum ad cor eum regurgitare valvulæ se-
milunares non concedunt.

S. XIV. Scilicet ratione aortæ notandum, eam ex dictâ causâ unam quidem
ratio-

ratione suæ originis esse, ad meliorem tamen distinctionem in diversis corporis locis, pro partibus, quibus subiacet, inferitur, variè denominari. Ea mox intra pericardium per ramulum coronarium cordi prospicere, atque extra idem ex inclinato trunco (ne recta emergens sanguinem impetuosius cerebro infundat) duplicem arteriam, quæ subclaviæ dicuntur, emittere, quæ, quòd superioribus partibus prospiciant, ascendentem truncum constituere perhibentur. Hæ costis superioribus, mammisquæ, ramulos attribunt, & ad caput duas carotides cum vertebralibus spargunt, quarum hæ cum illarum internæ, encephalica idcirco dictæ, postquam partibus adjacentibus in transitu varios impertiverunt furculos, calvariam intrant, dum externa reliquis partibus operam suam locat. Hinc tandem subclaviæ, thoracem egressæ, axillarium nomen assumunt, & varios ramos per brachium ad digitos usque emittunt. Truncus verò major deorsum qui flexitur, descendens dicitur, & arteriam bronchiale *Ruychii*, hinc intercostales spargit & phrenicas; atque diaphragma perforans omnibus abdominis visceribus, vel immediatè magis, vel mediatè, sanguinem distribuit per varios ramulos, quorum in viscerum delineatione sequenti sæpius facienda erit mentio. Tandem in ramos iliacos secedens ad pedes usque in varios rivulos dirimitur, diversis itidem nominibus insignitos.

S. XV. Rediit, quod per arterias abducebatur, per duplicis generis vasa à partibus, per lymphatica pars serosa, per venas sanguis, ita tamen, ut per has illa excipiantur, & cordi suum liquorem retribuunt. Venarum quoque substantia diversis ex laminis constituitur. Extima fibras habet musculosas in longum expositas, hinc reticularis, postea glandulosa sequitur, & ultima denique fibras carneis circularibus constat. Contrariâ ratione in partibus, ex capillaribus radicibus incipiunt, & in majores tandem rivos, hinc flumina, confluunt, quæ sese in mare illud microcosmi exonerant. Duo ergo sunt trunci, ad quos omnes venæ terminantur: alter sinistri ventriculi auriculæ adstat, & vena pulmonalis, aut etiam arteria venosa dicitur, & ex pulmonibus sanguinem ad cor reducit. Alter vena cava appellatur, & dextræ auriculæ continua est, sanguinem ex toto corpore reducem cordi iterum advehens. Et hæ ab arteriis quoque aliquid peculiare habent, quòd per totum earum tractum plures distributæ sint valvulæ semilunares, quæ à partibus versus cor, non autem retrò, patent. Hæc ergo vasa exceptum intra ostiola sua sanguinem cordi adducunt, & eum motu, peristaltico intestinorum simili, (siquidem & similibus fibris gaudent,) ulterius urgent, dum retrocedere valvulæ, quod semel propulsus est, negant, tricuspidem verò in corde sanguinè in ejus systole excludunt. Imò venæ arteriis sunt ampliores & plures, quia motus tarditas in his, velocitatem ejus in illis compensare debet.

S. XVI. Varia adhuc circa venam cavam observari merentur, ejus propagines itidem diversis nominibus veniunt. Quæ ad eam terminantur, vel ex partibus superioribus corde veniunt, truncum descendente; quæ ex inferioribus, ascendentem constituunt. Ex capitis partibus per jugulares externas & internas, atque vertebrales refuit, ita quidè, ut harum & jugularium internarum ramuli ex *ινεφδλιν* venientes ratione sui exortus id peculiare habeant, ut scilicet ex cavitatibus quibusdā amplioribus, quas sinus vocant, prodeant. Quæ ex brachiis veniunt tandè in axillares coeunt, quæ in thoracè penetrantes, subclaviæ dicuntur, & per has cum sanguine, ex prius nominatis confluentè in cavam descendente finiuntur, quæ mammarias, musculosas, intercostales superiores, & mediastinam, & *ζυγον*, pnevmonicas, rectius bronchiales, & coronariam valvulâ in fine instructam recipit, atque in dextram auriculam abit.

abit. *Ασχο* verò illa, ut plurimum simplex, quam nuper in homine quoque, prout *Panarolus*, & *Bartholinus*, duplicem invenimus, nomine hinc suo indignam, in dextro potissimum latere, ex interstitiis costarum refluxum sanguinem in se utrinque recipit, & cavæ conjunctim infundit. Huic enim ramuli intercostales immediate jungi non poterant, quòd ea à spinâ remotius procedat, adeoque ad eandem sine periculo rupturæ protendi non potuissent.

§. XVII. Ex inferioribus partibus, & quidem pedibus & cruribus ad iliacos confluit ramos, (qui hypogastricos & plures imbibunt,) & uno deinceps trunco ascendit, atque ex abdominis partibus vel immediate vel mediate sanguinem recipit, & postquam diaphragma perforavit, & phrenicis ditior factus est truncus ascendens, cum descendente ad auriculam ita quidem unitur, ut circulo quasi cartilagineo, obliquo tamen, à se invicem distingvantur, quo utrinque veniens sanguis ad auriculam dirigatur, neque descendens ascendenti obviam fiat, & contrario nisu ejus motum sufflaminet. Immemor hic videri possem venæ portæ, quæ sanguinem ex ventriculo, liene, intestinis, &c. colligit, & non venæ cavæ, sed hepatis, in plura ramenta divisa, contribuit. At quamvis ad dictum viscus abeat, sanguis tamen ex eò veniens iterum cavæ conceditur, & cum reliquo flumine unitur.

§. XVIII. Vasa lymphatica inventum hujus seculi, & *Bartholini* aut *Rudbeckii* felicitati debentur, exilissimi sunt canales & tenuissimi, qui ex toto corpore prodire hodiè, *Nuckio* præsertim historiam eorum complente, observantur. Illa vel ad receptaculum lumbare, vel ductum Pecquetianum ordinariò confluunt, & cum eo ad subclaviam liquorem suum fundunt, una cum venoso sanguine cordi per eam reassundendum. Sed de his, eorumque valvulis, aliâ occasione pluribus.

§. XIX. Unicum adhuc superest dubium, quomodo arteriæ & venæ inter se communicent. Communissima est sententia, & antiquis & recentioribus quibusdam arridens, eas inter se immediate, per extremorum conjunctionem, i.e. per anastomoses, conjungi. Iis verò & ratio & experientia contrariatur: (1.) quòd vena & arteria simul aperta, & discissis musculis, differens sanguis ratione coloris & consistentiæ erumpat, cum idem esse debeat, si canales continui forent; (2.) *Kerckringio* monente, nulla posset fieri secretio, aut sanguis intra fibras musculosas penetrare, si immediate transfunderetur: (3.) nullibi, per exilissima licet capillamenta, cera in venam & arteriam sociam injecta penetrans conjuncta appareat; (4.) aqua per arterias immissa in cadavere non citius redeat per venas, quam partes musculosæ notabiliter intumuerint, adeoque ad se prius eandem penetrare doceant: (5.) intra musculorum interstitia effusus sanguis elui possit, ut inde albescant, quod revera ex arteriis aquam eò effundi ostendit. Ita tamen, utrum & quantum arteriarum & venarum in liene, aut etiam in cerebro, communicatio exceptionem patiatur, suis locis referemus.

§. XX. Scilicet effluit potius per exilissima capillaria ostiola sanguis ex arteriis intra fibras partium musculosas, glandulosas, &c. & eundem venæ radicibus suis valde exiguïs in iisdem incipientes exinde imbibunt, dum serum lymphatica, similiter in partibus initium sumentia, subintrat, cujus separationis ætiologiam in sequentibus trademus.



D. B. V.
DISSERTATIO X.

De
RESPIRATIONE.

§. I.



um ad motum sanguinis, imò ipsam hæmatosin intelligendam, necessarium sit nòsse, quid aëris illa reciprocatio, quam respirationem appellant, conferat, ejus nunc injicienda est mentio. Quam ut melius declarare liceat, primò illustrabimus medium, hinc organa, & eorum agendi munus, & sic illius in hæc actionem atqve usum eruere facilius erit.

§. II. Medium aër est, fluidum illud, quod tellurem nostram ambit, & undiqve sustinet, atq; atmosphæra dicitur. Quemadmodum verò ex physicis supponimus, minùs homogeneous eum existere, ita triplicis præsertim generis particulas obtinet. Aliæ sunt subtilissimæ & celerrimè motæ, quæ omnes omninò corporum meatus subire aptæ sunt, & ætheris quoq; denominatione veniunt. Aliæ sphericam figuram habent, quâ ad agilitatem & mobilitatem aliis majorem aptitudinem fovent, in quibus lucis effectus inprimis deprehenduntur. Aliæ tandem diversæ figuræ & molis observantur, atq; non nisi exiliores diversissimorum concretorum particulae sunt, quæ, à totius compage liberatae, antea nominatis quasi innatant, & ab iisdem agitantur. Et ab hac effluviis in atmosphæram abundantiam aut paucitatem, diversitate, condensatione aut rarefactione, agitationis intensione aut remissione, &c. pendet, quòd eadem crassa aut subtilis, salubris aut insalubris, calidior aut frigidior, inveniatur.

§. III. Omnium ergò harum particularum, variarum adeò, congeries aër est, ita tamen, ut in binis prioribus fluiditas, & præsertim, hinc vis movendi, atqve agitandi corpora; in ultimis elasticitas; in omnium pressione centrum versus gravitas ejus consistat, quæ recentiorum physicorum experimentis adeò hodiè dilucidata sunt, ut probare hæc necessum non habeam. Interim à gravitate est, quòd aër pulmones subeat; ab elasticitate, quòd eos expandat; à fluiditate verò, quòd sanguinis partes singulas commoveat & exagitet. Non tamen

men-omnis atmosphaera nostra vitalitati commoda deprehenditur, sed prout omne animalium genus certam ejus constitutionem & clima desiderat; ita homini quoque proportionata ejus mixtura convenit, subtilior verò æqvè, ac nimis crassa, minùs adæqvata observatur.

§. IV. Quamvis cordatiores medici pulmones pro unico instrumento respirationis hodiè non habeant, ab eorum tamen consideratione organorum explicationem ordiri placuit, quòd ad eos aer descendat, omnes verò reliquæ pro hujus immisione, aut expulsiõe efficiendâ laborent. Scilicet pulmones in thorace positos cordi adstare, & ab eo venam arteriosam accipere, & arteriam venosam iterum concedere, adeoque per eas firmiter cum eodem conjungi, ex antecedente dissertatione constat. Quamvis ad tergum connectantur, unum tamen corpus non sunt, sed in duas partes, non modò à mediastino dirimuntur, quæ lobi anatomicis audiunt, sed iterum & revera distinctæ sunt, & per bronchia asperæ arteriæ coherant. Uterque lobus in homine quandam velut incisionem habet, quâ in duos alios, superiorem & inferiorem, qui & apex nominatur, rarius, prout in brutis quibusdam, in plures, dividuntur, qui tamen ex minimis aliis, *Malpighio* docente, constant. Liberi eqvidem cætera sunt ordinariò, interdum tamen pleuræ in utroque, interdum in alterutro latere, nunc ex parte, nunc toti adeò annati deprehenduntur, ut vix separari queant. Id verò quemadmodum, si ex morbo superveniat, plerumque difficultatem respirandi inducit, ita contra à nativitate sæpè sine ullo incommodo fit, quod *Plempii*, *Tulpii*, *Bartholini*, *Kerckringii*, *Bohnii*, observaciones testantur. Huic simile quid ante aliquot annos in rustico tumultuario conflictu trucidato annotavi, adeò arctam nimirum cohesionem, & per omnia quidem, ut non nisi *ædæw* avelli potuerint, homine nihilominus illo, nullo respirationis incommodo, toto vitæ tempore experto, sed ad improbos labores apuissimo.

§. V. Pulmonum substantiam non parenchymaticam, sed membraneam, & quidem plurimarum vesicularum congeriem esse, *Malpighius* primus nos docuit. Eæ ergò omnes, diversâ figurâ & capacitate præditæ, variè inter se componuntur, apicibus bronchiorum continuæ sunt, atque aërem ex illis admittunt, tandemque in membranam anteriorem leviorē terminantur. In iis tamen laudatus auctor reticulum quoque fibrarum carnearum deprehendit, ut harum ratione excusari possit antiquitas, quæ pulmones pro carne, sed sui generis, aut singulari habuit.

§. VI. Vasa pulmonum sunt vel communia, vel propria. Communia voco arteriam, venam, lymphaticam & nervos. Arteriam hanc intelligo bronchiale, à *Ruyfchio* detectam, ex aortæ trunco descendente oriundam, quæ, quamvis exigua sit, non solum tracheæ, quod *Kerckringio* videtur, sed pulmonibus quoque proportionata est, si eorum texturam laxam & vesiculosam contempleris, ut scilicet iisdem cum hoc sanguine debitum nutrimentum adducatur. Venam, pneumonicam, aut bronchiale dicendam, nunc commemoramus eam, quæ, à *Sanctio* Veneto detecta, in cavam sanguinem reducit. Lymphatica copiosissima à pulmonibus veniunt, & non modò interiora subeunt, sed & in superficie satis conspicua fiunt, si flatu pulmones distendantur. Ea inseruntur ad ductum thoracicum, nam ligato hoc magis illa apparent, & in animali vivo restagnant. Nervi ex pari vago non tantum exteriorem superficiem lambunt, sed notabiles satis ad interiora penetrant, & ad vesiculas disseminantur.

§. VII. Vasa propria, i. e. quæ solis pulmonibus dicata in aliis partibus non inveniuntur, distingvi possunt in sanguinea & aërea. Sanguinea sunt arteria & vena pulmonales, quarum illa à dextro ventriculo cordis prodiens per totum pulmonum tractum dispergitur, & ad vesiculas per exilissima capillamenta excurrit; hæc iterum per tenuissimas radices in truncum colligitur, qui in sinistrum ventriculum terminatur.

§. VIII. Aëreum vas, ab illo, quod vehit, appellatur aspera arteria, sive trachea. Initium ejus larynx vocatum, & in ore constitutum, ex quinque cartilaginibus constat, quarum superior, epiglottis, operculum est, quod rimam occludere solet, ne alimenta inter deglutendum in transitu eam illabantur. Prout verò ideò conformatio hæc data esse videtur, ut apertus servetur canalis, aëri quæ accessum facilem præbeat, ita nihilominus pro diversitate soni in voce differentium animalium, non in omnibus eandem structuram obtinet. Huic, diversimodè constringendæ, aperiendæve, tredecim musculorum paria inserviunt. Canalis verò ipse simplice trunco ad cavum thoracis super oesophagum descendit, & bronchus dicitur, qui in duos ramos divisus, sub bronchiorum nomine ad utrumque pulmonum lobum excurrit, & in exilissimas radices tandem abit, quæ ad vesiculas patent, & in eas desinunt. Substantia canalis hujus membraneo, carneo, glanduloso-cartilaginea est. Exterius enim membranâ obvelatur & partibus alli-

gatur. Fibræ carneæ & longitudinales ad circulos cartilagineos excurrunt, & canalem abbreviant, circulares eundem arcuant & constringunt. Circuli cartilaginei, latiores in asperâ arteriâ, eâ parte, quâ œsophago contigui sunt, desinunt, ubique verò, & in bronchiis quoque, apertos meatus efficiunt, ut aër, qui collapsos distendere vix posset, sine remorâ ingressum inveniat.

§. IX. Ex his ergò apparet, pulmones non alium in finem conditos esse, quàm ut in illis communicatio aëris & sanguinis, ad vitam adeò necessaria, contingat. Etenim eapropter (1) sanguis ex corde pulmonibus prius adducitur, quàm ad corpus distribui possit; (2) in embryone, ubi non datur aëri accessus, sanguis quoque ad pulmones per venam & arteriam pulmonales non movetur; (3) sanguis ex pulmonibus redux floridior, spumosior; verbo, alius, apparet; (4) flatu tracheæ immisso sanguinis motus jamjam desiturus diu foveri potest. At quomodo hæc vasa inter se, & quantum hinc sanguinis cum aëre communicet, arduum magis est.

§. X. Utrum detur aëris ex vasis aëreis ad sanguinea manifestus transitus, lites non exiguae sunt. Et revera, si *Swammerdamii* & *Truflonis* asserta experientia responderent, facilis via foret. Ille enim aërem, in arteriam asperam immissum, ad venam & arteriam pulmonales tandem factâ compressione urgeri asserit. Hic liquorem nigro colore tinctum ex arteriâ pulmonali, & ad venam, & ad tracheam perripisse perhibet. At manifestum ejusmodi commercium, & patulam viam vix esse, multa dubium reddunt: (1) quòd sic sanguinis sputa continua forent; (2) experientia contrarium svadet, si quis naturali structuræ non vim inferat, nam aërem non subire adeò evidenter constat, quòd flatus in asperam arteriam immisus, integris pulmonibus, per vasa sanguinea aperta nullibi erumpat, aut iisdem aqvæ immisus, & flatu distentis, bullas, aëris exeuntis indices, excitet: cum (3) crassius aër & atmosphæricus sanguinem subire sine manifestâ noxâ non possit, quòd flatus venis animalium intrusus eadem enecet. Etiam si enim excipiatur, id ab aëre non metuendum esse, qui ex instituto naturæ, per tot loca, divisim admittatur, quod à violentius inflato proficiscitur. Facile tamen apparet, aërem nihilominus manere aërem & elasticum, atque intra vasa ejus conjunctionem necessariò eventuram, quæ dein molestiam ejusmodi, imò lethalem noxam, inferret. Interim tamen, quamvis crassiori aëri ad sanguinem transitus non pateat, à subtiliore,

tamen, æthere & globulis, adeo diversis in locis admixto, sanguinis particulæ singulæ agitationem & commotionem novam suscipiunt, cui spumofitas & mineus color itidem rectè adscribitur, ut non opus sit, totum aërem idcirco sanguinem subintrare.

§. XI. At enimvero cum ex his elucescat, toto hoc negotio pulmones maximè passivè se habere, & ab aëre dilatari ingrediente, & fibras vesicularum & bronchiorum carneas equidem aliquid ad expellendum aërem concedere opis, totum tamen præstare non posse, adeoque respiracionem ab his non produci, operæ pretium erit investigare, cui hanc aëris reciprocacionem adscribere melius possimus. Ampliatio ergò thoracis est, quæ aëri ad pulmones aditum concedit in inspiratione, & angustatio ejus, quæ exitum facit in expiratione, duplicem enim in hac actione totum respiracionis negotium absolvitur.

§. XII. Thoracem vocamus medium ventrem, qui ex ossibus, musculis & membranis constat. Ossia sunt vertebræ spinæ, cum costis exin prodeuntibus, atque ut mobiles maneant, iisdem connexis, quæ in sternum, quod anticum os vocant, implantantur, cartilaginibus distinctæ, ut motum facilius sustineant. Musculi sunt plures, diversis usibus inservientes, è quibus pro nostro scopo imprimis inserviunt intercostales, duplici serie inter costas protensi, ut se mutuò ad formam literæ X interfecent. Membrana verò pleura dicitur, quæ ab intra partes investit, & mediastinum quoque, quod medius quasi thorax dividitur, fortè etiam pericardium, efformat. Abdomen versus intermedio septo, & expansione musculofo-tendineâ, quæ diaphragma insignitur, occluditur; hoc ex duplici musculo, superiore à sterno utrinque per costas circulariter ad tergum abeunte, & inferiore firmiore & minore processibus binis ad lumbos exporrecto, componitur, qui in medio in tendinem uniuntur, & pro arteria aortâ descendente, cavâ ascendente, & gulâ transmittendâ perforantur, cum thoracicus ductus potius inferiori substernatur. Ad hoc præter arterias & venas nervi quoque insignes, phrenici didi, excurrunt.

§. XIII. Ampliatio proin aut dilatatio thoracis in eo consistit, ut costæ elevatæ, & antrosum aliquatenus retractæ sint, diaphragma verò abdomen versus moveatur. Costæ enim explanari tam nequeunt, quod conformationi repugnet, & sic potius angustatio pectoris contingeret. Verùm ipsa structura docet, utriusque strati in musculis intercostalibus fibras, contractione costas, quibus inseruntur, ad superiora, & antrosum simul retrahere, quod pectus attolli tum notabiliter ob-

fervetur. Diaphragma dum deorsum movetur actionem suam peragat, quæ contractione muscutorum suorum peragitur, & hinc est quodd tanto robore manum admotam in animali vivo, abdomine aperto, tum quætiat.

§. XIV. Angustatio thoracis à motu costarum reſtitutorio, deorsum denuò, & diaphragmatis illo pendet, quo ad superiora vergit, adeoque cavum pectoris angustius efficit. Motum costarum non alterum intercostalium muscutorum stratum exerit, quodd utrumque simul elevationi litet, sed antagonistas potius abdominis musculi agunt. Obliqui enim & descendentes & ascendentes, recti, atque transversales, manifestam cum costis & sternò, & per fibras carneas & tendineas expansiones, communicationem habent. Et quamvis pyramidales distincti appareant, appendices tamen rectorum sunt, & illis subsidiariam operam præstant. Hi ergò omnes, prout in inspiratione à diaphragmatis motu viscera abdominis premebantur, & ejus fornicem attolli extensis musculis faciebant; ita contra nunc contracti abdomen constringunt, & simul costas connexas retrahunt, atque viscera in abdomen retrò agunt, sicque diaphragma simul cavo abdominis intrudunt. Hoc enim quemadmodum motu deorsum mediastinum elongando extendebat, ita ab eodem postea contracto ad superiora rapitur, quodd etiam propulsum dictâ ratione facilius obedire potest. Ut proin partes illæ, quæ agunt in inspiratione, patiantur in expiratione, & vice versa, quæ agunt in expiratione, in inspiratione patiantur. Præsertim autem singularis illa in homine pericardii cum diaphragmate connectio hîc multum confert, quatenus scilicet intumescencia ventriculorum in systole cordis pericardium ad superiora, & sic diaphragma quoque, retrahit. Opus hoc erat in homine, erecto corpore incedente, neque de robore sufficiente ad hunc effectum in corde dubitabit, qui ex *Borello*, de vi maximâ musculi cordis eruditur. Imò quando diaphragma deorsum movetur, etiam pericardium trahit, & simul juvat, ut, qui contrahebantur cordis parietes, nunc iterum ad elongationem ab eodem ex panto constringantur.

§. XV. Ad integram ergò hanc actionem nunc declarandam, procedimus. Inspiratio est, quâ aer thoracis cavum, aut potius pulmones, subit. Id quodd fieri possit, opus est thoracis dilatatione, ut repagulis hujus remotis, aer pulmones intrare, & elasticitatem exerere, adeoque eorum vesiculas dilatare valeat: dum contra iisdem undique

con-

constrictis is ab aditu excluderetur. Pari ratione, ac vesica, folli inclusa, & orificio ejus accommodata, in tantum aëre distenditur, quantum latera illius à se invicem diducuntur.

S. XVI. Modus, quo aër pulmōnes subit, variè explicatur. Equidem existimemus eundem gravitate, quam superius in eo annotavimus, pulmōnes ingredi, & in tantum replere, quantum hi. dilatato thorace, spatium concedunt. At verò, ut pressionem à *Sabbamerdammio*, assertam plenariè rejiciam, *Lamzberdianis* experimentis adduci non possum. Scilicet ex physicis suppono (1) nullum dari vacuum, (2) hinc omnem motum fieri per circulum, (3) omnes semper partes in circulo ejusmodi simul moveri, qui *axelbaur* mathematicam non servat, sed modò amplior, modò arctior, & plus minus irregularis est, prout obstacula varia impediunt, & aliter determinant. Jam ergo dilatari thorax, propullulare abdomen non potest, quin aërem incumbentem removeat, & hic propterea intra pulmōnes ad admittendum tūm aptos, dirigatur. Quamvis enim respiratio contingat naribus obturatis, ut per eas aër accedere nequeat, per tubum ori admotum, cujus orificium alterum in alio conclavi constitutum sit, adeoque hanc aëris, ab inspirante in alio conclavi, ad alterius conclavis tubum, intrusionem & propulsionem manifestam vix esse liceat. Est tamen aëris unius conclavis cum alio communicatio satis evidens, quòd non arctè adeò occlusum ullum concipere deitur, quin rimæ mancant, hinc illinc apertæ, & sonitus ab aëre ad alia conclavia transmittantur, ut proin aër ab inspirantis pectore & abdomine elevato ad tubum usque, licet per longum satis tractum, propulsionem continuare valeat. Hoc mirum non erit consideranti, id in fluido, ubi omnia plena sunt, uno momento, sine tamen impedimento hinc metuendo, fieri posse. Quare non opus est, ut quandam attractionem, aut etiam naturæ à vacuo metum eapropter, ad aëris in pulmōnes ingressum explicandum, in auxilium vocemus.

S. XVII. Aer verò prout non sponte pulmōnes illabitur, ita nec sponte exit in expiratione. Si quidem angustato thorace undique pulmōnes comprimuntur, atque sic aër, qui antea eos distenderat, spatium commorandi tantum amplius non habet, quin potius hinc exprimitur, & denuò ejicitur. Quoniam autem pulmōnes plenariè non constringuntur, semper adhuc aëris aliqua portio in vesiculis reliqua manet, ut ne collapsis illis accessio aëri difficilis fiat, aut planè supprimatur. Et hoc confirmatur, quòd respiratiōne sufficienter facta pulmōnes postea ex seculi aquæ injecti supernatent. Interim tamen in expiratione agere quoque solent musculares vesicularum & bronchiorum fibræ, quæ, prout in inspiratione re-nitentia quādam congruā aërem moderantur, ne nimius irruat, ita in expiratione contra eum simul ad extra urgent, imò mucum & alia interdum removeant.

S. XVIII. Unum adhuc modum respiratiōnis declaranti commemorare liceat. Scilicet, supponunt multi, contineri aliquam aëris portionem in pectore, quæ spatium, quod partes in thorace contentæ relinquant, impleat. Hunc sub certâ quantitate, aëris externi accessionem moderari, & in inspiratione ab irruente comprimi, in expiratione elasticitate suâ vicissim pulmōnes comprimere, & contentum ex vesiculis urgere, adeoque quoddam aëris externi & interni æquilibrium contingere. At plurima me manent dubia (1.) unde aër ille originemumat, & ad cavum pectoris perveniat, cum notum sit, per pulmōnes ad cavum thoracis eum non penetrare posse, quòd inflati aërem tam diu contineant, usque dum

dum aliquantum exsiccati poros aut meatus suscipiant, quibus structurâ integrâ carent. Imò bronchia aërem in vesiculas ducunt, & hæc extendi non possent, si aër exitum inveniret. Ad hæc in embryone aër non accedit, ubi pulmones collapsi præ aliis concipiendi essent, & quid tùm spatium illud rep'ereret: (1.) unde ille aër justam proportionem susciperet, ut nec plus, nec minus, inveniretur, & æquilibrium cum externo servare possit, præsertim, si meatus essent patuli. Experientia enim testatur, copiosorem aëris ambientis ingressum per vulnus thoracis dilatationi pulmonum obicem figere. (3.) Quomodo tantillum aëris inclusi tantâ vi elasticitatem exereret, ut toti atmosphærâ repellende proportionatum foret? (4.) Quamvis videantur thorace aperto & in animali mortuo pulmones collapsi multum spatium vacuum relinquere, aut eidem adimplendo non sufficere; alius tamen status est in vivo, & durante integrâ respiratione ubi pulmones in inspiratione ab aëre ingrediente in tantum extenduntur, quantum thoracis amplitudo concedit, adeoque eundem replent: quòd etiam experientia confirmat, quæ moderatâ licet inflatione turgidos id præstare docet. In expiratione verò, nò prout in mortuis, & ab aëre illapso, plenariè concidunt, sed à diaphragmate & thorace iterum compressi, in tantum constringuntur, quantum cavitatis angustior reddita, aëris certam portionem expellit, reliquum autem retinet.

§. XIX. Circa usum actionis notandum, alium esse pulmonum, alium respirationis ipsius. Pulmonum §. IX. exposuimus, scilicet, ut sanguis in iis exaltetur, quod partim illâ aëris reciprocatione & ventilatione externâ, partim aëris subtilioris accessione & agitatione peragitur, à quâ, quid ad motum sanguinis & circularem & intestinum conferat, in dissertatione sequente exponetur.

§. XX. Ipsius verò respirationis usus vel primarius, vel secundarius est. Primarius audit, qui hanc aëris inspirationem & expirationem necessariò exigit. Atque is est vel continuus, vel interruptus. Continuus fit illa aëris susceptio & redditio, ut sanguini motus continuationem inducat, & partes activas concedat, & reliquum iterum expellat. Interruptus & per vices institutus est vox, ejusque usus in fermocinatione, cantu, &c. quæ homini propria & summè necessaria, sine respiratione nullatenus institui potest, & quòd ad arbitrium fiat, suo loco recensenda veniet.

§. XXI. Secundarius usus dicitur, ubi non tam ab hac aëris alternatione, sed organorum ad eam præstandam motu, aliis simul actionibus inservit. Sic ejus operas in secum alvinarum exclusione, chylique motu, supra annotavimus; in urina & partus redditione, atque olfactu, inferius enarrabimus.

§. XXII. Unde apparet, quòd malè assertum fuerit, ideò respirationem fieri, ut fuligines à calore cordis per hunc velut caminum exterminentur, etiam si *Columbus* venæ arteriosæ munus attribuat eas excipiendi. Quod enim ex ore exhalat, superfluitates sunt serosæ, quæ in vapores resolutæ, cum aëre in expiratione propelluntur. Similiter non opus est flabello & refrigerio, cum æstus ille cordis dudum expiraverit, una cum illò spiritus vitalis hospitio. Condensationem sanguinis fieri, floridus & rarefactus sanguis, qui ex pulmonibus prodit, refutat. Circulationem & intestinum motum inchoari, aut, eapropter respiratione opus esse, ut ex dextro ad sinistram ventriculum sanguis transferatur, ex eo corrui, quòd in embryone hi motus sine respiratione contingant, inchoatum verò illum ulterius continuent.

MOTU SANGVINIS.

§. I.



Adenus de instrumentis, eorumque agendi aptitudine, actum est, nunc de modo, quo sanguis movetur, dicendum. Moveri sanguinem in corpore vivente, nemini erit dubium, qui perpendat, fluidum eum esse, & undecunque ex vase aperto proflire, cum vitium capiant, non moveantur humores nostri corporis æque ac stagna, aut lacus in macrocosmo. At quomodo contingat, nunc dilucidius & prolixius exponere necessum est, postquam in dissert. III. §. XI. paucis eundem commemorare instituti ratio postulabat.

§. II. Duplex autem in sanguine motus attendi meretur, alius intestinalis, sive singularum partium; alius localis, sive progressivus, quo tota moles ejus de parte in partem volvitur. Utriusque tamen mutua est conspiratio & dependentia, quatenus aucto aut impedito motu intestino augetur & impeditur localis, & vice versa, pro vario localis impetu & conditione, intestinalis quoque multis vicissitudinibus & alterationibus fit obnoxius. Et sic uterque, junctis mutuo viribus, ad vitalitatem corporis animalis, singulari plane sapientissimi Creatoris artificio, symbolam suam contribuunt.

§. III. Motum in sanguine intestinum dari, l. a. §. XII. brevissimis verbis asseruimus. Fluiditas eum asserit, cujus formalitas non in eo tantum absolvitur, quod facile termino alieno, suo difficulter contineatur, sed quod omnes fluidorum partes, quamvis aliqua solida existant, vel actu commoveantur, vel ad motus suscipiendos prona atque apta existant, & ad situm mutandum commodæ inveniantur. Multo minus autem fluidum ejusmodi de parte in partem propelli valet, quin singulas particulas, inter se tantum contiguas, variâ ratione moveri, concipi necessario debeat. Sphæricas in sanguine particulas dissertatio sequens ostendet, quas omnibus aliis mobiles magis esse nemini dubium est. Et quemadmodum chymia atque pharmacia nos instruit infinitis exemplis, quod plura concreta in decocta recipiuntur,

untur, quò diversa salia confunduntur, quò liqvores minus homogenei sunt, aut accessione fermentorum sic dictorum redduntur; eò majorem particularum agitationem, fermentationes, putrefactiones, &c. faciliores emergere. Aft, ut taceam, ex fangvinis analyfi in fequentibus tradendâ, clariùs elucere diverfitatem partium, quæ illum conflituunt, eam fufficientiffimè commonflrant diverforum liqvorum, bilis, falivæ, fucci pancreatici, urinæ, feminis, &c. conditio, qui omnes ex fangvine fecernuntur, adeoq; eidem prius inextiterunt. Reverà enim in urinâ febricitantium, pro diverfo morbi ftatu, id ad fenfum magis apparet, fcil. illa in cruditate pellucida magis manet, in coctione autem, fi rubicunda & diaphana mingitur, poft moram nunc breviorẽ, nunc longiorẽ, turbatur, & tandem ad fundum vafis partes præcipitantur, quarum nullum antea apparuit veftigium. Has autem immutationes liqvoris quis non inteflino particularum motui in acceptum referat, aut exin manifefte colligat? At verò cum urina, feroſa fangvinis portio, id præftet, quomodo huic motum ejusmodi denegabimus, cum illa de ejus conditionibus teftimonium præbeat. Imò finili inteflinæ agitationi debetur, quòd fangvis, venæ fectione provocatus, diverſam faciem induat, & breviorẽ temporis intervallo inſpiſſetur, poſtea verò demum in grumum & ſerum ſecedat.

§. IV. In quo formalitas hujus motus conſiſtat, determinare, aut concipere, adeò facile non eſt, partim quòd ſenſibus non pateat, partim nullus in hoc univerſo motus, aut inter operationes chymicas aliqva huic conveniat, aut comparationem cum eâ admittat. Eſt enim non indifferens quædam particularum fangvinis exagitatio, ſed ſingularis, ſed determinatus quidam earum motus, & tam ad ſeparationem eorum, quæ incongrua ſunt, quàm productionem aut aſſimilationem eorum, quæ ad vitalitatem noſtram requiruntur, ordinatus, quem tamen ex effectu potius colligere, & hariolari, quàm à priori determinare, nobis conceſſum eſt. Adeò mira, adeò ſingularia ſunt, quæ exin proveniunt, phænomena, ut à libero, & ſcienter, atqve cum electione agente, vix proficiſci queant, quæ in liqvore hoc naturali à mechaſmo, ſed ſingulari, procedunt. Reverà enim, in ſtatu præſertim ſec. nat., remoto eo, quòd minus convenit, aut in congruitatem modificatis, aut etiam ad juſtam proportionem reductis iis, quæ œconomix neceſſaria ſunt, juſta fangvinis, & ea quidem, craſis inſtituitur

&

& conservatur, quæ vitalitati nostræ respondet, in morbis alteratur, in morte verò plenariè destruitur. Et quamvis hanc intestini, & vitalis maximè motus conditionem omnium, multò minùs secundum individua variantem, explicare *ἀδύνατον* sit, à mechanicâ tamen particularum proportionem, & vi ad agendum aut resistendum relativâ dependet, externi præsertim motoris habitudini diversimodè obnoxia.

§. V. Comparationem eqvidem multi instituerunt hujus motus cum aliis phænomenis naturalibus, aut chymicis, ut lucem in hac caligine accenderent aliquam. Et præsertim calidi innati scholarum præjudicio, aut spiritus vitalis in corde residentis, aut flammula cujusdam pervasione neoterici multi effervescentiam, rarefactionem, ebullitionem, accensionem motum illum dixerunt. At prout fundamenta illa dudum corruerunt, ita etiam quæ iisdem innititur doctrina expiravit quàm placidissimè, uti diss. III. §. XIV. docuimus. Quamvis enim ab effectu caloris, quæ in sanguine vitali observant, actiones illas innuant, aliunde tamen ille, uti mox percipiemus, dependet, & in piscibus vitalis licet sanguis, frigidus tamen omninò est. Ut taceam, quàm plurimas differentias esse, quæ motum hunc intestinum sanguinis à memoratis antea actionibus distinguant; rarefactionem autem *Cartesii* & *Hogelandi* motum cordis experientiæ contrarium supponere.

§. VI. Fermentationis notionem, quâ sibi multi blandiuntur, differt. VI. §. VIII. duplicem jam esse notavimus, aliam chymicam propriè & strictè nuncupatam, aliam philosophico magis, aut physico sensu. Illa nullatenus competit. Etenim licet concedamus, succos vegetabilium expressos, præcipuè verò mustum, eâ particularum intestinali agitatione ferri, ut impuri à puro secretio contingat, & vinum ipsum, annorum tractu eadem de causâ successivè magis magisque dulcescere, & depuratus reddi, atque hinc in eo cum motu intestino sanguinis convenire, quòd quoque ab hoc separatio eorum, quæ minùs conveniunt, assimilatio verò reliquorum, proveniat. At multis modis etiam ab hac fermentationis specie differt nostri sanguinis motus, imprimis verò, quòd Excell. *Bobnio* monente, mustum & reliqui vegetabilium succi, impuritatis statu tantummodò durante, fermentationem sustineant, postea autem ab eâ quiescant, hic motus verò per totam vitam duret, adeoque crudus continuò concipi nequeat. Neque enim fer-

menti alicujus vicem præstant vel humores alii cum sanguine uniti, vel chylus eidem post alimentorum digestionem affluens. Ex humoribus enim bilis circulationem illam *Borellianam* non instituit, neque secundum *Backium* & *Sylvium* sanguini instillatur, uti suo tempore ostendemus; succus nerveus *Willisii*, *Mayowii*, *Charletonii*, ejusque vis fermentativa, nondum evicta est; & lymphæ cum eodem tantum unitur, cum quo antea junctæ placidè movebatur. Chylus autem non crudus, sed diversimodè depuratus & exaltatus est, qui sanguini affunditur, & non tam hunc ad motum intestinum disponit, quam ei subjacet, aut ab eo subigitur, ipse verò fermentescibilis non deprehenditur. Accedit, quòd omnes ferè fermentationes aeris liberioris accessionem efflagitent, eam autem cohibitam supprimantur, motus verò intestinus in vasis occlusis contingat, quæ aeris atmospherici præsentiam excludant. Adhæc succi fermentatione depurandi quieto loco reponantur necesse est, dum exagitatio confusionem eorum, quæ jam separata erant, denuò efficiat, in sanguine autem perpetuus ejus motus circularis similem fermentationis speciem necessariò impedire videatur. Tandem quoque utrinque non conveniunt effectus. Fermentationis enim est, ut vel austeritas in dulcedinem mutetur, vel dulcia in aceta transeant, quod utrumque nec chylo subigendo, nec sanguini sec. nat. constituto, competit; vel ut exin spiritus ardens destillari valeat, cum tamen nec sanguis, nec alii animalium liquores, id vel sponte concedant, vel arte, *Boyleo* referente, ad fermentationem ejusmodi deduci possint, quin putrefactioni potiùs obnoxii sint. Sensu physico fermentatio sumpta nimis generalis est, & distinctum conceptum non format, atque ob homonymiam metuendam meritò minùs commoda censetur.

§. VII. Cum nullum corpus moveatur à se ipso, meritò nunc disquirendum est, quidnam sanguinis particulas ad hunc intestinum motum disponat. Primus impetus est à masculini seminis portione maximè energeticâ, quæ inertem in ovulo materiam, & ita quidem, exagitat, ut non modò ad illam formationem partium dirigatur, sed quoque ipsa materiæ dispositio ad eam plurimum conferat. Hic postmodum in utero continuatur à subtiliore illâ & activâ substantiâ, quæ cum succo alibili ex matre foetus adducitur. Verùm de his in ceconomia foetus dicendum nobis erit, nunc videamus, quidnam in ho-

mine

mine in lucem edito perennem ejusmodi motum inducat. Aëris id præstat subtilior portio, quam in inspiratione cum sanguine communicari, dissertatio antecedens demonstravit. Quippe homini nato respiratione opus est, quòd partium sanguinis motus vasorum & partium, quibus cinguntur, renitentia facile sisteretur, & ad quietem reduceretur, nisi novo impulsu agitata fuerint, & cum hoc postea quoque metuendum sit, accessionis & commotionis ejusmodi continuatio utique perpetua requiritur. Eam esse aëris habitudinem varia ostendunt, prout dissert. III. §. XIII. ostensum est, scilicet non modò experimentum Hookianum, sed & quòd infantes semimortui interdum partu exclusi, durante adhuc tantillo sanguinis motu & cordis pulsu, calidi balnei administratione magis conservato, aëris inspiratione iterata, in vitam velut revocentur. Id in apicem præsertim deducunt effectus in sanguine, ex aëris diversâ conditione profecti, quatenus calidior & magis exagitatus sanguinem quoque nostrum plus commovet, rarefacit, & turgescere facit, frigidior & minùs commotus condensat, figit, motusque inhibet. Interim tamen, cum particulae aëris partes sanguinis tantum exagitent, impellant, & commoveant, quidnam sit, quod motum illum ad vitalitatis regulas restringat, & ad habitudinem certam determinet, merito quaeritur. Particularum sanguinis id munus est, ut eque ab aëre impellantur, impulsu tamen illum pro diversâ suâ habitudine non modò, exequantur, & variè in actum deducant, sed resistentiâ quoque aliquâ, & pro suâ diversâ conditione, aëris particulis vicissim certam, & suæ texturæ convenientem, determinationem imprimant, atque sic undique debita sanguinis constitutio proveniat. Utrum sub hoc conceptu oscillatorius *Borelli* motus stare possit, eque non definiam. Ut proin ætiologia dispositionis naturalis sanguinis ab ejusmodi aëris impellentis, & sanguinis, eum ad congruitatem vitalem determinantis habitudine desumatur commodè, neque opus sit, spiritum quendam vitalem, vel cum antiquis, vel cum *Borello*, aliisque fingere, cujus arbitrio & directione actio hæc instituatur, cum ejus existentia & facultas agendi hinc inde jam dubia reddita sit.

§. IIX. Ex quibus præmissis colligere non adeò difficulter licet, motum ejusmodi intestinum sanguinis ampliorem, quam vulgo creditur, usum obtinere, & optandum esse, ut majore evidentia eum cognoscere

scere liceret, sic enim sperandum, ut causæ morborum sæpè abstractæ magis elucescerent, & indicationes nobis clariores formari valerent. Præcipuè verò totum negotium eò redit, ut intelligamus, ex hoc motu (1) justam sanguinis crasin, & ad cujusvis individui integritatem requisitam pendere; (2) omnes humores secernendos, tam laudabiles, quàm excrementitios, ad secedendum in diversis colatoriis disponi, quòd iis particulæ separandæ partim evolutæ à reliquis, partim specificè ad id modificatæ respondeant: Adeoque (3) hinc non modò sangvificationis negotium magnoperè institui, sed vitalitatem quoque ipsam, i. e. illam ad actiones peragendas potentiam, quæ justam humorum proportionem, crasin & habitudinem desideret, derivari, iis verò minùs congruè constitutis, impediri quoque & destrui. Si quidem & huic motui (4) debetur calor in sanguine vitalis, id quod differt. III. § XIV. & XV. monitum jam est, 1) quia calor est non à totius massæ fluidæ, sed singularum partium peculiari quâdam & modificatâ agitatione; 2) quòd pro aëris ambientis & agitationis varietate sanguis noster & plerorumque animalium terrestrium & volatiliu caleat, piscium verò frigeat, aëri autem intestinus motus in acceptum referatur; 3) quòd in febribus, motu intestino aucto, calidus magis sanguis per venæ sectionemeductus deprehendatur; 4) idem cessante equidem circulari, tam diu adhuc caleat, usque dum cessante omni intestino grumi & seri sanguinis separatio peracta fuerit. Ut propterea opus non sit, effervescentiæ cuidam salubis diversorum in sanguine calorem nostrum ascribere, quum in omnibus animalibus, quanam illa sint, & quâ proportionem gaudeant, nemo assequi possit, hic affectus verò universalis & æqualis magis sit.

§. IX. Pergimus ad motum localem declarandum, ad quem rectè concipiendum differt. IX. fundamenta jecit. Cor ergò punctum illud est, à quo sanguis prodit, & ad quod iterum revertitur. Scil. duplex est circulus, alter à corde ad pulmones, & à pulmonibus iterum ad cor, alter à corde ad corpus, & omnes ejus partes, & ab iis denuò ad cor. Ex corpore redux è venâ cavâ ad auriculam dextram, è pulmonibus per venam pulmonalem ad sinistram admittitur, quæ diastolen hinc ab affluente sanguine patiuntur, mox verò systolen instituunt, & sanguinem ad cordis ventriculos propellunt. Hi admittere sanguinem possunt, quòd diastole nunc sit eorum, adeoque partim.

tim aperiantur valvulae mitrales, & retrahantur, partim latera nunc laxiora, & non amplius tumefacta, aditum permittant. Mox systole sequitur, & admissus sanguis utrinque ex dextro ventriculo ad pulmones, qui è toto corpore eò redierat, ex sinistro ad totum corpus è pulmonibus redux exprimitur, tumefactis lateribus, adeoque angustatis cavitatibus; dum interim diastolen patiebantur auriculae, sanguinem mox iterum cordi infundendum admittentes. Dum sanguini hac ratione egrediendi necessitas ex corde imponitur, venas subire denuò nequit, quòd valvulae tricuspidales, loris laxatis, dum mucro accedit ad basin, reditum negent, sed per semilunares arteriarum effluit, & sic ex dextro per arteriam pulmonalem ad pulmones, per aortam ad totum corpus distribuitur. Ipsae verò arteriae, prout à systole cordis expulsum sanguinem recipiunt, & ab eo dilatantur, ita dum illud diastolen patitur, eadem constringuntur, & sanguinem per capillares extremitates intra partes effundunt, dum valvulae cordi adstantes sub initium arteriarum, simul ac ipsa cordis systole, nè in cavitates ejus revertatur, viam claudunt. Hinc partem lymphaticam, modo in sequentibus declarando, separatam per exilissima capillamenta excipiunt vasa dicta lymphatica, & si non omnem, maximam tamen partem ad receptaculum lumbare, & ductum thoracicum vehunt, quò iterum unitus cum sanguine, qui per arteriam aortam ad partes ducebatur, in venam cavam cordi infundatur. Partem autem rubicundam sanguinis non immediato nexu cum arteriis, sed itidem per exilissima sua initia admittunt, & motu peristaltico quodam cordi iterum adducunt venae, dum valvulae earum, ne, quod semel promotum est, relabatur, impediunt. Et quavis mechanica repugnare videatur, quòd difficile sit concipere, quomodo ex partium tubulis exilia venarum ora subeat sanguis, facilis tamen apparebit ratio, quòd viae, etiam si non vasa, velut continuæ sint, & cum sanguis à partibus ad certam quandam proportionem admittitur, renitentia tamen eorum & motu, intra venas, tam sanguineas, quam serosas, sanguinem cogit, quòd, quò ulterius ruat, clausis undique portis non detur, affluens verò à tergo sanguis per arterias cum intra venas quocunque urgeat. Illum verò in corde & arteriis percipi solitum motum reciprocum pulsus appellare solent: ita tamen, ut percipiamus systolen cordis, appulsam scilicet ventriculorum, praesertim sinistri, dum intumescunt, diastolen verò arteriarum à sanguine, tum earum

tuni-

tunicas dilatante, dum contra in systole harum & diastole illius nihil percipitur, sed quasi pausa intercedit. Neque mirabimur diversos hos motus, cordis & arteriarum, simul contingere, quod ratio ex antecedentibus patet.

§. X. Motus ille *Harbas* imprimis debetur, qui circularis, & progressivus quoque, audit, atque sequiorum tantum temporum curâ excultus magis est. Affluxum verò sanguinis ad partes per arterias, refluxum per venas contingere ut alia mittamus, duo præsertim confirmant experimenta. Alterum est, quod ligatura animalis vivi, brachio aut cruri injecta, supra illam arteriæ, infra verò eandem venæ, non vice versâ, sanguinem fundant. Alterum, quod arteriâ aorta descendente filo interceptâ, tandem omnes venæ inferiores sanguine vacuæ deprehendantur. Quod verò ex arteriis ad venas, non contra naturâ pateat via, præsertim demonstrat, experimentum *Sarrotianum*, quod aqua, renâ arteriæ infusa renes subeat in vacuo positos, & per venam propendentem effluat, venæ vero simili modo instillata, per arterias reditum non inveniat.

§. XI. Quantum temporis ad circuitum ejusmodi semel instituendum requiratur, definire vix licet. Quod tamen id citius, ac quidem creditur, contingat, hauriri licet, quod non guttatim, ceu *Cartesius*, *Hogelandus*, *Craanius*, autumant, sanguis cor intrer, sed ejus si non uncie, drachmæ tamen aliquot admittantur, quot quidem recipiendis capacitas ventriculorum permittit. Et hinc modò, quot libras sanguinis quodvis corpus contineret, computo inire liceret, facilius calculus duceretur. At quia hoc secundum individua, & in iisdem secundum diversas circumstantias, variat, determinari vix poterit. Siquidem guttam unam cavitates subire, & rarefactam plus centies, prout opinantur, extra ora cordis prorumpere non posse, præter ea, quæ dissent. IX. §. XII. annotavimus, id dubium reddit, quomodo nimirum iteratis hæc ratione transitibus per cor intantum rarefactus sanguis, proportionem reliquo corpori respondere valeat.

§. XII. Motu proin sanguinis vero asserto sponte quasi ruit, qualem veteres de eo fovebant sententiam, idè tamen considerandam, ut in lectione eorum felicius progredi liceat. Non enim duplex est sanguis, arteriosus alius, alius venosus, sed qui per venas redit, per arterias adducitur. Non ex hepate ascendit & descendit, sed præterlabens cava ascendens, venulas ex eodem recipit. Non cor spiritus vitalis hospitium est, ad quod per cavam transeat sanguis, nec per septum ac pulmones ad sinistram ventriculum fertur, ut eodem imprægnari possit, alia enim ratio ex antecedentibus patet. Neque etiam venæ cum arteriis ad vitalis spiritus ex his cum illarum sanguine communicationem anastomosibus junguntur.


§. XIII. Usus ergò circularis motus est, (1) in fluiditate perpetuâ, (2) mixturâ grumi & seri congruâ, conservare sanguinem; (3) appulsu partes ad motum præstandum actuare; (4) nutrimentum cum sanguine omnibus partibus advehere, & superfluum aut minus adæquatum revellere: (5) convenientem impetum pro secretionibus in diversis colatoriis instituendis concedere, atq; sic (6) ad vitam conservandam magnam & necessariam opem conferre.



Q. D. B. V.
DISSERTATIO XII.

De
SANGVIFICATIONE
&
SANGVINE.

§. I.

 Vomodo sangvis noster, & à quibus organis in circulum agatur; atq; quâ ratione in pulmonibus aëris accessione intestina particularum ejus & vitalis agitatio conserve- tur, explicatum est huc usq;ve, ut nunc rectè ad ipsam hæmatosin progredi, & sangvinis quoque analysin tra- dere liceat. Etenim à duplici illo motu, & utriusq; mutuâ conspi- ratione dependet illa actio, quam sangvificationem communiter ap- pellant. Alia quippe est in ovulo recenter imprægnato, in quo à spi- rituosa seminis masculini portione iners in illo materia vitalem com- motionem suscipit, & circa punctum saliens in rubicundum laticem exaltatur. Alia, quâ in embryone, venâ umbilicali, reliquisq;ve or- ganis maximam partem paratis, succus nutritius ex placenta addu- ctus, tam ad sangvinis, quàm reliquorum humorum, & membrorum formationem & augmentationem impenditur. Sed de his binis in œconomiâ fœtus dicendum nobis veniet. Alia deniq;ve, & quæ no- stri instituti est, hominem in lucem editum respicit, & præsertim de- clarat, quid chylo in sangvinem advecto contingere soleat.

§. II. Id enim existimabant antiquitus, sangvinem esse nutri- mentum partium nostri corporis, adeoq;ve pro illius restitutione opus esse alimentis, ut exinde paratus chylus in sangvinem iterum mutetur. Quamvis autem illa sententia cum hodiernorum placitis non conve- niat, quòd rubicundus ille liquor, quem homogeneum & similem erroneè supponebant, in nutrimentum non vertatur; est tamen & ho- diè ratio, cur hæmatosin, quam nunc describimus, chyli in sangvinem mutationem vocare integrum sit. Nimirum, quia sangvinem pro humore maximè dissimilari cum *Harvæo* concipiendum esse, inferius constabit, in quo tam differentes liquores, diversis partibus appo- nendi,

nendi, aut in iis secernendi, continentur; ex chylis autem pro omnibus materia, quamvis aliter in quibusdam specificanda, provenit. Est ergo hæmatosis nobis ea actio, quæ motu sanguinis intestino & circulari chylus in sanguinem, reliquorumque humorum laudabilium reparationem modificatur & impenditur; succi alibilis assimilationem vertitur; & partium superfluarum pariter ac excrementitiarum, sive quæ œconomiae animali oneri & nocumento esse possunt, separatione congruus vitalitati redditur.

§. III. Quandoquidem verò plura simul ab hac actione pendeant, in specie tamen contemplabimur in sequentibus, quæ ratione diversæ secretionis à sanguine hinc instituantur, & quæ partes corpori nutritioni cedant; nunc autem duntaxat rimari liceat sanguinem, in cuius restaurationem chylus transit. Quod ut eò melius fiat, ipsius sanguinis analysin præmittemus, & sic demum de modo mutationis, efficiente, & organo sententiam ferre facilius erit. Duplicem enim ratione considerari potest sanguis, alterâ, tanquam instrumentum, quo chylus subigitur; alterâ, ut productum, quatenus moles ejus ex chylis subactio quoque augetur, quem superius eum in finem sanguini adduci annotavimus.

§. IV. Sanguis dicitur fluentum illud purpureum, quod, quamdiu intra vasa sua movetur & calet, omnino homogeneous apparet, aëri verò è venâ secunda diutius expositum in differentes partes dirimitur, quarum à veteribus quatuor statui solebant, phlegma, melancholia, cholera, & floridus sanguis. At verò sub conceptu ab ipsis tradito in sanguine vel non reperiuntur, quatenus bilem non arguit feri plus minus apprensus flavedo, à salium mixturâ potius tincturam obtinens, & inferior grumi nigredo accidentaliter tantum est, quod mox dicitur; vel si adessent, præter naturam se omnino sanguis noster haberet. Neque etiam hic attendere animus est, quid per artem chymicam ex sanguine eliciatur, cum, quando in phlegma, spiritum urinofum, & sal volatile, atque oleum foetidum transit, & in retortâ sub capitis mortui nomine terra, & tantillum salis fixi remanet, non modo præcedentem putrefactionem, sed ipsâ ignis violentioris vi, non quâ facie nativa, eidem inexistebant, sed longè aliter modificata partes nobis sistantur. Verum nunc tantum perpendere liceat eas sanguinis partes, in quas vel sponte secedit, vel per tales enchireses dispe-

dispescitur, à quibus nativæ constitutionis immutatio metuenda non est. Nimirum alia pars in medio congesta solidior fluidiori alii innatat, quarum illam grumum, hanc serum appellare solenne est.

§. V. Grumus sangvinis rubicunda portio, & quæ magis coherens alterâ observatur & firmior, si modò iteratâ lotione à reliquis separata fuerit, homogœnea, sive ex uniformibus magis partibus constans est, & ex globulis congeritur, quorum alii opaci, alii pellucidi conspiciuntur, monstrante omnibus viâ laudato aliquoties *Leenwenbæcio*. Et quamvis duplicis generis observetur, quòd in summitate floridus & rutilans magis, in fundo verò nigricans & obscurior appareat; differentia tamen accidentalis potius est. Si enim grumum discindas, aut invertas, faciliè similem illi, quì summitatem occupabat, colorem rutilum fuscipiet, ut ergò is aëri potius debeatur & sero, cui cum ex positus plus est, etiam aliter locatis globulis, aliter radiorum reflexionem instituit, à quâ pendere colorem hunc ex physicis patet.

§. VI. Serum, quod alteram illam sangvinis partem, & fluidam magis, dicimus, heterogœnea quàm maximè est. Quippe multâ non modò constat aquâ, sed salinis quoque particulis, utpote quòd aquâ solubiles sint. Hæ licet putrefactione in urinosum, combustionem in fixum, sal vertantur, in nativâ tamen facie acido-salsæ inveniuntur, id quod non incongruum videbitur consideranti, quòd sine putrefactione ex sangvine elicitus spiritus purè alkalicus nunquamprehendatur. Quemadmodum verò aquæ partes in sangvine diluendo sufficienter fluiditatem debitam concedunt; ita salinæ naturæ etiam requiruntur, ut præsertim in viâ alimentorum solventis illius ciborum partem sanè egregiam constituent.

§. VII. Et seri partibus quoque accensemus gelatinosas, pingviores, & oleosas, quamvis grumo firmitus videantur intertextæ. Partim enim ab illis supra memoratis globulis coctione & lotionerepetitâ aquæ calidæ separari possunt: partim sunt pars chyli, quæ cum sero, ut supra vidimus, ad sangvinem devehitur, adeoque ad illud rectius transfertur. Revera autem chyli portionem esse evincitur, quòd copiosiores breviorè à pastu morâ, parciore longiorè tempore reperire sit. Imò hæ sunt quoque parsilla sangvinis fibrosa, quæ consistentiam & connexionem debitam toti concedit, quamvis striæ illæ majores, quæ in frigore, aut à lotionere cum aquâ proveniunt, artis potius pro-

ducta sint, & sub eâ, quâ apparent, formâ, in sanguine inveniri non possint, quod nullis vasis, eorumque capillaribus extremitatibus proportionem respondeant, per quâ tamen circulationem liberam institueri debebant. Iisdem flexibilibus ramosisque particulis debetur, quod in frigore non modò concreascit, sed in igne etiam, aqveis secedentibus, in gelatinam abeat magis opacam. Neque existimem, alias quàm oleosas esse, quâ exsiccatò sanguine, & in pulverem redactò, per ignem flatu dispersâ, resinâ instar, illustri Boyleo referente, micant & crepant. Enimverò, quemadmodum de chylo Dissert. VI. §. V. notavimus, partes in eo gelatinosas quoque differentes quàm maximè esse, ita hæc pariter diversissimæ sunt, talesque esse oportet, quod vel accretione adeo in varias partes assimilentur, vel in diversis locis à sanguine separatæ, adeo varios & discrepantes liqvores constituent.

§. IIX. Quibus prius dispositis, nunc facilius erit dirimere, quanam inter serum & grumum proportio sit. Nimirum, quia gelatinosas partes illi adscripsimus, hunc verò solis globulis rubicundis definivimus, faciliè apparet, semper serum grumo debere esse copiosius. Non etenim obstat, solidiorem portionem sæpè fluidam quantitate superare, quia magnam illius partem gelatinosâ efficiunt, quas tamen ad hanc pertinere, in antecedentibus demonstravimus. Et hæc quoque causa est, quod Boylei, aliorumque computationes non incidant, & alii serum grumum, alii vice versâ, excedere pronuntient. Quâ verò proportionem se ad invicem habeant, determinare non concessum est, quatenus non modò secundum individua, sed in iisdem pro liqvidorum uberiore aut parciore, assumptione, transpiratione cohibita, diversisquæ aliis circumstantiis eadem variat.

§. IX. Et hoc est, quod differentiam arteriosi & venosi sanguinis quoque sub incudem vocat. Equidem antiquis non pollicem præmimus, quia alium sanguinem in venis, alium in arteriis contineri, ut supra monitum est, fingeant. Differt tamen uterque insigniter, quod hic præ illo minei & floridi magis coloris observetur. Causa phænomeni huius duplex potissimum mihi videtur. Altera in acceptum ferenda est aëri, qui subtiliore suâ portione sanguini admixtus, ad sinistrum cordis ventriculum fertur, & ex eo ad aortam & totum corpus dispescitur. Aër enim discontinuando magis globulos floridiorem ejusmodi rubedinem producit. Altera assignanda est majori lym-

lymphæ aut seri copiæ, quæ in arterioso sangvine præ venoso invenitur, quatenus illic & sangvis & omne serum conjunctim fluunt, hæc verò magna portio separatim per vasa serosa reducitur. Siquidem facili experientiâ constat, grumum sangvinis etiam maximè nigricantem floridum colorem aquæ dilutione iterum assumere. Unde etiam in arteriarum sangvine serum adhuc multoties proportionem cruorem transcendere necessariò debet, quàm quidem in venoso concipere licet.

§. X. Interim tamen utriusque partis, imò omnium omnino particularum sangvinis vitalitati conformis proportio est, ut etiam quando effluit, totus liquor rubicundus appareat. Phænomeni hujus rationem reddituris ex physicis supponere necesse est, omnes colores non esse, nisi radiorum, vel reflexorum, à corporibus opacis, vel refractorum, in corporibus diaphanis, diversam modificationem, & relationem ad organum visus. Ita quidem, ut illic superficies diversa, hæc meatus varii diversimodè reflectant, aut refringant radios, atque differentes quoque hinc colores inducant. Jam verò rubedo potissimum à globulis grumi pendet, à quibus lymphæ pellucida, quamdiu iisdem interjacet, pari colore imbuitur, quòd hæc modificatos ad rubedinem radios non iterum immutet. Præsertim verò *Carsenius* docuit rubedinem provenire, vel quando radius transitu per globum vitreum aquâ plenum, aut post duas refractiones, & unam reflexionem, aut post duas refractiones, & duas reflexiones, illic sub angulo XLII. hæc LII. circiter graduum ad oculum redit: vel quando transitu per prisma, inferius ad exiguum usque foramen obiectum, radii relationem singularem instituunt Rubedinem proin in sangvine dicimus similem fermè radiorum modificationem, quæ à globulorum vario positu proveniat, & nunc obscurior sit, nunc floridior, prout variâ ratione eosdem locatos esse intelligimus. Quòd verò sulphureis sangvinis particulis id assignemus, id nos dubium manet, quòd quavis varia phænomena ostendant, ex sulphuris commixtione rubicundam tincturam varia concreta assumere; tale tamen sulphur in sangvine adhuc nondum probatum fuerit, multæ etiam circumstantiæ interveniant, quæ ad sangvinem nostrum non quadrant; & potius omnis rubedo in sangvine grumi sit, quem ex globulis constare antecedentia comprobant, cum sulphur omne potius ex irregularibus

maximè & ramosis plus minus particulis, ex sententiâ phyficorum modernorum, constructum sit.

§. XI. Hunc ergò laticem sanguinis esse, qui augmentari possit, docemur (1) quòd plus sanguinis in homine adulto, quàm in infante inveniatur; (2) quòd in uno eodemq; homine interdum plus, interdum minus sanguinis inveniatur; (3) quòd post largas hæmorrhagias quandoqve jactura illius reparetur, ut qui defectu sanguinis detracti insigniter paliebant, postea iterum rubore sufficiente perfundantur. Id quòd præ aliis à *Lowero* communicata experientia confirmat, quâ juvenis, in quo post immensam sanguinis copiam tandem loco sanguinis rubicundi jussula assumpta effluebant, postea iterum ευσταθεν & succulentus sufficienter redditus est. Ita tamen, ut ex chylo utraqve sanguinis pars, globulosa & serosa, restitutionem & augmentationem suscipiat. Sive enim globuli, quos *Leeuwenbækius* in chylo observavit, sanguinis quoq; sphaeras constituent; sive pars quædam chyli, angulorum abtusione in globulos tornetur; sive iidem ex aqueâ & oleosâ chyli portione producantur, Excell. *Albino* notante, simili ratione, quâ aqua cum oleo terebinthinæ mixta & agitata in globulos vertitur. Serosam sanguinis partem à chylo augmentum capere, facile erit cognoscere, quòd eas partes chylo inexistere ex antecedentibus constet; quas ejus constitutionem ingredi sæpius explicuimus.

§. XII. Quamobrem non opus est, spiritum quendam vitalem in auxilium vocare, cui causæ efficientis officium tribuamus, quòd sola anima rationalis in homine intelligenter agat, actio verò hæc plane eidem incognita, & ejus imperio subiecta non sit. Sed motus ille sanguinis vitalis, intestinus pariter & circularis, ejus in locum meritò reponitur, qui successivè efficiat, ut non modò sanguis, sed & reliqui humores vel secernantur, vel reparentur, aut etiam partes corporis exinde augeantur, atqve sic chylus tandem in sanguine dispareat, qui primum in eodem pluribus horis à translatione, præsertim in sanguine ex venâ sectâ educto & frigefacto, invenitur. Et quæ admodum ex præcedente dissertatione cognosci potest, motum illum neque fermentationi, neque rarefactioni plenariè convenire, sed peculiarem quendam & sui generis esse; ita modus quoq; quo hæc assimilatio peragitur, non nisi in paucis quibusdam circumstantiis cum opera-

operationibus illis comparari valet. Verum chylus in primis viis ex alimentis evolutus, & in itinere magis exaltatus ad sangvinem pervenit, partim circulatione per corpus, partim intestino motu particularum, successivâ attritione magis magisque dividitur, transcolatur, & modificatur, ut vel in nutrimentum partium, vel in sangvinis restoratione cedat, vel ex eo diversifilicquores in variis coloribus discernantur.

§. XIII. Quæ cum extra dubitationis aleam posita sint, clarè simul ostendunt, sanguificationem esse ejusmodi actione, quæ & organis, & ipsi sanguini tribui debeat. Ita tamen, ut sub organorum nomine comprehendatur non solum cor & vasa, quibus circularis motus instituitur, sed & pulmones, utpote qui instrumentum primum sunt, in quibus aeris & sangvinis communicatio maximè requisita adornatur, sine quâ vitalem dispositionem sanguis nullatenus obtineret: imò reliquæ quoque corporis partes, quæ vel laudabiles, vel superfluas, vel minùs œconomiae animali congruas separant, & sanguinem eatenus corpori congruum & proportionatum efficiunt, similiter suam symbolam conferant. Sanguis autem ad sanguificationem contribuit, quatenus motu intestino partes chyli affusi subiguntur, ad secedendum disponuntur, ad assimilationem aptantur, inque varias formas, œconomiae animali debitas, modificantur.

§. XIV. Non ergò videntur intentionem naturæ aut actionis hujus formalitatem assecuti, qui unam aliquam partem solitariam vel pro instrumento, vel officinâ sanguificationis asserunt. *Glissonio* etenim largimur, sanguinem quoque esse, qui sanguinem faciat & præparet, ut verò soli eidem spartam hanc committamus, prohibere videtur, quòd motus sanguinis in se non habeat principium illius agitationis immutatoriae, sed vel intestinus ab aëre, circularis à motu organorum & instituatur, & diversimodè varietur.

§. XV. Neque core est, cui munus hoc demandare soli valeamus. Erroneo enim doctrina hæc fundamento innititur, quando scilicet alii spiritum vitalem in eo hospitari, alii calidum innatum ei insistere, alii flammulam quandam vitalem inibi concipiebant, alii rarefactionem, ebullitionem, accensionem illic institui, sed vanè, opinabantur. Enimvero cum duntaxat sit machina illa, quæ sanguinem per venas ad cavitates suas derivatum, expellat, & per arterias ad

ad partes, tanquam canales & rivos ex hoc fonte propullulantes deducat, muneri illi amplo sangvificationis non sufficit, quam latius pandi ex antecedentibus edocti sumus.

§. XVI. Multò minùs autem hepatis tot sæculis concreditum sangvificationis officium denuò commitemus. Etenim (1) sangvis in embryone hepate præexistit, imò, hoc ex illo formatum antiquiùs credebatur, sicque effectus prior esset suà causâ: (2) falsò suppositum est, chylum ex ventriculo & intestinis per venas mesaraicas ad hepar deferri, & sic meritò aliâ ejus viâ detectâ *Bartholinus* hepar de throno dejecit; (3) neque in hepate sufficiens pro chylo excipièdo cavitas; neque (4) pro distributione ejus cum sangvine impetus conveniens foret. Quamvis dum in secernendâ à sangvine bile hepar occupatur, eatenus aliquam quoque, sed particularem tantum operam in œconomia collocet.

§. XVII. Pari fundamento lubrico innititur eorum opinio, qui lienem vel solum, vel diviso cum hepate studio præesse arbitrantur. Æquè enim (1) experiètiâ refragante fingebant, chylum per venarum mesaraicarum aliquas leni adduci: (2) lien exstirpari potest, sangvificatione illasâ, quòd planè fieri nequivet, si sangvinis officina foret; (3) vicariam tantum hepatis in *χοληποιήσε* operam præstat, quæ cuncta de usu lienis dicturis prolixius recensenda venient.



SECRETIONE IN GENERE,
&
IN SPECIE LYMPHÆ.

§. I.



Secretionis vocabulum chymicis solenne est, quod adhibetur, partim quando partium, vel naturâ, vel arte conjunctarum, nexus dissolvitur, ut quamvis tota massa adhuc inexistant, secedere tamen possint, prout in fermentatione & digestionem; partim, quando diversa, quæ erant commixta, à se invicem actu separantur, quod in filtratione & decantatione accidit. Utraque significatio eatenus huc quadrat, quando describendum est, tum quomodo in massa sanguinea particulae diversae ad secedendum disponantur; tum quomodo in partibus corporis quam plurimis actu ab eadem segregentur, & sub formâ plus minus liquidâ, vaporosâ, aliâ secedant. Priorem tamen secretionem inchoatam, posteriorem perfectam dicere liceat. Quoniam autem à sanguinis motu circulari & intestino utraque peragitur, ad hæmatoseos effectus referri possunt; quod verò sine partium laudabilem reparationem, atque superfluarum & noxiarum separationem massa illa perfecta non foret, adjunctum illius necessarium constituunt. Quare instituti quoque ratio in apertum ponitur, cur hæmatosin in antecedentibus explicatam secretionem contemplatio nunc sequatur.

§. II. Quemadmodum verò prior secretionum species, inchoata nimirum, peculiare aliquod organum non exigit, quod in sanguinis massa ea contingat, adeoque etiam intra ejus vasa instituat; ita perfecta contra nova desiderat, tum quibus actualis separatio perficiatur, tum etiam, si secreti in corpore sit necessitas, quibus contineatur; si verò eliminandum potius fuerit, quibus excernatur. Secretioni huic inserviunt glandulae; quarum examen antiquitus neglectum, quod vel sordium aut superfluitatum producta, aut supervacaneæ, & nullius, aut exigui usus haberentur, hodiernorum anatomicorum solertia felici successu suscepit. Ut proin *Virsungum*, *Whartonum*, *Stenonem*, *Malpighium*, *Bellinum*, *Willisum*, *Glissonium*, *Peyerum*, *Brun-*

nerum, Nuckium, & plures earum investigationi operam impenderint, atque vel universales adenographias exhibuerint, vel partiarum glandularum structuram & usum tradiderint.

§. III. Quoniam autem non modò in diversis locis inveniuntur, sed usibus quoque variis inserviunt, & liqvores etiam differentes ab iis proveniunt, structuram quoque notabiliter inter se discrepant. Quam ut plenius exponere liceat, glandulas distingvere conveniet in duas classes, quarum altera conglobatas, altera conglomeratas contineat.

§. IV. Conglobata singula potius sunt, & globosam magis figuram obtinent, atque per varias licet corporis partes dispersa, uni tamen usui magis destinantur. Scilicet duplicem membranam, sed tenuiorem, variam fibrarum serie, investuntur, atque cavitatibus exiguis, limpidum liquorem ut plurimum continentibus, gaudent, ut eapropter ab aliquibus vesiculosae appellentur. At *Nuckio* debemus, quòd fibrarum variam texturam, interstitia diversarum figurarum relinquentem, descripserit, atque idcirco *muscosas* nominare malit. Vasa habent arteriolas, sanguinem adducentes; venulas, eum reducentes; atque nervos copiosissimos, qui spiritus animales advehunt. Præter hæc verò vasa lymphatica in iisdem inveniuntur, ita tamen, ut alia accedant, alia ab iisdem iterum recedant, & prout in accessu in furculos aliquot dirimuntur, ita in exitu ex radicibus tribus, quatuorve, in truncum confluant. Eadem quidem variæ sunt, pinealis, plexus choroidis, axillares, thymi, mesenterii, lumbares, &c. at ubique depurandæ lymphæ, quod ex sequentibus constabit, inserviunt.

§. V. Conglomerata audiunt, quòd plures in glomum congestæ, & fibris variis connexæ, communi membranâ involvantur, atque inæquali magis superficie gaudeant. Textura omnium vasculosa est, quòd ex vasculis, arteriosis præsertim, variè implicatis & contortis constent; atque hinc venas non modò emittant, sed vas quoque excretorium habent, vel singula, vel è singulis in canalem aliquem longiorem aut breviorum desinens, quo secretum, vel ad cavitatem aliquam corporis, vel extra hoc derivant. Et ejusmodi glandulae sunt quoque diversæ, salivales, oesophagi, mammarum, hepatis, pancreatis, ventriculi, renum, testium, subcutaneæ, &c. Quæ omnes, quemadmodum texturam multum inter se differunt, ita etiam differens eorum secretum est, modò spissius, modò tenuius, modò albicans, modò flavum, modò liquidum, modò vaporosum, &c. atque aliud sali-

va, aliud lac, aliud bilis, &c. nuncupatur. Quamobrem quoque necessarium erit, singulas scrutari, earum structuram, vasa, & productum in sequentibus speciatim examinare.

§. VI. Quamvis autem ubicunque glandulæ inveniuntur, eadem ad secretionem aliquam instituendam comparatæ sint, imò *Malpighius* hinc suspicetur, nullam sine illis peragi posse; pace tamen tanti viri, ex naturæ phænomenis apparet, dari quoque secretionem absque glandularum ministerio. Ut proin ubi glandula, ibi secretionem pronuntiare, non verò vice versâ, liceat. Etenim lymphæ à sanguine absque glandularum ope separatur, ut proin in classem organorum quoque reponi debeat textura omnium illarum partium, à quibus sanguis effusus in lympham & sanguinem separatus redit, pro-ut ex sequentibus apparebit.

§. VII. Materia, è quâ secretio adornetur, in glandulis conglobatis, est lymphæ, chylo plus minus imprægnata, utpote quas vasa lactea, vel lymphatica alluunt, & ab iisdem puriorem revehunt; minime verò succus nerveus, utpote cujus existentiam suo loco dubiam reddemus. In glandulis verò conglomeratis est sanguis, à quò tam diversæ secretionem fiunt, utpote sub cujus purpurâ congeriem variarum maximè particularum latere ex dissertatione antecedente adhuc memoriæ inhærebit. Ita tamen, ut præsertim arteriosus huic operæ accommodatus habeatur, nisi quòd hepar per venam portæ advectum potius sibi vindicare videatur.

§. VIII. Quemadmodum verò organum dispositione pororum, meatuumve ita constructum est, ut ex sanguine non nisi respondentes sibi, quoad molem & figuram, particulas transmittat, reliquas verò excludat, & materiam ad dimittendum dispositam esse oportet; ita quidnam eas ad transeundum adaptet, & actu separationem instituat, dispiciendum nunc est. Quamobrem efficientis nomen meretur, (1.) motus sanguinis intestinalis, utpote quem dissert. XI. §. IV. singularem, & §. VIII. ad secernendorum humorum & particularum modificationem, & evolutionem comparatum annotavimus: (2.) motus circularis, qui evolutas ejusmodi partes impetu & appulsu continuo per respondentia ejusmodi colatoria trajicit, uti ibidem §. XIII. docuimus. Jungimus his (3.) fibrarum, quas in glandulis antea commemoravimus, motum contractorium, quem tonum appellare liceat, qui, si suffecerit, congruæ secretioni, si autem defecerit, vitiosis secretionibus occasio erit. Et quoniam hic motus à spiritu animalium,

lium, per nervos ad glandulas delatorum, influxu, uti omnium partium pendet, ita manifestum est, hos, a quando & commovendo partes symbolam quoque ad secretionem conferre, indifferentem verò influxum ab organisatione harum partium ad specialem hunc effectum determinari.

§. IX. Non proinde opus erit fingere aliqua fermenta, quæ secretionibus ejusmodi præsent, sive aliquod universale, cum *Coleo*, sive his vel illis partibus proprium & singulare magis, cum *Helmontio*, *Sylvio*, *Williso*, aliisque, asseramus. Horum enim diversa in diversis partibus fermenta, e. g. aliud in renibus, aliud in cerebro, in corde aliud, multa reddunt ambigua. Quippe, quod alibi, *ἀντιπαρὰ* partium refellendo, monui, vel connata forent partibus, vel adventitia. Ut connata forent, id exigere videtur, quòd prima in animali instituenda secretio fermenti præexistentiam efflagitaret, quo sine nullam secretionem fieri posse autumant. Enimverò, quòd à nativitate tot atque adeò differentia fermenta in tenello & exiguo ovulo continentur, aut sufficere conficiendis secretionibus possint, rationi repugnat. Quinimò magis adhuc implicat eadem mox à primâ nativitate in tantâ copiam præstò esse, quæ ad secretionem, durante vitâ, perpetuandas satis essent, quin potius necessarium foret, eadem deinceps continuâ restauratione indigere. Adventitia verò pariter esse absolum est; quia conciperentur, vel cum sanguine advenire per arterias, vel cum spiritibus per nervos. Si cum sanguine affluerent, quid impediret, quòd minùs vel diversa adeò fermenta contrario nisu se invicem destruerent, aut turbarent, vel effectum suum exererent, dum cum sanguine adducuntur, atque sic intra partes frustra desiderarentur. Si per nervos, quis unquam fluidum illorum nisi maximè homogeneum concepit, adeoque pro diversis fermentis non incongruum judicet? Quod verò universale hîc arguit fermentum *Coleus*, succum esse nervorum, eum, ut dubium, admittere non possumus, cum, quid ope nervorum advecti conferant spiritus, antecedens §. explicuerit.

§. X. Destructo hoc fundamento corrui quoque ea opinio, quæ ope fermentationis secretionem fieri contendit. Motum enim illum sanguinis intestinum, qui particulas ad secedendum disponit, propriè loquendo cum fermentatione non convenire, disert. XI. §. VI. evictum est. Intra verò glandulas & interstitia partium secretoria fermentatio celebrari non potest, quòd & mora ad fermentationes requi-

requisita, & sufficiens spatium in exiguis ejusmodi meatibus non invenitur. Ex parili ratione præcipitatio quoque locum non invenit, quòd itidem moram longiorem & locum ampliorem desideret, atque potissimum simili ex causâ nullum, præsertim differens adeò præcipitans, in partibus concipi valeat. Filtrationis proinde, aut colationis, notio magis adæqvata videtur ad secretionem hanc animale[m] *διὰ λόγους* illustrandam, quâ ex massâ sanguineâ, adeò differentibus partibus constante, variæ particulæ separantur, prout organorum configurationi, aut vasorum amplitudini convenerint. Neque obstat, quòd in sanguine de quibusdam liquoribus ne vestigium appareat, vel quoad saporem, vel quoad odorem, aliamve formam, quâ separati se sistunt, cum alius sit modus afficiendi massæ ex diversis partibus combinatæ, & particularum aliarum nexu irretitarum, quàm si singulæ, & sui juris fuerint, siquidem in cornu cervi insipido de sale volatili, oleove, aut phlegmate nil sensibus deprehendere est, quæ de stillatione elicita aliter longè nos afficiunt.

§. XI. Secretiones in œconomia animali fieri solitas ad tres classes reducere liceat, aliæ enim sunt humorum laudabilium, & quarum ad vitalitatem summa est necessitas, particularibus tamen usibus plus minus inserviunt; aliæ partium ad nutritionem superfluarum, aut etiam excrementitiarum; aliæ fluidi illius ad omnes actiones requisiti, quod spirituum nomine venit. Ad primam referri censeo lympham, succos generationi & conservationi fœtus dicatos, semen atque lac; ad canalem alimentorum deponi solitos, tam serofos, quam bilem. Ad secundam transpirationem, sudorem & urinam. Ad tertiam verò pnevmatosin. Singula capita in sequentibus trademus.

§. XII. Lympha nunc duntaxat in conspectum veniat, quæ tot seculorum aciem effugit, & hujus felicitati reservata est. Scilicet ex diff. IX. §. XV. & diff. XI. §. IX. constat, sanguinem, per arterias partibus adductum, ab iisdem sub duplici formâ redire, aliâ sanguinis nempe rubicundi, & aliâ aqueâ referente, quæ serum olim, hodiè ubique ferè lympham nuncupatur. Revera enim non esse, nisi arteriosi sanguinis portionem serum à partibus redux, *Severini* observatio testatur, quòd in sanguine per arteriotomiam educto dupla quantitas lymphæ præ sanguine venoso reperiatur, & in omnibus cum reliquâ lymphaticâ parte sanguinis modò dicti conveniat. Id quod *Loweri* experientia quoque confirmat, quòd, venâ in animali vivo ligatâ, uberior in illâ parte, ex stagnante sanguine, lymphæ copia propullulet.

Ex quibus manifestò liquet, supervacaneum esse, ut cum Anglis succum nerveum eidem materiam suppeditare fingamus, cum tantâ in quantitate, quâ lympham observamus à partibus reduci, à nervis stillare non possint, etiam si cum *Charletonio* accessionem vaporis, ex arteriis eructati, jungere placeat. Imò *Bartolino* quoque accedere non possumus, qui spiritus è nervis evolutos in partibus, in lympham simili modo condensari suspicatur, quo in destillatione chymicâ vapores in alembicum ascendentes inibi in aquas & spiritûs convertuntur. Rectè enim *Schelhammerus* lymphæ copiam iterum obstare notat, & frigus, quòd ad condensationem necessarium est, hic præsertim in lymphâ, ex internis visceribus reduce, desiderat.

§. XIII. Quid ergò sanguinem uno alveo adductum in duas partes secedere cogit? Peculiare aliquod organum secernens hic nullibi invenire est, quòd vasa venis socia ab omnibus partibus prodeant, in quibus ne vestigium alicujus instrumenti singularis appareat. Notum est ex præcedentibus, sanguinem ex arteriis ad partium interstitia effundi, atque in illis exilissimis initiis incipere venas: imò hinc sanguinem vi urgeri ab illo à tergo veniente. Quapropter cum angusta orificia difficulter subeat, & præsto quoque sint ostiolis suis lymphatica, pars rubicunda venas, pars verò serosa respondentia sibi magis vasa lymphatica subintrat, quæ proinde cum mæandris partium colatorii vicem præstare videntur. Confirmat hoc, quòd sæpè serum aliquatenus sanguine tinctum in vasis lymphaticis reperitur, & ut ante monui, motu sanguinis per venas intercepto, uberior lymphæ profluat.

§. XIV. Serum hoc in sanguine pro parte illa laudabili olim habebant, cujus proinsecretionem natura per urinam & transpirationem moliatur, id quod etiam *Bartolinum*, circa usum ejus valde ambiguit, movit pronuntiare, non esse nisi residuum à nutritione aqueum, per urinam excernendum. Enim verò, quamvis particulis aqueis utique ea gaudeat, concrecibilitas tamen ejus gelatinosas & oleosas, sapor aliquot salas quoque detegit, prout dist. XII. §. VI. & VII. annotavimus, quibus sero sanguinis venosi in omnibus respondet.

§. XV. Prout verò lymphæ hæc cum sanguine ad partes per arterias movetur, ita reducendæ eidem inserviunt vasa, eapropter dicta lymphatica à *Bartolino*, à *Rudbeckio* serosa, à *Bilso* rorifera. Eadem tenuissimâ membranâ constant, & pellucida sunt, atque initio circa hepar potissimum conspecta, in aliis quoque partibus dein quæ sita & inventa sunt, ita tamen, ut non modò ab extremis artubus, & internis

visce.

visceribus hi rivi prope venas excurrant. Imò quemadmodum in capite lympham hanc quoque secerni, ex ejus stagnatione & extravasatione in hydrocephalo colligere licebat: ita revera non modò in partibus ejus externis, sed interioribus quoque, vasa ejusmodi reperiri, testis est *Nuckius*, & Excell. *Bohnius* noster. Ita quidem, ut ea, quæ lympham ab intestinis reducant, cum eâ simul chylo excipiendo & vehendo accommodata inveniantur, lacteæ hinc potiùs venæ dictæ. Verùm, prout in partium interstitiis vasa hæc lymphatica similem cum venis originem habent, ita circa exitum venoso sanguini iterum uniuntur. Nam ex artubus inferiorum partium & abdominis partibus ad receptaculum chyli ferum, ex pectore ejusque interaneis ad ductum Pecquetianum, & sic mediante eo ad venam subclaviam exonerantur, atque hæc ascendunt dici possunt. Ex capite quæ revertuntur, & descendunt sunt, interdum quoque ad unum alveum, prope insertionem ad ductum thoracicum finientem, & per vas collare majus, quasi cisternam constituens ampliorem, promanant, interdum verò mox jugulares venas, sed non longè, ubi in subclaviis terminari debebant, subeunt. Texturam vasorum horum tenuissimorum curiosè examinavit *Nuckius*, atque docet constare membranam illam ex variis orbiculis, mutuo contactu inter se coherentibus: receptaculum autem lumbare & ductum thoracicum duplicem ejusmodi obtinere laminam, saltem quoddam globuli in eo majores, aliqui etiam ovals, & racematim positi sint, interior verò minores obtineat. Postquam etiam *Ruyfchius* valvulas in illis, quæ semilunares sunt, in conspectum reduxit, *Bilsii* commentum de motu per hæc vasa ad partes concidit, altera verò doctrina de motu illorum reductorio confirmata est, quam ligatura in iisdem injecta quoque stabilis, utpote quæ intra eam & partes, non supra eandem, vasa hæc intumescente docet.

§. XVI. Illud adhuc attentionem meretur, cû non modò venæ lacteæ, quæ simul intestinum sunt lymphatica, glandulas mesenterii, mesocoli, & lumbares subeant, & novos hinc rivos versus receptaculum spargant, sed quoque hinc inde in corpore contingat, ut vasa hæc diversis in locis glandulas conglobatas accedant, & ab iisdem hinc novis prodeuntibus canalibus excurrant. Nimirum ex diff. VIII. §. XI. in memoriam revocandum est, quid chylo in glandulis mesenterii accidat, & id putem lymphæ quoque in reliquo corpore intra glandulas conglobatas evenire. Etenim vix concipi potest, lympham chylo recentrè imprægnatam illi omnimodam expertam fuisse depurationem, quin adhuc multas particulas oleosas, pingues obtineat, quæ non sufficienter attenuari, atque sic per spiracula cutis eliminari, aut ad justam sanguini consistentiam redigi possint. Idcirco lymphæ particulas ejusmodi foetæ (revera enim eas propter paucis à chylosi horis limpidae minus est) ulteriorem depurationem flagitat, ut felicius cum sanguine, & sine me-

tu h[er]itationis, circulari possit, quam ipsi glandulæ conglobatæ triplici ratione præstant. Primò per cribrosam suam, aut si mavis muscosam, texturam, trajiciendo plus attenuant; secundò serum ex arteriis ad glandulas derivatis secretum affundendo diluunt, atq[ue] tertio separando, siquæ adhuc partes expinguioribus crassiores fuerint, & attenuari non valeant, fluidiorem reddunt. Quæ sententiam meam roborare videntur, ea sunt (1.) quòd non modò à glandulis mesenterii prior chylus, sed lymphæ quoq[ue] à glandulis circa venam portæ sitis promanet; (2.) glandularum harum textura mechanismum ejusmodi declaret; (3.) vix arteriæ alium in finem iisdem inferantur; (4.) copiosa pinguedo non modò in mesenterio, sed aliis quoq[ue] partibus, glandulas has comitetur. Etenim existimem, pinguedinis productionem hinc pendere, quòd oleosæ partes quædam aut copia excedant, aut motu deficiente subigi sufficienter, & ad proportionem sanguini debitam redigi non possint, atq[ue] sic sui remotionem efflagitent. At quemadmodum in illis subiectis, quorum motus ad attenuandum satis validi inveniuntur, & quæ calida aliis dicuntur, parca pinguedo est, quòd illæ partes, per transpirationem potius secedant, quæ quoq[ue] ejusmodi hominibus copiosissima, & interdum unctuosæ satis est, ita, si crassiores maneat, retinentur, & collectæ ad partes inibi cumulantur. Quare non modò circa mesenterium, in epiplo, circa renes, in pericardio, & intra cordis vasa, ubi adipis præ aliis partibus copia est, sed in habitu quoq[ue], pinguedini intertextæ quàm plurimæ glandulæ, conglobatis structuræ similes reperiuntur, quæ secretioni ejusmodi à lymphâ, ab omnibus partibus refluæ, vacare possint. Saltem, quòd præter lymphaticæ ab iisdem quoq[ue] prodeant ductus illi adiposi *Malpighiani*, qui oleosas ejusmodi partes intra lamellas & fibras membranarum in dictis partibus derivent, & in iisdem condant, quia omnes membranæ ex variis quasi stratis constant, & favis ejusmodi constituendis aptæ anatomicis inveniuntur. Multò verò magis sententiæ nostræ favet, quòd sub cute copiosissima pinguedo colligatur, & non nisi partes superflue esse possint, quæ per habitum eliminari nequeant, quia copiosior pinguedo non tam indicium sanitatis, quàm corpori oneri & nocumento est.

§. XVII. Usus est lymphæ in sanguine, ut grumum sufficienter diluat, & fluiditatem justam sanguini concedat; in primis viis, ut solutionem ciborum instituat, & partes chylosas excipiat, easq[ue] ad massam sanguineam, & cum eâ partibus adducat. Quòd verò à sanguine in partibus separetur, & intra interstitia earum effundatur, atq[ue] dein canali chylum ad sanguinem vehenti adducatur, frustra quoq[ue] evenisse non putandum est. Etenim, quòd chylo in itinere suo magis perficiendo inserviat, in antecedentibus ostensum est: intra partes verò idè ejus effusionem necessariam judicem, ut fibræ ejus affusione irrigatæ, flexibilitatem ad motum summè necessarium conservent, cum deficiente eo rigidæ factæ spirituum influxui minus obediunt futuræ viderentur.



DISSERTATIO XIV.

De

LACTE ET SEMINE.

§. I.



Aturâ duce cum sanguine ad diversas corporis partes ducimur, ut institutas in illis secretiones, earumque usus investigare valeamus. A lymphæ ergo secretionē, & in glandulis conglobatis depurationē, ad glandulas conglomeratas progredimur. Quemadmodum verò eadem non modò structurâ inter se differunt, sed differentes secretiones varios in fines instituunt; ita nunc singularum officium prosequemur. Eam autem servabimus methodum, ut semper in organum, materiam ex quâ, modum secernendi, (de causâ efficiente in antecedentibus actum,) vasa & modum excretionis, secretum ipsum, & ejus tandem usum inquiramus. Ex illis verò secretionibus, quæ liquida ad usum in œconomia animali necessarios comparant, initium faciemus ab iis, quæ non tam in individui, quàm speciei vel generationem, vel generatæ conservationem, impenduntur, lac atq; semen.

§. II. Equidem humoribus laudabilibus duplex hoc liquidum annumeravimus, quòd semen in utroque sexu tempore pubertatis ad speciei generationem, lac autem in puerperis ad fœtus editi nutritionem, adeoque ad integritatem hominis requiratur. At singularia ea obtinent, (1.) quòd eorum præsentia non semper, prouti bilis, saliva, &c. sed certo tantum tempore exigatur, & deficere interdum, salvâ integritate individui, possit, quatenus semen non nisi iis, qui ex ephebis excesserunt, non verò impuberibus & effœtis; lac non nisi fœminis, & quidem tantum post puerperium & lactationis tempore, adesse solet, aut desideratur: (2.) quòd usus ejus non in proprii corporis commodum, in quo provenit, sed in alio potius exeratur, imò lac, aut semen (masculinum maxime puta) si ad usus genuinos non impendatur, corpori molestiæ, imò incommodo vergat.

§. III. A lacte dicendi initium faciemus, quòd cum prioribus

Q

ma-

magis, quàm feminis generatio conveniat. Mammæ sunt, quæ illud promunt, quo nomine duo illa promontoria, musculo pectorali in homine incumbentia, veniunt. Ad sunt quidem & viris & puellis im-
puberibus, sed minora, & in gravidis præsertim atque lactantibus in conspectum magis prodeunt. Eminentia in medio rubens papilla, areâ cincta subrubrâ, dicitur. Constructio earum, cute remotâ, glanduloso-vasculosa est, quatenus nimirum plurimæ inveniuntur glandulæ, quas ex arteriis & vasculis excretoriis, lactiferis appellatis, invicem convolutis constare, anatomici ferunt. Si quidem & arterias ex subclaviis præsertim suscipiunt, mammarias vocatas, & similes venas ad truncos cognomines remittunt. Nervos quoque à thoracis & lymphaticis habent.

§. IV. Quemadmodum verò mammarum officium in foeminis lactantibus est lac secernere, ita alius usus gratiâ in vivis condita sunt. Quippe non meri ornatus aut symmetrias ergò sexui masculino conceduntur, utpote in quo & puellis aut nullus, aut singularis & rarissimus lactis proventus est. Verum usus illarum utriusque sexui necessarius est, dum adhuc utero matris includuntur embryones, quòd nimirum pars lymphæ chylosæ ab iisdem assumptæ per mammas transcolata, tanquam nimia & ad nutritionem superflua, denuò ad amnii cavitatem reddatur. Unde est, quòd in recenter natis utriusque sexus infantibus lac ex eorum mammillis exprimatur. Qui usus cum in viris plenariè cesset, in foemellis verò longo tempore non desideretur, minùs protuberantes observantur, lactationis verò tempore magis turgescere assolent.

§. V. Equidem vetustas maximam partem suspicabatur sanguinem esse, ex quo lac fieret, præsertim quòd sucione diutinâ interdum merus ille proveniat, & lactantibus menses ut plurimum retineantur, atque imminutio lochiorum lactis ubertatem majorem concedat. Atque prout hujus phænomeni alia deinceps reddetur ratio, ita omnium fermè hodiernorum sententia convenit chylum, eumque depuratiorem esse, qui materiam lacti præbeat, quòd & sapore, colore, aliisque qualitatibus ei maximè affinis sit, alimenta *ευχρηστα* lac quoque uberius concedant, atque hoc etiam majore copiâ tempore chyloseos exuberet, & diuturniore inedia deficiat. Enimvero quibus viis ad mammas perveniat, disceptatur. Ex ductu thoracico
bre-

brevis via videtur, ex quo sine ullis ambagibus ad mammas pervenire posset. Sed nullæ ex hoc ad mammas detegi ullatenus potuerunt, quamvis minores quosvis in eo rivulos detegere liceat. Proinde viam regiam servat chylus, & cum sanguine demum arterioso appellit glandulas, ut in iis secernatur. Quod si autem diutius continuatâ suctione omne lac exhauriatur, viis præter modum laxatis, sanguini quoque transitum concedit, & initio memorati phaenomeni rationem suppeditat. Id solum repugnat, quod ferocius primum chylo, hinc crassius lac prodeat. Ast illius ratio est, quod ductus primum angustiores, non nisi subtiliores transmittere possint particulas. Hoc verò accidit, quod, lacte in mammis aliquandiu stagnante, aliquid feri iterum fluidioris secedat.

§. VI. Quoniam autem ordinariò non nisi in gravidis, maxime verò post partum editum lac generatur in foeminis, ut idcirco partus præcedanei signum lac in mammis inventum habeatur, quanam causa est, quod mammae nunc secretioni litent, alio verò tempore ferientur. Non equidem ad peculiarem aliquem spiritum prolificum confugere necessum est, quod & observationes testentur in viris, imò etiam in virginibus sine concubitu cum viro, lac adfuisse, & *Kerckringius* quoque id iteratâ suctione sine congressu genitum fuisse, annotavit. Verum, si reliquas circumstantias pensitamus, facile aliunde ratio petitur. Ultimis enim gestationis mensibus, & in puerperâ, dum imminui incipiunt lochia, lactis generatio incipit. Hinc ergo major tum est turgescencia, quod utero post foetum editum contracto, materia alibilis, foetui destinata, à sanguine iterum resorbeatur, & sic distentæ plus ordinariò glandulae mammarum humoris hujus secretionem, cui in utero vacabant, denuò suscipiant. Qui orgasmus in sanguine continuatur, quod iisdem ut plurimum menses deficiant. Quin imò idem in causâ est, quod interdum, uti nuper exemplum in foeminâ novi, sine imprægnatione, subsistentibus menstruis, lac in mammis proveniat. Suctio tamen est, quæ lac continuò subtrahendo secretionis hujus continuationem interdum ad plures annos procurat.

§. VII. Chyli ergo portio subtilior, sanguinis intestino motu magis accommodata, circularis impetu ex arteriis per glandulas mammarum, lactis nomine, filtratione trajicitur. Excipiendo eidem & excernendo inserviunt ductus galactophori & papillæ. Tubuli enim

illi à glandulis prodeunt, & tandem plures in unum canalem coeunt, quorum aliquot, numero non in omnibus pari, ad papillam terminantur. Hæc quidem illic loci apertam cutem obtinet, circa finem tamen angustiores illi ductus sunt, nè præter necessitatem continuo lac effluat. At fibris quoque papilla plurimis gaudet tendineis aut nerveis, quæ spirituum influxu partim, partim à sanguinis per arterias effusi regressu impedito compressæ turgescunt, & erectione suâ infanti, dum ore prehendi possunt, suctionem faciliorem concedunt. Si quidem & hinc infans labiorum, gingivarum, & lingvæ admotæ operâ succum illum nutritium suum inde haurit.

§. VIII. Lac ipsum dulcem illum liquorem constituit, in quo potissimum duplicis generis partes, observationem merentur, altera oleosa & gelatinosa, plus minus attenuata, altera lymphatica & aquæ. Quemadmodum verò hæ excipiendis & attenuandis illis inserviunt; ita illæ genuinæ sunt nutritiæ, quæ infanti ex utero recenter prodeunti, & simili alimonia inibi assueto, tam diu nutrimento cedunt, usque dum grandior factus alia alimenta expetat & digerere possit. Eapropter tamen non ex abundantia cremoris & sic crassitie lactis de ejus bonitate majore concludendum est. Quamvis enim particula nutritiæ tùm videantur abundare, præstat tamen lac aliquantò serosius, quòd partim à sero gelatinosa particula magis discontinuata, partim id subtilioribus oleosis imprægnatum leviori operâ superari, & in succum & sanguinem verti possint.

§. IX. Semen, quia speciei progenerationi dicatum est, inter laudabiles & necessarios succos utique referri debet, id tamen pariter omni ætati minus conveniens reperitur. Infantes enim & effæti senes, quamvis alias bene se habeant, eo tamen destituuntur; in foemino verò sexu, etiam si forte id præsto sit, in puellis tamen & vetulis ad imprægnationem ineptum esse videtur. Dum verò semen pro sexu variat, secundum illum duplex quoque considerare necesse est, alterum masculinum, alterum foemininum.

§. X. Ratione seminis masculini notamus eo nomine venire liquorem non simplex, sed ex diversis partibus confluentem, cujus alteram partem prolificam dicere conveniet, quòd ab hac solâ imprægnatio procedat; alteram accessoriam, quæ diluendo tantum seminis excretionem & energiam juvet.

§. XI. Prolifici seminis organum, ejus secretioni destinatum, constituunt testes, numero bini ordinarij, rarius tres, ita tamen, ut in monorchidibus interdum, sive infortunio, sive à nativitate talibus, unus officio nihilominus satisfaciat: qui extra abdominis cavitatem peculiari bursâ inclusi propendent, rarissimè verò intra abdominis cavum, vel toto vitæ tempore, vel ad tempus, delitescunt, & secundum *Kerckringii* observationem cum magnis cruciatibus demum sub pubertatis annis foras proruperunt. Tunica utrique communes testis sunt cutis, hic in specie scroti nomine dicta, & in medio, secundum longitudinem lineâ, quam futuram vocant, distincta, atque altera dartos dicta, musculosis fibris ad contractionem institutis gaudens. Propria singulis testiculis sunt, exterior vaginalis, aut erythroides quocumque nuncupata, & à peritonæo oriunda, cui cremasteres musculi utrinque ab ossibus pubis medio prodeuntes inferuntur. Interior firma satis immediate testium vasa ambiens albuginea audit. Ipsa substantia non parenchymatica aut pultacea, sed glanduloso-vasculosa est, quemadmodum spirales illos ductus in ovibus & gliribus præsertim, glandulas verò iisdem interspersas aut adscitas, in equis potissimum, conspiciere est. Tubuli autem illi tandem in unum canalem desinunt, quem vas deferens postea constituere annotabimus, postquam iidem ex testium corpore prorumpentes variè complicantur, membraneisque expansionibus colligati, glandulis intertextis dorso testiculi incumbunt, & epididymides, aut etiam parastata, anatomicis vocantur. Vasa testium vel communia sunt, vel propria. Ex communibus sanguinea præparantia antiquitus nominabantur, aliis spermatica audiunt. Arteriae sanguinem adducunt, & utrinque interdum ex aortâ, interdum ex emulgente, nunc in dextro, nunc in sinistro, nunc in utroque latere simplices, geminæ & plures prodeunt. Venæ reducunt, & in dextro latere ex cavâ, in sinistro ex emulgente ordinarij emergunt, quæ tamen anastomosis in cursu inter se non uniuntur, & in brutis magis, quam in homine, in cincinnos, capreolos pampiniformes, & varicosos hinc inde, propius tamen ad testes volvantur, & corpora, sic dicta pyramidalia efformant, communique utraque tunica obvolvuntur. Utraque vasa non tam per peritonæi processus, qui potius impervii sunt, quam sub illis, peritonæum exeunt, undique tamen arctissime cincta, cum si quæ ac in canibus foramen daretur, eadem transmittens pa-

tulum, sapius homini, recto corpore incedenti, hernia evenirent. Nervi quoque ad testes disseminantur pro spiritibus animalibus apportandis, & lymphatica ab iis prodeunt. Proprium vas deferens audit, de quo tamen inferius.

§. XII. Testes recte prolifici seminis, i. e. à quo imprægnatio pendeat, officinam constituere non vanè auguramur, quod testibus exsectis, aut à nativitate deficientibus, aut scirrhis, frustra expectetur generatio. Quamvis enim observatum sit, etiam post extirpationem eorum nihilominus aliquando fecundum contigisse congressum, cum id vel ob castrationem imperitam, testiculos, intra abdomen adigentem, vel à residuo seminis in testibus antea secreti & in vesiculis, de quibus postmodum plura, asservati proveniat, penum verò illo exhausto postmodum plenariè deficiat.

§. XIII. Accessorium autem seminis serum concedit corpus, glandosum *Vesalio* dictum, aliàs etiam prostatarum nomine insigne. Hoc ipsum ad radicem penis, & prope cervicem vesicæ locatur, & substantiæ est glanduloso-spongiosæ, quæ membraneo involucri obtegatur, quod à cervice vesicæ fibras quasdam carneas suscipit, ejus constrictioni inservientes. Præter enim glandulas cavernulas quasdam minores aut vesiculas possidet, quæ in ductus definunt ad urethram terminantes & carunculis munitos. Serum, quod hic feceritur, proligerandæ solùm aptum non est, quod ab evnuchis, quibus id superest, nullus fecundus congressus celebrari queat. At illud semini prolifico testium diluendo, attenuandoque magis inservit, ut in vesiculis crassescens, hujus accessione eò felicius ejaculari queat. Non verò in eo testium semen exaltari *Græci* argumenta, & quod corpus glandosum non subeat, persvadent.

§. XIV. Materiam ipsi præbet non tam sanguis rubicundus, quam materia chylosa defæcatissima & subtilissima, quæ cum eo per arterias spermaticas advehitur. Id quod non modò conformitas seminis cum chylo, nisi, quod spirituosius sit, confirmat, sed & quod alimenta, quæ multum chyli suggerunt, seminis quoque proventui faveant, & materia impubertatis annis in augmentationem corporis impendi solita, postea in seminis generationem transeat. Et cum hac ratione via satis manifesta sit, non existimandum est cum quibusdam veterum, semen ex omnibus corporis partibus confluere.

in

in congressu, cum vias exinde adducentes nullibi invenire liceat.

§. XV. Quemadmodum verò in reliquis secretionibus, ita etiam hinc separatio materiæ seminalis in glandulis testium & epididymum filtratione instituitur. Ita tamen, ut non modò ductuum in illis varii gyri, & harum tortuosa convolutio ad ulteriorem exaltationem faciat, sed simul anfractus arteriarum & venarum ulteriori & feliciori secretioni faveant. Qvippe sicuti in arteriis transitu per exilissima hæc vasa & convolutiones ejusmodi materia plus attenuatur; ita dum sanguis rediturus propter similes anfractus remoram aliquam invenit, faciliori secretioni occasionem suggerit, quòd constat, semper sanguinis per venas refluxu impedito uberiores secretiones contingere.

§. XVI. Secretum semen excipitur per tubulos illos, potissimum testium substantiam componentes, qui tandem in unum vas abeunt, quod quamdiu convolvitur, & in plicas exiguas componitur epididymis dicitur, postmodum sub nomine vasis deferentis, recto magis tramite utrinque excurrans. Revera enim testium tubulos non nisi parva deferentia esse, & cum majore communicare, ligatura docet, libidinantium vasi deferenti, aut liquor aliquis injectus, quòd tunc tubuli illi notabiliter intumescant. Ascendit vas deferens ad abdominis cavitatem illic, ubi vasa spermatica transeunt, & ureteres transcendendo versus radicem vesicæ fertur, & in homine potissimum se ad vesiculas quasdam, à liquore, quem suscipiunt, seminales dictas, utrinque versus latera quatuor digitorum transversorum longitudine, latitudine pollicis, intra intestinum rectum & vesicam exprorectas exonerant. Hæc cavitatibus quàm plurimis gaudent, totidem quasi cellulis, quæ omnes tamen materiæ à vase deferente advectæ aditum concedunt, quòd flatus non modò ei immixtus, sed liquor quoque syringâ injectus edocet. Quemadmodum verò hinc semen, usque dum eo opus fuerit, asservatur, ut sufficiente ad generationem copiam præsto sit, ita tum per vesicularum extremitates per corpus glandosum ad urethram excurrunt, ad quam se exonerare possunt; nisi quòd caruncula quoque notari debeat, involuntarium effluxum cohibens, & quòd ab utroque latere exitus

non

non uno in loco, sed distinctis intervallis contingat, ne utrinque confluens semen sibi ipsi in exitu remoram constitueret.

§. XVII. Ex quibus constat, semen duplici materia constare, alia, quæ a testibus ascendit, ac in vesiculis servatur; alia, quæ a corpore glandoso in exitu eidem admiscetur. Revera autem succus est maxime activus & spirituosus, ita ut etiam ejus decuplo plus, quam sanguinis, deperditione, fatigemur: In eo etiam *Leeuwenhoekius* vermiculos viventes numerosissimos, sexu duplici distinctos, se observasse testatur, & quibus fecunditatem ascribit, quod eorum defectu ad proles generationem ineptitudinem deprehenderit. Quomodo hoc verò ad feminei imprægnationem conferat, interius, quando conceptio declaranda erit, dicetur.

§. XVIII. Semen autem femineum quod concernit, eo nomine non amplius venit liquor ille in vaginâ uteri secretus, sed ovula sunt, in testiculis muliebribus, hinc quoque ovarium dictis, contenta. Hæc verò non demum annis pubertatis secernuntur, quod etiam puellis mox à nativitate adsint, quemadmodum tales *Excell. Bobnius* vidit, & quamvis mole per ætatem augeantur, tantillumque ex arteriis spermaticis materiæ sibi congruæ secernant, aliò tamen eorum considerationem reservamus, ubi ea tanquam materiam foetus futuri perlustrabimus.

§. XIX. Liquor verò ille in vaginâ secretus prostatarum muliebrium est productum. Hoc nomine insigniuntur præsertim glandulæ circa urethram locatæ, & quæ in canales quosdam terminantur, quorum exitus prope urethram lacunæ anatomicis dictas constituunt. At verò & in reliquo vaginæ tractu hinc inde intertextæ sunt glandulæ, quæ per poros similem seri, plus minus viscosi, cum illo è lacunis profluente, liquorem stillant, ut vagina humectata tam ad congressum facilitandum, quam foetus egressum juvandum apta reddatur.



DISSERTATIO XV.

De

HUMORIBUS SEROSIS, QVI AD
CANALEM ALIMENTORUM
DEPONUNTUR.

§. I.

Entes modò recludimus, ex quibus tam ad primordia vitæ potius alienæ, quàm ejus conservationem necessarij rivi promanant. Pergimus ad illos, ex quibus etiam non minor utilitas in propriæ œconomix integritatem redundat. Etenim ad digestionem ciborum opus est, ut quoque sanguis requisitam symbolam conferat, & liquida illa concedat, sine quibus nullatenus celebrari eadem commode possit. Quid ea ad chylosin contribuant, in antecedentibus docuimus, nunc quomodo ad canalem alimentorum perveniant, inquirendum est. Canalem verò alimentorum dicimus, tam quæ assumptioni & præparationi, quàm deglutationi & chylicationi vacant partes, os, œsophagum, ventriculum, & intestina. Ad illum ergò vel humores quidam maximè affines, & non incongruè serosi dicendi, ex diversis quidem fontibus confluunt; vel bilis quoque apportatur. Hujus tractationem ad sequentia reservamus, dum de illis agere nunc animus est. Ad eos autem referimus salivam, serum œsophageum, ventriculi, intestinorum, & succum pancreaticum. Licet enim ex pluribus partibus liquor hic destillet, æqualis tamen quàm maximè, & unum fermè in usum, pro juvandâ scilicet chylosi, comparatus esse videtur.

§. II. Salivæ nomine serum illud insignitur, quod ad cavitatem oris ex variis fontibus congeritur. Et quamvis omnes ex genere glandularum conglomeratarum sint, diversimodè tamen hæ locatæ inveniuntur. Aliæ ergo in cavitate oris positæ sunt, aliæ extra os sub-

P

sistunt,

fistunt, & ad id ipsum per appropriatos canales liquidum suum derivant.

§. III. Inter salivæ fontes in ore constitutos primò nominare convenit glandulas buccarum, quarum descriptionem accuratam *Stenoni* debemus, quòd *Sylvio* tantum per conjecturas, ex affectibus buccarum, serosos humores stillantibus, desumptas innotuerint. Quamvis autem eadem per totum buccarum tractum inter oris tunicam internam & musculos disseminatæ inveniantur, ita, ut digitis ori immixtis facillè eas tactu explorare liceat; differentis tamen consistentiæ sunt, & excretoriis quoque vasis diversis gaudent. Ad gingivas locatæ inferius crassiores sunt, & ex radicibus quàm plurimis in canales majores colliguntur, qui ad gingivæ altitudinem, secundum tractum maxillæ inferioris ascendendo excurrunt, & foraminibus illic minoribus exeunt, quàm ipsi canales conspiciuntur, ut sic humor salivæ remoram inveniat, neque sponte & sine necessitate continuò effluat. A parte superiore quæ descendunt vasa pariter à glandulis minoribus aliquanto inferioribus prodeunt, adhuc satis conspicua. At in mediis partibus exilissimæ sunt glandulæ, quæ etiam vasis excretoriis adeò brevibus gaudent, ut vix eadem, nisi per humoris expressionem, cognoscere liceat, dum priora stylum quoque admittunt. Quemadmodum verò hæ partes salivæ secretioni destinantur, & eapropter etiam in salivatione præ aliis intumescunt, ferum plorant, & exulcerantur; ita inter masticandum, & labiorum atque buccarum compressionem major ejus quantitas ad oris cavitatem exprimitur.

§. IV. His jungere liceat secundò sublinguales, *Stenonis* pariter inventum, quæ sub lingvâ utrinque sedem inveniunt, & vasa excretoria angustiora versus gingivas spargunt, quæ non adeò magno à dentibus intervallo terminantur. Ostia per oris tunicam excurrunt, quæ exinde tamen non inæqualis redditur, & nisi comprimantur, vix in conspectum veniunt.

§. V. Sequuntur tertio palatinæ, quibus idem *Steno* salivæ fontis officium asseruit. Rectè enim annotavit, totum palatum glandulosæ cujusdam carnis expansione constare, quæ per tunicam oris, cibi instar perforatam, liquidum illud per vasa excretoria brevissima

finis

fima deponit, ut etiam hinc compressa semper ejus aliquid concedat.

§. VI. Pergimus quartò ad tonsillas, quas *Wharionus* curatius delineare dignatus est, alii autem amygdalas & paristhmia quoque vocant. Eæ quidem habentur geminæ, in utroque faucium latere sitæ, sed revera continuæ sunt, & expansione glandulosâ inter se coniectuntur, saltem quòd in extremitatibus turgentiores sint, & in conspectum magis, præsertim intumefactæ aut exulceratæ, prodeant. Loco excretorii vasis aperturæ quædam, aut foramina, in palato conspiciuntur, quæ à *Whartono* sinus appellantur, & ad quorum simbriam plures minores hiant, quibus secretum humorem ori committunt.

§. VII. Quemadmodum verò tota faucium, palatiqve regio glanduloso ejusmodi strato munitur, ita etiam portio illa pendula inter modò nominatas tonsillas laryngis rimæ incumbens, uvula aut columella dicta, ejusdem generis est, ut quintò eam quoque his salivæ fontibus annuerare necesse sit, imò humorem ejusmodi serosum plus minus viscidum exinde stillare experientia doceat. Musculis tamen utrinque binis, externo & interno, suspenditur, & ex latâ basi in angustam cuspidem exit. Alii ea simul usui inservit, quatenus nimirum foramini protenditur, quòd nares ad palatum spectant, & eo ipso impedit, quòd minùs alimenta, aut boli deglutiendi, ad nares volvantur, sed gulam potius subeant.

§. IIX. Extra oris cavitatem positi salivæ fontes duplicis iterum generis sunt, vel enim, quod promunt, serum primariò huic usui destinatur, vel aliis quoque usibus potissimùm inservit, & postmodum demum in salivam faceffit. Prioris generis est (1.) glandula maxillaris interna, *Whartoni* itidem industriâ detecta, quæ ex simili fermè glandularum congerie constructa, maxillæ inferiori utrinque assidet, atque rotundior, aut ovalis magis in homine, in brutis verò in longum magis exporrecta invenitur. Præter vasa ejus communia potissimum nunc meretur considerari canalis, qui, per plures exiles radices ex glandulâ emergens, versus mentum progreditur, & ad gingivas in papillam terminatur, quæ valvulæ vicem præstare auctori videtur. Ductum hunc ab humore idem salivalem nominavit. Prope hujus verò *Wharthoniani* ductus exitum alius quoque exitus

guus occurrit à sublinguali glandulâ, adeoque communi origine cum Stenoniano §. IV. descripto oriundus. Hujus ductus videtur jam mentionem injecisse idem *Whartonus*, dum in eqvo ex sublinguali glandulâ quendam maxillari inferi perhibet; at distincto gaudere orificio, quamvis ad eandem papillam exire videatur, *Cl. Rivinus* noster, & postea *Bartholinus* quoque, annotavit. *Taurinus* autem tanquam ramulum è sublinguali glandulâ in ductum maxillarem terminatum commemorat. Enimvero, quia hic non nisi in subjectis vitulinis, aut, ut ex *Whartono* constat, eqvinis, & secundum *Bartholinum* quoque in brutis aliis invenitur, in homine autem ut plurimum non, *Nuckio* verò semel, & quidem in altero tantum latere apparuit, dubium est, utrum peculiaris & ordinati ductus nomen mereatur, an potius brutis nominatis peculiare tantum ductuli, fortè ex glandulis in illis longioribus emissi, haberi debeant, aut, qui interdum in homine lusu naturæ, aut forte fortuna conspicui fiant, vix peculiare à Stenonianis supra memoratis, aliquanto interdum capacioribus aut robustioribus, censendi veniant.

§. IX. Pergimus potius (2.) ad glandulam dictam parotidem, quæ itidem ad finem maxillæ inferioris ad auris anticam partem sita pariter ductum emittit, à *Stenone* primum descriptum, qui secretam in eâ salivam ad oris cavitatem derivat, & se prope dentes molares secundos ad gingivas exonerat, ostio pariter papillari quâdam eminentiâ instructo. Utrâque maxillæ inferioris, prior etiam linguæ agitatione, & musculorum adjacentium contractione, compressa, inter masticandum salivæ copiosorem affluxum ad os proliciat.

§. X. His jungere possemus (3.) illum à *Nuckio* delineatum, qui ex glandulâ, in orbitâ oculi osseâ prope musculum abductorium locatâ, ex parvis quoque radicibus in canalem terminatur, qui ad os maxillæ superioris descendit, & prope dentium molarium penultimum se ad gingivas in os effundit. At, quia de eo, num in homine reperiatur, ambiguum est, nostrum verò hic sit, potissimum hominis œconomiam tradere, in medio relinquimus, an prioribus annumerari debeat.

§. XI. Alii adhuc fontes serum, ad alios imprimis usus comparatum, ad os nihilominus derivantes investigandi restant. Illi ad nares

nares primum, & hinc demum ad os humorem suum transferunt. Ex
iis ergo, qui huc suam symbolam contribuunt prodeant in lucem (1.)
glandulæ oculorum, quarum altera minor cantho oculi interno assi-
det, & lacrumalis audit; altera orbitæ oculi incumbit, versus can-
thum anteriorem porrecta, & innominata dicitur. Hæ cum illis,
quæ in tunicâ palpebrarum exiguæ plures disseminantur, serum ali-
quod stillant, quod oculi bulbo irrigando, ut hinc inde pro necessi-
tate moveri valeat, inservit, & in fletu sub lacrumarum titulo expres-
sum per genas propullulat. At quoniam id facile majore in quan-
titate, quam ad solam humectationem requiritur, cumlaretur, ne
lippitudo perpetua eveniat, superfluum ad alium locum, alium-
que in finem deducitur. Innominata pluribus gaudet vasis excreto-
riis, quæ palpebrarum tunicam pertundunt, & ad ostiola sua setam
facile admittunt. Lacrumalis autem excretoria bina obtinet, pariter
aperto hiatu serum suum concedentia, prout utrorumque descriptionem
iterum *Stenonis* felicitati & sedulitati in acceptum referimus. Colle-
ctus verò superfluum in cantho oculi majore humor per puncta dicta
lacrumalia ad narium cavitatem derivatur, sive per foramina bina ex-
cipitur, & in canalem unum ad nares usque pertingentem deducitur.

§. XII. Eundem in locum confluit (2.) serum ex auribus su-
perfluum, quod pro partibus illius humectandis à glandulis tunicæ,
illas investientis, substratis & intertextis, secernitur, hinc verò per ca-
nales quosdam osseo-membraneo-cartilagineos, aquæ ductus *Fallo-
pio* vocatos, ad nares pariter promanat. Scilicet à tympano canalis
osseus incipit, qui in plura spatia minora excavatus in membraneum,
cartilagineumque ductum, sed ampliorem definit, & obliquâ viâ ad na-
rium inferiorem partem illic terminatur, ut epiglottidem respiciat,
dum lunula cartilaginea, extremitati adstans, simul aëris accessio-
nem moderatur. Imò idem canalis interius tunicâ obvestitur glan-
dulosâ, eidem scopo, feri nimirum ejusmodi secretioni, inserviente.

§. XIII. Ipsæ verò nares (3.) quomodo huic muneri vacare so-
leant, *Steno* itidem aperuit. Etenim non modò aliunde serum suum
fascipiunt, sed in tunicâ quoque suâ glandulosâ, quam pituitariam
Schneiderus appellavit, secretum, & per vasa excretoria breviora con-
cedunt: quemadmodum & longiores illi canales, à *Stenone* descripti,

in sinum, intra cartilaginofam alarum protuberantiam conspicuum, se exonerant. Omne verò per foramen in extremo nasi constitutum ad palatum vergit, quò etiam altera illa foramina in homine angustiora, ab eodem *Stenone* descripta, spectant, quæ ex cavitate amplâ & rotundâ in angustum exitum desinunt, qui vix fetam admittat. Is prope anteriorum dentium radices protuberantia notatur, ex quâ guttam aliquam serifacile exprimere liceat.

§. XIV. Omnium illarum partium est, serum plus minus fluidum secernere, meatuum verò atque canalium delineatorum, ad oris cavitatem id derivare; siquidem post eorum inventionem non opus est cum *Cartesio* fingere, id ex vaporibus à ventriculo ascendentibus in ore colligi. Vasa enim præter descripta propria, communia quoque habent omnes illæ glandulæ, arterias, venas, nervos & lymphatica, quorum hæc conspicua satis à glandulis parotidibus & maxillaribus conglobatis distribuuntur. Quemadmodum verò vasa hæc cum venis abducentia sunt, ita materiam adducentia, vel utraq; vel alterutrum apportant. Nervorum superfuitates ab illis glandulis, præsertim majoribus, absorberi, *Whartonus* imprimis & *Blasius* opinantur, aut etiam ille ex cerebro ipso quasdam impuritates suscipere existimat. Enimvero, quia suo tempore constabit, à cerebro ad fauces ejusmodi emunctoria nulla dari, nervos hujus generis succulentia copiosâ expertes esse, imò eosdem nobiliorem potius usum præstare, dum spiritus advehunt, quorum ad secretionem necessitatem in antecedentibus annotavimus, patet assertum hoc invitum experiri partium illarum assensum. Quippe arteriosus potius est sanguis, à cujus latice seroso id glandulæ ejusmodi transmittunt, quod ipsarum conformationi respondere videtur.

§. XV. Omne ergo illud serum, licet ex adeò diversis locis colligatur, ejusdem generis esse videtur, & uno salivæ nomine insigniendum. Quamvis enim *Whartono*, quod à maxillari provenit, potius hoc nomine veniat, reliquum verò ex tonsillis, uvulâ, &c. quod viscidius appareat, sputum appelletur; revera tamen unum in finem comparatum esse videtur, & si forte crassius & pituitosius evaserit, alii potius causæ, accidentali magis, adscribendum, aut etiam præter naturam erit.

§. XVI.

§. XVI. Sicuti autem salivam hanc ex aqueis, falsis & viscidiusculis constare particulis, ex differt. V. §. X. didicimus; ita quoque constet, eam non ut excrementum ad os, quò respuatur, ex tot fontibus derivari, quin potius, si naturalis sit, custodiendam esse quatenus maximam menstrui illius in ventriculo partem constituit, quod ciborum solutioni commodum esse ex antecedentibus liquet. Ita verò ori præsertim committitur prius, ut boli eadem irrigati facilius deglutiri valeant, & sermonis facilitas sit, quò observemus, faucibus siccis eundem difficilius contingere.

§. XVII. Ex ore ad gulam vehimur, cujus tunicam interiorem glandulas quàm plurimas obtinere, supra quoque notavimus, quatenus humiditas sæpius licet absterfa, compressione facile iterum novâ eliciatur. Id verò prout ad deglutitionem lubricando continuo canalem confert, ita quoque medio tempore blandè per œsophagi latera ad ventriculum descendit, & humorem menstruaalem accumulat.

§. XIX. Idem nunc dicere conveniet de glandulis ventriculi, quarum pariter differt. V. §. IV. mentionem fecimus, & à *Wepfero, Pechlino, Bidloo, Brunnero* describuntur. Eæ enim pariter ex sanguine arterioso convenientem sibi serosum humorem secernunt, & per vasa excretoria copiosissima ad cavitatem ventriculi deponunt, in quo reliquum serum salivale adauget, & solutioni ciborum simul vacat; præsertim, cum salivâ magis falsum, adeoque energeticum quoque deprehendatur.

§. XIX. Neque necessarium erit, hic intestinalium glandularum descriptionem longius repetere, cum ex *Pechlino, Peyero, Brunnero*, & avtopsiâ earum in differt. VII. §. IV., delineationem & differentiam in crassis & tenuibus, usum verò præsertim §. X. ejusdem differt. declaraverimus. Saltem hîc annotasse sufficiat, quòd ejus feri eadem cum antecedentibus secretionis ratio sit.

§. XX. Solummodo adhuc aliquandiu ad pancreas subsistamus. Ejus substantia prout glandulosa est, ex plurimis minoribus congeritur, quæ unâ quâdam communi membranâ involvuntur, & ventriculo substernitur, ita huic pulvinaris vicem, ut melius quiesceret, præstare veteres existimabant, quòd omnes glandulas

otio-

otiosas, & non nisi fulciendis vasis aut implendis, & exarqvandis cavitatibus, constructas arbitrarentur. A sinistro ad dextrum latus excurrit, atqve ad intestinum duodenum terminatur. Quemadmodum autem vasa cum aliis partibus communia cuncta obtinuit, ita proprium aliquod habet, quod excretorium dicendum erit. Id ex variis radicibus exilioribus, ex omnibus dimensionibus emergentibus, in communem alveum definit, qui in medio recta excurrit, & ad duodenum ut plurimum simplice, & cum choledochus in homine eadem insertionem finitur: prout ejus structura, si cerâ repleatur coloratâ, egregiè oculis curiosioribus sistitur. Nuper verò, quòd interdum fieri amat, etiam ex lobello inferiore alius, sed brevior, canalis, non ad majorem, verum proprio exitu ad duodenum definere visus est. Papilla circa exitum conspicua valvula vicem præstat, quibus aliàs in toto cursu caret, ut ne aliquid ex intestinis eidem illabatur, & canalem obstruat. Invenit eum *Virsum* *gus*, sed vacuum ostendit in cadaveribus sectio, proinde *Graafius* in vivis succum quendam serosum, copiosum satis, exin stillare docuit. Qui quemadmodum ex eodem sanguine arterioso & simili ratione separatus, atqve intestinum accedit duodenum illic loci, ubi choledochus exiit, ita chylicationi continuandæ congruus est. Non quidem cum bile effervescente, quòd acidus malè secundum naturam habeatur, sed ejus acrimoniam temperando, & chylum magis diluendo atq; excipiendo, prout differt.

VII. §. IX. evicimus.



DISSERTATIO XVI.

De

LIENIS OFFICIO.

§. I.

Inter liquida illa, quæ in commodum œconomix animalis necessarium ex sanguine separantur, bilis quoque merito reponitur. Ea enim non ut excrementum, sed chyloleos continuandæ gratiâ ad intestina derivatur, atque sic iustè post humorum serosorum anafylsin sui quoque tractationem efflagitat. Quam ut felicius perficiamus, organa bilis secretioni dicata distingvere liceat, ut alterum dicatur inchoans, sive partes ad secedendum præparans; alterum verò perficiens, & quo bilis secretio actu instituitur. Prout autem huius munus hepatis assignabitur, in sequenti dissertatione explicandum, ita illius officium à liene expectandum esse, nostri nunc instituti erit declarare. Quod ut eò curatius constet, lienis structuram, vasa, connexionemque trademus, hinc verò usum asseremus eum esse, quòd hepatis in bilis secretionem auxiliatrices manus porrigat, cuius asserti veritatem præsertim quoque pugnantium sententiarum remotione stabilire conabimur.

§. II. Lien dicitur viscus illud in sinistro hypochondrio situm, quod in brutis longius excurrit, in homine rotundioris magis formam obtinet, & in infantibus rubedine floridâ micat, dum in adultis & ætate proventis obscurum colorem assumit, & convexâ suâ parte exterius, concavâ interius, spectat. Nonadeò congrue veteribus pars sanguinea, & parenchyma dicebatur. Rubedo enim illa, quam refert, à sanguine est, qui in vivis per ejus cellulas circulatur, & ex leviter sauciatis promanat, in mortuis verò grumescit, & in solidiorem substantiam concrevisse videtur. Quippe sanguis intertextus, iteratâ aquæ calidæ per arteriam injectione, eluitur, & splenem non modò albicantem magis reddit, sed & substanti-

am

am ejus propriam plus in conspectum deducit. Ea deductâ exteriorē tunicâ, quæ membranæ, à peritonæo oriunda & communis est, palam apparet, quatenus interior, quæ propria audit, texturâ magis mirabili gaudet, & non tam peculiare tegumentum, quàm fibrarum, è quibus lien constituitur, variè implicitarum terminus est, utpote quæ etiam ad exteriorē excurrunt, & ab eâ, nisi discindantur, removeri nequeunt. Ipsa verò structura, quod *Malpighii* præsertim manu ductioni debemus, satis admiranda est, quæ in elotis & exciscatis imprimis conspicitur splenibus. Nimirum ex fibris carneis & expansionibus membranæ quàm plurimis in variæ magnitudinis, & amplitudinis, atque figuræ cellulas & cavernulas constituitur, quæ auriculis cordis conformatione non sunt ab similes, & plurimas quoque, sed exiguas, racematim dispositas, intertextas sibi gerunt glandulas. Proinde prout membranarum texturâ tenuior, & sanguis floridior est, uti in junioribus subjectis, ita etiam color lienis exinde rutilus magis apparet: & vice versâ, quemadmodum hæ crassescunt in senioribus, & transparenere sanguinem tantopere non sinunt imò hic quoque interdum obscurior evadit, sic etiam lienis color alius videtur.

§. III. Vasis lien, quod summopere attendere necesse est, propriis nullis, sed tantum communibus instructus observatur. Arteria, celiacæ sinistræ nomine, ex aortâ ad splenem porrigitur, eumque in homine in plures furculos divisa ingreditur, & iterum in exiliâ capillamenta exit. Vena, quæ itidem ex eo per varios rivos, secus ac in brutis quibusdam, rami splenici nomine emergit, & dextrorsum vergens venæ portæ immergitur. Id ea peculiare habet, quod præter pauca exilissima capillamenta, à cavitatibus illis cavernosis sanguinem excipiat, utpote quæ omnes, immisso per venam flatu, intumescunt, & se ad capsulam, communem dictam *Malpighio*, exonerant, atque hinc ex splenis corpore erumpunt.

§. IV. Vasa hæc singularem præ ordinariâ conformationem obtinent, quatenus præter exilia quædam capillamenta, quæ arteriæ versus glandulas emittunt, intra cavitates illas venosas eadem immediate hiant. Idem enim non modò quotidiano experimento

patet

patet in brutis, quòd cera liquefacta, & lege artis in arteriam immissa, ad ipsos modò nominatos sinus effusa inveniatur. At id ipsum in homine quoque evenire (quamvis, *Bohnio* nostro & *Ruyfchio* observantibus, rarius) nuperà in anatome didicimus. Etenim cera, post consuetas elotiones arteriæ injecta, non modò ad cellulas penetravit, sed & per ramum splenicum redux facta, ejus quoque surculos impleverat. Et quamvis intentionem nostram falleret, quâ alio colore imbutam ceram venæ huic immittere animus erat, ut utriusque vasis ramificationes, quæ sociæ & variè mixtæ excurrunt, distinctius videri possent; majore tamen delectatione utriusque vasis communicatio exin manifestata nos affecit.

§. V. Ex reliquis vasis sunt nervi & vasa lymphatica. Illi bini, ex nervi intercostalis abdomen intrantis sinistro ramo, ad splenem sparguntur, non tamen duntaxat exteriorem ejus superficiem lambunt, sed interiora quoque subeunt, & arteriis ut plurimum comites in exilissima ramenta per totam ejus substantiam disseminantur. Vasa lymphatica numerosiora quidem in brutis, observante *Nuckio*, quàm in homine, exinde prodeunt, quæ *Ruyfchius* evolvere commodius enchireses congruas subministrat. Eadem autè ferme totâ lienis membranam perreptant, uti flatu arteriæ immisso manifestatur, & *Nuckius* refert, sed modò in vesiculas abeunt, modò ex iisdem iterum emergunt. Tandem verò, cum à liene prodeunt, ad cisternam chyli refluam lympham transportant. Nervi autem cum venis & arteriis communi quâdam membranâ, evidentius tamen in brutis, quàm in homine, involvuntur.

§. VI. Connexio lienis vel est cum partibus vicinis per membranas, vel per vasa. Illa in homine alia, quàm in canibus. In his enim in gibbâ parte liber est, simâ verò epiplooo præsertim adhæret. Ast in illo non modò diaphragmati, sed & circa costas spurias vicinis partibus, ut separatione καὶ δάσιν opus sit, firmissimè in posticâ parte annectitur, ut dolor, lieni vulgò ascriptus, in hypochondrii anticâ parte nullatenus situi ejus respo-deat. Interiore parte per vasa cum multis partibus conspirat, quatenus ex arteriis communem imprimis cum ventriculo sanguinem recipit, vena au-

tem vasa brevia, gastropiploicam sinistram, & gastricam, ex ventriculo refluas, suscipit, & ad venam portæ excurrit, quæ reliquas ex ventriculo, imò & mesenterio, reduces venas absorbet. Per nervos cum ventriculo & rene sinistro communionem habere *Willisi* ex relatione cognoscitur.

§. VII. Cui usui hoc viscus destinatum sit determinaturis innumerae difficultates ex adeò differentibus auctorum sententiis nascuntur. Ex quibus sese extricare difficillimum foret, nisi filum illud Ariadnæum adhibere sit animus, experientiam & rationem, quo ad abditos labyrinthos aditus & reditus patet. Primò ergo helicem illam sequemur, & usum determinabimus, hinc verò obstantes aliorum opiniones declinaturi. Quando experimenta anatomica consulimus, primò, quæ nobis, quid in liene effectum sit, detegant, adorimur, frustra id in nervis aut arteriis quæritur, utpote quorum vasorum est adducere. Inter reductoria, vasa lymphatica similem ac in aliis partibus lympham revehunt; at ramus splenicus in animali vivo apertus, sanguinem ab aliarum venarum sanguine singularem stillat, i. e. floridum magis, & qui longiore demum morâ in grumum densatur. *Deinde* Excell. *Bohnii* nostri viam sequi liceat, & prouti ille *Duumviratum* hunc lienis cum hepate afferturus præstitit, & nos aliâ occasione quoque prolixius persecuti sumus, canicidia quædam consulamus. Nempe si cani lien secundum artem excinditur, & vulnus religatur, canis vegetus iterum urinam sæpius reddit, alacris & salax maximè observatur. At si aliquo tempore post sectio nova instituatur, attendere licebit, bilem ad apertum duodenum ex hepate cum solitâ spumositate & copiâ non venire, imò etiam eam, quæ in vasis invenitur bilariis, præsertim in cysti, minùs homogeneam, sed caseosis pluribus heterogeneitatibus scatentem inveniri. Multo evidentius id ipsum apparet, si post extirpationem lienis, dextrum quoque hypochondrium aperiatur, & omnis, quæ præsto est, bilis, eâ, quâ par est, circumspeditione, versus intestinum duodenum exprimitur, & folliculus evacuetur. Canis enim vomitus biliosos experitur, & potum avidissimè expetit, singulare verò, post aliquot dierum intercapedinem cul-

tro anatomico commissus, hoc suggerit. Nimirum vasa biliaria, cum cykli ipsâ, vacua non modò bile observantur, sed hepar etiam minùs naturali ratione rubet, & sanguis quoque in reliquis corporis vasis longè serosior invenitur.

§. VII. Quæ ipsa cum æqvâ animi lance perpendimus, non invitâ naturâ nos facturos arbitror, si ex posteriorum experimentorum fide lieni cum hepate, in bilem secernendi officio, commercium intercedere asseramus. Sola enim lienis excisio integris vasis biliaris & hepate bilem à naturali statu recedentem efficit; & si accedat biliariorum vasorum expressio, nova nulla generatur, licet vasis secretioni vacantibus vis nulla illata fuerit. Accedit his, quòd sanguinem linearem non frustra ex sinistro usque ad dextrum hypochondrium ferri existimandum sit, cum, si illic necessarius non foret, brevior viâ cum alveo communi in gratiam redire valeret. Itaque si huic connexioni utriusque partis prior experientia jungatur, manifestius docebit, id, quod splen hepati contribuit, à sanguine hoc singularibus conditionibus instructo debere procedere.

§. IX. Sed in quo officii consistit ratio, quòd lien hepati in *χοληποίησει* præstat? Cum omnis communio in sanguine quærenda sit, venoso, id in eo versari opinor, ut sanguinem ad meliorem bilis secretionem præparatum lien hepati concedat. Præparatio hæc ex phenomenorum, quæ hinc apparent, consideratione duplici ratione fieri observatur. Altera, quòd sanguis plus in liene dividatur & attenuetur, ut particulæ bilis, reliquis intimius connexæ, ab iisdem secedant, & in acinis jecoris à reliquâ compage liberari valeant. Hoc verò præsertim exigere videtur præ aliis liquoribus bilis, cum reliqui, e. g. saliva, urina, &c. laxius cum sanguine coherere, adeòque præviam ejusmodi præparationem non desiderent. Attenuatio hæc sanguinis in liene variè concipi potest: partim ab ejus intra tot cellulas & cavernulas effusione; partim à lymphæ in glandulis lienaribus secreti admixtione; partim à motu fibrarum carnearum, utpote quem præ aliis ad humorum consistentiam attenuandam congruum chymica exempla declarant. Altera, ut sanguinis arteriosi impetus magis coercetur, & bilis à sanguine moderatius

fluente facilius separari quæat, cum ex antecedentibus constet, omnes secretionem felicius peragi, si sanguis blandâ undulatione appellat, quàm si impetuosius ruat; præsertim, cum bilis singularis textura diuturniorem aliis liquidis ad sui secretionem moram & operosiorum laborem postulet. Neque id infrequens est in aliis actionibus, quod plurium partium operæ ad eandem perficiendam concurrant, ut proin nulli dubitemus affirmare, lienis usum esse, hepati in bilis secretionem auxilio suo adesse, & sic splenem adhuc hodiè, & rectius, quàm antiquitus, ἡπαρ νόθον esse appellandum, quod falsò olim in hæmatosi, verius nunc in bilificatione, eidem opituletur.

§. X. Id equidem ob stare aliquatenus videtur, quòd sanguinis venæ portæ, ex quo bilis secretionem adornari inferius ostenditur, minorem partem constituat ille ex liene accedens, major verò portio ex ventriculo, omento, intestinisque per plures venas confluat, & proinde vix illi posse soli negotium hoc adscribi. At quavis in sanguine partium reliquarum omnimodam ineptitudinem nullatenus concipiam, quin potius & illo per tot partes transitu disponi melius sanguinem suspicer, veruntamen quia sanguis, per venas mesaraicas, gastricasve redux obscurior, & reliquo venoso sanguini similis est, probabile videtur, eum solum vix congruum futurum, nisi lienaris exaltatus, & impetu majore profluens eidem commixtus foret, atque ad dimittendas particulas biliosas disponderet, qui interim solus quoque vix sufficiens esset, nisi sanguinis ex aliis partibus accessione locupletaretur. Quæ omnia ex eo, quòd ex hujus sanguinis lienosi defectu bilis generatio turbetur, neque ex reliquo fecerni possit, magis adhuc comprobantur.

§. XI. Reliquæ sententiæ, quæ cum nostrâ pugnare solent, duplicis generis sunt. Alteræ lienem planè nullius usûs asserunt, alteræ alii cuidam muneri præficiunt. Prior eo præsertim nititur fundamento, quòd extirpari sine ullâ noxâ valeat, & huic adherere *Plinium, Fioravantium, Mayowium, Kerckringium*, imò quoque *Malpighium*, alibi aliquando annotavimus. Enim verò respondemus primò negando, sine noxâ excindi, quòd etiam si vita adhuc maneat superstes, *χοληποίησης* tamen evidenter labefactetur, aliud verò

fit

fit ad vitalitatem immediate conferre, aliud planè inutile esse. *Deinde* non sequitur, pars abesse potest, aut removeri, manente vitâ, ergo nullum usum præstat. Etenim puerum, imo oves, cerebro caruisse *Kerckringius* annotavit, renes à *Zambeccaro* feliciter exempti sunt, manus aut pedes integrâ vitâ detruncari possunt, quis verò eapropter inutiles omninò partes pronuntiet? Quippe solet interdum natura aliunde defectum ejusmodi partis compensare, uti pancreatis per glandulas duodeni copiosiores, *Brunnero* teste, & turgentiores, ut à statu ordinario ad extraordinarium nulla valeat consequentia.


§. XII. Posteriores opiniones vel ex lege circulationis, vel experientiâ refutari possunt. Ut enim taceam, *Erasistratum* & *Rufum Epbesum* malè pro inutili habuisse, & quòd solius symmetrias gratiâ sinistro hypochondrio concessum sit, cum ejus mirabilis structura facile contra eosdem contrarium sustineat. Qui cum *Baubino*, *Hoffmanno*, *Sennerto* partem sanguinis abdominis visceribus debitam, cum *Kypero*, *Velthufio*, *Sylvio* autem sanguinem in liene aut confici, aut exaltari existimant, vel hepati vicarium in hæmatosi viscus associant, vel solum illum eidem præficiunt. At falso innituntur fundamento (1.) quòd chylum arbitrentur à venis mesaraicis absorberi, & hepati atque lieni adduci, cum tamen per ramum splenicum huic nihil accedat, sed sanguis potius refluat: (2.) etiamsi ex eo, quòd chylus cum arteriis spleni accedat, & hic copiosis nervis instructus sit, officinam sangvificationis vel unicam, vel primariam asserere fatagant alii, quòd spiritibus solis officium αἵμα/σπονδισκόν precario sats concedatur, chylus hâc ratione omnes partes alluat, & miserum foret animal, cui liene exsecto, vel unci, vel primarii sangvificationis organi defectu, necessaria mors immineret, cum tamen ciborum solutio & chyli assimilatio vix ἀσπλήνους videatur deficere.

§. XIII. Cum *Pisone*, aliisque, cordi sanguinem arteriosum non preparat lien, quia per ramum celiacum ex aortâ sanguinem accipit, non verò eidem concedit. Aqvositates ex alimentis, uti *Hippocrati* & *Aristoteli* arridet, quòd vasa brevialia & gastrica, quibuscum cû ventriculo communicare videtur, lieni nihil concedant, sed reduci tantum ex eo sanguini suum associant. Non ex Arabum sententiâ sanguinem

gvinem aquosum pro cordis refrigerio parat, quia flammula illa aut calidum innatum frustra supponitur, neque via ad cor ex liene, sed vice versâ, patet. Venerem, juxta *Helmontium*, non excitat, quia exciso liene canes salaciores sunt.

§. XIV. Mittam alias opiniones, quas ex adductis remove facile erit, cum *αδύνατον* sit, omnes recensere, utpote quod omnes ferè auctores peculiarem huic parti usum affinixerint. Saltem adhuc duas adducam. Altera famosa est *Galenî*, & à plerisque culta, sanguinem limosum & terrestrem, aut melancholicum, in liene secerni. His verò refragatur avtopsia quia, qui prodit, floridior aliarum venarum sanguine reperitur; & ubi forte obscurior lien est, præter naturam potius contingit, & à sanguine totius vitiato dependet. Altera est, quâ succum acidum, vel sub eodem succi melancholici nomine, hinc provenire opinantur, vel hunc appetitum excitare cum *Helmontio* credunt. Enimvero succum acidum in liene quorumvis animalium sanorum, neque in decocto, neque destillato, ullatenus deprehendere est, & via ad ventriculum, si leges circulationis adspiciamus, nulla invenitur.

§. XV. Quamobrem cum reliquæ sententiæ vix locum inveniunt, nostra verò conjectura structuræ visceris & organisationi, atque cum hepate connexioni manifestè respondeat, imò ab experimentis majus robur suscipiat, lienis tractationem, tanquam organi ad bilis secretionem sanguinem præparantis, merito nunc exhibuisse speramus.



HEPATIS MUNERE, ET BILE.

§. I.



Liene recto tramite per ramum splenicum ad dextrum hypochondrium & hepar deducimur. Hujus ut cum illo duumviratus, sive mutuum ad *χοληπόησιν* instituendam commercium melius elucescat, commodum erit hepatis structuram, vasa & connexionem præmittere, ut de ejus officio, materiâ ex quâ, & modo, quo bilis secernitur, & hujus demum naturâ, motu & usu sententia verius ferri valeat.

§. II. Jecur dextrum hypochondrium tenet, & è regione lieni opponitur, atque gibbâ suâ parte exterius, sinâ interius respicit, anticâ parte ventriculum velut amplectitur, & fermè ad cartilaginem usque ensiformem porrigitur; posticâ verò ad vertebra spinæ, inferiore ad renem usque protenditur, ita ut pro hujus parte supernâ velut continendâ aliquoties in canibus excavatam viderim. In brutis quibusdam in varios lobos dividitur, dum contra in homine continuum magis corpus est, quamvis fissuram aliquam circa venæ umbilicalis insertionem obtineat, ut per hanc in dextram & sinistram partem divisum dici possit, & in concavâ partē protuberantia quædam, sed exigua, quasi adnata videatur, quam *Spigelio* lobi nomine designare placuit. Præterea etiam fissuræ aliæ, quasi studio factæ, sed exiguæ magis, attendi merentur. Substantia verò parenchymatica non est, neque etiam ex sanguine constat, quatenus is salvâ illâ, iteratis injectionibus, elui potest. Verum, quod *Malpighii* quoque solertia in acceptum referimus, congeries est glanduloso-vasculosa, quæ exterius membranâ quâdam, sed exilissimâ, involvitur. Glandulæ à figurâ cum acinis comparantur, & à *Malpighio* plurium laterum, & præter propter hexagonum referentes describuntur, quæ non modò, externâ tunicâ remotâ, senudo quoque oculo sistunt, sed præsertim in indurationibus conspicuæ magis sunt, & membraneis fibrillis variè inter se connectuntur.

R

§ III.

§. III. Quod vasa concernit, hepar & communia, & propria obtinet. Ex communibus duo sunt adducentia, duo abducentia. Ex illis arteria, quæ ex arteriæ celiacæ ramo dextro, sub hepaticæ nomine emergit, & prope venam portæ hepar subit, exilis tamen admodum in comparatione ad visceris molem est. Nervi autem ad interiora quoque arteriis socii procedunt, & furculos etiam ad vesicam felleam emittunt. Ad hæc referuntur vena cava & lymphæ ductus. Illa olim hinc originem fumere dicebatur, at rectius ex partibus inferioribus ascendens in transitu ex hepate plurimos venarum furculos suscipit, quæ hepaticarum nomine non incongruè appellarentur. Lymphaticæ vasa non ex glandulis ad venæ portæ ingressum fitis, sed ex interioribus hepatis erumpunt, & in transitu tantum eas accedunt, siquidem id non modò avtopsia in subiectis grandioribus, sed & hydrops ex scirrhuso hepate ut plurimum oriens testatur. Eadem adeo ampla, & magis, quàm ullibi, conspicua sunt, ut una cum lacteis jam *Asellio* visa, sed pro similibus habita fuerint, *Bartholino* verò & *Rudbeckio* pro lymphaticis potiùs aut serosis agnita sint, & reliquis in aliis partibus quoque inveniendis occasionem dederint, ad alveum autem communem chyli & lymphæ finiuntur.

§. IV. Vasa, quæ soli hepati dicata, & propria idcirco audiunt, itidem vel aliquid adducunt, vel abducunt. Quod adducit, unicum & sanguineum est, & vena portæ dicitur. Hæc exilissimis capillamentis exorta, ex diversis abdominis partibus in unum truncum colligitur, quippe venæ mesaraicæ, & hæmorrhoidalis interna, venæ è ventriculo, omento, pancreate, refluæ, & ramus splenicus in eum inferuntur. Ligatura prope ejus insertionem venæ portæ in subiecto vivo injecta hoc non modò ostendit, quatenus omnes illæ partes à restagnante sanguine intumescunt, sed eandem quoque inter adducentia hepatis vasa rectè numerari confirmat. Hæc ipsa hepar subit illic loci, ubi quædam exiguæ protuberantiæ utrinque conspiciuntur, quæ *πύλα* Græcis dictæ, ipsi portæ denominationem concesserunt. Equidem non pulsat ingressa hepar, quòd causa pulsus deficiat, & experientia refragetur, sed tamen singulare quid ab aliis venis, arteriæ scilicet vicem, sanguinem parti cuidam adducendo, præstat, adeoque iterum intra hepar in subtilissima ramenta diffeminatur. Abducentia vasa à liqore, quem vehunt, non ineptè

bilaria

bilaria appellari merentur. Intra hepar sunt tubuli bilarii, qui à glandulis ejus prodeuntes exilissimis initiis in majores semper furculos junguntur, ut in ductus hinc maxime conspicuos definant, qui tandem in homine in majorem quendam coeunt, qui ex hepate emergens hepatici titulo gaudet, dum in brutis à diversis lobis, diversi quoque ductus exeunt.

§. V. Eorundem vasorum classi assignari debet cystis fellea, quæ in concavâ hepatis parte sita, in homine ad fundum ferè eidem annectitur. Triplices in eâ tunicas annotavimus, quarum extima communis & membranea, media fibris longitudinalibus, à cervicè ad fundum porrectis, interior transversalibus, gaudet, quibus tamen plurimæ glandulæ ab hepaticis figurâ & magnitudine differentes intertextuntur. Hoc in aquâ fervente maceratis, & iteratâ per arteriam cysticam injectione, ceu in *χοληποινήσεως* negotio prolixius docuimus, in apicum deducitur. Arteriam habet cysticam, venulas ad cavam & portam hiantes, nervos quoque & lymphatica vasa. Ovali suâ figurâ vesicam æmulatur, cujus cervix valvulosa ab interiore præsertim tunicâ construitur, hinc prodit canalis, cysticus dictus, qui tandem cum hepatico ante memorato in unum coalescens, choledochus appellatur. In cystico ductu, secundum longitudinem aperto, diversa apparent ostiola ductulorum, quorum majorem *Glistonius*, reliquos *Amselodamenses*, & *Robnius* detexerunt, qui tamen vel ex hepate, vel hepatico prodeuntes, omnes supra cervicem &c. cystico ductui inferuntur. An verò vasorum similibus numero adscribi debeant radices cysticæ, dubius hæsi, cum *Blasius* bilem in eo loco, ubi hepar & vesicula ab invicem divelluntur, exsudare affirmet. At quia sæpè contrarium experiri mihi licuit, negativam sententiam potius amplecti, experimentum aliquoties in caninis, bubulis, vitulinisqve subjectis, & nuper etiam in humano, celebratum me permovit. Nimirum quamvis inflato folliculo hepar quoque elevari & intumescere videatur, id tamen à connexionè potius utriusque, quam flatu eo penetrante, provenire, & radices illas nullatenus pervias esse, curatius examinanti constabit. Quippe si in alterutro, imò & dein in altero latere, & per totam cystim ea ab hepate divellatur, nec flatus per eam penetrabit, nec hoc elevabitur. Et si forte valvulas concipias foras intro, non contra, spectantes, quæ flatum cohibeant, in versâ quoque vesica se inflari patitur, & eorum quoque existentiam destruit.

R 2

§. VI.

§. VI. Connexio hepatis ipsius, quæ attendi meretur, per ligamenta præsertim & vasa fit. Illorum ope per suspensorium diaphragmati, per venam umbilicalem umbilico, per tertium cartilagini xiphoïdi alligatur. Vasa biliaria per choledochum ductum ad intestinum duodenum, sanguinea per venam portæ cum ventriculo, omento, liene & intestinis, per cavam cum trunco ascendente, per arteriam cum aortâ, hepar firman; lymphatica autem ad receptaculû ducunt. Attentam verò maximè partium hepatis inter se communicatio considerationem efflagitat. Liqvor per arteriam hepaticâ & venam portæ injectus per cavam revertitur, adeoque hanc utriusque liqvido excipiendo inservire docet. At immediatum non est commercium, nam vice versâ, liqvor cavæ injectus neque per arteriam, neque portam, (nisi hîc quandoque in hepatis, quorum pori iteratis injectionibus laxati nimis fuerunt) redire solet. Sed vana omninò est, quam veteres asseriebant, cavæ & portæ immediata, nisi in embryone, per canalem venosum, conjunctio, prout rectè *Glissonius* monuit, & avtopsia confirmat, vasa hæc, etiam si proximè ad se invicem ferantur, etiam in subjectis grandioribus, nullibi inter se vel in extremitatibus cohærere, vel in itinere communicare, aut ceram alterutri immisam in alteram effundere. Enimvero cum acinis hepatis vena potius quàm arteria, continua est. Liqvor enim viridi aut atro colore tinctus, in hepatis, elotione albicantis redditus, portam syringâ immisus, confestim omnes glandulas colore suo imbuat, dum quæ per arteriam injicitur, vix uno aut altero punctulo in hepatis corpore conspicuus fiat, imò iteratâ injectione per venam, præter cavam, quoque ex tubulis biliaribus, non autem arteriæ immisus effluat.

§. VII. Hepatis ergò structurâ ritè examinatâ, ex conformatione glandulosâ secretorium viscus esse discimus, ex vasis verò abducentibus bilem præsertim ejus productum esse intelligimus. Atque adeò concidit vel suâ sponte munus sangvificatorium, cum præsertim chylus id non accedat, non sit sufficiens spatium pro excipiendo, non impetus pro distribuendo ad omnes partes sanguine; quod verò ad amorem cogat, vana quoque persuasio est. Verum Inim verò annon folliculus felleus potius, vel cum hepate, vel solus, bilis secretioni inservit, uti tùm antiquorum plurimi, tùm modernorum aliqui, sibi persuaserunt. At licet hepar à folliculo fel-

lis in viperis longius distet, est tamen utriusque etiam & manifesta in homine communio. Et licet glandulæ id innuere videantur, ab hepaticis tamen differunt, ut similem proin cum illis liquorem secernere nequeant, solæ verò vix sufficientes forent pro tantâ bilis quantitate secernendâ, quæ tamen in animalibus reperitur. Accedit (1.) quòd bilis revera ex hepate quoque profluat, imò (2.) omnis, uti in sequentibus ostendetur, ex hoc ad cystim veniat, & (3.) vesica fellea prius expressa, & circa cervicem ligata, in cane vivo bile omni destituatur; atque (4.) quòd liquor per venam portæ injectus, qui glandulas hepatis adibar, intactas reliquerat vesiculares. Adjungi his *Taubrii* experientia potest, qui evulsâ cysti, aut etiam ligatâ, bilem nihilominus ad intestina ferri indicat. Etenim contra peculiarem humorem in his secerni, sequenti experimento erudimur, quod si arteria cystica humore quodam repleatur, expressâ prius cysti, vasa turgeant, tunica dilarentur, & is ad vesicam colligatur, eamque distendat, quòd frustra à liquore per portam injecto expectatur, quæ tamen ex glandulis hepatis quoque per tubulos bilarios redit. Ut proin soli jecori munus bilem secernendi reliquum esse nulli dubitemus affirmare.

S. VIII. Ratione materiæ, ex quâ bilis fiat, chylus recens vix adæquatus videtur, quòd in animalibus diu urnâ inediâ maceratis bilis non deficiat. Attamen, quia alimenta dantur, quæ bilis generationi favent, & sanguis facillè exhauriretur, nisi continuè ex chylo suppetias novas exciperet, extra dubitationis aleam positum est, ex chylo quoque partes illas advenire, quæ bilem constituturæ sint, & in sanguine tantum variis circuitibus per corpus, motuque illo vitali congruitatem demum bilis suscipere.

S. IX. At duplex in hepate sanguis adducitur, ex quo separatio hæc particularum biliosarum adornari valeat, per venam portæ & arteriam hepaticam. Etiam si verò in aliis secretionibus solenne sit, quòd ab arterioso sanguine fiant, minùs tamen hepatica hic conveniens videtur, 1.) quia exilior est, quàm ut omnibus glandulis materiam sufficientem concedere possit; 2.) quod supra monitum est, ad glandulas non pertingat secretioni destinatas 3.) ligatâ portâ aut ob exstirpatum lienem, incongruum sanguinem adducente, integrâ licet arteriâ, nullâ bilis separetur. Quin potius usus ejusdem privatus magis esse videtur, & quòd, quemadmodum bronchialis arteria pulmonis, hæc hepatis substantiæ congruum alimentum apporret.

S. X. Venæ portæ verò sanguis congruus magis habendus; (1.) quia ad usum singularem singularis hujus venæ conformatio superius descripta facta videtur; (2.) cum glandulis secretoriis communicat, easque liquor per eam injectus colore suo tingit; (3.) & pars quoque per poros bilarios reducitur; (4.) quòd liene exstirpato aut ligato portæ sanguis minùs adæquatus adducatur, bilis generatio turbetur, & (5.) contra arteriâ hepaticâ ligatâ salva portæ vena bilis proventus nullum detrimentum patiatur. At excipis, quomodo sanguis venæ portæ bilis materiam vehet, qui tamen non amaricat, etiam si bilis vix tantillum sanguini misceri sine amaritiei perceptione valeat? Verum regeo, distinguendo cum *Boerio* nostro inter bilis cum sanguine miscelam intimiorem & superficiariam,

ciariam, hæc gustu perceptibilis, illa non est. quod partibus sanguinis reliquis arctius conjuncta, eo modo gustus organon afficere nequeat, ac cum à cæteris libera est, simili modo, ac observamus in gramine, brutorum esculentis, aut in cerevisiâ amarâ, nutricum potulentis, non gustu deprehendi lactis dulcedinem, quod tamen ex iisdem separatur. Ad hæc *Glissonius* non insulse jungit, vix centesimam esse sanguinis venæ portæ partem, quæ bilem constituat, atq; à reliquis superari, ne percipi possit.

S. XI. Bile ergo separatur, in hepatis glandulis & sanguine venæ portæ, non quod intra ilias hic ab igne vitali ad aductionem coquatur, & empyreuma contrahat, quia ignis ille deficit, & naturam coquam adeo imperitam pronuntiare injurium sit in providam matrem. Non ope fermentationis, quod fermentum falsò supponatur, sive hepati inexistens, sive aliunde adveniens: Illic enim propter continuum humorum fluxum, & intra exiguas glandulas subsistere non posset, imò hepatis amaritudinem concedere deberet, quod non fit. Advenire non potest à liene, quod falsò in eo fermentum existere credatur; non per arteriam celiacam, quod unus sit sanguis cum alio, qui hinc profluit; non per nervos, quod hi fermenti illius *Coleæni* vicem præstare nequeant, utpote qui homogeneum quid vehunt. Sed particule biliosæ à motu sanguinis intestino ad secedendum dispositæ, à circulari eequidem non adeo immediate, ac in secretionibus, à sanguine arterioso adornari solitis, attamen quod & hujus ope venosum sanguinem pellat, per glandulas hepatis, tanquam colatoria appropriata, urgentur. Hæ suâ configuratione ex sanguine non nisi has, utpote sibi respondentes, transmittunt, imò spirituum accessione actionem secretoriam feliciter perficiunt, dum reliqua pars sanguinis per venam cavam, lymphatica per vasa sibi propria remeat.

S. XII. Qui ergo in jecore secernitur liquor, bilis audit, quam duplicem deprehendimus, aliam, quæ ab hepate immediate profluit, hepaticam dictam, fluidiorem & minus amaram, imò ad dulcedinem aliquatenus vergentem, atque etiam flavedinis dilutioris; aliam à cysti vententem, acriorem, obscuriorem, & ad virorem potius declinantem, quæ cystica appellatur. Quamvis autem utraqve ratione loci natalis eadem sit, differentiarum rationem in folliculo partim à morâ, quam inibi necesse est, partim ab accessione novâ suscipit. Mora enim omnem bilem aliquandiu repositam viridescere ostendit. Et quod in glandulis vesicalibus liquidum secernitur, & bili ad cystim congestæ admiscetur, altera & maxima diversitatis causa mihi esse videtur, cujus tamen indolem nativam indagare non licet, quia in subjectis vivis liquorem illum non nisi bili admixtum deprehendere possumus, in mortuis verò non nisi vias ope experimentorum adductorum indagare conceditur. Aliæ differentiarum bilis, vitellinæ, porraceæ, gypseæ, &c. de præternaturali distinguendâ adhibentur.

S. XIII. Utraque aqua simplice spissior est, & præter aqueas diluentes viscidis quoque gaudet, quæ & tactu deprehenduntur, & spumositatem se produunt, atque hæc, si ab aqueis liberentur, & bilis exsiccetur, inflammabiles sunt.

Acri-

Acrimonia, quam quoque gustus & effectus bilis arguunt, à sale pendet, quod cum tantillo sulphuris & aquæ mixtum, amaritiem producit. Sed illud alkalium habetur à plurimis (1.) quia ab acidis insignem mutationem experitur, & ab aceto, succo citri, spiritu vitrioli philosophico, coagulatur, & flavedinem citrinam aut vitellinam assumit; (2.) quia syrupum violarum viridem reddit, & cum solutione mercurii sublimati coagulatur, & liquor supernatans lactescit. Attamen similes mutationes ab alkalium miscelâ experitur, lac coagulat, ab oleo tartari per deliquium turbatur, à lapidibus cancerorum & limaturâ martis mutationem suscipit, atque cum farinâ triticâ in pulvem subacta, tanquam fermento panis addito, intumescit, & acidum odorem spirat. Ut proinde utraque participare, & acido-salsam esse probabile sit, præsertim quod à liquore cornu cervi succinato, terrâ foliatâ tartari, sale tartari essentificato, arcano duplicato, nulli mutationi obnoxia sit, prout hæc prolixius in disserta, de *χοληποιήσε* enarravimus. Accedit, quod chymicâ analysi præter phlegma & oleum foetidum, spiritum penetrantem at salsum, cum pauxillo salis volatilis concedat. purè autem urinosus, non nisi ex salis tartari aut cinerum clavellatorum admixtione, ascendat.

§. XIV. Motum bilis quod attinet, terminus ad quem ultimus intestinum est duodenum, neque enim *Backii* & *Syllii* opinio viget, quâ bilis credebatur à folliculo separata hepatis adduci, cum vesicula non bilificet, neque via retro pateat. Quò verò rectius concipiatur, alius est bilis ex hepate motus immediatus, alius mediatu. In illo ex hepate ad duodenum per ductum hepaticum bilem fluere experientia testatur, quia ductu cystico ligato nihilominus fel ad intestina promanat: Continuo autem fluit, quia à sanguinis continuo appulsu separatur perpetim, & sic per vias hasce patentes defertur. Mediatè verò ex hepate bilis fertur ad folliculum, & ex hoc demum ad intestinum. Ex jecore ad cystim omnis venire debet, siquidem nullam ab hac decerni bilem ante ostensum est. Eò verò fertur *primò* ex hepaticoper cysticum, quatenus illic loci, ubi ad bivium perventum est, pars ad intestina labitur, pars vesiculam accedit. Deinde quoque per ductus intermedios, Glissonianum, & socios ad cysticum supra cervicem, & hinc ad vesicam excurrit. At nihil per radices cysticas, infra cervicem, utpote quæ solum connectendo folliculo cum hepate inserviunt. Quippe radices illas nihil adducere §. V. edocti sumus, cui alia experimenta, idem confirmantia, adjicimus. Unum est, quod folliculo fellis in cane vivo expresso prius, & propè cervicem ligato, nulla bilis postea in eo colligatur: secundum, quod si in venam portæ liquor immittatur, usque dum per vasa quoque biliaria revertatur, in vesicâ secundum longitudinem desuper apertâ, nihil infra, omne verò supra cervicem per foramina ad cysticum exeuntia erumpat: tertium tandem, quod contra *Blasium* folliculus à fundo ad cervicem, & in vivis & mortuis subjectis, avelli possit, sine eo, quod vel in vesicâ, vel hepate bilis effluat.

§. XV. Motus verò bilis ex folliculo alius est cysti proprius, alius autem externus. Proprius duplex est, diastole & systole. Diastole pendet à con-

confluente ad eam bile, systole à fibrarum in illa contractione. Nimirum observamus, quod si statum immittimus cysti, cum ad aliqualem proportionem, non verò ad omnimodam ejus subsidientiam iterum à contracta vesicula expelli, atque adeò simili modo cum bile agere suspicamur. Externà vis bilem ex folliculo propellit, quatenus alimentis turgidus ventriculus folliculum comprimendo eam versus intestina emulget, quamvis solum hunc bilis cysticæ ad intestina motum esse *Coleo* non largiar.

S. XVI. Bilem verò prout *Borellus* declarat, aut etiam *Nuckium* asseruisse relatum percepiimus, circulari, & à venis mesaraicis in intestinis absorbtam iterum hepati adduci probabile vix videtur. Etenim amaricare deberet sanguis à bile hic iterum commixtâ, quia superficies tenustanum cohæret, quod experientia negat: & venæ illæ ad intestinorum cavum non hiant, neque chylo exin excipiendo aptæ sunt; quod superius ostensum est, ergo nec inde arripient bilem.

S. XVII. Bilis proin illa excrementum non est, utpotè quam tanto apparatu secerni, intestinorum non fini, sed initio inseri, cernimus, atque ejus defectum non, quod *Sebaldus* fabulatur, longævitæ, sed incommoda multa sequuntur. Neque tamen pro balsamo sanguinis cum *Helmontio* aut *Sylvio* reputamus, quod eidem affundi falsò sibi persuadeant. Verùm tota ad intestina ideo derivari videtur, ut *χολώσεως* illic continuationem juvet; quod verò id partim ad motum peristalticum stimulando, partim acribus suis partibus chylum magis incidendo, partim viscidioribus suis chylosas cum lymphaticis uniendo præstet, *differt. VII. S. IIX. & XV.*

in memoriam revocabunt.



TRANSPIRATIONE, SUDORE, ET URINA.

§. I.

Alimenta, quæ quotidiè assumuntur, non cuncta laudabilia, & ad necessitatem comparata sunt, sed in eorum selectu, aut quantitate, genio, & vago appetitui indulgemus, atque palato blandimur. Proinde non potest non evenire, quin vel superflua, vel planè incongrua ad massam sanguineam veniant, quamvis major eorum portio sub fecum nomine in intestinis retineatur. Quapropter opus est, quòd iusta in illâ proportio servetur, ut eorundem evacuatio contingat, quam natura per transpirationem, sudorem, & urinam molitur.

§. II. Cognatæ sunt invicem hæ evacuationes. Etenim in transpiratione & sudore, eodem organo secreta, ejusdem generis materia excernitur, gradu saltem & substantiæ modo differens. Scilicet, quæ in vapores resoluta, & minùs sensibilibiter, atque parcius in transpiratione eliminantur, ea uberius, & in guttas condensata, in sudoce erumpunt, ut proinde hic transpiratio sensibilis, illa insensibilis & διαπνοη dicatur. Affinis his urinæ quoque secretio est, quatenus cohibita transpiratione, e. g. ab hiemali frigore, uberior urina fluit, & aucta διαπνοη parcam, imò suppressam urinam inducit. Ejus exemplum insigne in nobili quodam Holsato Londini observavi, cui per octiduum, sine tamen incommodo. urina erat suppressa, & post frustraneum diureticorum usum, solum quod corpus aeri liberiori exponeret, restituebatur. Sic & quibus post copiosum potum, intempestivâ verecundiâ, aut ob ureteres à calculo obstructos, urinæ effluvium inhibetur, materia stagnans per sudorem erumpit. Ut taceam, similes concrectiones salinas interdum per habitum prodire, quales matulæ ex urinâ adhærent, uti nuper admodum in viro cachexiâ scorbuticâ laboranteprehendi, cui præsertim in femoribus pori quasi arenulis scatebant, quæ abstersæ, post aliquot horas semper novæ progeminabant. Etiam si enim fœtor urinæ major præ sudore sit, adeoque disparitatem innuere videatur, is tamen potius, si tantus fuerit, à mora est, quam urina in vesicâ neçit, aut aliis quoque impuritatibus, quæ

simul majore copiâ hîc excernuntur : præsertim , cùm nec omnium urina, nec semper, tantâ fracedine scateat, sicut nec semper in omnibus sudor fœtore destituitur.

§. III. Dari continuam, durante vitâ, per habitum evacuationem hodiè nemo negaverit, qvî corpus nostrum cum *Hippocrate* perspirabile agnoscit, & non modò ex integumentorum corporis alteratione id colliget, sed manifestè qvovqve observabit, manum corpori polito admotam, idem humore qvodam imbuere, & animalia, hyberno præsertim tempore, veluti fumare. Qvinimo, si *Sanctorii* calculum institimus, ponderando, qvæ qvotidiè assumuntur, & qvæ per alvum & urinam iterum redduntur, proportionem initâ cum illo, qvòd ad accretionem nostram impensum fuit, facilè computare licebit, majorem effluviarum vim per spiracula cutis excerni. Proinde non dubitabimus pro evacuatione qvàm maximè naturali, contra *Sennertum*, aliosqve, habere, qvâ illâ per urinam magis continua, & æqvè necessaria deprehenditur. Ita etiam omnem sudorem cum *Sylvio* pro præternaturali agnoscere non valemus, cùm idem sit, qvòd excernitur per *Αφρονη*, movens tantùm aliquantò impetuosius videatur, & interdum duntaxat ex effluviarum coërcitâ dissipatione pendeat, aliàs in auras abiturorum. Similiter nec duplicem cum *Gorreo* eam fingere licet, alteram, qvâ fuligines expellantur, alteram, qvâ aër pro temperando calido innato attrahatur, cùm fundamentum, cui opinio hæc innititur, aliquoties jam destructum sit.

§. IV. Organi vicem non vasorum præstant extremitates, exhalationibus viam concedentes, sed cutis potiùs conformatio. Ea, enim qvemadmodum tegmen est & munimentum totius corporis, ita qvovqve pro moderandis effluviis parata videtur. Exterior lamella, cuticulæ aut epidermidis nomine, ex variis pelliculis, *Malpighio* referente, constat, qvæ forma præter propter pentagona, squamarum instar sibi incumbere *Leeuwenhækius* delineat. Prout verò eadem ita invicem compositæ sunt, ut effluviis foras transitus concedatur, ita nihilominus nimium effluxum coërcent, & introitum foras intro non facilè permittunt. Eadem fibrillis qvibusdam continua est tegmini reticulari, qvòd pro transmittendis papillis nerveis & vasis sudoriferis perforatum est. Qvippe qvæ subjacet, ex variis fibrillis, nerveis, tendineis, vasculosisqve contexta est, & plurimas fovet eminentias pyramidales, qvæ nervis continuæ in tactûs organo describentur, & præterea, qvàm plurimas glandulas exilissimas, quarum pri-

nam descriptionem *Stenoni* debemus, quæ, in subiectis morbosis magis, quam sanis, conspicuæ, à magnitudine milii semen æquante miliares, à situ subcutaneæ, vocantur: & vasa excretoria ad cutis spiracula, sive poros spargunt. Quemadmodum autem cutis affluxum humorum moderatur, ita in glandulis secretum fluidum non modò transmittit, sed etiam ejus exitum dirigit.

§. V. Materiam huic secretioni equidem suggerit sanguis per arterias affluens. At à portione præsertim ejus serosâ provenire, mador, quem inducit, & cognatio cum urinâ sufficienter demonstrant. Præter aquosas tamen salas quoque separari, sapor & pruritus manifestant, quemadmodum superfluas chylosas & oleosas hîc quoque exeri facillè patet. Nimirum, quia à motu sanguinis intestino particulæ evacuantur attenuantur & præparantur, ita circularis appulsu per vasa propelluntur, siquidem exercitia & motus corporis, item furni, aut solis æstus, à quibus illi concitantur magis, sudoris quoque & transpirationis incrementum præstant. Est tamen & texturæ pororum diversitas, quorum alii laxiores transitum facilem concedunt, alii firmiores & strictiores, qui eundem refrænant. Interea verò atmosphæræ quoque habitudo evacuationem hanc variat, quatenus subtilior & minus resistit, & effluvia emissâ facilius dissipari permittit; crassior & poros magis constringit, & miasmata exire haud finit.

§. VI. Eum idcirco in finem institui hæc evacuatio à naturâ videtur, ut superfluitates serosæ, adeoque cum illis particulæ quoque salinæ, & aliæ impuritates sanguinis excernantur, & iusta huic crasis, aut proportio conservetur. Etenim, quod separatur, partim excrementitium est, & tale, quod congruitati vitali sanguinis non respondebat, adeoque sui remotionem desiderabat, & hinc iisdem retentis tot gravia symptomata prodeunt: partim ex se laudabile, nec corpori nocivum, nisi mole, est, quod, ut supra monitum fuit, prout nec alimenta ad necessitatem tantum sumuntur, ita nec chyli semper tantum duntaxat sanguini, quanto opuserat, sed plus sæpè advehitur. Id quod probabilius redditur, quod partes oleosæ, in subiectis diæti calidioribus, in quibus motus impetuosiores, aut pori ad transmittendum congrui sunt, sine noxâ secedant. Eadem contra, in illis, qui frigidi dicuntur, aut ubi motus remissiores, aut meatus strictiores reperiuntur, minus attenuatæ, & spiraculis respondentes, sub pinguedinis formâ, modò ne nimia fuerint, sine damno retinentur, quarum magna pars non modò cuti substernitur, sed etiâ temperamentis ea propter parcius, his

copiosior adesse solet, prout dissertat. XIII. §. XVI. quoque annotavimus.

§. VII. Altera evacuatio, quâ superflua & excrementitia à sanguine separantur, urinæ est. In hujus secretionis & excretionis declarandâ, methodo hætenus recensitâ, ab organorum urinariorum descriptione ordiendum est. Renes primò nominandi, quî duplices, & in utroque latere siti sunt, ad lumborum musculos, & latera venæ cavæ & aortæ, quorum dexter inferior aliquanto hepatis cedit, sinister sub liene elatior apparet, uterque verò figurâ phaseolum refert. Remotâ laxiore membrânâ, quæ à peritonæo est, & ut plurimum multâ pinguedine scatet, adiposa hinc appellata, eorum corpus in homine adulto glabrum & læve, contra in vitulis & embryone inæquale magis, observatur. Sub tunicâ propriâ intimius connexâ structura non parenchymatica, sed glanduloso-tubulosa aut vasculosa latet. *Bellino* debemus, quî tubulorum varios gyros & conglomerationes detexit, *Malpighio* autem, quòd glandularum, ab *Eustachio* jam commemoratarum, curatiorem notitiam adjecerit. Tubuli plures ad se invicem collecti per papillares eminentias in cavitatem quandam desinunt, quæ pelvis nominatur.

§. IIX. Vasa renum communia sunt arteria & vena, emulgentes dictæ, rectius renales, quarum illa utrinque ex aortâ emergit, hæc ad truncum venæ cavæ definit, item nervi, & lymphatica. Proprium ureterum nomine venit, quî sunt canales à pelvi angustatâ oriundi, & per abdomen ad vesicam exporrecti, cujus cervici, postquam vasa deferentia in viris supra illos ascenderant, ita inferuntur, ut velut intra ejus tunicas protensi, flexuoso ductu valvulosum exitum habeant, quem stylo per canalem ad vesicam adactò perspicere facile est. Non merè membraneos esse, curatius examen detegit, quin potius fibras carneas & tendineas intertextas quàm plurimas gerunt.

§. IX. Vesica ipsa in imâ abdominis parte, quæ pelvis dicitur, inter peritonæi duplicaturam sita, & in homine non adeò circa fundum, quo superior pars latior denominatur, ac in brutis libera, sed connexa magis reperitur. Inferiore suâ parte, quæ cervix audit, aut collum, cum urethrâ connectitur, quæ in viris per mentulam excurrit, in fœminis ad pudendorum externorum summitatem terminatur. Tunicas vesica tres obtinuit, quarum extima, communis dicta, membranea est, media carnea, à *Columbo* musculi vesicæ nomine venit, intima nervea, rectius tendinea dicitur. Fibrarum in carnea series non diversæ sunt, sed longitudinales, quæ à fundo ad cervicem porriguntur, atque

hinc

hinc pro formâ ovali vesicæ modò obliquæ, modò transversæ apparent. Cervicem ambit musculus, sphincter vocatus, qui tamen non rectas circulares, sed obliquè magis porrectas fibras obtinet. Interior tunica illic loci, ubi in urethram patere debet vesica, foramini velut appendensa protenditur, & in catheteris immissione elevari debet, quo valvulæ, involuntarium effluvium cohibentis, vicem gerere solet.

§. X. Circa partium harum officium designandum experimenta in auxilium vocanda, quibus connexio partium declaratur. Liquor, eloto rene, niger in arteriam injectus, ejus cum glandulis, quas tingit, commercium dilucidat. Et quamvis vel non, vel difficulter, liquor per vasa urinaria revertatur, id tamen revera contingit, si per venam emulgentem ligatam reditus negetur, ut adductum per arterias liquidum à glandulis partim ad venas, partim tubulos excretorios derivetur. Siquidem id *Malpighii* experientia uberius explanat, qui in carne vivo uretere & vena ligatis, turgescuntibus canaliculis, eos cum glandulis communicare ostendit.

§. XI. Quamvis verò ex his constare videatur, solas glandulas secretioni, tubulos, ureteres, vesicam & urethram, collectioni & excretioni consecrari, sunt tamen, qui præter renes vesicam quoque secretioni urinæ vacare contendunt, partim rationem, partim experientiam in auxilium vocantes. Illi id præsertim urgent, quod à potu copiosiore mox urina reddatur, imò in diabete assumpta potulenta referat, adeoque necessum sit, ut non per viam regiam, sed breviorē, à primis viis vel ad renes, vel ad vesicam veniat. Atque eapropter *Willisius* ventriculi poros & venas, *Bartholinus* ductum thoracicum, *Diemerbroekius* vasa lactea, *Bisius* ductus suos mosch, ut alios taceam, ad vesicam serum vehere autumant. Ex his Gallus ille à *Tauvrio* allegatus id imprimis innuere videtur, quòd in homine, ex potatione nimia mortuo abdomen aqvâ plenum fuerit inventum: imò alius, cujus in Anglorum Transactionibus mentio fit, ligatis ureteribus, in vesica nihilominus urinæ partem colligi asseverat. Enimverò quemadmodum supra memoratorum auctorum viæ fictitiæ sunt, ita aqvam in abdomine à ruptis potius intestinis, aut aliunde, advenisse, non immeritò *Tauvrius* suspicatur: alteri verò experientia non respondet, quatenus ligatis ureteribus, in vesicam prius expressam de novo lotio nihil transfertur. Ut taceam ab obstructis ureteribus ischuriam totalem oriri.

Atque licet fingamus adesse calorem, qui alimenta in vaporem resolvere possit, quod tamen de potu frigido assumpto, in tantâ copîâ, & tam brevi morâ, vix concipi potest: imò dari quoque poros in vesicâ foras intro spectantes; quis tamen in ventriculo intro foras spectantes adeò patulos meatus asserat, & non idcirco eundem ad continenda pro chylosi alimenta incongruum intelligat? Neque brevior mora obstat, quò minus communem viam cum sanguine eligamus, si consideremus non mox à primâ potûs assumptione urinam reddi, sed deinceps eum quoque non mox prodire, qui recenter hauriebatur, verum, quòd plena inveniatur vasa, intra ea contentum urgere, adeoque brevi morâ, continuatâ per omnes partes pressione, seri evacuationem producere. In diabete autem status est præter naturam, & vitium præsertim in primis viis, adeoque quod crudum hinc provenit ad sanguinem, crudum quoque in renibus secernitur.

§. XII. Cum ergò soli renes secretioni litent, non opus est, ut actionem aliquam iisdem attribuamus, & vel præcipationem cum *Hamelio*, vel fusionem cum *Willisio*, vel fermentum stercoreum cum *Helmontio*, aut similes metaphoras chymicas, in auxilium vocemus, partim quòd naturæ legibus non respondeant, partim fermentorum illorum existentia potius in cerebro inventorum, quàm in hisce partibus locum inveniatur, quæ & propter exilitatem, & morâ in transitu sanguinis angustiam, rectè à *Borello* ad id munus ineptæ judicantur. Quinimo fracedo, quàm renes spirant, non fermentum illud indicat, quia illa non renum, sed urinæ est, & in recens natis non reperitur, in quibus tamen ejus præsentia summopere exigeretur. A sit, uti omnibus secretionibus transcolationis notio, ita huic quoque congrua videtur, quatenus liquidum hoc singulare à peculiari conformatione glandularum provenit, quamvis mechanismum hujus actionis specialius definire non liceat. Eidem configurationi certæ glandularum debetur, quòd salinæ, aliæque cum urinâ partes crassiores, non verò sanguis, transitum inveniatur, sed hic potius venas iterum subeat. Si quidem nec simul & semel omnis urina, sed, quemadmodum reliqua liquida, successivè secernuntur, & pars urinæ iterum cum sanguine revertitur, aliis & sequentibus appulsibus separanda. Et licet alius urinæ sapor & odor, quàm in sanguine deprehendi possit, transmutationem aliquam involvere *Sylvio* videatur, id tamen necessarium non est, cum sola filtratio humorem secretum longè aliâ facie sistere possit, quâ non apparet, alterius minimis adhuc intertextus

§. XIII.

§. XIII. Sectetæ urinæ excretio vel est à renibus ad vesicam, vel à vesicâ per urethram extra corpus. In priore non tam sponte, velut aqua per canales declives, profuit, quàm continuatâ secretionē à liquidi supervenientis pressione propellitur, & tum tubulorum, tum imprimis ureterum fibrarum constrictione ulterius promovetur. Ex vesicâ partim propriâ ejus vi, partim alienâ, propellitur. Alienam appellamus, quando à musculorum abdominis constrictione compressa viscera ex vesicâ urinam expellunt, simili modo, ac illa solebat fecum alvinarum ejectionem promovere. At propriam quoque vesicæ vim esse non modò fibrarum carnearum textura, sed experimentum quoque *Valeant* confirmat, quatenus musculus abdominis dissectis, ex vulnere vesicæ inflicto, in cane vivo, urinam saltem provenit, illâ ad arctum spatium contractâ. Et huic quoque adscribi debet, quòd fibris contractis sphincter aperiat, & tunica interior propendens, & vicem valvulæ gerens, elevetur, & urethram aperiat.

§. XIV. Quemadmodum autem urinâ hæc secretio & excretio, eapropter instituitur, ut impuritates & superfluitates ex sanguine separentur, ita, quod urinam attinet, ea non ex partibus planè excrementitiis, quod *Borello* videtur, constat; neque secundum *Gallum*, à *Taubrio* citatum, duplex, alia salis & acris à renibus, alia aquea & dulcis magis ex ventriculo est. Verùm multæ partes ferossæ & ad nutritionem superflue eidem insunt, cum quibus tamen alia salinæ, sulphureæ, viscidæ, terræ, simul prodeunt, quæ vel proportionem justam sanguinis turbare, & nullâ ratione subigi poterant. Quandoquidem autem illæ cum chylo adveniunt, primæ; cum sanguine feruntur, secundæ; in partibus secerantur, tertiæ coctionis recrementum dici valent.

§. XV. Quod ut melius cognoscamus, analysi urinæ necessaria videtur, quæ naturalis, vel artificialis magis est. Naturalem dicimus considerationem eorum, quæ sese sponte offerunt, & quidem (1.) quantitatis, quam *Bellinus* potulentis proportionem minorem, *Bohnus* majorem asserit. At utrumq; accidere, sub certis circumstantiis solet. Prout enim potulenta partibus nutritiis aut excrementitiis magis searent, vasa plus minus ferot urgent, aut etiam hoc per evacuationes corpori secessit, ejus plus aut minus superfluum est, aut adhuc ad necessitatem corporis retinetur, aut evacuatur. Sic observatur post diarrhoeas, sudores & salivationes copiosum considerari potum, urinam autem non adeò quantitate respondere, sed multo parciorem sine incommodo esse. Accedit, quod præter potum alia quoque liquida in jurebus esculentorum & succulentis quotidie assumamus, quæ partem urinæ concedentes, eam potulentis uberiorem efficiunt. Similiter si transpiratio major, minor urinæ copia; si motus impetuosiores, copiosior evacuatio, quàm in remissioribus. Quare certus & determinatus calculus iniri nequit, præter propter tamen liquidorum assumptorum quantitati congruus sit.

§. XVI. Ratione qualitatis (2.) attendi meretur urinæ color, qui quidem pro assumptorum diversitate & abundantia variat, in statu tamen naturali diaphana, & citrini coloris esse debet, qui non bili, sed salium proportionatæ admixtioni adscribendus est. Ratione odoris in recenter mictâ urinâ, & quæ mox à potu copiosa provenit, nullum ferme, majorem verò post moram aliquam spirat. Et sic saporem quoque falsum esse oportet, quod salium præsertim abundantiam cum urinâ secerari contingat. Eorum quoque ratione inter emissionem sonum quendam & strepitum in matulâ aquâ simplice majorem excitat. Imò quia motum intestinum a quo

à quo calor est, aliquandiu servat, eum in finem quoque in statu secundum naturam moderate calida existat, necesse est. *Consistentia* ratione fluxilis urina, ob contenta tamen aqua simplice aliquanto minus sit.

§. XVII. Contemplationem mereatur (3.) partes constituentes in urinâ, quæ sunt liquor & contenta. Hæc, cum partes salinæ & terrestres minus liqvabiles aut solubiles sint; apparet, ea quoque in statu naturali adeste interdum, si nimirum cum assumtis talia advenerint, quæ subigi nequeant. Pro gradu verò gravitatis vel in summo liquoris conspiciuntur, vel medium tenent, vel fundum vasis occupant, isthic nubecula; illic *incubus*, sive suspensio, hic *sedes*, sive sedimentum vocantur & tenuia subalbida, & continua esse debent.

§. XVIII. Artificiale examen hic non volumus, quando putrefacta ut plurimum urina in phlegma, spiritum urinoso-volatilem, oleumque discerpitur, & residuum, præter terram, salis quoque fixi aliquid fovet, cum ignis vis aliquam mutationem involvere videatur, sed quo, methodo à *Bellino* descriptâ, sine partium alteratione in nativâ facie eadem sistuntur. Scilicet urina leni calore in vase vitreo evaporatur, sic pro gradu aquæ diluentis, quæ limpida secedit, liquor à salibus & contentis hæc ratione condensatis, obscurior redditur, usque dum liqvido omnimodè avvocato sal atque terra cum sulphureis superint, quæ novâ aquæ gradatim factâ reafusione in urinam denud convertuntur. Sal verò illud non purè alkalicum, sed acido-salsum & sali ammoniaco simile per chymicam analysin invenitur.

§. XIX. At differentias quoque urinx in statu secundum naturam aliquas obtinent, tum ratione ætatis, sexûs, temperamenti, tempestatum anni, climatis, assumentorum, aliorumque; accidentium, prout vel à sudantibus, dormientibus, irascentibus, &c. redduntur. Scilicet modò claræ, modò opacæ, modò cum, modò sine sedimento, modò saturatiores, modò pallidiores, &c. prodeunt, quatenus secundum commemoratas circumstantias plus aut minus, imò variæ quoque partes ad sanguinem veniunt, motus in illo concitatiores aut remissiores, transpiratio libera, aut impedita fuerit, prout id ipsum *Bellinus* prolixius enarrat.

§. XX. Antequam pedem hinc retrahimus, liceat quoque ob viciniam cum partibus descriptis glandulas renales; aut renes succenturiatos, commemorare. Illæ utrinque supra renes locatæ, exiguæ, planæ & ex pallido rufescentes atque flavescentes ab extra apparent. Intus veluti cavæ sunt, & texturam obtinent glandulosam. Vasa nulla propria hæcenus innotuerunt, sed communia tantum, arteriæ, ut plurimum ex renalibus, venæ ad easdem abeuntes, nervi quoque insignes & lymphatici. Habentur autem à *Bartholino* pro capsulis atrabilaris, cum interdum nigricent; at quia id perpetuum non est, sed in embryone, in quo majores deprehenduntur, rubent potius, atque vix spatium adesset, quo liquorem per totam vitam secretum conderent, qui hic nullibi evacuari potest, minus cum veritate congruere videtur. Renibus commune officium præstare pariter vix probabile videtur, quia ex arteriis sanguinem suscipiunt, cum renali non communicantem, per venas verò suum ex renibus venienti jungunt. Lympham à sanguine fecernere usus communis, non proprius est, in quo verò determinando adhuc dum eligere teneor.

* * * * *

DISSERTATIO XIX.

De

FLUXU MENSIIUM.

§. I.



Vando excretionum naturalium plures descripsimus ha-
ctenus, quæ ope glandularum à sanguine instituuntur, a-
liam adjicere non incongruum erit foeminis usitatam, ip-
sius sanguinis. Hæc, quoniam mensis intervallo so-
lennis est, mensium aut menstruorum fluxus, quem cata-
meniorum quoque dicunt, ut alia nomina taceam, appellari consue-
vit. Neque aliquis dubitabit eandem naturalibus annumerare eva-
cuationibus, cum non nisi sanis accidat, & ad sanitatis conservationem
faciat, atque contra ejusdem suppressio gravissimum symptoma, & status
præter naturam habeatur. Quod ut distinctius evolvi valeat, subje-
ctum, causam moventem, vias per quas, modum excretionis, ipsum ex-
cretum, & tandem, quæ circa tempus monenda venient, usum-
que, trademus.

§. II. Ratione subjecti, naturali ordine virilis sexus ab iisdem im-
munis est. Etiam si enim exempla, sed rariora, prostant, quod vel per
virgam virilem, vel per hæmorrhoides, vel alium alvi fluxum, san-
guis menstruo intervallo in viris quoque periodicas ejusmodi eva-
cuationes adornaret, singulare tamen & aliunde dependens phænomenon
est. Nimirum id peculiari, & individuali sanguinis in illis habitudini
ascripserim, quæ vel ab atmosphææ constitutione, vel illâ lunæ per-
ellipticam suam spheram excurrentis pressione diversâ suscitatur. Se-
quiori ergo potius sexui solennis est fluxus ille, ita tamen, ut humanæ
potius foeminæ, & paucorum aliorum animalium, id sibi singulare ob-
tineant. Cujus phænomeni rationem aliam vix suspicor, quàm, quod
bruta certum generationis tempus servant, homines ad nullum restrin-
gantur, quoniam præsertim in sequentibus constabit, ad generandi

T

apti-

aptitudinem mensium insignem relationem esse. Prout enim à tempore, quo erumpunt, & durare solent, fecunditatis & prolem suscipiendi aptitudinem colligimus, ita contra ab eorum emanatione non modò in ætate provectioribus, sed juvenculis quoque, sterilitatis indicia sumimus. Quod enim decrepita quoque concipiant, singulare est, quemadmodum etiam communiter fœminæ menstruari non solita fœcundæ non sunt, quamvis rariora exempla tales quoque uterum gessisse aliquando suppetant. At nec omnes fœminæ & semper eodem sustinent, sed quemadmodum ante annos pubertatis rarius prodeunt, ita in vetulis quoque ordinariò deficiunt. Sic gravidæ pariter & lactantes plerumque ab iisdem liberæ sunt, & rarissimè vel toto gestationis tempore, aut ad medium, aut primis mensibus sine incommodo aut foetus detrimento eisdem infestantur, sicut quædam, sed pauciores, lactantes, præsertim si diutius eidem se applicent, catameniorum fluxui obnoxia sunt.

§. III. Unde verò fœminis menstruorum fluxus accidit, siquidem etiam causa huic sexui singularis eum movere debet? Malè *Galenus*, & qui eum sequuntur, molliem & segnitiam fœminei sexus accusat, quâ impeditæ excretiones naturales impuritatum collectiones efficerent, quarum hac viâ necessaria foret evacuatio. Enim vero, prout hinc sequeretur, quòd fœminæ non robustæ & laboribus assvetæ, sed delicatiores tantum menstrua paterentur, ita contrarium potiùs emicat. Qvippe illæ, utpote saniores, non modò menstruantur, feliciter quoque illis, dum mollietis & corporis nimia quies suppressionem potiùs mensium præternaturalem infert. Quod temperamentum mulieribus frigidius viris *Aristoteli* ejusque affectis placet, pariter minùs veritatem consentientem habet. Scilicet, ut taceam, non id universaliter verum esse, sed potiùs dari fœminas viris dicendas calidiores, & viros fœminis interdum frigidiores; ita quoque frigidum, ut vocant, temperamentum ob orgasmum deficientem & visciditatem nimiam sanguinis mensium potius eruptionem naturalem moratur. Majorem ubique consensum experta doctrina est, quasi nimirum à phasibus lunæ penderet, atque sic novam lunam virgines & juvenculas, plenam verò seniores purgare. Pariter fermentum aliquod

mensi-

menſium ſecretorium in utero, aut ſalium quorundam in tubulis uterinis ab humiditate aëris diſſolutorum, & calore ſolis exagitatorum turgescientiam cum *Bayleo* & *Charletonio* fingere vix licet. Quippe (1.) uti in ſequentibus conſtabit, ex utero menſes non proveniunt; (2.) dantur exempla, ubi per alias potiùs vias, e.g. apud *Kerkringium* per verticem & dextræ manûs pollicem eruperunt, & ipſe novi ſceminam, cui ordinariò ex pulmonibus rejiciuntur, cujus mater ſimili affectu laboravit, & filia eandem viam, hereditario quaſi jure, ſervat: & quomodo (3.) vel fermentum, vel ſalia ejusmodi ad uterum venirent? quomodo ad pubertatis annos laterent? quo in vetulis tranſirent? & cur humanæ potiſſimum vel eadem ſuſciperent, vel aëris & ſolis activitati paterent?

§. IV. Videtur eqvidem aliquæ, ſi non lucis à lunâ reflexæ, ſed & motûs ejus eſſe in noſtram atmophæram, & per conſequens, humores quoque noſtros, energia, quatenus non modò caneros, oſtreasque plenilunio turgentiores, quàm in novilunio deprehendimus, ſed maris quoque fluxum & refluxum de ejus vi teſtari. Nimirum prout pars illuminata à ſole major aut minor, plures aut pauciores ad nos radios mittit; prout etiam ellipticum magis orbem deſcribendo terræ noſtræ propior, aut ab eâ remotior eſt, & preſſionem modò majorem, modò minorem in atmophærà excitat, mutationibus ſanè diverſis, condenſando aut rarefaciendo ſangvinem, inſtituendis apta eſt, adeoque virilis ejusmodi evacuationis, ceu §. II. exiſtimavimus, cauſa eſſe poteſt. At enim verò, quemadmodum concurrentem aliquam cauſam interdum eſſe planè inſiciari nolo, ita ordinatum illum, & ſecundum individua ſerè variantem ſangvinis in ſceminis fluxum eidem aſcribere non poſſum. Dubitationis ratio ſufficere videbitur attendenti ad varium quàm maximè in ſceminis fluxum, quòd (1.) non omnes ſceminæ eodem tempore menſtruentur, ſed aliæ plenâ, aliæ novâ lunâ; imò vix dies per menſem eluceſcit, etiam medio tempore, quâ non his aut illis menſes erumpant; (2.) quòd non omnes exactum menſtruum ſpatium ſervent, ſed modò citius, modò tardius, pro individui conſtitutione variâ, fluant; (3.) eadem ſubjecta, quæ modò novâ lunâ purgantur, modò anticipato aut poſtposito aliquatenus tempore mutatam evacuationem ſu-

stineant. Qvodsi verò à causâ ejusmodi fixâ & stabili penderet, fluxus quoque deberet esse effectus. Accedit, quòd nihil obstaret, quòd minùs luna hunc effectum quoque in bruta exereret, quæ tamen pleraque menstruis destituuntur.

§. V. Qvin potius primariam causam intrinsecam & in ipsis fœminis quærendam existimo, (1.) quia pro earum constitutione diversâ, aliisque circumstantiis, fluxus ille variat, (2.) humanæ præ aliis animalibus id singulare potissimum habent. Nimirum quia Sapientissimo hujus Universi Conditori placuit, ut fœminæ gerendo utero, & alendo fœtui destinata sint, opus erat, ut rare facta uteri substantia majore sanguinis quantitate, quàm reliquo tempore, adimpleretur, quòd exinde alimonia embryoni debita provenire possit. Quapropter Deus immortalis commodum judicavit, ut fœminæ, gerendo utero aptæ, sanguinis sui quandam turgescentiam, aut orgasmum experiretur, qui, si ingravidari eas contigerit, circumstantiis in imprægnatione requisitis accommodaretur. Qvodsi verò non contigerit, ut gravidæ fiant, facilè moles sanguinis aucta individui illius corporis proportionem superaret, & molestiam crearet, adeoque necesse erat, ut statim temporibus superfluous sanguis iterum evacuetur, & ad proportionem corpori debitam reducatur. Quæ ita sese habere facilè patebit, si attendamus (1.) menstrua factâ ingravidatione ordinariò retineri, in non gravidis autem, & quidem (2.) à tempore, quo imprægnari possunt, ad illud, quo effecta evadunt, fluere, & præsertim (3.) hanc turgescentiam universalem esse, & sic interdum ex aliis corporis partibus sanguinem hunc erumpere. Licet enim certa plerisque periodus aliam quoque causam subesse svadeat, id tamen necessarium non est. Etenim prout aliæ ad mensem ejusmodi turgescentiam sine incommodo perferre possunt, ita aliæ plethoricæ citiorem purgationem desiderant, aliæ longiorem moram sine noxâ sustinent. Et quoniam humanis fœminis nullum statum tempus imprægnationis est, sed omni tempore concipere possunt, opus erat, ut turgescentia necessaria perpetua sit, quæ si in finem debitum eam impendi non contingat, evacuationem ejusmodi efflagitat. Ast causas quoque alias externas, e.g. aëris diversam constitutionem, & diætæ varium discrimen, sanguinem

nem ad orgasmum illum facilius aut difficilius suscipiendum variè moderari negari vix potest. Quippe observamus hieme valde nebulosâ supressiones mensium frequentiores, fervente magis ætate immodicos fluxus pluribus contingere; & similiter ex erroribus diætæ evacuationem hanc insigniter variare; prout scilicet sanguis viscidior redditus ad turgescentiam ejusmodi sustinendam incongruus, subtilior verò prior invenitur. Neque obstat, quòd plethora menses inhibeat, quatenus hîc moderatam intelligimus, quæ vasa non nimis distendendo, eorum tonum contractorium non destruat.

§. VI. Quamvis verò orgasmus ille & plethora toti corpori contingat, & ex diversis partibus exitum molietur, viâ tamen ordinariò pudenda sunt muliebria, à quibus menses prodeunt. At quæstio hinc emergit, utrum ex ipso utero, an potius vaginâ tantum ejus, profluant? Quàmlibet communis ferè sententia uteri cavitatem pro fonte eorum asserat, autopsia tamen *Pisonis*, & iterata *Bohnii* nostri Excell. omnium optimè negotium dirimunt, scilicet ex vaginâ potius venire, & uterum planè iacruentum in menstruationum sectionibus deprehendi. Sicquæ sponte quoque cadit, eos ex tubulis uterinis promanare, at num arteriæ vaginales, an verò venæ, sanguinem hunc concedant, dubium est. Arteriosum eum esse, color ejus nigricans, & quòd non cum saltu prodeat, sed lentè profluat, negat: à venis non venire id arguit, quòd his ad partes nullus motus contingat. Attamen, quia hæ turgentiores, & quasi varicosæ deprehensæ sunt, ab earum rupturâ prodire potest, cum per ejusmodi aperturam sanguis facilius ruat, quàm ut canales angustos subeat. Interim tamen & per tunicam vaginalem internam eundem transfudare mihi persvadeo, quatenus arteriosus sanguis venosum urget, hic verò remoram aliquam invenit, & sic ex aliquâ stagnatione per tunicam distensam erumpit. Siquidem non sine causâ hîc attendere jubet *Malpighius* vasorum circa uterum & vaginam conformationem, quatenus nimirum non modò insigniter flexuosa est, sed quoque hypogastricæ & spermaticæ venæ, quæ huc excurrunt, mutuis anastomosibus junguntur uti in anatome publicâ ostendimus. Hinc rediturus per eas san-

gvis tū intra incurvos & serpentinus tubulos remoram invenit, tū ex duplici vase confluens sese ipsum in itinere aliquatenus impedire videtur, ut si non stagnationi omnimodæ, impedimento tamen insigni faveat. Et hæc quoque conformatio causa est, cur præsertim ex utero hæc excretio peragatur, in quo etiam ejus præsentia, si imprægnari fœminam contigisset, præ aliis partibus magis exigitur.

§. VII. Quid excretionis modum attinet, partim ille ex antecedentibus patet, partim nunc simul tenendum est, sanguinem non intra uterum aut ejus vasa stagnare, & per intermedium tempus congeri, atque tandem, si nimium fuerit, erumpere. Quamvis enim nigricans color eidem opinioni aliquatenus faveat, imò fœtor in quibusdam corruptionem hinc natam arguere velit: ille tamen aliunde, & à grumescentiâ sanguini stagnanti inductâ, hic verò non nisi in fœminis morbidis, aut aliâ ratione præter naturam est, & in sanis floridior prodit. Id verò omnium optimè refutatur ex circulationis legibus, quarum ignorantia etiam hoc ipsum dogma natales suos debet, ex quibus erudimur, sanguinem nullibi, adeoque nec his in partibus, sine gravissimis symptomatis subsistere posse. Verum turgescens undique sanguis disruptis partim ex vasis, partim transsudans, ob remoram in cursu retrogrado per tunicam vaginalem ad ejus sinum colligitur, & ulterius profluit.

§. VIII. Quid hinc non perspicit, sanguinem hunc suâ naturâ non excrementitium, multò minùs venenatum esse. Etiam si enim nigricans, & multis modis à naturali statu abludens aliquando observetur, in sanis tamen id minimè deprehenditur. Et quamvis in philtre receptus virulentus à quibusdam habeatur, & halitus menstruatorum speculorum nitorem evertere, herbarum arescentiam producere, & similia dicantur, attamen partim experientiam habet reluctanter, partim vanæ tantum persuasioni & hypothese innititur, partim à statu morbofo ad naturalem imbecille formatur argumentum. Etenim si cæteroquin fœminæ valeant, sanguis est laudabilis,

lis, superfluous tamen pro individui integritate. Quippe dum in gravidis & lactantibus retinetur, nihil molestiæ accersit, in non gravidis verò non evacuatus molestiam ideò creat, quòd major ejus quantitas in corpore reperiatur, quàm eidem proportionata esse videtur. Id tamen negandum non est, quoque cum sanguine superfluo impuritatū aliarum è corpore simul exterminationem adornari, quòd præsertim contingat, fœminas, post eorum emanationem, inter alia gravia symptomata, calculo plerumque obnoxias reddi.

§. IX. Tempus quoque fluxus hujus attentam considerationem meretur. In quo cognoscendo *primò* contemplari liceat terminum, à quo incipiunt, & quando iterum desinunt, sive tempus eruptionis & emanationis. Erumpere rarò à primâ nativitate, aut prioribus pueritiæ annis, sed illo ut plurimum tempore, assolent, quo puellæ impubertatis annos egrediuntur, atque proin ex eorum eruptione nobiles, & generando foetui aptæ habentur. Attamen non in iisdem certo aliquo & communi omnibus anno, sed citius aut tardius, prout plethoricæ plus minus, aut alioquin constitutæ fuerint, prodeunt, ita tamen, ut rarò ante annum decimum quartum eorum eruptio contingat, ultra verò vigesimum eadem non facilè protrahatur. Emanant autem menses, dum utero ferendo fœminæ minus amplius aptæ & effectæ redduntur, atque sic communiter intra annum ætatis quadragesimum quintum & quinquagesimum desinunt, ultra hunc verò rarissimè observantur. Interim tamen in vetulis quoque nonnunquam accidit, ut post annum septuagesimum, cujus exemplum quoque ante aliquot annos annotavi, iterum prodeant, & unâ alterâve vicē iterum revertantur, & vel post aliquot tempus rursus evanescant, vel usque ad ultimum vitæ terminum periodum suam servept. Quemadmodum & exempla prostant, sed quàm rarissima, earum, à quibus toto vitæ tempore tributum hoc lunare natura nimis rigida exegit.

§. X. Sed postquam eruperunt, & quamdiu continuant, *secundò* tempus reversionis & durationis considerandum est. Regulariter statò tempore redire, & singulis quidem quatuor hebdomadibus, debent, verum non mox à primâ eruptione
statam

statam periodum servant, sed prioribus annis longiora intervalla tenent, imò neque infreqvens est, ut singulis duabus aut tribus hebdomadis cum euphoriâ redeant, aut etiam sine incommodo ultra mensem differantur, prout nimirum plethoricæ plus minus extiterint. Siquidem & fluxus ille non modò in diversis fœminis, pro iisdem circumstantiis, ad plures aut pauciores dies perseverat, sed & in eisdem subjectis nunc uberiolem, nunc parciorem, evacuationem adornare solet.

§. XI. Et ex recensitis facillè licebit conjicere, quis hujus excretionis finis aut usus sit. Nimirum, ut superfluous sanguis, si in gravidis ad debitum usum non impendatur, vel tanquam mole, vel aliis quoque circumstantiis peccans ejiciatur, & iusta sanguini ad corpus actuandum proportio restituatur. Siquidem & observare contingit in quibusdam fœmellis brutorum, quòd, si illo tempore, quo cœstro venereo percellantur, & conceptioni aptæ sunt, à marium consortio arceantur, eandem quoque analogam evacuationem experiantur.



PNEVMATOSEOS OFFICINA.

§. I.



Um sanguine ad varias partes appulimus, liceat quoque caput ascendere, & penitiora ejus subire, quæ ἔκ τῆς ἐγκεφαλῆς nomine veniunt. In eo, ejusque prolongatione, fluidum illud activum, quod spiritus vocant medici, & separatur, & ab eo ad omnes partes distribuitur, quod πνευμάτιον appellamus. Hanc ergo, ejusque productum, in sequentibus tradituris necessarium videtur officinæ delineationem præmittere, & in eâ partes tam secretioni, quam distributioni, destinatas investigare. Sub illo autem titulo cerebrum, cerebellum, medullam oblongatam, spinalem, & nervos in genere comprehendimus.

§. II. Ut ad cerebrum, tanquam nucleum nostri instituti, perveniamus, corticem frangere necesse est. Scilicet externè cute tegitur capillis instructâ, qui glandulis per radices suas infixi, à quibus nutrimentum suscipiunt, non modò cæsarie caput ornant, sed frigoris quoque vim arcendo munimentum præstant. Firmius verò osseo munimento includitur, quod calvariam aut cranium dicunt, cui propius membrana adhærens pericranii nomine appellatur. Etiam si enim præter hanc aliam, periostium dicendam, quidam fingant, una tamen potius, est prout aliæ membranæ, imò ob majorem firmitudinem, facilius in plures laminas dividenda. Ubique verò hoc integumentum cranio firmissimè adhæret, nisi quòd circa tempora supra musculum illic positum feratur. Interim cum interiore meninge durâ non per fibrillas quasdam nerveas connectitur, sed potius eidem per suturas continua est, quòd hiantibus ad huc his in recens naris evidenter factis patet.

§. III. Cranium in cavitatem superius globosam, inferius sinuosam magis, ex variis ossibus coagmentatur, quæ in adultis firmiter coeunt, in embryone disjuncta apparent. Eadem vel propria sunt cranio, & superiorem sphaeram formant, atque os frontis proram constituit,

duo bregmatis verticem, temporum bina latera firmant, puppis occipitis osse munitur: vel maxillæ simul superiori inserviunt, & basin efficiunt, antèr ethmoides, & ad latera sphænoidea. Ossa hæc in plerisque locis duplici laminâ constant, quæ per sinum in osse frontis valde conspicuæ sunt. Inter se, potissimum superiora, per futuras junguntur, ita ut anterior coronalis os frontis ab ossibus bregmatis, lambdoidea hæc ab occipite, sagittalis eadem à se invicem, squammata à temporum ossibus distingvat. Rarius enim sagittalis, uti nuper vidimus, per frontem excurrit. In basi sinus sunt, anterior in osse frontis à cristâ galli eminente circa os ethmoideum distinctus; duos laterales anterior processus sphænoidei ossis, posterior petrosi temporum, definiunt, posterior occipitis os format, dum qui in medio eminet, sella turcica, aut ephippium nuncupatur. Munimento verò ejusmodi opus esse, ne actio partium harum lædatur, symptomata ex compressione cerebri demonstrant.

§. IV. Sub cranio mox apparet dura meninx, incongruè materia dicta, omnes ἐγκέφαλος partes ambiens. Hæc *Vieussenio* notante per avtopsiam duplici laminâ, sese decussantibus fibris instructâ, constat, atque non modò circa futuras, sed reliquo etiam tractu cum cranio firmissimè secundum naturam connectitur. Quod ideo fieri suspicor, ut hæc ratione firmata cerebrum subsidendo non comprimat, aut ejus dilatationi impedimento sit. Interim processibus quibusdam ad interiora demissis cerebrum variè dividit. Secundum longitudinem duplicata ad corpus callosum in homine, secus ac in brutis, penetrat, & per processum hunc, falcem dictum, id in duo hemisphæria distingvit. Per transversum subiens cerebrum à cerebello separat, atque simul, ne hoc ab illo. reclinato capite, prematur, præstat. Huic subijci tenuem aut piam matrem, rectius meningem, communis anatomicorum consensus est, quæ cerebro immediatè magis connexa ejus anfractus subit. At *Bidlous* mediam quandam se observasse asserit in subiectis recentibus, albicantem, hæc crassiorem, illâ tenuiorem, quæ circa cerebri basin potissimum conspiciatur.

§. V. In durâ matre liceat adhuc considerare canales illos, qui intra ejus duplicaturas formantur, & sinus vocantur. Horum equeidem descriptiones *Vesalius*, *Sylvius*, *Willisus*, *Blasius*, *Bidlous*, *Vieussenius*, ut alios sicco pede præteream, exhibuerunt. At liceat nostrum

cci-
ef.
le.
al-
un-
odo
em.
nus,
nlla
teri-
po-
aut
acilo
de-

nater
e per
stat,
o fir-
cor,
us
din-
nem
erat.
stin-
tye
sub-
romi-
ejus
ent in
qz

, qui
equi-
nef-
trum
qvo-

Fig: I.



ad pag: 165.

Fig: II.

J. C. Böcklin. sculp:

quoque schema apponere, qvæli sinus illi in nuperâ anatome humana, cerâ viridi injectâ, felici omine in conspectum prodierunt, ad præsentis exempli imaginem adumbrati. Dabitur enim de naturali constitutione & situ melior, qvàm ex *Willisano* conceptus, & evidentior, ut spero, qvàm ex *Vieussenianis* connexionem cognoscendi ratio. In fig. I. literæ AAAAA. notant limbum dissecti cranii adhuc durâ meninge tecti, cujus rescissæ extremitates aaaa. designant. B. cristam galli, & regionem ossis spongiosi, CC. ossis frontis, DD. cuneiformis, EE. occipitis, sinus sive cavitates exhibet, F. describit sinum longitudinalem, dictum communiter tertium, in qvo antica pars à cristâ galli resecta in posticam partem reclinata visitur, ut reliqvæ partes feliciter detegerentur. Is terminatur ad laterales GGGG. dextrum & sinistrum, qvæ ad inferiorem ossis occipitis sinum demissi specum *Willisii* rotundum formant, & ad jugularis venæ exitum feruntur, inqve cranio sui vestigium insculptum relinqvunt. Quartus H. principio extra situm locato, à glandulæ pinealis basi emergit, & lateralibus inseritur. Quintus inferior falcis est, à *Vesalio* primum, & hinc *Sylvio*, annotatus, uti sæpissimè, hic quoque desiderabatur. Quatuor illorum sinuum conformatio & connexio melius patet ex fig. II. Literæ AAA. denotant sinum longitudinalem apertum, qvæ canalem triangularem, angulo deorsum posito, exactè exprimit, & in qvo ligamenta valvulosa, regurgitationem frontem versus impediencia aliqvot, una cum orificiis venarum eò hiantium aaaa. delineantur. BB. lateralium initium, & C. quarti exitum definit.

§. VI. Præter nominatos autem sinus alii quoque dantur, scilicet illic loci, ubi laterales infra processum petrosum demerguntur, ad hujus limbum porriguntur utrinque bini exiles IIII. ad sellam eqvinam producti; ab hac breviores in utroque latere KKKK. deorsum tendunt, & ad jugularis abeunt exitum, cum lateralibus eundem terminum agnoscunt. Illi *Vieussenio* superiores sellæ eqvinæ adstantes, hi inferiores audiunt. Præter hos adhuc intra cranium, sed mox ad vertebrarum limites, vertebralis *Willisii* est LLLL. qvæ annuli instar medullam spinalem cingit, cujus resectæ locum M. indicat. Est verò quatuor ultimò nominatorum & vertebralium communicatio in NNNN. ad sellæ turcicæ OO. processum posticum, qvæ productio non incongruè transversalis, aut conciliatoris sinus nomine vocanda.

U 2

est,

est, è quâ protensio versus vertebralis commissuram fretum n. dici potest. His adhuc jungimus alios, antea vix, quantum mihi constat, depictos, quæ eâdem cerâ injectione se manifestârunt P P P P. & quidem utrinque eâdem formâ, ut casu evenisse non putandum sit, in ossis cuneiformis cavitate, qui ab illo, quod olim ob asperitates diversas πολύμορφον nuncupabatur, ob varios, quos spargunt, ramulos, πολύμορφοι, meo quidem iudicio, appellandi sunt. Hi cum venâ jugulari internâ communicant, uti eâdem cerâ cum prioribus replentur.

§. VII. Quamvis autem tanquam distincti canales describantur illi sinus, inter se tamen omnium est communicatio. Longitudinalis superior & inferior, si datur, cum quarto, ad laterales, & cum his versus venam jugularem tendunt. Communicant tamen ut plurimum cum superioribus sellæ equinæ, qui cum inferioribus & vertebralibus per fretum ad transversalem uniuntur. Quemadmodum verò hinc per inferiores sellæ equinæ ad jugularem venam refluxus est, ita quoque per fretum ad sinus vertebrales, & sic venam quoque vertebralem via est.

§. VIII. Visis involucris ad denudatum pervenimus cerebrum, cujus moles in homine quàm brutis longè major & globosa magis est, cui in posticâ parte inferius cerebellum jungitur, depressius & latius pariter in homine, quàm in brutis. Cerebri duo sunt hemisphæria, variis gyris & anfractibus notata, quorum utrumque, ex duplici lobo, anteriore & posteriore, constat. Dissectum duplicis est substantiæ, exterior, hinc inde tamen interius quoque intertexta, cineritia, corticalis dicta, *Malpighio* docente, ex glandulis constat, quæ frizione in oleo evidenciores fiunt. Interior albicans medullaris audit, & fibris constat, quas cum plerisque canaliculos esse totidem suspicamur. In reliquis partibus compagis hujus adeò miraculosæ describendis *Willisum* partim, partim *Vieussenium*, & celeberrimum atque accuratissimum *DuVerneyum* sequamur: prout enim istorum scripta plerisque normæ loco sunt, ita præter ea hujus vivâ manu ductione diversorum animalium cerebra evolvere licuit. Etenim hujus præcepto, *Willisique* exemplo commodum est semper humano brutorum cerebra jungere, quòd quædam partes in his evidenciores sint, & ex mutuâ collatione & facilius diversitas pateat, & imprimendæ memoriæ inserviat.

§. IX. Di-

§. IX. Divulsis à se invicem cerebri hemisphæriis, corpus durum callosum se prodit, quod duos anteriores ventriculos tegit, horizontaliter verò resectis, interior limbus albicans centrum ovale dicitur. In resectione corporis callosi antrorsum septum lucidum attenditur, quod bifidum esse transversalis sectio ostendit. Illo verò remoto duæ velut cavitates aperiuntur, quas ventriculos anteriores vocant. Conspiciuntur in his antè eminentiæ, quas *Vieussens* processus medullares, *Willisus* corpora striata nominat. Nimirum, quòd factâ perpendiculari sectione & divulsione striæ albæ se prodant, quales tamen non apparent, si horizontaliter culter adigatur. Eminentiores pone hæc protuberantiæ thalami dicuntur nervorum opticorum, quibus plexus choroides incumbit. A commissurâ corporum striatorum duplici radice incipit fornix, cujus truncus per longitudinem porrectus in duo distinguitur brachia, quæ pedes hippo campi audiunt, quorum fimbria reclinata thalamos amplectitur nervorum opticorum. Resciso fornice tertius apparet ventriculus, in quo foraminulum invenitur deorsum ad infundibulum ducens, quod *Vieussensio* vulvæ titulo designatur, quo tamen nomine *Bartholino* rima oblonga superior à commissurâ natum venit. Continuatâ sic versus posteriora investigatione, ope processum quorundam à thalamis nervorum opticorum ducimur ad corpus exiguum, subrotundum, in basi firmiter annexum, quod famosam illam pinealem glandulam, quæ penis quoque antiquis vocabatur, refert. Hæc sita est ad commissuram corporum illorum rotundorum, quæ nates dicuntur, & quibus inferius minores adstant, testium titulo. Remotâ pineali glandulâ foraminulum apparet ad quartum ventriculum ducens quod anum dicunt, si fas est, nobiles has partes spurcis adeò nominibus defædare. Eminentis illis utrisque in rimâ secundum longitudinem separatis, canalis ad quartum ventriculum ducens subjacet, quem aquæ emissarium *Vieussens* appellat, ejusque tegmen pontem *Varolii* constituere existimat. Omnia verò illa foramina piæ matris productione tanquam membranâ obvelantur, quam in illo, quod vulva nominatur, hymenem, ultimo obductam, & ferme quartum ventriculum obtegentem, *Vieussens* valvulam vocat in relatione ad illas in sinibus majorem. Apertâ illâ quartus ille panditur ventriculus, in quo plexus quoque choroides conspicitur, ejus velut columnas constituunt à testibus utrinque venientes processus

cessus medullares, transverso desuper uniti, qui ad cerebellum excurrunt. Hujus in medio appensus processus vermiformis, major & minor intra sinum dicti ventriculi reconditur. Ipsum verò cerebellum duplici quoque lobo in homine constat, qui dissecti medullarem substantiam arbusculi instar monstrant, cujus interstitiis corticalis cinerea ab extra annexa sub formâ fermè rhomboideâ, uti *Vicussano* videtur, intertextitur.

§. X. A cerebello protenduntur duo processus, illis à natibus venientes majores ad medullam oblongatam, cujus origo ut melius cognoscatur, reclinandum in basin est cerebrum. In eâ post nervorum opticorum egressum processulus est medullaris, quem infundibulum nominant, quod ad glandulam pituitariam in sellâ turcicâ positam tendit, quæ pro eo excipiendo velut excavata videtur. Infundibuli autem lateribus duæ orbiculares eminentiæ albicantes assistunt, quas glandulares dicunt, mihi medullares visæ. Hinc quædam protensiones exiguæ ad medullæ oblongatæ processum annularem tendunt. Ipsa verò medulla oblongata à cerebri centro ovali & corporibus striatis, utrinque quasi per duo crura protensa, distincta in conspectum venit per processum annularem, in homine latissimum, ad quem constituendum processus medullares à cerebello utrinque excurrunt. Huic substernuntur eminentiæ quædam in acutum desinentes, quas pyramidales *Willisius* nuncupat, ad quorum fines exiles subrotundæ aliæ protuberantiæ conspiciuntur, quas olivares nominat.

§. XI. Corpus verò hinc protensum, cum vertebrae spinæ subbeat, medullæ spinalis nomen assumit. Hæc uti substantiam corticalem, sive cineream & glandulosam, interius obtinet, medullari exteriorius locatâ, ita fibrositatem ejus, in filamenta resolvablem, maceratione in spiritu vini aut aceto destillato, imò interdum sine præparatione cognoscere conceditur. Protenditur autem per cervicis, dorsi, lumborumque vertebrarum, ossis sacri & coccygis cavitates, & non modò varia filamenta, nervorum nomine dein notanda, emittit, sed & sub exitum in varios fines divisa, caudæ equinæ titulum gerit. In medio quasi fissura apparet, major in posticâ, quàm anticâ parte, quæ tamen non totam penetrat. Cerebrum eam vocari debere elongatum quis non videt, præsertim, cum iisdem tunicis gaudeat, quarum extrema duræ, intima piæ meningi respondet, neque deest tertia, media

media nimirum, arachnoides à *Blasio* vocata, *Bidloiana* cerebri responsura. Quam enim *Vieussens* tanquam quartam, sed primum describit, non medullæ, at vertebrarum colligandarum gratiâ condita est.

§. XII. Quomodo hæ partes spirituum separationi, distributioni, sensationibus, motui, variisque usibus aliis litent, in sequentibus declarabitur. Restat, ut nunc vasorum sanguinem adducentium & reducentium conditiones, atque nervos ab illis prodeuntes prosequamur. Adducentia vasa arteriæ sunt, quarum duæ utrinque ad cerebrum veniunt, & in piâ præsertim meninge, & per corticem, non adeò per medullam disseminantur, inibi crassiore tunica depositâ. Ad latera sellæ turcicæ per foramen notabile emergunt rami carotidis internæ, quæ post incurvationem S referentem *Wepferi* prope infundibulum varios plexus emittunt, pauciores & minùs conspicuos in homine, eximios magis in ruminantibus, ut his rete mirabile potissimum adesse affirmetur. Vertebrales per foramen, medullæ oblongatæ transitum concedens, utrinque ascendendo super medullam oblongatam in unum truncum coalescunt, & cum carotidibus (quæ transversim utrumque hemisphærium dividunt, & in anticâ parte ex utroque latere pariter coeunt,) junctæ, cerebri partibus prospiciunt, sicque conjunctis ramulis plexum choroidem, una cum venulis & glandulis quibusdam intertextis formant. Quæ communicatio manifestè apparet, quòd cera alterutri harum arteriarum ramulo injecta omnes repleat, & quæ efficit, ne fortè stagnatio in his partibus oriat, aut affluxus ullibi deficiat.

§. XIII. Abducentia vasa hîc, ut in toto corpore, duplicia sunt. Serosam portionem lymphatica excipiunt, in cerebro quoque Excell. *Bohnio* visâ. Sangvineam venæ, quæ advectum sanguinem colligendo, in sinus illos supra descriptos exonerantur, qui à fronte versus occiput fluentem sanguinem, & columnarum ope directum, tam ad jugularem internam, quam vertebrales venas sanguinem refluxum effundunt. Proinde sicut arteriæ, tam utriusque lateris, quam quæ ex diversis locis ad *ἐγκέφαλον* veniunt, inter se communicant, ita quoque sinus venosi ad duplicem venam patent. Singulare autem est homini, cui iidem ampliores sunt, quòd ex quibusdâ arteriis imediatè in sinum longitudinale sanguini via pateat, quòd liquor injectus manifestè per eas erumpens non modò confirmat, sed & setâ transitum faciliè ostendi *Vieussens*

ἀποτέλεσμα afferit. Id duplicem in finem adornari à naturâ videtur, (1.) quòd, ne major quantitas cerebro adveniens id gravet, mox aliqua portio secedat; (2.) ut hujus arteriosi appulsu sinuoso sanguini major impetus concedatur, & stagnatio summo perè impediatur.

§. XIV. Similis vasorum medullarium conformatio & mutua inosculatio reperitur. Arteriæ ad medullam spinalem ex diversis locis veniunt, omnes tamen aortæ propagines sunt. Superiores ejus partes à vertebralibus sive cervicalibus, inferiores ex ipsius aortæ trunco descendente utrinque furculos suscipiunt. Horum alii intra vertebrae sursum & deorsum lati cum oppositi lateris similibus coalescunt, & catenam illam *Willisii* formant; alii utrinque in mediam quandam arteriam exonerantur, quæ spinæ medio incumbens à *Willisio* spinalis dicitur, & quam ipse cum *Blasio* anticam tantum afferit, cum *Vieussens* posticam quoque adjecerit: ex quibus ramuli tam ad meninges, quam ipsam substantiam cineritiam distribuuntur. Venæ, quæ ab involucris & medullâ sanguinem revehunt, partim è venâ spinali, in medio repente, tam anticâ, quam posticâ, partim intermedios quosdam ramulos ad sinus vertebrales confluunt. Qui prout intra cranium eorum originem notavimus, per vertebrae ad latera utrinque continuantur, & à parte superiore ad venas vertebrales, à medietate ad venam ἀρτηρίαν; ab inferioribus ad lumbares exonerantur.

§. XV. Ad nervorum structuram progredimur. Hi non sunt nisi exilissima filamenta medullaria, aut exiguae fibræ canaliculosæ, ex cerebri aut medullæ spinalis albicante portione productæ, & in fasciculos collectæ, quæ si singulæ propriâ tunicâ involvantur, nervos duriores, si omnes communi, à piâ matre oriundâ, molliores existunt. In cursu suo hinc inde intumescencias patiuntur, quas plexus anatomici, *Vieussens* gangliones, vocant, & ex arteriolarum, venularumque accessione pro firmandis nervis productas existimat. Eorum ergò alii ex cerebri basi & medullâ oblongatâ emergunt, quorum antiqui, *Vesalius* imprimis, septem numerant paria aut conjugationes, olfactorium huc non referens, tertium & quartum jungens, & decimum omittens. At *Willisii* computum secuti decem asserimus, quæ etiam *DuVerney*, *Bidlous*, *Vieussens* admittunt. A medullâ spinali alii triginta, alii viginti novem paria prodire dicuntur, prout circa primum variant, idque vel cerebro, vel medullâ spinali adscribunt. Sed hanc nervorum distributionem specialius in posterum trademus.

* * * * *

SPIRITUUM ANIMALIUM SECRE- TIONE ET NATURA.

§. I.



Partium ἡ ἐγκεφαλὸς descriptione ad earundem officium declarandum progredimur. Quoniam autem cerebri & cerebelli cortex, atque interior medullæ spinalis substantia glandulosa est, secretioni; medullaris verò fibrosa & canaliculosa deprehenditur, distributioni certæ erunt destinatæ, quamvis aliis quoque usibus inservire eas, præsertim in sensationibus, suo loco constabit. Actionem autem illam πνευματικὴν appellare licebit, quòd productum medicis spirituum nomine veniat. Liceat ergo nunc horum duntaxat productionem & naturam describere, distributionem autem in sequentis dissertationis argumentum reservare.

§. II. Spirituum nomine hæc in parte vocatur fluidum quoddam subtilissimum, senergeticum, & valde mobile, quod motus præsertim & sensus instrumentum activum primarium constituat. Itaque nemo existimet eosdem propterea animæ nostræ rationalis partem, aut immateriales, esse, sed fluidum materiale, tantum ob majorem aliis nostri corporis liquidis subtilitatem & activitatem, ob quam sensus quoque fugere videtur, spiritus nomine impertitum. Idem quippe agere solent chymici, ut liquida valde activa, subtilia, puriora, efficaciora, ab aliis spiritus titulo distinguant. Animales verò dicuntur, quòd tale fluidum præter animalia in aliis corporibus non inveniatur, & actiones, quibus illa ab his distinguuntur, iisdem peragantur. Interea tamen præter hos, non alii sunt vitales, qui in sanguine, non alii naturales, qui in chylo inveniuntur, nisi forte partem in spiritus transmutam, quamdiu adhuc liquoribus nominatis in est, ejusmodi nominibus distinguere velis ab animalibus, qui actu separatim existerent. At entia præter necessitatem multiplicari non debent, cum, si in chylo adhuc & sanguine sint, spiritus dici non mereantur. Similiter enim salivam, bilem, aut urinam non dicimus materiam, quamdiu cum chylo advenit, aut a sanguine separari, & in liquida illa verti potest, sed quando actu secreta invenitur.

§. III. An ejusmodi peculiare atque ab aliis humoribus distinctum fluidum inveniatur, nemo cordatiorum medicorum inficiari potest. Id enim non modò auctoritate *Hippocratis* nititur, qui impetum facientes partes, quas spiritus vocabat, à continentibus solidis, & contentis fluidis distingvit. Verùm, etiam si palpari manibus, aut oculis usurpari vix queat, id tamen revera dari ratio quoque subest, & experientia comprobatur. Etenim (1.) motus & sensus neque à partibus solidis, neque ab aliis nostri corporis liquidis peragi possunt, quin opus sit alio, quod in illo suâ accessione partes moveat, in hoc objectorum impressiones ad sensorium commune deferat: (2.) peculiare organum secretorium, peculiaria vasa excretoria, peculiare productum innuunt: (3.) illo, nempe cerebro, compresso, aut aliâ ratione in actione suâ impedito, & (4.) per hæc, scilicet nervos, influxu intercepto aut negato, motus & sensatio perit, liberis iisdem feliciter instituitur; quorum veritas evidentius ex sequentibus patebit.

§. IV. Quamobrem, ut quodnam illud fluidum sit, curatius consideret, ad institutum redeamus, primam illam pnevmatoseos partem, spirituum secretionem & naturam consideraturi. At ea duplex est, alia dicenda prima, alia secunda. Primam voco, quando in ovulo recenter imprægnato particularum activarum evolutio, nondum integrâ circulatione, nondum ad officium aptis organis pnevmaticis contingit. Sed hæc ad œconomiam fœtus referri debet. Secunda est prioris continuatio, quando in embryone jam formato, & homine in lucem edito, per certa organa fluidi illius energetici productio & reparatio instituitur. Hujus ergo explicationem methodo receptâ præstituri, primò organum, materiam ex quâ, & modum excretionis investigabimus, hinc ipsius producti naturam indagaturi.

§. V. Quando veteres in spirituum numero variabant, variam quoque sedem & officinam assignârunt. Alium enim dicebant infans, quem cum calido innato eundem fingeant, qui omnibus quidem in partibus, præcipuè tamen in corde nidum suum collocaret. Alium influum, qui è partibus primariis aliis adduceretur, & quidem in hepate naturalem, in corde vitalem, in cerebro animale, secundum alios functionibus tantum, secundum alios etiam speciedistinctos parari opinabantur. Ast fabulam sapere ignem illum Vestalem per totam vitam custoditum sæpius est monitum, & perpetua, durante vitâ, fluidarum partium circulatio fixam ejusmodi sedem evertit. Ad hæc
unus

unus tantum est spiritus, animalis nimirum, cujus influxui illi quoque effectus, quos antiqui naturali aut vitali ascripserunt, debentur.

§. VI. Proinde cerebrum eidem producendo aptum communiter existimant, cujus tamen alii sinus, alii plexum choroidem, alii cerebri ventriculos, tum anteriores, tum quartum, nobilem hinc *Bartholino* dictum, eidem muneri præficiunt. Enimvero ei cerebri substantiæ meritò recentiores partes secretorias demandant, quam *Malpighius*, in insigne rei medicæ detrimentum nuper extinctus, at inventorum gloriâ immortalis, glandulosam, adeoque officio huic accommodatam esse docuit. Cineritia illa est, quæ in cerebro & cerebello extimum quidem locum tenet, at circa anfractus interius quoque demergi videtur. Verum etiam si major ejusdem portio in cerebro & cerebello inveniat, non tamen medulla oblongata, neque spinalis, plenariè eadem caret. Quippe non modò illa circa suam in corporibus striatis & cerebello originem medullaribus fibris cineream substantiam intertextam gerit, sed hæc quoque transversim dissecta hinc inde glandulosam ejusmodi portionem intus contineri monstrat. Ut proinde huic quoque à similitudine substantiæ parilem spartam assignemus, i. e. in ea etiam partem subsidiariam spirituum separari existimemus, licet uberior eorum proventus à cerebro & cerebello veniat. Accedit, quòd vasa arteriosa, ut in cerebro & cerebello, sic quoque in medullâ spinali, corticalem potiùs substantiam subeant, & ea, quæ in medullâ inveniuntur, copiâ & amplitudine notabiliter superent, ex eorum verò sanguine separationem spirituum fieri mox simus declaraturi.

§. VII. Unde fluidum illud subtile ab his glandulis proveniat, magis ardua videtur quæstio. Equidem inventâ circulatione sanguinis unica in dictis partibus novimus vasa adductoria. Quod enim in aliis nervi quoque simile præstent, de cerebro & annexis partibus dicendum non est, cum illi ab his emanent. Arteriæ ergo sunt, quæ cum sanguine materiam spirituum apportant, quarum ergo & in cerebro, & in spinali medullâ, tam utriusque lateris, quam diverso exortu gaudendum adeò miranda inosculatio est, ne scilicet ullibi actio adeò necessaria deficiat. Verum quænam sanguinis pars (cum diversæ in latice illo contineantur) materiam congruam suggerit? Non equidem opus est spiritum vel naturalem, vel vitalem fingere, qui intra cerebrum in animale transmutetur. Sed quod

idem est chylus, aut succus alimentaris materiam sanguini concedit, ab eo, circulatorio per partes, & intestino particularum motu ulterius dispositam, sive ideis spiritus signatam, si per metaphoras *Helmontianas* negotium obscurius describere placeat. Scilicet alimenta spirituum reparationi litant, prout illa partibus subtilioribus & activis magis constant, adeoque alia præ aliis majore ad spiritus ascensionem juvandam aptitudine gaudent. Et id ipsum, si nullo alio, hoc potissimum argumento probatur, quod inedia diuturniore, aut alimentorum incongruorum abusu viribus deficiamus, cibo verò & potu, potissimum congruis, egregiè & melius, quàm omni reliquo analepticorum apparatu reficiamur. At vix crudior aut recens chylus aptus statim videtur, quin necessarium quoque videatur, ut pro materiæ diversitate plus minus ad congruitatem redigatur. Id partim motu sanguinis intestino peragitur, cujus præsertim integritatem virium robur, incongruitatem defectus sequitur aut comitatur. Partim circularis transitu per exilissimos mæandros ulterius attenuat, & ad justam habitudinem producit, quatenus eo impetuosiore aut languidiore, vel intercepto per ligaturam carotidibus arteriis interni, injectam spirituum productio inhibetur, & ultimo præsertim experimento animal titubando infirmitudinem suam, aliisque effectibus testatur. His quoque; jungere liceat in reti mirabili ad majorem dispositionem & attenuationem maximè accommodari arteriolarum plexus; præsertim verò plexus choroidei similem subtilisandi aptitudinem, quam in arteriis spermaticis annotavimus, quatenus transitu per exilissima illa filamenta, quæ aciem fermè oculorum lynceorum eludunt, & variis nexibus inter se complicantur, materia illa plus divisa congrua magis rediditur. Si quidem & ille sanguinis ex vasis diversis unitis concursus, & per plexus reticulosus transitus, impetum simul moderatur, ne cerebrum inundari & obrui possit.

§. VIII. Sed nec silentio prætereundus est aer. Non quod hic materiam spiritibus, secundum antiquos & neotericos quosdam concedat. Etenim partim dubium est, utrum *αἰὲρ* sanguinis *Galeni*, e quâ spiritus provenire existimat, aerem notet, an sanguinis ad aeris subtilitatem reductionem significet. Partim aeris ad ejusmodi opus ineptitudinem arguit, quod libero licet spiritu, inedia, in-

terce-

tercepto sanguinis appulsu, similibusque, pnevmatosis deficiat, quod metuendum non foret aut contingeret, si ex aëre, cujus usurâ, dum vivimus, carere non licet, defectus illorum restauraretur. Imò via à plerisque asserta vana videtur, quâ immediatè per nares attractum ope processuum mammillarum, vel per foramina ossis ethmoidi, ad cerebrum venire existimant. Etiam si enim odoramenti cum aëre inspiratis spiritus refocillari observemus, id tamen vix ostendit, eadem in spiritus transire, cum potius eosdem torpidiores exagitando, ad pristinam agilitatem perducatur. Neque etiam processus mammillaris in pennatis, multo minùs in homine, pervii sunt, sed quamvis in illis, atque brutis aliquibus, cavitatesprehendere liceat, cœcas tamen eas esse, neque ad nares hiare, curatius investiganti faciliè innotescit, etiam si filamenta quædam exin ad nares spargantur. Neque os ethmoideum, prout in sceletio, in animali vivente foraminibus patulis pertusum, sed non modò in homine & brutis, verùm etiam pennatis accuratissimè clauditur, & nec flatum transmittere aptum est. Aër enim in inspiratione nares subiens potius per canalem aëreum ad asperam arteriam, & hinc ad pulmones demittitur. Quibus ritè examinatis faciliè reliquorum argumentorum, specialiora hinc inde à quibusdam allegatorum, nervum incidere licebit, præsertim si *Highbori* argumenta cum grano salis adjungamus, quòd nulla in fœtu, neque etiam aëris in piscibus sit respiratio. At enim verò aër intra pulmones sanguinem subiens ad spiritus ascentiam juvandam multum confert, quatenus pro ejus diversâ habitudine spiritu modò deficiamus, modò integri sumus. An verò sit unica spirituum materia, antecedentium argumentorum vi ambigimus, quamvis ob subtilitatem ejus quasdam partes quoque cum spiritibus propriè dicendis in secretionem transitum invenire posse omnimodè non eam inficias. Formaliter tamen ad spiritus conficiendos concurrat aër, quatenus suâ accessione non modò in genere ad vitalitatem sanguinis multum contribuit, sed in specie subtilizando, actuando, &c. sanguinem, ad spirituum productionem laudabilem symbolam addit.

§. IX. Quibus prælibatis apparet eandem secretionis rationem esse, quæ erat in reliquis partibus. Scilicet partes, quæ in spiritibus secedere debent, ex ferosâ præsertim sanguinis portione, ope motus intestini, disponi, impetu circulationis trajici, singulari verò organi hujus

secretorii mechanismo specialius determinari. Proinde non opus est, ut cum *Willisio*, aliisque, fermentum aliquod *πνευμα* *σοποιητικόν* in cerebro concipiamus, siquidem nulla ejusmodi dari aliquoties ostensum fuit. Et quamvis ille quoddam urinosum aut sal ammoniacum simile afferat, atque cerebrum, & præsertim ejus corticem tale quid spirare contendat, id tamen in recentibus aut vivis animalibus, disrupto cranio, plane non apparet, multò minùs uni parti præ aliâ magis adscribi debet. Aut si quædam fracedo deprehenditur, putredinis inchoatæ potiùs effectus meritò vocatur.

§. X. Antequam autem à modo secretionis declarando ulterius ferimur, operæ pretium erit, *Viesseanium* audire, quomodo sanguis cerebrum accessurus prius à crassioribus & lentis humoribus depuretur, ut materiam defæcationem spiritibus largiatur. Nimirum opinatur, glandulas salivales, præsertim majores à *Whartono* imprimis & *Stenone* descriptas, quòd à carotidibus etiam internis aliquæ furculos suscipiant, separationi viscidioris materiæ, tanquam excrementitiæ vacare, præterea verò dari quendam membranam pituitariam, substantiæ fungoso-spongioso-glandulosam, foraminibus perviam, vasis sanguineis nerveisque instructam, quæ faucium latera, palatum, naresque ipsas investiat, & secretioni aquosorum lentorumque succorum inferviat. Præsertim autem eam obvelare quasdam cavitates ossibus insculptas, quas sinus vocat, quæ materiâ illam viscosam contineant, & reddant, & imprimis in cadaveribus pronâ faciè locatis, copiosum effluxum conciliarent. Sinuum illorum duodecim numerat, duos in osse sphænoideo sellæ equinæ subjacentes, sex in osse ethmoideo, binos in frontis, & totidem in maxillæ superioris osse maximo orbitæ oculi subjectos, qui in nares, & hinc ad fauces exonerentur, atque etiam inter se communicent. Enimverò, prout rectè infert, humores ejusmodi non à cerebro prodire, ita ejusdem tunicæ si non omnes, præcipuas tamen, partes differt. XV. sub fontium salivalium nomine exhibuimus, ut sic ille liquor è mortuorum naribus & ore fluens, & in sinibus inventus præter naturam se habeat, cum secundum naturam saliva sit, cujus secretionem non ut excrementitiâ, sed summopere requisitam, ibidem distinctius tradidimus.

§. XI. Pergimus hinc ad ipsum cerebri productum, in quo determinando tanta medicorum dissensio est. Alii enim solos spiritus, alii

alii simul liquidum aliud, & quidem modò laudabile & nutritium, modò illaudabile & excrementitium fecerni asseverant. Circa spiritus ipsos dolendum summo perè medicis est, in parte corporis nostri adèd nobili, plurimarumq; actionum præcipuo instrumento, tantam in ejus naturâ dignoscendâ caliginem esse. Equidem ipsos fluidum subtilissimum tam ex glandularum secermentium, quàm organorum distribuentium summâ exilitate; activum & summè mobile ex ipsis effectibus licet agnoscere. Verùm in conceptu specialiore formando hæret aqua, & mens in primario connexionis suæ cum corpore instrumento penitus determinando fluctuat. Causa esse videtur, quòd partim adèd subtile sit, atq; sensus, & quàm maximè visum effugiat, partim adèd singulare, ut vix simile in totâ rerum naturâ, cum quo comparationem admittat, inveniatur.

S. XII. Etenim utrum sub formâ liquidâ an vaporosâ potius prodeat, numve ficius fluidum sit, vix dirimi potest. Illud præsertim Anglorum commune dogma est, qui, *Entio* imprimis, *Glissoni*q; propugnatoribus, liqorem à cerebro ad partes promanare contendunt, & quibus ex *Italis Malpighius, Borellus, Bellinus*, ex *Gallis Vieussens*, ex *Belgis* quoq; aliqui accedere videntur, eatenus tamen inter se in diversas partes abeunt, ut alii liquidum hoc ipsos spiritus, alii id nutrimentum corporis, alii spirituum ab ipso distinctorum vehiculum asserant. Nulla quidem apparet, nec expectari potest, in animali licet vivo, nervo ligato, similis ac in aliis vasibus intumescencia, quòd sanguinea, serosa & ejusmodi plura, & simplicem canalem constituent, & unus in iisdem motus vel ad partes, vel à partibus, hîc verò & plurium canaliculorum collectio, & uterq; in illis motus sit. Adhæc à tam multis afferta liquidi ejusmodi ex nervo, vel etiam medullâ spinali, discissis, manifesta exstillatio vel invitâ affirmatur experientia, quòd sæpè, etiam chartâ bibulâ adhibitâ, liquidi ejusmodi vel minimam portiunculam vix invenire liceat, vel si aliquando tantillum liquoris deprehendatur, dubium est, an id proprium nervorum & singulare fluidum an verò commune eis cum aliis partibus omnibus liquidum; num per nervos aliis partibus nutriendis, an nervis potius ipsis nutritis tantum gratiâ adducatur, aut an non à lymphaticis simul ruptis prodeat? Multò minùs injectus arteriæ carotidi liquor per nervum revertitur vulneratum. Mittere hinc possum alia à probabilitate tantum desumpta argumenta. Enimverò nec his liquiditas planè destruitur, quòd si per artem liceat ejusmodi parare adèd subtilia liquida, e. g. quosdam spiritus chymicos, quæ in auras dissipentur, quidnî & per naturam liquidum paris ténueritudinis & volatilitatis esse possit? Utcunq; tamen fuerit, subtilissimum illud & volatile quàm maximè concipiatur necesse est. Interim verò quamvis ipsum hoc fluidum oculis usurpari vix liceat, sensibile tamen & consistentiâ magis palpabili, ac à plerisq; concipitur, prædictum esse, experimentum *Bellini*, ab *Excell. Bohmio* publici juris factum, sufficienter confirmat, quo nervum phrenicum in cane recenter stragato, remoto sterno, alterâ manu comprimimus, & alterâ versus diaphragma stringimus, & sic hujus motus redintegrantur, atq; ab accessione adacti per nervum fluidi provenire, testantur, quamvis, quæ illud sit, in *Democriti* puteo demersum lateat.

S. XIII. Inveniuntur equidem, qui id ipsum cum fluidis aliis vel naturalibus, & quidem præsertim aëre & igne, vel artificialibus, & cum spiritibus chymicorum modò conferunt, modò ejusdem naturæ pronunciant. Collatio, siultra tertia comparationis non extendatur, excusari potest, quatenus aërem fluiditate, & vi movendi atq; impellendi; ignem activitate; spiritus chymicorum subtilitate, fortè & puritate modò æquat vel antecellit. At tales reverà nullatenus esse, curatius & sine

præjudiciis perpendenti patebit. In genere enim notandum, illud quod omnibus indifferenter, & contrariis quoque ideis aut impressionibus suscipiendis, & congruis iisdem sensationibus excitandis aptum esse debet, illud nullo speciali vel caloris, vel lucis, vel certi saporis caractere imbutum esse potest, quod sequeretur, calidos frigoris, lucidos tenebrarum, salios, acidos, dulces, &c. reliquorum saporum ideas suscipere & nobis filtrare non posse.

§. XIV. In specie quod aerem concernit, non secundum *Mayebium* nitro-aëreæ naturæ sunt, quod etiam si nitrum in aëre dari non negemus, id tamen de omni asseri non valeat, & ejus ad sanguinem accessio adhuc dubia quam maximè sit. Non verò sunt ipse aër ille elasticus, quod nec ad sanguinem, nec cum hoc ad cerebrum, aut etiam per nares veniat: non æther aut subtilissima portio, (1) quia ejus est, quorumcunque corporum, etiam subtilissimorum, meatus pervadere, adeoque nervis etiam contineri nequirent; (2) illius est, suum motum difficulter in alia transferre, cum spiritus summo cum robore energiam suam exerant. Forte ergo media erunt portio, quæ in inspiratione sanguini miscetur. At quamvis eam ob subtilitatem quoque fluido spirituloso immisceri non negem, solam tamen spiritus constituere non statuere id circo possum, 1) quod solus aër spirituum defectum reparare non possit; 2) effectus spirituum non solis globulis competat, sed fluidas partes alias interjectas arguat, quod condensari & rarefieri videantur. Ut proin aerem superius potius memoratâ ratione spiritualiscentiam juvare probabile sit.

§. XV. Ignei spiritus cum *VVilliso* dicendi mihi haud videntur aut lucidi, quod ignis, uti ex physicis demonstrari potest, non certa quædam peculiaris substantia, sed tantum partium quarundam singularis & modificatio & exagitatio, lux verò certa tantum globulorum æthereorum modificatio sit. Imò lux percussis oculis emicans non ex iisdem prosilit, sed certam tantum aëris in lucem modificationem videndam nobis exhibet. Nec calor igneam hanc naturam probat, quod pariter ex naturali doctrinâ pateat, non omnem calorem ab igne provenire, & calor etiam a spiritibus aut solis, aut plane non, sed sanguinis potius motu dependere videatur, quippe ligatâ arteriâ, libero licet nervo, partes animales algere tandem solent. Accedit, quod vix appareat, unde igniculi hi ex alimentis, ex quibus spiritus restaurari vidimus, provenire queant.

§. XVI. Non sunt sulphurei instar spiritus vini, cum *Borello*, quia inflammabiles non sunt; non urinosi, cum *VVilliso*; non acidi, cum *Pascasio*, non dulces, cum *VVirdigio*, quod præter argumentum §. XIII. adductum, istud ignis & artis productum, illud semper nostræ œconomiae hostile, hoc vero imaginariû omnino sit.

§. XVII. Restat adhuc dogma, veterum imprimis, pituitam in cerebro separatâ ad ventriculos ejus, hinc per infundibulum ad glandulam pituitariam, & postmodum per os ethmoideum ad nares & fauces demitti. Id verò cordationibus medicis hodiè non arridet, quod (1) ventriculi ordinariò vacui, & spirituum potius promptuaria sint, & non nisi præter naturam vel serum, vel pituitam contineant; (2) per os cribrosum homine viventem non pateat via; sed ejus foramina & durâ matre, & fibris nerveis processuum mammillarum occludantur, uti id ipsum *Schneiderus* & *Vieussens* multis experimentis & argumentis declarant, adeoque quoniam etiam in cerebro communis illa sanguinis in serum & sanguinem directio contingit, uti hic, sic etiam illud, restagnare & colligi præter naturam potest, præsertim quod glandulæ plexus choroidis depurationi lymphæ destinata, quod *Vieussensio* observare contigit, hinc tumidiores deprehendantur.

DISSERTATIO XXII.

De

SPIRITUUM DISTRIBUTIONE.

§. I.

Eluidum illud subtilissimum & summè activum, quod sub spirituum nomine in glandulosâ cerebri, cerebelli & medullæ spinalis substantiâ secernitur, maximi in corpore animalis usus est. Etenim (1) omnibus partibus vitalem activitatem tribuit, tonum concedit, atque ad actiones earum instituendas necessariò requiritur: (2) quamvis materiam nutritioni non præbeat, efficienter tamen ad eam concurrit: (3) motûs, & (4) sensûs primarium aut immediatum magis instrumentum adeoque illud etiam est, quo mens & corpus invicem communicant. Quis ergo exinde non ejus in omnibus partibus præsentiam necessariam, & ubique diffundi & distribui debere innuat? Liceat verò sub distributione spirituum nunc tantùm organa, & eam blandam, æqvabilem, atque perpetuam undulationem, quibus ad omnes partes deducuntur, ab iisque reducuntur, & impellens, describere. Qvippe quomodo in diversis actionibus se gerant, in antecedentibus delineavimus; quomodo ad nutritionem faciant, suo impulsu motum producant, in sensatione afficiantur, & mentis atque corporis commercium conservent, in specie prosequemur. Quinimò continuus ille & indifferens spirituum ad totum corpus motus, & ad actiones illas instituendas, & earum phænomena explicanda prærequiritur.

§. II. Organum distributionis hujus, & dein etiam motûs & sensationis præstandæ sunt fibræ medullares, & nervi. Nimirum, quòd nervum, hic strictius & propriè magis accipiamus, cùm *Galeno* ligamenta etiam & tendines nervosi vocentur. Illos autem non nisi medullarium fibrarum collectiones esse in dissert. XX. §. XV. annotavimus. Scilicet eadem ve-

Y

luc

lut excretoria vasa sunt, quibus secretum in glandulis fluidum excipiant, & ad partes deportent. Atque hinc in cerebro & cerebello cineritiæ substantiæ fibrosa & medullaris ubiqve intertexta invenitur. Hinc glandulosa in cerebro & cerebello extimum, in medullâ spinali interiorem locum & situm, medullaris contrarium, obtinet, quod illic à superficie & summitate, quod secretum est, ad intimiora, & per calvariæ basin ad inferiora; hinc ex interioribus ad exteriora, & ad latera utrinque per vertebra, deduci debere ipsa partium structura & locatio doceat. Atque quemadmodum *Borellus* spongiosam adhuc aliam substantiam in nervis frustra effingit, ita *Blasius* quoque in eorum descriptione à scopo aberrat, dum solum meningis piæ productiones eosdem appellavit. Itaque cum ex pluribus fibris coagmententur, tenui, & extra calvariam quoque crassâ meninge obvolutis, in aprico est, plures quasi canales in iisdem inveniri, non quod eorum vice fungantur, cum eodem *Borello*, tubuli fibris intermediis, sed quod hæ ipsæ cavæ sint. Atque id opus erat, ut nimirum in nervis motus & ad partes, & à partibus fieri soliti, & distinctæ etiam impressiones sine ulla confusione ad cerebrum & sensorium commune pertingere possint. Illi verò, qui duriores sunt, motui præsertim, qui molliores, sensui imprimis dicati videntur. Omnes tamen nervi vel immediate ex ἐγκεφάλῳ prodeunt, vel ex medullâ spinali, quæ cum oblongatâ intra cranium non nisi tanquam nervorum quidam truncus considerari debet, à quo reliqui, velut ramuli, disseminantur, saltem, quod corticalem quoque substantiam contineat, quâ illi carent. Dabimus proin nervorum, tam ratione exortûs, quàm partium, ad quas accedunt, brevem sciagraphiam, quatenus hæc, si ulla doctrina, ad diversarum partium consensum intelligendum plurimum confert. Duces verò sequemur *Willisium*, *Blasium*, *Bidloum*, *Vieussenum*, & præcipue *DuVerneyum*, quod hujus præsertim auspiciis integram nevrographiam in subjectis humanis persequi, & oculis usurpare concessum fuerit.

§. III. Illorum, qui ex ἐγκεφάλῳ veniunt utrinque primum par, olfactorium, veteribus processuum mammillarium nomine, ab antica parte corporum striatorum exoritur, & per ossis cribrosi foramina
nula

nula fibrillas suas ad nares spargit. In brutis quibusdam cavi sunt, ut *Willisus*, *Diemerbrakius*, alique plures existiment, colluviem ventriculorum per eos ad nares evacuari. At cum tales in homine non inveniuntur, imò cavitas ad os ethmoideum in illis quoque occludatur, veritati consentaneum non est, præsertim cum in hydrocephalo ferum è ventriculis ad nares non perveniat. Hisce nervis socia emanare vasa sangvinea *Vieussens* notat, mediantibus quibus hæmorrhagiæ interdum contingant.

§. IV. Secunda conjugatio nervorum opticorum est, qui è thalamis suis, fibris ex medullæ oblongatæ cruribus ausi procedunt, & prope infundibulum invicem, fibris tamen non confusis, junguntur, hinc iterum divisi prope sellæ equinæ processum anticum calvariam elabuntur, & tertii atque quinti paris furculis quasi circumligati in oculi orbitam terminantur. His addimus tertium par, quod oculorum motorium appellatur, & à basi caudicis medullaris vicino utrinque exitu oriundum, per secundum calvariæ foramen oblongum, sub processibus anterioribus ossis sphenoidis, egressum in quatuor ramos dividitur, quæ in musculos oculi attolentem, deprimentem, adducentem & obliquum minorem, palpebræque attolentem distribuuntur. Quartum autem par, patheticum *Williso* dictum, *Fallopio* octavum, prope testes à summitate medullæ oblongatæ, & anteriore processûs annularis parte emergit, & antrorsum reclinatum eodem cum antecedenti pari foramine exiens trochleatoribus musculis implantatur.

§. V. Quintum par, gustatorium etiam nuncupatum, ad latera processûs annularis pluribus fibris originem trahit, & secundum *Vieussenium* in duos, *DuVerneyo* autem monstrante in tres, ramos dividitur. Primus eidem audit opthalmicus, & eodem cum antecedentibus foramine egressus per varios furculos tunicæ adnatæ, scleroticæ, nervo optico, glandulis lachrymali, innominatæ, palpebris, naso, frontis musculo, &c. prospicit. Secundus, qui furculus inferior antiqui rami *Vieussenio* vocatur, variis ramificationibus genis, labiis, naso, palato, uvulæ, fauciumque partibus aliis impenditur. Tertius

per quintum calvariae foramen emanans, furculum unum mittit ad temporales musculos, alium ad masseterem, alium ad aurem externam & tympanum, parotides, buccinatorem, genasque diffeminat, qui etiam descendens ad angulum maxillae inferioris ad linguam, glandulasque substratas procedit, & ipsam quoque maxillam inferiorem subiens ad singulorum dentium radices filamenta emittit.

§. VI. Sextum par, timidum quoque appellatur, & ab inferiore parte processus annularis prodiens antrorsum tendit, atque ramulum emittit, qui cum quinta conjugationis primi rami furculo quodam intercostalem nervum format, de quo inferius: aliis vero musculo abducenti inferitur, ut proin cum tertio & quarto pari oculorum motui quoque inserviat.

§. VII. Septimum par acusticum, sive auditorium est, & a posteriore parte protuberantiae annularis duplici ramo, inter se per fibrillas communicante, oriens, per foramen septimum, secundum computationem *Viëussenii*, cranium excedit. Alter hinc ramus superior, mollior, sed crassior, sensui praesertim destinatur, & aurem ingreditur, uno ramulo cochleae modiolum, duobus reliquis vestibulum & semicirculares canaliculos obvelat. Alter inferior & durior varias ramificationes, partim ad aurem, tam externam, quam internam, emittit, tympani quoque chordam constituens, partim ad masseterem, frontem, palpebras, parotides, salivares ductus, genas, labia, & faciei integumenta spargit. Augetur etiam ejus ramulus accessione à nervi quinti paris furculo; quam verò ex octavo quoque *Willisius*, *Viëussens*, & *Bidley* supponunt, in brutorum, non autem hominum, cadaveribus inveniri *DuVerneyus* ostendit.

§. VIII. Octava conjugatio veteribus sexta audiebat, & ex lateribus medullae oblongatae, prope eminentias olivares, & à processibus medullaribus à cerebello venientibus variis fibrillis prodiens, per foramen venae jugulari internae exitum concedens, calvariam transit. Par hoc, cum variis partibus adducatur, vagum nominari solet, & pra aliis attentam hinc magis considerationem efflagirat. Jungitur eidem

(in

in hoc exitu nervus spinalis, siue accessorius *Willisio* dictus, quod è spinali medullâ prope quarti ejus paris principium intra cranium ascendat, & octavo pari associetur. Comuni quidem cum illo à durâ meninge involucro, distincto licet sint corpore, vestitur, & totus ferè in musculum trapezium absumitur. Nervi autem octavi paris extra calvariâ, in quadrupedibus toto intercostali, in homine uno alterove tantum ejus furculo locupletati formant plexum illum olivarem *Fallopîi*, hinc ramum emittunt, qui nerveis fibris cum secundo spinalium pari unitus cervicis, laryngis & œsophagi musculis inseritur. Pectoris tunc cavum ingressi ex novo plexu nervum recurrentem emittunt, quatenus in dextro latere arteriâ axillarem, in sinistro aortam descendantem circumit, & ad superiora reflexus imprimis laryngi & pharyngi prospicit, postquam etiam ramulos ad pericardium & cor emisit. Aliis autem nervus octavi paris emanantibus ramulis aortæ, gulæ, trachæ, pulmonibus, pericardio, cordiqve ipsi confert. Diaphragmate perforato ventriculo, pancreati, & in dextrâ regione hepatis quoque destinatur, in plexu mesenterii desinens.

§. IX. Antequam ad reliquas conjugationes procedimus, nervum intercostalem, promissi memores, observare necessarium est, præsertim, cum crebra ejus cum octavi paris nervis communicatio sit. Coalescit ille ex quinti & sexti paris ramulis in unum truncum, & carotidi internæ comes, ad latera sellæ turcicæ utrinque egreditur calvariâ. In cervice, thorace & abdomine varios tumores suscipit, & utrinque annuli instar axillares arterias circumligat, hinc verò ad finem costarum protenditur, nervulorumqve spinalium accretione locupletatur. Cervicis musculis, laryngi itidem & gulæ, pulmonibus, ipsi cordi & diaphragmati inseritur. Infra hoc ventriculo; hepatis, lienis, renibus, intestinis, organis generationi inservientibus, implantatur, & per plexus mesentericos partium harum commercium declarat, imò cum nervis ossis sacri coalescens quoque ad crura communicat.

§. X. *Bidlous*, qui nervos intercostales pro octavo, vagum pro nono, spinales pro decimo pari refert, id undecimum & complexum dicit, quod *Willisio*, *Vieussenio*, *DuVerneyo* nonum constituitur, quod

spinales pro accessoriis, intercostales pro compositis habeantur. Oritur id à processibus olivaribus ex variis iterum fibris, & quia per notum foramen cranium deferens ad linguæ, præsertim ossis hyoidis, musculos distribuitur, linguæ motorium nuncupant, quamvis & gustui, ramulos suos linguæ papillis concedendo conferat. Decimum par *Bidloo* occipitale, aliis cervicis motorium dicitur, & ab inferiore processuum olivarium parte procedens intra os occipitale & primam vertebra exit, & cervicis musculis caput reclinantibus implantatur.

§. XI. Ex medullâ spinali utrinque nervi, tam ab antica, quam posticâ parte prodeunt, postmodum verò uniuntur, & plexum, paucis exceptis, formando, simplice ut plurimum ductu ulterius distribuuntur. Triginta sunt, quæ hinc emergunt paria; septem colli, aut cervicis, duodecim dorsi, quinque lumborum, & sex ossis sacri. Præter verò primum & ultimum intermedi omnes nervi spinales surculum intercostali nervo concedunt. Primum autem cervicalium ad musculos exteriores colli abit. Ex secundo, ut & tertio, ad aurem externam ramuli distribuuntur, cæterum quoque ad musculos extensores colli, claviculares & scapulares secedentes. Ex hoc tertio pari à quarto, imò etiam interdum quinti paris ramulo auctus prodit diaphragmaticus. Ex quarto verò, quinto, sexto, septimo colli, & primo, aut etiam secundo, dorsi nervi brachiorum originem sumunt. Quæ hinc sequuntur sex paria thoracis partibus externis, mammis, item pleuræ, & mediastino famulantur. Quinque ultima in musculos abdominis disperguntur. Lumbares omnes inter se communicant, quorum primum & secundum par ad latus ossis ilium natibus, pudendorum labiis, clitoridi, scroto, glandulisque ingvinalibus prospicit. Tertium & quartum ministrant vesicæ, peni, & vicinis partibus, coalescunt verò in unum, & per foramen ovale ossis ischii tibiâ accedunt, nervumque cruralem anticum constituunt. Quintum par lumbare cum quatuor paribus ossis sacri constituit nervum cruralem posticum, ischiaticum dictum *DuVerneyo*, qui in femora, tibiâ & pedes diffunditur; non autem per foramina ossis sacri, sed pelyim, ad crura dispergitur. Quintum ossis sacri par ad anum

anum ejusqve sphincterem deferatur, ultimum verò ad ossa coccygis, ejusqve integumenta.

§. XII. Per hos ergo canales, vel ex ἐγκεφάλῳ, vel medullâ spinali, fluidum spirituum ad omnes partes derivatur. Et quomodum præter octavum par, nervosqve intercostales reliqui à cerebro oriundi ferme tantum in capite finiuntur, ita nominati illi præsertim ad inferiores partes disseminantur, & cum spinalibus hinc inde communicant, ut sic iisdem in animali vivo refectis, ex affluxus hujus impedimento, Vieussenio notante, viribus sensim labentibus, paucis horis mors subsequatur. Duplex verò in nervis ille motus est, accessorius & reductorius. Illo spiritus ad omnes partes mandantur, hóc redeunt, & veluti circulationem quandam adornant. Enimvero hoc vel continuò fit, vel per vices, & quidem tam quòd ad motum parti inducendum novo impulsu opus sit, quàm quòd ad sensationem percipiendam objectorum impressio ad sensorium commune deferatur.

§. XIII. Qvis in sensu & motu spirituum per nervos motus sit, & unde determinentur, suo loco dicetur. Nunc de continuâ secretorum spirituum ad partes undulatione dicendum, quâ & partibus accedunt, & nervos replent, ut iisdem quasi turgidi deinceps vel novo impulsu motum præstare, vel objectorum motus facilius suscipere & deportare ad cerebrum valeant. Illa ergo unde fit, & quid spiritus ad partes propellit? Motus id præstat cerebri & medullæ spinalis. Cerebrum enim suam habet systolen, suam diastolen, evidenter satis, & ipsis sensibus perceptibilem, quæ durante vitâ continua est, ut hinc infantes à subsidentia ejus, per fontanellam cognoscendâ, in agone constitui judicentur. Motus hic à sanguinis appulsu non incongruè derivatur, quatenus in arteriarum diastole, omnibus illis dilatatis magis & explicatis, connexæ & intertextæ cerebri partes velut elevantur, & diastolen cerebri efficiunt. Et quòd huic muneri vacare commodius possint, tenuitas arteriarum hæc, quàm alibi, major favore quàm maximè videtur. In arteriarum systole extensæ fibræ iterum subsident, adeoque ut systolen cerebrum instituat, concedunt.

Qve-

Quemadmodum verò in illo motu sanguis glandulas corticales accedit, & respondens illarum conformationi fluidum, spiritus nimirum, trajicitur, reliquo sanguine per venulas, lymphâ per lymphatica, reductis; ita subsidente cerebro, collabentibus aut quasi contractis fibris spiritus per eorum canaliculos versus partes per nervos adiguntur. Similis ergo motus, quamvis ad eum evidens, sed minor quasi micatio, in medullâ spinali est, pollicem nobis premente *Blasio*, quod si milis in illis vasorum ferme distributio observetur.

§. XIV. Est tamen & aliqua per nervos, quantum mihi videtur, spirituum regurgitatio. Quemadmodum enim subsidente cerebro fluidum illud ad partes adigitur, & ex harum tono, & constructione naturali renitentiam quandam experitur: ita hæc, & quam motu per angustatos successivè canales experiri mechanicâ necessitate debet, ad refluxum aliqualem eos necessario disponit. Quibus rite consideratis facile erit phænomena nutritionis, motus, & sensationum specialius nunc determinanda, eruere.



DISSERTATIO XXIII.

De

NUTRITIONE.

§. I.



Hylosoeos negotio, sanguinis utroque motu, variis in corpore secretionibus, & spirituum distributione probe intellectis facilius est nutritionem rimari. Ea enim omnium velut eorum effectus haberi potest. Scilicet nutritionem vocamus eam actionem, quâ corporis integritas præstatur, quod & superflua aut noxia eidem partes removeantur, & in locum deperditarum convenientes alia succedant. Integritatem corporis dicimus congruam partium ejus proportionem, quâ tam solida, quàm fluida, justâ quantitate & qualitate, atque mutuâ agendi habitudine gaudent, & muniis suis obeundis apta sunt. Necessaria ergo est partium ad nutritionem superfluarum & noxiarum omninò remotio. Nam partim alimenta non tam ad necessitatis & congruitatis mensuram, quàm appetitûs, palatiqve fallendi gratiâ, adeoque nunc plura, nunc minus convenientia, capiuntur: partim aer inspiratus quoque anni tempestatum, climatum, effluviorumque sibi immixtorum ratione, non semper œconomia animali conformis est. Proinde quæ corpori & oneri, & nocumento forent, hinc provenire possent, nisi tempestivè & congruè iterum removeantur. Sed quomodo hoc peragatur, in antecedentibus persequi sumus. At alterum quoque requiritur summopere, nimirum, quomodo novarum accessione locus deperditarum partium suppleatur. Quippe nec reliqua semper actiones ad virium robur mensurantur, quin contingat quotidie, ut plura dilapidentur, quàm æquum est, adeoque brevi tempore corporis ruina metuenda foret, nisi defectus iterum reparetur. Et id vice hac investigare non tam cupido incessit animo, quàm ordinis ratio postulat. Equidem non diffiteor esse quoddam inter generati-

nerationem & nutritionem discrimen, quòd sub illâ prima partium formatio, sub hac earum conservatio intelligatur. At revera conveniunt, quòd & in generatione non tam novæ partes fiant, sed stamina earum, quæ jam præstò sunt, successivè magis augeantur, & in conspectum veniant.

§. II. Nutritio duplex videtur, alia, quâ in locum deperditarum partium aliæ tantùm substituuntur, adeoque naturalis status earum conservatur; alia, quâ id cum augmento molis & quantitatis contingit, & augmentatio dicitur. Quando ipsarum partium substantia succrescit, vera, cum aliis intertextis earum moles augetur, notha appellatur. Quoniam autem non nisi gradu inter se distinguuntur, utramque jungemus, visuri materiam, partes recipientes, causam efficientem, modum, & denique differentias.

§. III. Materia, quâ nutrimur, aut unde partes nostri corporis tam augmentum capiant, quàm conserventur, uti in embryone à matre advenit, ita in hac & homine vivente ab alimentis est. Horum enim penuriâ & pravitate deficimus, abundantia & bonitate nutrimur. At cum hæc cruda in corporis emolumentum non cedant, quænam immediata magis nutritionis & augmentationis materia sit, quæritur? Alia veterum, alia recentiorum est sententia. Antiquitus vel sanguinem, ex chylo per venas mesaraicas exsucto in hepate formatum, vel cum eo humorem quendam nutritium, sub roris aut cambii nomine à singulis membris attrahi & assimilari existimabant. Verùm sanguinis illa purpura nutrimentum corporis non est, quatenus ea ex globulis constat, qui ob figuram nec omnibus & diversis adeò partibus congrui sunt, nec appositionem commodam admittunt. Accedit, quòd in inedia pereuntibus & emaciatis nullum sanguinis defectum experiamur.

§. IV. Ex Neotericis alii sunt, qui è nervis succum quendam nutritium venire opinantur, alii, qui lympham nutritionem præstare putant. Dogma illud, ceu dissert. XXI. §. XII. docuimus, Anglis præsertim in popularem velut consensum adolevit. Sed quamvis liquorem aliquem spirituosum per nervos ferri fingeremus, subtilior tamen, atque minore in quantitate, quàm ut omnibus partibus nutrien-

dis

dis sufficeret, præsertim, cum succulentia talis, & copiosa quidem nervis renuente experientiâ affingatur.

§. V. Lympha restat, quæ quidem ut talis pariter nutrimentum non est, quatenus, uti de sanguine diximus, animalia inediâ macerata pariter lymphâ non destituuntur, & turgescere licet illa intra vasa contabescunt: ast, quatenus particulis chylosis ea turget, easque ad sanguinem, & cum eo ad partes deferat. Chylosas enim has in fero partes nutritias esse, inde anguramur, 1.) quod chylus ob particulas gelatinosas & oleosas eidem concrefcibilitatem concedat, quæ insignem ad nutriendum aptitudinem declarat: 2.) partibus diversis congruam materiam foveat, cum ex adeo diversis alimentis eliciatur: 3.) alimenta, quæ multum chyli concedunt, melius etiam nutrire soleant; 4.) alimentorum copia aut sufficientia meliorem nutritionem, penuria contabescentiam inducat, cum illic debitus, hîc parior chyli proventus sit. Accedit, quod non modò in junioribus subjectis, & quamdiu adhuc crescunt, plus gelatinosæ substantiæ ejusmodi invenitur, quam senibus, imò etiam hinc illa uberiora alimenta his desiderant.

§. VI. Quemadmodum verò ex diversi generis staminibus diversas adeo nostri corporis partes contexi necessum est, quamvis aliæ tantum substantiæ modo diverso, i. e. fibrarum earundem majore laxitate aut stricturâ, aliâ contorsione gaudeant: ita etiam chylus non unius generis partibus constat. Etiam si enim omnes sub gelatinosarum & oleosarum genere comprehendamus, eas tamen non unius speciei esse in chyli analysi monuimus, quatenus etiam ex diversis adeo alimentis evolvantur, licet habitudinis illius rationem ultimò determinare nequeamus. Enimvero partes hæ lymphæ nutritiæ non, quod *Bilfo* placuit, per vasa lymphatica ad partes accedunt, cum contrarium in iis motum, aliumque iisdem usum in antecedentibus asseruerimus: sed cum sanguine arterioso ad omnes partes derivantur, qui vehiculum portionis nutritiæ eapropter non incongruè appellatur.

§. VII. Quod partes nutriendas attinet, eo nomine omnia nostri corporis membra veniunt, quæ partim, usque dum ad *axillâ* pervenerunt, quoad substantiam succrescunt, partim deinceps recipiendo intra sua, interstitia tomentum plus minus au-

geri solent. Non ergò dubitandum est, illic similes particulas, quales sunt primorum staminum, membranarum, tendinibus, cartilaginibus, ossibus, vasis, glandulis, musculis, accedere, adeoque eadem nutrire. At hinc partes sufficienter formatæ intermedio quasi succo intumescunt, & proinde pro abundantia partium nutritiarum mole turgent, pro penuria collabuntur. Non quòd quoad substantiam vel augeantur, vel imminuantur, sed partes nutritiæ & gelatinosæ intra interstitia sua condantur, aut etiam iterum resolvantur, adeoque velut ipsarum substantiæ aliquid accessisse vel decessisse videatur. Posterior hæc partium nutriendarum conditio facilius patescit, prior abstrusa magis est. Non incongruè *Taurinus* sibi concipit fibras mole augendas obtinere quasdam cellulas, modò plures secundum longitudinem, modò secundum latitudinem, prout partis natura & conformatio desiderat: eas verò ad certam mensuram tantum esse dilatabiles, quam cum attigerint, non amplius crescere. Et fibrarum certa ad suscipiendas similes partes dispositio requiritur. Eapropter etiam non modò in junioribus subjectis ob fibrarum teneritudinem & mollitiem facilius & major accretio contingit, sed & prout specialiter rigidiores aut molliores aliis atque aliis, & hinc plus minus dilatabiles obtigerunt, tam ipsum corpus ad diversam molem succrescit, quam deinceps etiam ad plus vel minus nutrimenti suscipiendum dispositum est.

VIII. Sicuti autem hæc specifica partium habitudo ipso jam ovulo inexistens determinare videtur, quæ partes, & quales fieri, & quousque augeri debeant, atque cum sanguine materia alibilis cuique debita apportatur; ita facile nunc erit dirimere, quid efficientis partes gerat? Non proinde opus est, facultatem quandam, aut spiritum plasticum concipere alium, quam ipsos motus vitales, à diversâ organisatione solidarum, & fluidarum mixturâ, atque utrarumque mutuâ habitudine dependentes. Est equidem seminis masculini activa portio, quam spiritum quoque, si cuiquam magis volupe sit, appellare facile possemus, quæ motus illos vitales inchoat. Sed quemadmodum ipsa partium in ovulo dispositio ejus actionem variè determinat, ut, si congrua fuerit, in fœtum, sin minus, in molam, vertatur, ita etiam succi alimentaris diversa ratio negotium variat. Itaque prout in ge-

nera-

nerationis negotio, utpote cujus continuatio nutritio est, spiritus ille aliud in organificandis partibus regimen vix instituit, neque deinceps tantillum ejus pro totâ formatione præstandâ sufficit, ita nec in nutritione facultas ejusmodi plastica continuata alia requiritur, quàm quòd motus vitales semel cœpti pro circumstantiis requisitis continuantur. Sic e.g. in horologii avtomato motus ad horarum intervalla indicanda non sponte & à se ipsis oriuntur, sed opus est, quò motore alio in actum deducantur. Imo deinceps eo licet non amplius agente aut præsentē, pro avtomati illius & partium ejus tantum constructione, insertionē &c. motus illi variè instituuntur, breviores & longiores sunt. Quod si ergo tota etiam in homine vitalitas ab illâ partium habitudine, prout dissertationē III. evicimus, dependet, neque præsidium cujusdam facultatis, aut directorium animæ cujusdam peculiaris sensitivæ efflagitat; non etiam necesse erit, tale quoddam ens in nutritione fingere. Enimverò efficientis in nutritione partes gerit 1.) motus sanguinis, tam circularis, debitam alimoniam apportando, quàm intestinalis, partes nutritias in congruitatem modificando, & à reliquis evolvendo: 2.) fluidi spirituosī per nervos accessio, quatenus non modò instrumentum primarium illorum motuum est, sed & activitate suâ ad evolvendas & assimilandas partes nutritias requiritur. Ita tamen, ut partium habitudo, & succi alibilis varia conditio actionem illam variè moderentur & determinent.

§. IX. Ex his nunc facilius de modo nutritionis ferre sententiam licebit. Scilicet cum sanguine arterioso materia nutritia appellit ad partes, intestino motu vitali præfertim charactere imbuta. Ubique ergo poros conformes nanciscitur, aut superficies respondentē nvenit, materia alibilis iisdem jungitur, quòd physicorum experimentis constat, quòd magis corpora superficiebus sunt æqualia, eò firmitus coherere, quòd pluribus in punctis se contingant. Et quamvis pressio quoque aliquæ ad eorum combinationem desideretur, quòd in vacuo Boyliano talia corpora conjuncta non maneant, æqualitas tamen superficierum pro pressione ejusmodi & connexionē firmiore sustinenda requiritur, quòd non quævis corpora, sed e.g. marmora accuratè polita, aut etiam vitra cohesionem talem experiantur. Neque illa

vis premens deest, quatenus appulsu sanguinis continuo, ne iterum dilabantur, partes appositæ firmanantur. Proinde quævis partes ex chylo cum sanguine accedente debitas & respondentes sibi particulas admittunt, & mole augentur, dum residuum per venas & vasa lymphatica iterum reducitur. Quamdiu ergo ipsa substantia augetur, aut admittendis ulterius partibus nutritiis apta est, vera vocatur nutritio, & augmentatio est; postmodum verò intra interstitia partium molliorum gelatinosæ partes congeruntur, ut eadem hinc intumescant. Revera tamen ipsæ suâ substantiâ non augentur, quæ etiam interdum salvâ substantiâ partium iterum eluuntur & secedunt, quamvis illæ sic magis collabentibus fibris mole imminui videantur. Atque id præstant chylosæ aut gelatinosæ lymphæ particule, ulterius tamen circulationibus per corpus præparatæ & accommodatæ, ut nimirum in partium nutrimentum cedant, quod veteres assimilari dicebant. Salinæ verò in lymphâ partes ad nutritionem præstandam congrua materia non sunt, quod potius ob rigiditatem stamina partium abradant, quàm iisdem se accommodari permittant. Et sic videmus in subjectis scorbuticis, quod si illis abundaverint, neque lymphâ sufficienter diluantur, & gelatinosarum admixtione temperentur, eadem minùs nutriri, sed potius emaciari. Interim tamen opus pariter est, si nutriri corpus debeat, ut superflua aut minùs congruæ partes secernantur, & excernantur, id quomodo per alvum, urinam & διαπνοήν contingat, ex antecedentibus constat. Variat nihilominus nutritionis ratio secundum ætatem, sexum & temperamenta.

§. X. Quod ætatem attinet, à primâ nativitate ad annum fere vigesimum quintum totum corpus quoad omnes dimensiones succrescit; partes quæ ipsæ quoad substantiam augentur, & successivè debitam firmitudinem acquirunt. Reliquo tempore, & cum ad ἀκμὴν pervenerunt, in quibusdam quoad latitudinem corpus & habitus succrescere videtur, quod materia aliàs augmento partium destinata, iis nihil amplius alimonie admittentibus, ad interstitia partium molliorum condatur. Senio verò appropinquante corpus iterum non tam substantiâ, sed intertextis partibus, absumtis, aliis etiam magis induratis & exsiccatis, decrescit. Atque hinc est, quod in senum

sangvi-

sangvine non tantam materiæ gelatinosæ quantitatem, imò fere nihil, sed majorem in juvenibus & infantibus deprehendamus. Quinimo differens hæc secundum ætatem nutritio diversa alimentorum genera postulat; quatenus in pueris, & quamdiu corpus crescit, ea & copiosiora, & crebriora, & *εὐχyuα* quàm maximè requiruntur, & infantibus præsertim molliora, partim quòd ob corporis augmentationem plures partes nutritiæ desiderantur, partim quòd solidioribus dissolvendis & assimilandis tenera adhuc partium constitutio vix adæqvata sit. Consistente verò ætate solidiora postulantur, & in senectute iterum *εὐχyuα καὶ εὐπρεπία*, tùm ut defectum gelatinositatis supplere nitamur, tùm quòd digestio, ut reliquæ actiones, tam validæ amplius non sint.

§. XI. Variat tamen nutritionem etiam sexus, quatenus in feminis præsertim mensium fluxus, imprægnatio, puerperium, & lactatio insignes mutationes inducunt. In sexu quidem nobiliore tale quid non accidit, id verò pariter attendi meretur, quòd ea materia, quæ corpori nutriendo & augmentando impendebatur, postmodum in feminis generationem transeat, quod in primis annis omninò deficit, corpore autem nondum ad *ἀνυήν* perducto, si citius & uberius profundatur, emaciatum, pusillum, & minùs longævum corpus reddit. Scilicet primò in sui ipsius incolumitatem & integritatem intenta, quæ obtentâ demum de materiâ pro speciei productione sollicita natura est.

§. XII. Maximum verò in nutritione discrimen à temperamenti est, de quibus tantain scholis contentio, & frequens in ore vulgi sermo est. Hæc olim à primarum qualitatum mixturâ, nunc æquali ad pondus, aut ad justiciam, nunc inæquali, deducebant, & quatuor præsertim constituebant secundum quatuor humores sanguinis prædominantes denominata. Aliud enim dicebant calidum & humidum, quod sanguineum dicendum foret; aliud calidum & siccum, sive cholicum; aliud frigidum & humidum, sive phlegmaticum; aliud frigidum & siccum, sive melancholicum. Alia quoque composita fingeant. At prout de qualitatibus differt.

II. §. XVI. sententiam jam tulimus, ita humores quoque fictos esse

ex differt. XII. patet. Attamen negandum non est, esse quandam & individualement fere hominum diversitatem, quam temperamenti notione designare licebit. Id verò prout in solidis partibus non nisi congrua earum conformatio est, fibrarum in aliis major firmitudo, aut rigiditas, in aliis laxitas, &c. ratione cujus actiones suas fortius, crebrius, aut etiam difficiliter instituant, ita præsertim fluidarum mixtura diversa est. Quando enim particula quædam in sanguine sunt crassiores, serumque inspissatum magis est, atque hinc ob minorem fluiditatem motus sunt tardiores, temperamentum dicitur phlegmaticum. Quando particula ad sunt terrestres magis, & sero diluente destituta, atque hinc motus non modo tardius, sed inordinatè magis peraguntur, melancholicum audit. Quando sanguinis partes sunt attenuata, facileque mobiles, & humores fluidiores, vocatur cholicum. Quando verò accurata quoad omnes proportionem mixtura sanguinis & motus est, appellatur sanguineum. Hoc autem ultimum solum strictiore sensu ad sanitatis statum pertinet, quod reliqua vel in excessu, vel in defectu, proportionem non servant.



MOTUS IN HOMINE DIFFERENTIIIS, INSTRUMENTIS, ET MODO.

§. I.



A B hæmatosi, sanguinisq; motu, & spirituum doctrinâ, ad motum & sensum procedimus, quod ex iis rectius fluant, quàm cum à *Galen*i affectis facultatibus locomotivæ, & sensitivæ ascribebantur. Nemo vero miretur, cur contrario aliis physiologis ordine, motum ante sensationem tradamus, cum tamen in illo hanc prærequiri arbitrentur. At quemadmodum facile mox apparebit, multos in animali motus sine prævio appetitu, aut sensu fieri, ita in sequentibus insimul constabit, omnes sensationes, quoad corpus, non nisi motus quasdam species esse.

§. II. Motum ergo nunc tractare est animus, non ut modum corporis in genere, sed eum, qui in homine, & ab homine peragitur, & localis est. De corpore verò ejus sermo est, tanquam animato, i.e. quod ab interno motore nunc totam molem, nunc ejus partes impellat, viciniam & contiguitatem mutet, motumq; iterum sistat, aut quietem partibus imperet. His enim motus animalis distinguitur ab illo, qui de fluidis, liquidisq; inanimatis prædicatur. Imò singularis quoque est ab eo, quo in vegetationis negotio succi nutritii in plantis distributio, ab atmosphæræ præsertim habitudine, dependet, quamvis & ex horum motuum duratione, æque ac in animalibus, vitæ præsentiam colligamus. Neq; ullis corporibus aliis competit, utpote, quæ non nisi ab alio impellente moveri, aut vi externâ in motu sisti possunt, dum animalia reliqua, & homo, se ipsum, suasq; partes, & moveri, & quiescere jubet.

§. III. Ut proinde motus animalis, & in specie hominis, distinctius nosse liceat, non congruum videtur, antiquam calcare semitam, & eosdem uno sensu in naturales & spontaneos dirimere. Olim enim naturalem dicebant, qui sine præviâ cognitione, à visceribus musculo destitutis, institueretur, & præsertim in actionibus iisdem vocatis na-

turalibus & vitalibus, à distinctis facultatibus & spiritibus, atq; etiam instrumentis, exereretur. Spontaneum verò vocabant, quo animalia & membra movere, & se de loco in locum transferre valerent, qui musculos tanquam instrumentum proprium agnosceret, à spiritibus animalibus præstaretur, & semper ab appetitu aut cognitione boni & mali, hujus nimirum aversione, illius cupidine, proveniret, hinc etiam elicitus dici debeat. Enimvero (1) veritati minùs consentaneum est, à diversis spiritibus motus in animali provenire. Quippe, si nervis ligatis aut scissis, cerebro aut cerebello compresso, animalis spiritus accessio ad partes tam naturales, quam vitales vocari solitas inhibeatur, motus earum & actiones fatiscunt, cum si à proprio quodam agerentur spiritu, id non æque contingere possit. Neque etiam (2) probari potest, viscera musculo destitui, hunc verò solius motus spontanei instrumentum esse. Etiam si enim hic sine musculo peragi nequeat, viscera tamen musculosâ structurâ non omnimodè destituuntur, quòd hodierna anatome in œsophago, ventriculo, intestinis, renibus, ureteribus, vesicâ, venis, arteriis, pulmonibus, liene, aliisque fibras musculares detexerit, imò totam cordis structuram musculosam asseruerit. Sic sphincteres, quos musculos esse novimus, motus quoque interdum naturales præstare, quis est, qui nescit? Quapropter non inconveniens erit, musculum cum *Stenone* motus spontanei instrumentum pronuntiare, sine quo peragi nequeat, at nec omnem musculum eidem dicari, imò quosdam modò huic, modò naturali, vacare. Denicò (3) infirmo stare talo videtur, quòd plurimi omnes motus spontaneos, & semper, à voluntate aut appetitu quodam, imò aliqui motus quoque naturales, & vitales, procedere supponant. Sic enim, *Kypero* referente, naturalem ἐπιθυμίαν, sive concupiscentiam; vitalem θυμὸν, sive iram; animalem βέλησιν, sive voluntatem, sequi. At prout priores bini mentis imperio non subsunt, neque nos eorum ullo modo conscii sumus, atque etiam sine sensatione, strictè ita dicendâ, mechanicâ necessitate peraguntur; ita quoque motus animales & progressivi interdum sine mentis directione, in homine quoque, ut bruta taceam, instituuntur, quæ partim ex differt. I. & III. patent, partim ex sequentibus clariora fient.

§. IV. Concessum itaque sit motus in homine fieri solitos sine præjudicio considerare, & distinguere (1) ratione illius, quod movetur, in motus totius & partium. Totius voco, quando tota moles situm inter alia corpora, imò etiam magnitudinem, figuram suam simul va-

riè mutat, sive id gressu, sive saltu, sive natatu contingat; volatus enim solis pennatis competens ad nos non pertinet. Partium motus appello, tùm quando fluida de parte in partem impelluntur, e. g. sanguis in circulum agitur, urina ex renibus ad ureteres, ex his ad vesicam, ex hac extra corpus pellitur, &c. tùm quando solida, vel singula, vel plures, simplices aut composita magis; sive internae fuerint, viscerum nomine, sive externae, & artus audiant, contrahuntur, explanantur, intorquentur, ad alias accedunt, ab aliis recedunt, aut alia ratione pro sua conformatione aut actionis exigentia magnitudinem, figuram, aut situm mutant, dum interim tota moles eodem loco defixa manet. Quidam verò ex motibus illis (2) à duratione alii dicendi sunt continui, alii per vices. Illi, qui sine ulla intermissione, durante vita, fiunt, sunt motus cordis, diaphragmatis, &c. His annumeramus motus membrorum, sphincterum, &c. prout necessitas, aut appetitus etiam noster efflagitaverit.

§. V. Enimvero (3) omnes in homine motus, sive totius, sive partium; sive continui, sive interrupti fuerint, ratione principii, à quo prodeunt, in classes quovque suas referre conveniet. Cum machinam corpus humanum comparationem admittere locis allegatis ostensum est. Illa non modò à partium suarum reciproca ad agendum & reagendum habitudine, sed & ab externorum ambientium, quae objecta vocantur, vario afficiendi modo, varios motus instituit. Hi quòd absque praevia cognitione, & sine animae rationalis directione peragantur, involuntarii, aut non spontanei dicuntur. Quoniam verò iidem ex mutua vi ad agendum aut resistendum, tam partium inter se, quam objectorum, mechanicam planè necessitate instituuntur, quid prohibet, quò minùs tales corporeos, mechanicos, necessarios, automaticos, aut si terminum veterum retinere malis, naturales appellemus? Ejusmodi sunt digestio, motus ventriculi, & intestinorum peristalticus, circulatio sanguinis, respiratoriorum organorum ad recipiendum aërem vicissitudo, secretiones & excretiones, quae sine mentis attentione, ex mechanicà organisatione, & ad agendum habitudine, adornantur. Addimus his, quando sine eo, quòd conscius simus, imò interdum invitis nobis tùm à causâ internâ, tùm ab externâ, partes quaedam ad motus edendos adiguntur. Præterea verò à principio quovque immateriali, mente nimirum humanâ, machina illa, cum eadem arte conjuncta, variè movetur, qui motus ea propter arbitra-

bitrarii, voluntarii, spontanei, & liberi inscribuntur, & qvi ab homine geruntur.

§. VI. Tertia post hanc motuum species emergit, quos mixtos, cum *Borello*, appellare placet. Ejus farinae sunt, quando actioni ex se automatica variè dirigendæ mentis arbitrium accedit, atq; sic e. g. respirationem mechanicè contingentem voluntas ad vocem aut cantum diversimodè moderatur. Ubi simul summâ curâ attendi meretur, ex illis motibus, qvi ab antiquis, & communiter, pro merè spontaneis habentur, eos interdum tantum esse automaticos. Sic ambulatio, loquela, artuum motus pro voluntariis vulgo semper habentur, quasi nimirum à præcognitione, aut arbitrio omni tempore proficiscerentur. At enim vero, qvilibet penitus in se ipsum intentus observabit, motus illos, quamvis ut plurimum voluntatis imperio subsint, sæpè insciis & nolentibus nobis institui. Atq; ex hoc præjudicio, quasi omnes ejusmodi motus arbitrium electivum & liberum præsuppourent, nata est difficultas, ac si brutorum quoq; motus ejusmodi revera spontanei forent. Ast qvia tales in nobis quandoq; merè automatici sunt, non mirabimur in brutis eos semper à naturali principio & necessario contingere, etiamsi ratio determinationis nos sæpè fugiat, & actiones ejusmodi in machinis quàm excellentissimis, quibus ars nullas similes producere apta est, arbitrarias mentiantur. Quamobrem ut hæc dilucidius pateant, non inconsultum erit, nunc explicare, quid circa partes movendas, instrumenta, & horum in illas agendi modum generalem scitu necessarium existimem, cum in utroq; motu eadem ratione se gerant. Quomodo verò organa diversa motus suos edant, in antecedentibus descriptum est, generalis tamen movendi habitudo, tunc supposita, nunc describenda venit. Moventis autem corporei, præsertim interni, declarationem, tum quomodo ab objectis, aut etiam mentis arbitrio varii motus eveniant, in sequentium dissertationum argumenta servamus.

§. VII. Partes movendæ sunt in nostro corpore tam solidæ, quàm fluidæ. Inter has non modò sanguis in circulum agendus, lympa à peripheriâ ad centrum reducenda, & omnia nostri corporis liquida de loco in locum derivanda, sed spiritus quoq; ipsi numerantur. Etenim licet inter partes activas & moventes, & sanguinem, & spiritus referamus, inter movendas tamen locum quoq; inveniunt, quatenus sanguis in circulum abit, & spiritus ad partes, & à partibus, non spontanei.

taneitate quâdam, feruntur, sed eosdem propelli quoque opus est. Ad motum ergo suscipiendum in liquidis duo requiruntur. Alterum est, ut canalibus aut terminis solidioribus coërceantur, sic enim, quòd diffuere nequeant, pro eorum conformatione, impulsa de parte in partem transferri possunt. Alterum eadem justâ consistentiâ gaudere præcipit, quatenus crassiora aut spissiora actionem impellentium, eisdem nimis resistendo, tenuiora aut subtiliora diffuendo frustrantur. Ex solidis partibus quâdam ut immobiles consideranda sunt, e. g. os coxendicis, mandibula superior, &c. quâdam loco suo firmiter ligata, sed intestinis fibrarum tensionibus obnoxia, e. g. hepar, lien, renes, &c. quâdam magnitudinem & figuram variant, durante situ e. g. ventriculus, quando peristalticum motum exequitur, quâdam situm & viciniam inter alias partes mutare tantum aptæ sunt, manente magnitudine & figurâ, e. g. ossa maxillæ inferioris, humeri, cubiti, femoris, tibiæ, &c. Opus ergo est, ut aliæ à continuitate robur & firmitudinem obtineant, aliæ & texturâ fibrarum, & involucro ejusmodi gaudeant, quibus affluentium impetus refrænatur, dum interim per ligamenta ipsæ firmantur; aliæ flexibilibus fibris instructæ sint; aliæ tandem, quò trahi possint, extremitates mobiles habeant, & justâ cum trahentibus insertionem gaudeant. Interim verò, ut tota moles de loco in locum transferri queat, opus est primò, ut partes molliores solidioribus, ossibus nimirum, sustineantur, quatenus si molliora hæc fuerint, cujus exemplum *Sponius* refert, motus impotentiam efficiunt; secundò, ut in articulis & juncturis sint liberae, quatenus incessus, aliiqve motus flexionem præcedaneam desiderant: tertio, ut articulationis ratio motus edendi conditioni adæquata, & tandem omnium partium pro eadem obtinendâ, congrua connexio sit.

§. IIX. Instrumenta ad motum in corpore animalis necessaria, sunt vel solida, vel fluida. Ex solidis immediatum magis est non tam musculus solum, quàm quævis fibra motrix, sive ut recepto inter anatomicos recentiores termino utar, musculus tam formatus aut perfectus, quàm non formatus, informis & imperfectus. Hic est expansio quâdam carneo-fibrosa, nullâ peculiari denominatione donata, quòd fibræ motrices, singulæ magis & exsanguæ, partibus diversis intertexantur, sive simplice fibrarum serie, sive diversâ gaudeant, e. g. fibræ in cellulis pulmonum, ventriculo, intestinis, vesicâ, &c. Ille est plurimarum ejusmodi fibrarum ad se invicem collectio, certo ordine ab

aliis, imò membranâ sæpè distincta, ut hinc non modò distingui & separari ab aliis possit, sed denominationem quoq; singularem, vel ab usu, vel ab insertionè, vel figurâ, vel à situ, vel substantiâ, vel fibrarum serie, &c. susceperit, atq; hinc ali recti, ali obliqui, lati, vasti, serrati, ascendentes, descendentes, externi, interni, buccinatores, glutæi, semimembranosi, subclavii, &c. dicantur.

§. IX. Mittam cum recentioribus analogiam, quam veteres musculo cum mure intercedere putabant, atq; hinc aliam ejus partem caput, aliam ventrem, aliam caudam nuncupabant, quòd difficultates exinde plures emergant. Liceat in musculi consideratione ejus partes distinguere in communes & proprias. Communes sunt vasa, arteriæ, venæ, nervi, & lymphæ quoq; ductus, omnia enim eâ hîc communem, quam in aliis partibus adducendo & abducendo operam præstant. Partes musculo proprias cum *Stenone* dirimemus in medium & extrema. Utrarumq; eadem est substantia, quatenus ex fibris constant motricibus & membraneis. Motricium nomine cylindrulos illos voco firmos & tensiles, qui certo ordine in musculos disponuntur, & primariam eorû partem constituunt, ita tamen, ut non una continua fibra per totum musculum excurrat, sed quælibet ex minoribus adhuc aliis coagmentetur. Membraneas voco, non modò quæ exterius musculum fermè omnem investiunt, sed interius quoq; motricibus intertexuntur, easq; inter se colligant. Differunt tamen substantiæ modo, quatenus in ventre musculi fibræ illæ motrices laxius coherent, & in sua interstitia sanguinem admittere possunt, in extremis verò, sive tendinibus, arctius junguntur, qui illum eapropter excludendo albicantes magis apparent. Aponevroses hæc extrema, quòd nervea crederent, à veteribus, sed rectius tendines, appellantur: qui uti musculi ipsi, sic eidem quoq; partim fibrarum motricium, partim membranearum collectiones, aut harum duplicaturæ videntur, partibus movendis sub variâ ratione insertæ. Equidem antiquitas omnis, imò etiam *Vesalius*, *Aquapendens* & *Molinettus*, peculiarem quandam substantiam præ fibrosâ in musculis concipiebant, quæ tendinibus non competere, & carnem, aut tomentum villosum nuncupabant. At quamvis rubedo & glutinositas id innuere videantur, non tamen partes musculi integrantes, aut eidem propriæ, sed sanguinis partes residuæ sunt, qui in vivis per fibras circulatur, in mortuis grumescens concrevit, atq; hinc salvâ musculi substantiâ elui, aut etiam in tabidis secedere potest.

Quæ

Qvæ omnia prolixius dilucidata *Steno*, *Willisus*, *Malpighius*, *Leeuwenbæckius*, & alii sunt executi, qvamvis *Verneyus* apud *Hamelium* qvadantenus dissentiat, & carneas fibras à tendineis distinctas pronuntiet.

§. X. Quemadmodum verò musculi non formati præsertim partibus cavernosis, cellulosis & canaliculosis dicati videntur, ut suâ contractione fibrarum, qvæ vel longitudinales, vel spirales, vel obliquæ sunt, contenta fluidiora angustatis & abbreviatis canalibus propellant, ita musculi formati reliquis motibus destinantur, nisi qvòd cor revera à *Stenone* pro musculo demonstratum, fluido quoque sanguinis propellendo inserviat. At in modo, qvo motus præstant musculi, tantum non omnes conveniunt, scilicet fibras, qvæ carnem constituunt aut ventrem, contrahi & abbreviari, hinc musculos intumescere, atq; rigidiore reddi, & proin retrahi continuas ipsis tendineas fibras, perq; has partes, qvibus inferuntur, retrahi, sic verò eas modò inflecti, modò extendi, modò constringi, modò laxari, modò attolli, modò deprimi, &c. prout diversâ scilicet fibrarum serie, flexurâ, implantatione & circumstantiis similibus gaudeant.

§. XI. Ex solidis instrumentis aliud quoq; mediatum magis est, i.e. qvòd qvidem ipsum partes non movet, at immediato prius descripto motus potentiam affert. Nervi id sunt, qvibus ligatis, scissis, compressis, musculorum & partium, ad qvas disseminantur, motus & actio destruitur. Qvomodo verò ii ad musculorum motum faciant, inferius declarabitur.

§. XII. Instrumenta fluida duplicia quoq; sunt. Alterum est fluidum illud spirituosum, per nervos ad musculos & omnes partes movendas distribui solitum, qvatenus præsertim experimento *Belliniano* edocemur. Imo horum accessione novâ semper opus esse, ad motus in actum deducendos, mox clarius constabit. Alterum sanguis est, qvatenus ejus affluxu ad partes impedito partes ad motum impotentes reddi experimenta à *Stenone*, *Bohnio*, *Vieussenio*, memorata docent, prout de utroq; dissert. III. §. XI. seqq. prolixius jam egimus. Addimus, qvòd i sanguinis stagnationes, ysciditatesve moribus impedimento sint.

§. XIII. Modus tandem, qvo fluida hæc in musculos contrahendos agant, & sic partium motus præstent, indagandus est. Supponimus ergo nunc (1.) obtinere ferme qvemvis musculus suum antagonistam, ut altero agente patiat alter, & vice versa, eosdem velut in æquilibrio qvòdam suspendi: (2.) opus esse, si unus alterum superare debeat & prævalere, ut alteri vis nova accedat. Tendencia illa mutua summè necessaria est, ut in continuâ ad motum pronitate & aptitudine inveniantur, & manifesta redditur, qvòd non modò musculo alterutrâ in extremitate dissecto ad alteram resiliat, sed & antagonistâ resisso alter mox præ-

ponderet, & contractionem suam instituat. Et hæc reciproca libratio à *Borello* propria fibræ appellatur. Ea autem ab æquali illo spirituum & sanguinis quoque ad omnes partes influxu dependet, quem ex antecedentibus suppono. Prout verò in exemplis allegatis integer laceratum superat, ita in statu naturali æquilibrium hoc tolli novâ accessione motoris debet, ut sic & membra, & corpus, & appenda pondera eleventur, quos *Borellus* vitales motus vocat.

§. XIV. Unde hæc nova vis adveniat diversi diversa existimant. *Steno* equidem & *Bartholinus* nihil materiale accedere putant, sed aliquid, quod definiri nequeat, voluntatis nuntium esse. Tractionem per nervos *Argenterius* fingit, quâ musculi, æque ac ab histrionibus pupæ, earumque membra, filis appendis, variè eleventur. Ast huic obviam ivit *la Forge*, ostenditque inevitabilem hinc nasci difficultatem, quomodo unius nervi tractione, qui sæpè ad antagonistas quoque surculos spargit, contrarii motus provenire possint, ita *Bellinus*, imò *Borellus* quoque, asserunt non solum figuram, quod *Stenoni* videtur, sed molem quoque musculi, in ejus actione augeri, & plus latitudini accrescere, quàm in longitudine decessit, ut sic eidem aliquid accessisse non immeritò augurari liceat. Non id est à sanguine à fibris carnis imbibito, ut hinc cœu funis madidus abbrevientur & trahant, quod præter eâ, quæ à *Borello* allegantur, hæc ratione nervis licet ligatis, integro verò sanguinis affluxu, partes moverentur, quod falsum est. Neque tamen eidem *Borello* pollicem premere possumus, qui turgescentiâ illam fermentationi cui-dam à succo per nervos adducto excitatæ assignat. Multò minù vim quandam explosivam *VVilliso* concedere licet, etiam si salinum fluidum cerebrale, sanguinem nitro-sulphureum fingeremus, unde enim ignis, qui accenderet hunc pulverem pyrium? At æque precaria est assertio, ac quando *Mayobbius* fluidum nerveum nitro-aëreum cum salino sulphureo sanguinis effervescente autumat. Quis enim ebullitiones has congruas tam diversis actionibus efficeret? quis, ne longiores, quàm necessitas exigit, forent, dirigat? quis æqvabiles illas reddat? Verùm prout experientia Excell. *Bohnii* differt. III. §. XV. allegata confirmat, aquam frigidam quoque solo appulsu partes movere posse, ita fluidum nerveum, modò intra musculos adigatur, eosdem movere posse, experimentum *Bellini* Differt. XXI. §. XII. descriptum evincit, ut nullâ opus sit fermentatione, neque ea in aquâ frigida, aut in subjectis mortuis concipi possit. Equidem non mirabimur, quomodo tantillum ejus, quod accedere intelligimus, æquilibrio superando, & tum grandibus motibus par esse possit, cum *Borello* in acceptum referri debeat mechanica ejus possibilitatis demonstratio, quàm veritate niti *Sturmius* ostendit. Id verò solum sufficiens vix foret, nisi & musculus transfluente sanguine, & fibræ tendinæ continuo spirituum affluxu turgescerent, atque sic vel levissimo adventu inflari sufficienter possint. Rectius enim inflatione & turgescentiâ musculorum motum, quàm per corrugationem, vermem repentem æmulantem, secundum *Mayobbius*, institui, vel ipsa avtopsia monstrat. Non tamen, ut fibræ à fluido nerveo intra poros recepto, quod *Perraultio* placet, sed intra fibras canaliculas penetrante intumescant, quæ ab appulsu sanguinis continuè quoque ad contractiones ejusmodi stimulantur.

* * * * *

MOTIBUS AUTOMATICIS,
ET
COMMERCIO ANIMÆ CUM CORPORE.

§. I.

Si corpus nostrum, sive integrum, sive quoad partes, moveri debeat, opus est, ut vel fluidæ impellantur, vel solidæ pro diversâ suâ constructione & habitudine retractæ longitudinem, latitudinem, figuram, viciniam, &c. variè mutant. Utrinque id fibræ motrices contractionē agunt, sive singulatim dispositæ in visceribus, & canalibus quibusdam, sive in fasciculos collectæ musculosos. Non verò se ipsas contrahunt, quin partim ab appellentis continuò sanguinis ictibus stimulentur, & ab eodem interfluente ad turgescentiam suscipiendam disponantur; partim à nervis fluidum suscipiant illud, quod spiritus communiter vocant, à quo non modò ad æquilibrium servandum, sed quoque superandum, & continuò, & per vices, inflari possint. At unde sanguis undiquaque diffundatur, & quæ partium illarum mutua actio sit, explicatum est. Sed num spiritus se ipsos movent, aut impelluntur?

§. II. Quod si litem hanc dirimere volupe sit, naturæ consultos adeamus. Alii ex iisdem materiam omnem, & sub quâcunque magnitudine, aut figurâ concipiatur, omninò ex se inertem esse, & nisi ab alio impellatur, sponte nullos motus præstare contendunt, etiam si ab illis modis, ad motus facilius aut difficilius suscipiendos aut exequendos, variè disponatur. Alii, etiam si id de quibusdam materiæ partibus asserant, quasdam tamen activas ex se, & movendi principio instructas esse asserunt. Sententia hæc ab *Epicuri* dogmate originem trahere videtur, quâ atomos fortuitis concursibus componi aut resolvi, & pro propriâ cuivis gravitate aut levitate, sursum, deorsum, horsum, illorsum, ferri putabat. Eandem verò nostris temporibus recoxit cramben *Gassendus*, & qui eum sequuntur, & non modò in genere activas quasdam materiæ partes esse voluit, sed in specie animam sensitivam congeriem ejusmodi atomorum subtilium, ignearum, ex se mobilium, esse arbitratus est. Imò ab his non abludit *J. A. Borellus*,
Bb
quando

quando quædam corpora congenitam se movendi vim à Creatore obtinuisse sibi persuadet. Verum enim verò prout contrarium sustinet *Aristotelis* schola, tam antiqua, quàm moderna, & nullum corpus à se ipso moveri confirmat, ita *R. Cartesii* demonstrativa, & non efficta, sed ex ipsis naturæ phænomenis depromta methodus idem persuadet. Etenim hic, naturâ consentiente, docet, motum non nisi partium multitudi sibi occurrentium, pro diversâ ad agendum aut resistendum habitudine, variam tendentiam & determinationem esse, quâ aliæ alias superent, aut superentur, & nunc impellantur, nunc sistantur, siquidem & gravitatem & levitatem, imò ignis activitatem ex eodem principio fluere. Et prout hoc de omni corpore nominati philosophi verum esse ostendunt, ita de spiritibus in corpore animalis manifestè satis patet, quoniam non nisi subtilissima sanguinis aut lymphæ portio sunt, in motu edendo cancellis nervorum includi debent, motus pro impellentium diversitate variant, & sine externi actuantis, aëris nimirum ambientis, adjutorio in motibus suis languescunt, nec soli eodem instituere apti inveniuntur.

§. III. Proinde cum spiritus se ipsos non moveant, sed cujuscunque demum naturæ, modo corporeæ, sint, perinde ac sanguis & alia fluida impelli ac determinari debeant, quid ergò movens est? Animam rationalem dixeris, in homine per facultatem locomotivam, in brutis animam sensitivam, eâ facultate præditam, quæ communis scholarum opinio est. Verum animam rationalem non omnes in homine motus, sed arbitrarios tantum præstare, præter eam verò nullum ens peculiare hypostaticum, sive materiale, sive immateriale, in corpore animalis inveniri, quod motus omnes dirigat, differt. III. §. IV. seqq. ostensum est. Quare liceat in stabilitatē semel sententiā persistere, quâ vitam, & hinc motus, ejusdem indices, in corpore animalis in reciproca partium ejus, pro solidarum tamen conformatione, & fluidarum ad impellendum habitudine, determinatā actione & reactione consistere, loco allegato diximus. Nimirum quamvis fluidæ, sanguis præsertim & spiritus, activæ magis, & solidis suo impulsu ad motum deducendis inservire videantur: eadem tamen partim externo quoque motoris energiâ, aëris scilicet, indigent, partim ab ipsis solidis quoque diversas impressiones & determinationes suscipiunt. Quippe has tanquam totidem elateres concipere necesse est, qui equeidem opus habent alio movente, at non modò hujus impetum de-

terminatâ

terminatâ quâdam renitentiâ moderantur, sed eidem quoque novum impetum & determinationem in motu restitutorio imprimunt. Visis ergo partium movendarum, instrumentorumque conditionibus & modo, quo hæc in illas agere soleant; quomodo pro diverso principio determinante instituantur, nunc declarandum est. Initium proin fiat de motibus avtomaticis, & quidem primò illis, qui continui, hinc quoque reliquis, qui per vices instituuntur.

§. IV. Continui ergo motus sunt, qui, durante animalis vitâ, in perpetuâ reciprocatione, sine ulla intermissione versantur. In eorum verò classẽ reputantur cordis, diaphragmatis, intestinorum, & viscerum fermè omnium in secretionẽ quâdam instituendâ occupatorum. Omnes illi non ad mentis arbitrium, sed avtomaticè, fiunt, i.e. prout in avtomato ex rotularum, vectium, elaterum, impellentium diversâ habitudine, sic quoque in machinâ nostri corporis, ex mutuâ partium ad agendum dispositione instituuntur. Quia verò in iis effectus ordinatus & continuus est, impellentis quoque causæ actio perpetua sit. In memoriam igitur revocari debent ex dissert. XXII. ea, quæ §. XIII. monuimus, eam nimirum cerebri systolen & diastolen spiritibus ad partes distribuendis & propellendis vacare. Quod ergo imprimis motum cordis concernit, utpote qui ordinatus quàm maximè est, & à quo multarum aliarum partium contractiones dependent. A corde contracto expulsum sanguis non modò arterias, & omnes partes, ad quas appellit, aliquatenus diducit & extendit, sed præsertim diastolen illam cerebri efficit. Hanc mox ejusdem excipit systole, quâ spiritus non modò ad omnes partes, tam à cerebro, quàm medullâ spinali, æqualiter diffunduntur, sed præsertim illinc cordi accedentes in diastole constituto, ejus novam contractionem instituunt, atque cùm hinc nova in cerebro diastole oriatur, hæ partes mutuò impellunt, & impelluntur, reciprocamque ejusmodi velut ferram trahunt, ut sine ullâ intermissione fiant. Enimvero, dum cor systolen exercet, auriculæ, diaphragma, arteriæ, &c. patiuntur se dilatari, at vice versâ sese contrahunt corde diastolen patiente, etiam si ex iisdem nervorum truncis ramulos priores suscipiant. Scilicet cor, validior omnibus illis musculus, influente spiritu contractus, superat reliquarum harum partium robur, atque sic contractum retrahit auriculas, ad superiora rapit diaphragma, & arteriarum fibras atque latera per expulsum sanguinem diducit, ut sic influens spiritus in illis contractionem præstare

non valeat. At mox cordis contractione ad ἀκμὴν perductā, in diaphragmate, auriculis & arteriis spiritus non amplius impediti, qui simul advenerunt, effectum sortiuntur, & partes nominatas contrahunt. Revera enim diaphragma antagonistam velut cordis agere ex Differt. X. §. XIII. constare potest. Eidem sanguinis affluxui & remissioni debetur, ut & organa secretoria modo dilatari, modò se iterum contrahere possint. Atque sic non difficile erit concipere, quomodo omnes hi motus velut in circulum ire perpetuum soleant, præsertim cum partes ejusmodi interaneæ ἐγκεφάλω, artus verò interruptis potius motibus dicati, medullæ potius spinali nervos suos in acceptum referant.

§. V. Prouti autem descripti motus cum vitâ perennant, ita alii quoque in animali fiunt, qui non sunt continui, sed pro exigentiâ tantum adornantur. Tales verò sunt alii simpliciores, & quidem, tum quando canales alii in corpore, liquidis certis movendis apti, e.g. vesica urinaria & fellea, pro collecto in quantitate majore contento ejiciendo, tum sphincteres partium stringi aut aperiri debent. Ejusmodi autem motus, etiam si interdum in homine ad mentis arbitrium revocentur, sæpè tamen mere mechanicâ necessitate, etiam nolentibus nobis, præsertim in senibus, aliisque, adornantur. In priore specie motus fit, quòd non tam opus sit novo spiritu accessorio, quàm quòd ille, qui fibras inflatas tenet, à vi quâdam, e.g. humoris confluentis, fibras ad certam mensuram diducente, ad contractionem instituentem irriteretur. Sic enim fibræ, spiritibus turgidæ, parvi elateres sunt, qui, modò proportio non excedatur, impulsu ab internè hospitante spiritu restituuntur, similiter ac videmus fistulas coriaceas flatu distentas aut intumescences, & vi externâ expansas, ab inclusâ aurâ restitui. In posterioribus sphincterum constrictio illorum actio propria est, quâ spiritus undique influentes eosdem pro fibrarum suarum spiralem aptitudine oclusos tenent, quatenus deficiente illâ sufficiente spirituum distributione in senibus & moribundis habenas illas laxari deprehendimus. Quippe utcumque in fibris impulsu, aut irritatione, aut puncturâ quâdam æquilibrium tollatur, eas contrahi experientiæ quotidiana est. Aperiantur autem, si aliarum partium nifus eorum resistantiam superet, atque sic lingua & reliqui pharyngis muscoli bolos per sphincterem adigant gulæ, contractis fibris carneis, vesicæ sphincter diductus urinæ exitum faciat, &c. vi verò illâ cessante, iterum

prio.

priorem tendentiam, quòd causa inflationis continuet, exsequantur. Et hinc apparet, secus ac à pluribus observatum est, sphincteres quoque certâ ratione antagonistas habere, quibus nimirum expandantur, horum verò antagonistas esse, quòd eorum tendentiam moderentur.

§. VI. Alios quoque motus compositos magis, & quidem non modò artuum & membrorum, sed totius quoque corporis in homine, interdum non ex spontaneitate, & mentis imperio, verum sine illius directione, & merè avtomaticè, fieri nemo dubitaverit. Etenim ut taceam, e. g. in decollatis, modò in capite labia, oculos, modò in trunco artus, varias exagitationes instituere, qui ab animâ esse nequeant, quòd, utpote immaterialis, indivisibilis sit, sic verò pars in capite, pars in trunco residua esse deberet, si motus ejusmodi produceret. Quid frequentius est, quàm ut verba faciant aliqui illorum ignari, de loco in locum transferantur præter intentionem, & in dormientibus interdum membra, si contrectentur ab alio, aut impellantur, insciis quoque nobis variis motibus cieantur? Sic manus ignito corpori ex improvviso admota, retrahitur citius, quàm ut à sensu eveniat, cum dolor sæpè longo demum intervallo post percipiatur. Si corpus titubare contigerit, ut casus declinari valeat, quæ cum varia corporis, artuumque jectigationes, quibus æquilibrium servari studetur, quarum mens attonita, tantum non sui oblita, nullatenus conscia est. Imò, quàm multi motus, contradicente licet arbitrio, nihilominus in nobis effectum fortiuntur? Nictitationem oculorum appropinquante manu, quam amicam tibi, nullamque damnum illaturam certo nosti, etiam si inhibere studeas, sæpè invitus institues.

§. VII. Ejusmodi motuum ætiologia, ut quoque pateat, iterum concipi debet corpus animalis vivum quoad omnes partes à diffuso æqualiter spiritu, in æquilibrio quidem, sed perpetuâ ad motum aliquem edendum aptitudine aut pronitate versari. Infitos illos liceat dicere spiritus, non sensu veterum, quasi partibus proprii aut congeniti forent, sed etiam si influxerint pariter, si ut partibus jam inexistentes, à recenter adventitiis distingui debeant. Æquilibrium ergo superatur, & pars præ aliâ ad motum fertur, partim cum infito spiritui alius denuò accedit, atque eam partem prævalere facit, partim quando pars una præ aliâ impulsâ, irritatâ, accessoriâ hâc vi alterius renitentiam præponderat, & in motum facessit. Prius evenit ex voluntatis arbitrio, aut etiam quando spiritus ab objectis externis, vel quoque in-

ternis causis variè commoti, sensorium commune certâ ratione exagitant, atque ad novas contractiones & distributiones sollicitant, alias partes impellunt, aut aliarum motum inhihent, de quibus in dissertatione sequente agendum erit. Posterius simili modo contingit, ut pro causis internis & externis, sanguinis spirituumque motus, in diversis partibus novas determinaciones & impulsus suscipiant, atque sic uni parti præ aliâ robur accedat, & machina hæc artificiosissima, plena singularem elaterum, congeries innumerarum & præclarissimarum machinularum, tam mirabilibus, tam singularibus motibus cieatur, quæ spontaneitatem arguant, & à nullis artis operibus vel in tantum exprimi possunt.

§. VIII. Licet verò corpus humanum variis motibus ex principio quoque corporeo & automatico agitetur, dantur tamen quoque actiones in homine vivente, quæ à mentis & corporis reciproca actione proveniunt, & à *Craanio*, aliisque compositi dicuntur. Etiam si difficile sit conceptu, quomodo res immaterialis, anima nimirum hominis, agere possit in rem materialem, corpus scilicet; non tamen opus est, ut illam idcirco quoque materialem asseramus. Quoniam enim mens humana ratiocinatur, intelligit, vult, liberè agit, indivisibilis est, &c. quomodo hæc in rem materialem, quocunque etiam subtilissimo conceptu venerit, cadere possint, nemo cordatiorum philosophorum demonstraverit, nisi ad privilegium nullibi fundatum, huic materiæ præ aliâ peculiare, vanè satis confugiat. At durante vitâ hominis, quæ animæ & corporis conjunctionem necessariò requirit, Deo Optimo Maximo & Creatore omnipotente ita ordinante factum est, ut mens afficiatur à corpore, i. e. quamvis illa velle, nolle, judicare, intelligere, &c. queat sine corpore, interdum tamen percipiat, velit, judicet, prout à corporis diversis motibus occasiones ejusmodi cogitationum suggeruntur. Vicissim verò corpus afficitur à mente, i. e. quamvis illud mente non indigeat ad existendum, & motus varios sine illius directione instituat, imò ad hujus imperata facienda mechanicâ organorum habitudine gaudere debeat, nunquam tamen vivat sine animâ, & interdum hi motus ab ipsâ animâ, & quidem efficienter, variè instituantur, aut in corpore excitentur.

§. IX. Hæc cum in Dissertat. I. jam acta fuerint, modum nunc mutui commercii ulterius declarare, & specialius quidem, necesse est. Ad duas classes omnes mentis actiones revocari possunt, intellectum

& vo-

& voluntatem. In utramque corpus agit, illi varias species considerandas offerens: hanc ad amplectendum aut fugiendum disponens; ita quidem ut plurimarum rerum naturam, non qualis est, sed qualiter se ad nos refert, commoda aut minus commoda habetur, cognoscere adueta sit. Sive tamen ex ipsis rebus, sive ex modo earum nos afficiendi conceptus desumantur, hi tamen ad illas determinari & referri debent.

§. X. Mens verò agit in corpus, non tam per intellectum, nisi quatenus rei amatae aut perditae diuturnâ consideratione eidem quoque varias mutationes inducere apta est, sed potissimum per voluntatem. Liberrimum ejus est arbitrium, ut sic illi motus quoque ratione principii, à quo procedunt, liberi dici debeant. Enimvero quia eos per corpus organicum institui oportet, ejus quoque conformatione, & ad agendum habitudine restringitur, & definitur. Sic enim frustra à nostro corpore volatò exigeretur, aut ut artus arthritici officium faciant, sed quousque corporis organisatio id permittit aut prohibet.

§. XI. Utrunque verò in corpore non nisi certi quidam motus sunt, in mente autem non nisi perceptiones, volitiones & similes actus. Nimirum prout objecta tam externa, quam interna diverso afficiendi, organa suscipiendi, spiritus transferendi modo gaudent, & ad sensorium alios atque alios motus deferunt, mens alias atque alias, sed ad motus illos accommodatas, ideas format. Non quòd ejusmodi simulacra & imagines, quibus alias rerum memoriam conservamus, in mentem reponantur, sed quòd hæc à teneris assuescat, ad certos motus certam quandem enuntiationem, affirmationem & negationem, & prout malum aut bonum esse existimat, aversionem aut desiderium formare. Simili modo, ac notis illis, quibus musici utuntur, cum sono, quem visis iisdem edunt, connexio alia nulla intercedit, quam quod receptum sit pro valore iis imposito, congruo eas singulis sonitu excipere. Ut proin ideas in corpore non sint, nisi motus pro diverso afficiendi modo, in mente non nisi perceptiones, affirmationes & negationes, uti rectè ingeniosus & illustris auctor medicinae mentis pronuntiat. E contrario pro diversâ in mente volitione corpus quoque variis motibus, pro iisdem exsequendis, exagitur, quamlibet, quomodo id fiat, abstrusum quam maximè appareat.

§. XII. Duo verò adhuc explicari necesse est, tum medium, quo & objectorum motus deferuntur ad mentem, & hujus volitiones in corpore

corpore expediuntur; tunc terminum, & ad quem illi determinationes suas transferunt, & à quo determinationes novorum motuum proveniunt, quo utriusque agendi ratio penitus elucescat. Medium hoc passivum sunt nervi, iis enim ligatis, scissis, compressis, tam objectorum impressiones non percipiuntur, quam partes, etiam si voluntas exigit, non moventur. Activum autem spiritus sunt, qui per nervos aut ab objectis determinati ad mentem ideas referunt, vel à mente ad movendas partes determinantur: siquidem in spirituum defectu aut ataxia, integris licet nervis, actiones hæ non congruè adornantur.

§. XIII. Atque quamvis anima rationalis tunc quidem corpori juncta concipi debeat, confusio tamen metuenda foret, si ubique diffunderetur, quod spiritus determinat, aut determinationes eorum suscipit. Quamobrem videtur potius ita comparatum esse nobiscum, ut omnes motus à mente dijudicandi ad unum terminum à spiritibus referantur, & ab uno quoque determinatio eorum procedat. Eum verò cerebrum esse, quis non intelligat? Ad cerebrum motus impressos referendos esse cognoscimus, quod nervo discisso, in ipsa parte, quæ ab objectis contingitur, nulla sensatio fiat. A cerebro motus procedere palam est, quod hoc compresso, aut aliter male affecto, vel etiam medullâ spinali læsâ, partes, quæ hinc nervos sortiuntur, motus impotentiam experiantur. An verò in cerebro quædam pars præ aliis huic muneri præficienda sit, & sedes non tam animæ, quam primum instrumentum dici debeat, quo commercium suum cum corpore exerat, non determinaverim.


§. XIV. Placuit *R. Cartesio*, sublimi illi philosopho, glandulam pinealem in ejus locum reponere, quæ abundatione spirituum à partibus certâ agitatione commoveretur, quam hinc in mentem ejus idea quædam exciperet. Aut ad voluntatis arbitrium moveri, & spirituum, undiq; eam cingentium, æqui libris tolli, & spiritus ad partes, pro motibus edendis determinare. At enim vero licet ejusmodi reciproca actio, in termino illo, quicumque ille sit, esse necessariò debeat, ad glandulam tamen pinealē, invitâ experientiâ, transfertur. Anatomia enim docet, falsò ab illustri illo philosopho supponi (1.) glandulam illâ desuper appensam ex duplici funiculo nervo liberam pendere, cum, quod nervulorum vice habuit, tale non sit, tum ea basi suâ firmiter affixa quiescat; (2.) esse in medio omnium ventriculorum cerebri, quos spirituum promptuaria dicit, cum autopsia repugnet; (3.) respicere originem omnium nervorum, ut omnes tanquam radii ab hoc centro emanantes habendi sint, quod anatomia refellit. Reliqua argumenta ejus levioris armaturæ milites sunt, adeoque superfluum putem eadem recensere. Sunt, qui auctoritatem tanti philosophi stabilitur, perhibent, contactâ adhuc vivente animali glandulâ pineali, id itatim emori. Verum cum hoc sine cranii effractione, & meningum laceratione fieri nequeat, quis non videret, dubium relinqui, annon à violeptiâ potius pereat.

§. XV. Sufficiat ergo nunc ostendisse commercium mentis & corporis in eo consistere, ut ad quosdam motus in hoc, in illa quædam perceptiones & volitiones proveniant, & vice versâ, ad quasdam illius volitiones hoc certos motus exequi. Imò declaratum existimem medium, quo & motus menti offerantur, & determinationes ad motus instituuntur, esse spiritus per nervos undulantes: terminum verò, à quo determinationes procedunt, & ad quem referuntur, esse cerebrum.

Quomodo verò hæc ipsa in negotio hoc se gerant, sequentia docebunt.

SENSATIONE IN GÈNERE,
ET
MOTU VOLUNTARIO.

§. I.

 Vando in genere declaratum est, tùm quomodo corporis humani machina avtomaticè agitetur, tùm quodnam ipsi cum animâ rationali commercium intercedat, in specie, quæ exin proveniunt, sensum & motum sublimam vocare est animus. Solebant veteres eosdem sub facultatis animalis titulo recensere, ad quam cum sentiente aliî rationalem quoque referebant, aliî distinctam classẽ constituere arbitrabantur. Sub animali verò sentientem, moventem, & principes comprehendebant, ita quidem, ut ista sensus externos, hæ internos & rationem involverent. Alii ex eodem fundamento facultatem animalem in cognoscentem, appetentem & moventem subdividunt, quarum prima sensus externos & internos, atque facultatem intelligentem, secunda sensu cogniti objecti fugam aut desiderium, tertia ex hinc natos motus spontaneos includeret.

§. II. Enimvero scholarum hæc placita, ut alias taceam, duabus præsertim premuntur angustiis. Alterâ, quòd cognoscere ab intellectu aliud quid putent; alterâ, quòd omnes in animali motus illos ex præviâ cognitione fluere existiment. Quoad prius enim opinantur, objecta in sensibus per organa oblata quoque à brutis cognosci, quæ tamen facultate intelligente destituerentur. Scilicet hanc præsertim putabant exeri ab animâ in se ipsam reflexâ, neque de objectis sensitivis, sed rebus à materiâ liberis & abstractis sollicita, & quæ se intelligere intelligat: illam autem esse, quâ objecta per sensus oblata & perciperentur & judicarentur. Sed quid quæso percipere est aliud, quàm intelligere, se affici? quid judicare aliud, quàm intelligere distinctè, & discernere, quomodo afficiamur. Id enim saltem discriminis apparet, quòd idem, quod intelligit, nunc circa species à sensoriis oblata dignoscendas versetur, nunc sibi relictum, & sine

organis corporeis speculetur, discernat, conferat, decidat, &c. Interim non tam videntur hi duo intelligendi modi gradibus differre, quàm, quòd quilibet illorum suos potius gradus admittat. Hoc est: intelligens illud, sive solum agat, sive ad objecta determinetur, utrinque ejus cognitionem, in quod intentum est, modò ad summam *cintriv*, & ad eam, quâ fieri potest, perfectionem perducit, modò in limine velut consistit, & in levi perspectione acquiescit. Re ergò intelligere & cognoscere non differunt. Qvis proin non videt, bruta aut non cognoscere, aut, si cognoscunt, quoque intelligere. Si autem non intelligunt, neque cognoscunt; cum aliàs, asserto hòc, negato illo, intellectus brutis tribueretur, quem verbo negaremus, & vice versâ cognitio iisdem verbo ascriberetur, re denegaretur. Quoad posterius id ex præjudicio potius, quàm veritate admitti, partim ex antecedentibus patet, quibus multos motus sine cognitione institui ostendimus, partim ex doctrinâ de sensatione, nunc distinctius explicandâ, clarius apparebit.

§. III. Scilicet concessum potius sit, sensationes in genere appellare modos quosdam afficiendi corpus animalis vivum, quibus id vel ad certas agitationes determinetur, vel ideas quasdam offerat. Modos afficiendi voco, quòd varias illas determinaciones intelligam, quibus id pro afficientis habitudine, & propriâ organisatione suscipiendis aptum est. Revera enim corpus animalis vivum subjectum esse debet, in quo nimirum omnium partium actiones mutue vigent, quòd frustra cadaveris partes ab iisdem licet objectis afficiantur. Qvippe in corporis animalis viventis machinâ ea constructio sit, ut pro diversitate afficientis & impellentis, congruis agitationibus, partim ad objecta moventia, partim ad elaterum in eo movendi aptitudinem determinetur, sine eo, quòd objecti cognitione opus sit, quamvis ob mutuam objecti & effectûs, qui in corpore animalis consequitur, relationem, cognitio subesse videatur. Interim tamen interdum illi motus in corpore humano vix peragi possunt, quin portio illa intelligens, eidem arcè juncta, eosdem agnoscat, contempletur, distinguat, sive congruis ideis designet, & interdum in nudâ speculatione illâ persistat; (non enim omnem sensationem motus quidam sequuntur:) interdum pro objecti cogniti vel bonitate, vel pravitate, motus pro hac declinandâ, illâ obtinendâ, instituantur.

§. IV. Qvis

§. IV. Qvis hinc non cognoscat, duas sensationum species in homine reperiri, aliam ut animalis, aliam ut hominis. Priores dicere liceat illas, quæ sine objecti cognitione adornantur, sed duntaxat certæ motuum species sunt, ad illorum afficiendi, & corporis suscipiendi rationem determinatæ, easque, si cum *Consentino* simplices, aut naturales dicere libeat, non refragabor. Posteriores autem, quatenus pro diverso afficiendi modo variæ homini ideæ & perceptiones nascuntur, aut mens nostra in eisdem cognoscendis occupatur. Quæ ut penitus pateant, liceat objecta, quæ afficiunt, subiectum, quod afficitur, & modum, quo hoc ab illo determinatur, investigare, sic quoque facilius erit, varias illas perceptionum, quæ hinc emergunt, species intelligere.

§. V. In omni ergo sensatione objecto opus est movente. Materiale id esse oportet, quod semper agat in corpus, imò mens ab eò, nisi per hoc afficiatur. Id tamen interdum extra nos, interdum verò intra nos, constitutum est, quatenus non modò diversæ corporum species in hac universitate nos ambiunt, quæ nobis variè occurrunt, & nos impellant, sed continuus quoque, spirituum præsertim, & sanguinis, motus est, qui varias determinaciones corpori nostro imprimere possit. Etiam si verò objectorum afficiendi modus adeò varius sit, diversitas tamen illa à mole, figurâ, superficie, firmitudine, laxitate, impetu remissiore aut intensiore, & innumeris ejusmodi circumstantiis, quæ indefinitis modis variant, adeoque etiam diversâ ad nostrum corpus relatione feruntur, dependet.

§. VI. Subiectum, quod ab illis afficitur, corpus animalis vivum nuncupavimus. Id enim ex pluribus parvis elateribus constructam singularem machinam esse ex antecedentibus patet, in quâ non modò singuli variè determinari pro diversitate impellentis possint, sed interdum quoque velut ad unum aliquem terminum, in quo loco cerebri cum cerebello reposuimus, referantur. Hoc ergo, (quod quæ pars præ alia magis afficiatur adhuc cognitum non sit) elaterem velut primarium artificiosissimâ suâ fabricâ constituit talem, qui non modò pro objectorum diverso agendi modo variè impellatur, sed vicissim quoque pro impressionis factæ differentiâ, motu restitutorio determinato novam quandam agitationem exerat, sicque iterum partes ad con-

venientes illis motus denuò determinet. Atque hinc duæ quoque harum species sunt. Aliæ, quando ultra partem, quæ afficitur, determinatio non transfertur, sed ea tantum irritata sese contrahit, aut aliâ ratione se gerit, e.g. dum fibræ in recenter mortuis punctæ contrahuntur, aut etiam illæ in canalibus à fluido transfluente, aut contentis aliis inibi cumulatis, distensæ ad systolicum motum cientur, sine eo, quòd novâ spirituum accessione opus sit, quin ipsi potius partibus jam inexistentes ad æquilibrium superandum, & movendas partes determinentur, prout differt. XXV. §. V. declaratum est. Aliæ, quando uni tantum parti facta impressio ad sensorium commune, si-ve elaterem illum principem transfertur, aliosque dein in corpore motus pedissequos habet.

§. VII. In modo ergo, quo objecta in sensoriis motibus præstandis corpus afficiant, declarando facile patet, quòd illa pro diversâ suâ superius declaratâ habitudine hujus fibras certâ ratione exigent, eæ verò pro diversâ quoque suâ ad fuscipiendum illud aptitudine & differentiâ varias, & illorum modo afficiendi convenientes, vibrationes instituant. Quod verò non difficulter intelligitur in illis, ubi in partibus quasi sensatio finitur: ubi verò ad sensorium commune motus illi deferri debent, qui huic vel illi tantum fibrillæ, huic aut illi duntaxat organo, interdum in extremâ corporis superficie constituto imprimebantur, medium quoque deferendi & referendi utique investigetur necesse est.

§. VIII. Nervos esse, per quos motus ab objectis partibus impressi ad cerebrum transferantur, & ex hoc iterum eadem novas determinationes fuscipiant, præter ea, quæ superius dicta sunt, quòd omnes partes, sensationis sustinendæ capaces, nervos obtineant, vel immediatè, vel mediatè à cerebro oriundos, quibus malè affectis sensatio & motus in illis aboleatur, extra dubitationis aleam ponunt. Ipsos verò nervos, eorumque certam habitudinem phænomeno huic explicando sufficere existimant, qui vel motum per eorum tractionem, vel sensationem eo modo, quo *Cartesius*, & qui ejus vestigia legunt, describunt. Concipiunt nimirum nervos instar chordæ, aut funis extensi, firmissimè ad partes protendi, ut sic in his, tanquam unâ extremitate, contingi nequeant, quin in alterâ, quâ cerebro sint continui,

tinui, mox eadem agitationis ratio observetur. Enimvero tractio-
nem in motu Dissert. XXIV. § XIV. tanquam inconvenientem rejeci-
mus. Ea autem nervorum in corpore ad rigiditatem extensio & ratio-
ni & experientiae refragatur. Hæc enim nullibi nervos in ejusmodi
extensione deprehendere est, quamvis firmitudo in illis maxima sit,
præsertim cum membrorum flexuræ, & plures circumstantiæ contra-
rium suadeant. Illa autem dubium movet, quod amoliri vix possis,
quomodo diversæ impressiones diversis fibrillis, ad diversas quoque
partes abeuntibus, concessæ, quando in uno demum trunco nervi
convenerint, aut ope plexuum interdum cum diversis truncis com-
municent, singulæ distinctæ & sine confusione ad cerebrum venire
possint. Et quamvis idem à fibrillarum in nervis certâ quâdam vi-
bratione subtilius derivare satagant alii, & vel antiquo illi commento
patrocinari, vel novum quid in eo, & singulare, exhibere stu-
deant, iisdem tamen prementur angustiis, tum quomodo eadem ad
cerebrum continuari, tum confusionem similem evitare possint,
quantumvis cum *Tauvrio* fluidum ejusmodi rigiditatem conferens
in nervis conceperis. Quin potius hospitant in nervis flui-
do in acceptum referimus, quod undique & æqualiter
diffusum, fibras illas nerveas undique inflatas aut turgidas in statu
naturali tenet, ut proin vix in origine nervorum novi quid in motu
eos subire, aut à sensorio communi eò determinari possit, quin eo-
dem temporis momento undulatio illa ad partem, in quâ opus est,
feratur. Et similiter vix, in extremitatibus etiam, fibræ ab obje-
ctis affici possunt, quin eodem quoque temporis momento agitatio
hæc à spiritibus ad cerebrum deportetur, quod hac ratione continui
corporis vicem gerant, quod unâ extremitate pulsum eodem vix
movetur pariter in alia, quatenus vicini vicinos pellendo, in vasis
plenis, impressionem mox in extremitatibus exerunt, pari ratione, quâ
ad motum cordis guttâ guttam pellente, ex extremitate arteriæ aper-
tæ, sanguis profilire cernitur. Neque sic metuenda est confusio, quod
nervos quasi plures canaliculos esse novimus, in quibus singulis,
citra ἀναξίαν, diversæ determinationum species institui possint.

§.IX. Contingunt igitur sensationes ejusmodi animales, quando
objecta pro suâ ad afficiendum habitudine, fibras certâ ratione exa-
gitant,

gitant, & præsertim undulatio hæc, per spiritus in nervis continuata, ad sensorium commune transfertur, certamque non modò impressionem concedit, sed id sæpè novâ determinatione ad novos motus, objecto convenientes, urget. At quia objectorum tanta est diversitas, modusque afficiendi nos sæpè fugit, & reciprocationis in organis mechanismus vix perspicui potest, factum est, ut & in homine, & in brutis, ex cognitione motus ejusmodi fluere & liberi esse videantur, qui tamen maximè sunt necessarii & mechanici. Atque prout interdum in homine varios motus sine attentione fieri in antecedentibus probavimus, ita semper in brutis ab objecti diversâ determinandi ratione, organorumque eam expediendi ordinatâ dispositione proveniunt, ut non tam suis commodis studere, seqve tueri nitantur, quàm quòd aliter agere nequeant. Quippe, quòd clament percussa, quòd feras insectetur canis, relicto hero, non dubitabimus, quoque eidem diverso afficiendi, & hinc agendi modo tribuere, quòd cognitum sit, varias arte factas machinas pro vario contactu ejulatus articulatos fingere, variisque & spontaneos referentibus motibus hinc inde ferri, alias atque alias partes movere, prout intrinseca elaterum & organulorum constructio, & reagendi habitudo determinaverit. Similes eâ in parte videmur ignoræ plebi. Hæc enim Architz columbam, Dædali venerem, statuum Maroccensem vivere putaret, quòd viventibus similes actiones ederent, cum tamen artificibus ipsis mechanica determinandi partes ratio solis perspecta sit. Quid aliud agimus, quando in brutis animalibus idèò mechanismum negamus, quòd multæ in illis actiones inveniuntur, quarum rationem automaticam declarare non conceditur: cum earum organa & structura à nemine sufficienter intelligi, & cognitione comprehendendi queant.

§. X. Sed ne extra oleas vagari videar, brutis suum sensum relinqvamus. Novimus autem homini esse datam illam substantiam quoque intelligentem, quæ & per se agere possit, interdum tamen etiam varias occasiones cogitandi à corpore suscipiat. Ex ergo sensationes hominis dicuntur, quando is variorum objectorum motus, mediante corpore, percipit, sive variis ideis imbuitur, quatenus eadem non nisi certæ apprehensiones, enunciationes, affirmationes,

negationes, mentis de motibus corporum sunt. Ea enim assueta est, omnes hos certo quodam conceptu, quem ideam vocant, excipere.

§. XI. Et proinde sensus non est in partibus, quæ ab objectis afficiuntur, quamvis id communiter primo intuitu appareat. Verum motus ipsis impressi ad cerebrum à mente judicandi transferuntur. Etenim compressis nervis, nulla objectorum perceptio, etiam si partes quàm validissimè ab iisdem percellantur. Pari ratione, si cerebrum aut cerebellum à sanguine, pure, calvariâ depressâ, in actione suâ impediuntur, nullæ quoque perceptiones objectorum eveniunt, etiam si partes ab objectis satis vehementer commoveantur. Quid? annon sæpè contingit, ut pede aut brachio ablatis, ægri nihilominus de hujus aut illius digiti in iisdem dolore conquerantur.

§. XII. Quædam verò sensationum ab objectis externis excitantur, & ad ea modò præsentia, modò absentia referuntur, & ejusmodi sunt sensus externi & interni. Quædam ab intrinsecâ causâ proveniunt, & statum quendam corporis nostri designant, e. g. fames, sitis, atque dolor. Quædam verò ad ipsam mentem referuntur, quæ affectus animi vocantur.

§. XIII. Enimvero quoniam mens pro diversis illis ideis, quas suscipit, modò averfatione, modò appetitu earum cietur, interdum etiam ex propriâ inclinatione, variè corpus suum, aut partes, pro fine suo obtinendo, moveri desiderat. Hi ergò motus, quòd ad arbitrium mentis instituantur, arbitrarii, spontanei, & voluntarii dicuntur. Eadem verò in illis cum automaticis est movendi ratio, quatenus spirituum determinatione novâ æquilibrium partium tollitur, hæ verò pro suâ organisatione & agendi habitudine arbitrium mentis determinant, & exsequuntur. Determinatio verò illa eodem instrumento præstari mihi videtur, cerebri nimirum certâ agitatione, ad arbitrium mentis institutâ, quæ ex organicâ aptitudine in corporeis motibus proficiscitur. Quippe in ipsis partibus immediate movendis ea occupata mens non est, quatenus in voce de musculis laryngis & linguæ, aliisque necessariis, determinatè movendis non cogitat, ii verò pro expediendo voluntatis imperio concinnè satis operas

operas suas elocant. Quamvis verò modus, quo mens immaterialis agere & regere materiale organum debeat, comprehendere non possit, aut exprimi, efficienter tamen motus illos à mente procedere nulli dubitamus.

§. XIV. Ut proin corpus humanum animæ imperata variâ ratione facere possit, debite partes constructas & conformatas esse oportet, quatenus organisatione læsâ, obsequi arbitrio nequeunt. Motus verò ejusmodi præcipuè, & ut plurimum ad voluntatem comparati, sunt loquela, risus, totius corporis, & membrorum diversi motus.

§. XV. In loquelâ aëris exspiratio certâ modificatione contingit, partim à bronchiis, per musculorum, cartilaginibus interjectorum, contractiones, laryngis etiam variam structuram, & per proprios musculos diversam arctationem aut laxationem: partim quòd idem aër ad articulandam vocem à linguæ variâ volutatione, dentium & labiorum commissurâ aut aperturâ, aut variâ agitatione diversimodè alteretur: partim quòd uvulâ & nares quoque eum in transitu non transmittant liberè, sed refringant, quatenus iisdem malè constitutis vocem quoque alterari quotidiè contingit. Risus partim labiorum & genarum, si moderatus fuerit, partim simul organorum respiratoriorum, si effusus sit, determinatam & vehementiorem agitationem involvit. Membra verò & corpus, ut variè moveantur, partim ab ossium congruâ habitudine, articulatione, & constructione, partim à musculorum & tendinum concinnâ

conformatione & insertionem dependet.



DISSERTATIO XXVII.

De

SENSIBUS EXTERNIS,

in specie de

TACTU.

§. I.

Species sensationum exposituri ab externis ordimur. Sensus autem externi vocantur in animali, certi quidam ab objectis externis, ejus machinam viventem, per organa modificata, afficiendi, & variè determinandi modi; in homine autem cognitiones, aut, si mavis, perceptiones, de rerum extra nos positarum variâ constitutione, à modo diverso nos afficiendi desumtæ. Ex quibus apparet, sensum brutis, sed non univocè, cum homine, competere. Quoniam enim oculos, nares, aliaque organa possident, & ab objectis afficiuntur, quis eadem videre, quis audire negaverit? At id ipsum cum eâ objecti consideratione, prout in homine, expediri, nisi cui nulla inter brutum & hominem differentia admittitur, nemo sanus asserat.

§. II. Etiam si enim in brutis cognitionem involvere videntur varii motus, qui ab illis instituuntur, & sese ad objecta referunt, ea averfando, aut desiderando: eos tamen non à cognitione procedere, sed pro singulari ipsorum organisatione à diversitate afficiendi, & corporis automatici habitudine expediendi, ad analogiam rationis, adornari ex differt. præcedente patet. Id verò planè absurdum esse non poterit illi, qui antipathias & sympathias, inter res quocumque non animatas, varias species penitus intuetur. Quippe dum magnes ferrum, non alia metalla, rapit; dum plantæ aliarum confinio quasi delectantur & virent, aliarum verò marcent, & destruuntur; quis non sensum subesse suspicetur? quem tamen nemo, nisi in physicis hospes, agnoverit. Nullo autem modo inficiamur, etiam inter illas sensationes, & animalium, ingens discrimen intercedere, & horum nobiliores esse. Inanimata merè passivè se habent, & tantum

Dd

ab

ab atmosphæra, & meatuum suorum diversâ constitutione, & mutuâ habitudine variè determinantur, cum animata aliquid activitatis involvant, & varii motus sequantur. Attamen id nemo miretur, cum excellentior, & pluribus machinulis instructa, horum organificatio ampliorem agendi rationem declaret.

§. III. Quidsi ergo bruta sine cognitione objecti, homines cum illâ, sentire dicuntur, gradus excellentior sensationis his quoque præillistriui videtur? Ita omnino est. Duplex autem experientia obitare videtur. Altera, quod bruta quædam homines potius sensationum quarundam excellentiâ antecellant, quatenus canes venatici, & vultures odoratu, aranea tactus perceptione, lynx visu, aper auditu, simia gustu hominem superent. Altera, quod quædam animalia pluribus sensationum speciebus homine gaudere videantur, ita quidem, ut alia tempestates quoque futuras præfagendi virtute polleant, quâ tantum non omnes homines destituuntur. Enimverò quemadmodum utrumque peculiarem tantum & aptiorem objectorum motus suscipiendi habitudinem demonstrat; ita etiam apparet organa sensoria in ejusmodi animalibus peculiariter quoque conformata esse, ut exquisitius affici possint, aut singularem, imò interdum individualement habitudinem in causâ esse: non verò cognitionem ea propter necessario inferri.

§. IV. Sensus ergo potius nunc illos investigabimus, qui ab objectis extra nos constitutis, & actu nos afficientibus, atque præsentibus in homine excitantur, & externi dicuntur. Quod ut secundum omnes circumstantias distinctius assequamur, initium faciamus ab organo, quod in omni sensatione ejusmodi necessarium est, quo objectorum nos afficientium motus, & modi, pro diversa afficiendi ratione excipiantur. Est verò peculiaris cujusdam partis in corpore animalis conformatio, pro cujus diversâ habitudine objectâ percipienda, sub variâ modificatione, recipiuntur, atque ad sensorium commune transmittuntur. Quoniam autem non unius generis objectâ nos afficere solent, varia quoque organa, & singula peculiariter formata, esse oportuit. Ea etiam in superficie velut corporis locantur, ut objectorum, quæ nos ambiunt, activitati pate-

ant,

ant, & nervis gaudere debent, ut ad cerebrum impressi iisdem motus transportari queant.

§. V. Objecta antiquis physiologis, Peripateticis adhuc principiis imbutis, erant patibiles qualitates, aut species intentionales. Illæ reales dicebantur, & quæ in propinquum agerent, dum hæc ad distans potius operarentur, virtuales appellatæ, utrinque verò tanquam à corpore ipso distinctæ quædam affectiones considerabantur. At ex modernâ *Verulamii, Gassendi, Cartesii, Boylei*, plurimorumque aliorum doctrinâ, pro objectis sensoriis reputamus res corporeas, sive trinis dimensionibus constantes. Immateriale enim nullam ad organa nostra relationem habet, quemadmodum & ipsa corpora non absolutè, sed sub quâdam tantum congruitate aliis sensibus subjiciuntur, alia iisdem cognosci & distingui nequeunt, aut, nisi ope quorundam instrumentorum, proportionata redduntur. Qualitates verò illæ, sive reales, sive virtuales, per quas nos afficiunt, non sunt nisi modi corporis, sive diversa ipsorum magnitudo, figura, superficies, motus, quies, situs, textura, &c. Pro earum enim varietate & diversis gradibus, variâ quoque afficiendi habitudine gaudent, quæ in modificato quodam motu aut impressione consistit, quâ organa percellunt. Ita tamen, ut semper contactus actualis requiratur, quamvis immediatus magis in qualitatibus realibus, at mediatus tantum per corpora interjecta, aut etiam quasdam duntaxat è corpore emanantes particulas, in virtualibus. Atque hinc etiam videbimus in tactu & gustu ipsa objecta; in olfactu effluvia ex iisdem emanantia, non integra objecta, organa contingere; dum in auditu & visione objecta plane cum organis non committuntur, sed medio opus est, cujus interventu illorum impressiones ad hæc continuari, & iisdem communicari valeant.

§. VI. At verò in organis non terminatur sensatio, quin motus, iisdem sub certâ modificatione impressi, ad sensorium commune deferri debeant, quatenus, nisi species impressæ eò pertingant, nulla perceptio est. Hoc cerebrum esse ex antecedentibus patet, num verò corpora striata præ aliis partibus determinationibus his excipiendis dicata sint, equidem non determinaverim. Interim nec organa cum eodem immediatè coherent, quod medium quo-

Dd 2 que

que requiritur, quo impressi iisdem motus ad cerebrum transportentur. Nervos hinc videmus ab organis sensoriis omnibus, nunc immediatè, nunc mediatè, ad cerebrum protendi, iisque obstructis aut compressis, aut solutionem continui passis, sensationem frustrari. Verùm, non tam horum protensione, quàm undulanti in illis fluido, id in acceptum referri debet, cum spiritus deferendorum motuum subiectum esse vel inde cognoscatur, quòd in spirituum inopià, præsertim post morbos diuturnos, sensus omnes hebetiores esse soleant.

§. VII. Modus ergò sensuum externorum ut declarari possit, semper attendendum, quomodo, objectis descriptis, & organis, illa in hæc agere, eaque afficere, soleant. In genere igitur notandum, in sensibus externis primò, objecta corporea, pro varià suà habitudine, certas quasdam motuum species imprimere: secundò, has ab organis ad excipiendum aptè constructis excipi, & à spiritibus intra nervos ad sensorium commune deferri, idque determinatè afficere, ut sic interdum quoque alias iterum determinationes corpori animali imprimat. Et in his brutorum fermè sensatio absolvitur, excellentior hominis est, quatenus tertio, ratio species oblatas excipit & cognoscit, affueta nimirum mens motus illos congruis ideis, aut enunciationibus saporum, odorum, colorum, &c. describit, variaque rerum extra se constitutarum phænomena intelligit. Etiam si enim hoc communiter sensus communis officium esse videatur, ad externos tamen, tanquam consummatio eorum, & sine quo sensus non forent sensus, pertinet. Nisi enim reflexio hæc accesserit audientes & videntes, nihilominus nec audimus, nec videmus. Et cui alii, quàm rationi debetur, quòd homo tantum visa aut audita pro sapidis & gratis habet, cum animalia bruta ipso contactu aut olfactu eorum affici debeant, quæ congrua ipsis esse solent.

§. VIII. Ejusmodi sensuum quinque in homine numerantur. Non, quòd plures esse nequeant, aut supervacanei forent, sed quòd hæcenus plura organa non inveniantur, aut à nobis quæsitæ fuerint. Negandum tamen non est, eorum quosdam, e.g. tactum, aliquot velut species subalternas sub se comprehendere, atque sic sensum venereum ad eum quoque referri rectius,

rectius, quàm ut peculiarem sensûs classẽ constituere dicendus sit. Singulos in specie scrutabimur.

§. IX. A tactu initium sumemus, etiamsi communiter pro vilissimo habeatur, & ultimo loco venire soleat. Etenim nobilissimus potius omnium censei jure meretur. Mittam, quòd nullum animal tactu, quamvis aliis interdum sensibus, destituatur, sed ex ipsius potius universalitate probatio nascitur. Nimirum tactus sine reliquorum sensuum ministerio instituitur, imò aliis, visui imprimis, substituitur; at contra nullus sine tactu peragitur, ut omnes potius hujus certæ quædam species esse videantur. Imò quemadmodum pluralitate objectorum, quæ ab ipso cognoscuntur, reliquos sensus antecellit, ita quoque organum, quod in iis certæ cuidam parti alligatur, in hoc per totum ferè corporis habitum diffunditur. Imò tactus quoque alios sensus merito antestat, quòd homini excellentior, quàm aliis animalibus, ejus usus concessus sit. Quantumlibet enim aranea exquisitiore tactu prædita credatur, quò irretitam telæ muscam mox observat, id tamen cum dignotione tam multiplicium objectorum nullatenus contingit.

§. X. Organum tactus quod attinet, in varias sententias discere solent physiologi. Quando alii membranas, alii carnem cum membranis, eidem muneri præficiunt. Si quidem membranæ quædam valde sensiles sint, uti ex periosteo, durâ & piâ matre, similibusque evidenter satis pateat; imò carnes quoque, tam in musculis, quàm in parenchymatibus, levissimo contactu afficiantur. Enimverò prout in hujus congruitate determinandâ variè inter se discrepant, ita pro tactus organo malè reputantur. Is quippe non est confusa dignotio, quòd afficiamur, sed distinctè varias afficientis condiciones declarat. Proinde quamvis non inficias eamus, membranas & carnes sensiles esse, i. e. si ab instrumento secante, pungente, urente, afficiantur, id à nobis persentisci, non tamen distinctam illam cognitionem, quam tactu nanciscimur, nobis exhibent. Hic ergo potius in cute residet, cujus laminas diversas differt. XVIII. delineavimus. At quemadmodum non negemus, has quoque suâ protensione, objectorum tactilium modum affiendi variè moderari, ita quoque ex variâ corporum ad illam relatione sensationes oriri in propatulo est.

Papillæ tamen nervæ, quas *Malpighis* solertia declaravit, primarium, & præcipuè pro minutiis distinguendis instrumentum sunt. Hæ nervis continuæ ex inferiore strato emergunt, reticularem laminam perforant, & in cuticulam, at in varias fibrillas divisa, terminantur. Pyramidalem & peculiarem conformationem obtinent, ut in eâ præfertim aptitudinem objectorum, modos afficiendi, distinctè & modificatè excipiendi, quærere, atque sic velut turgidas, ut melius percelli valeant, concipere necessarium sit. Ne tamen vanâ nos conjecturâ argui quis arbitretur, id sententiam hanc corroborat, quòd ubi nullæ papillæ, nullus tactus, ubi verò inveniuntur, & copiosiores, atque eminentiores sunt, exquisitior ille sensus sit. Nimirum in homine in apicibus digitorum, quibus præ aliis magis in tactilibus qualitatibus explorandis utimur, in brutis autem in naribus, quibus ipsa potius adhibent, ex conspectiores, quàm in aliis partibus sunt. Maximè verò habitudinem hanc dilucidat, quòd cum nervis continuæ sint, adeoque objectorum motus ad sensorium commune transferre valeant.

§ XI. Objecta, quæ in tactu à nobis dignoscuntur, non semper sunt ipsa corpora, verum quidam eorum modi, pro quorum diversitate differentem quoque perceptionem nobis exhibent. Scilicet tactu quidem exploramus, an quædam corpora adsint, quædam tamen e. gr. atomos in aëre volitantes tactu cognoscere non conceditur, illorum verò diversitatem ex resistentiâ, similibusque circumstantiis colligimus. Modi autem per tactum in corporibus explorandi sunt præfertim solidum & fluidum, contiguum & continuum, durum & molle, humidum & siccum, tenue & densum, asperum & læve, grave & leve, frigidum & calidum, &c. Solidum corpus dicitur, quando ejus partes, ut plurimum in continuo, quandoque tamen etiam divisim existentes, & contiguæ duntaxat, ita inter se uniuntur, aut firmissimè conjunguntur, ut nobis nullatenus cedant; dum fluidum audit, cujus partes vel levissimam à nobis determinationem suscipere, & minùs resistere solent. Contiguum est, cujus partes nullo inter se nexu conjunguntur, & vi externâ, quæ continet, remotâ, iterum dissolvi possunt: continuum autem, cujus partes ita inter se colligantur, ut non opus sit termino alieno, quo contineri debeant. Durum dicimus, quod ob partium arctam

arctam combinationem cum quâdam rigiditate resistit; dum molle est, quod ex partibus eequidem connexis, flexibilibus tamen constat, & quæ cedere, non verò ad discontinuationem, soleant. Humidum est, cujus partes non modò fluidæ sunt, sed id simul peculiare habent, ut particulis flexibilibus & glabris gaudeant, ut poris tangentis se insinuent, superficiem tamen lubricam relinquant; at siccum, cujus partes, aut nullæ adhærent poris, aut quæ tangenti adhærent, rigidæ sint, & superficiem aliquatenus, plus minus tamen, exasperant. Tenue appellamus ex latitudinis & profunditatis parvitate; densum ex earum proportionem auctâ, quamvis pro corporum diversitate easdè conditiones quandoquæ visu quoque explorare soleamus. Asperum dicitur, in cujus superficie particulae constituentes ita locantur, ut aliæ cū rigiditate emineant, aliæ distinctis magis hiatibus deprimantur: læve verò ejusmodi partium textura est, quâ vel nullæ partes eminent, nullique hiatus manent, sed superficies æqualis magis deprehenditur; vel hiatus tanti non sunt, ut ad papillas illas se referre possint; vel quæ eminent partes, aut flexiles sint, ut componi possint, aut etiam ex rotundis magis eminentiis congerantur. Grave & leve hîc non intelligitur illa corporum reciproca tendentia, quâ alia deprimuntur, alia ascendunt, sed ea proportio, quâ hanc tensionem majorem aut minorem ad robur artuum nostrorum computamus, vel absolute de uno tantum corpore, vel comparate de pluribus, aliis plus, aliis minus id ipsum superantibus. Quemadmodum verò certâ ratione & motus & quietem corporum, quatenus, aut resistunt, aut cedunt facilius, impellunt, aut non impellunt, tactu quoque exploramus; ita calor & frigus ad eundem referri valent. Tota enim qualitatibus harum natura relativa est, quatenus quæ alii calent, alii algere, & vice versa, dicuntur. Sunt verò comparationes motuum corporis, quod nobis applicatur, vel in ejus minimis, vel subtiliorum corporum solidiorum poros trajicientium, ad motum nostri sanguinis & spirituum æquabiliter ad partes influentium, & ab iisdem refluentium. Si celerior sit nostris motibus, calidum dicimus, si remissior, aut nostræ agitationi magis resistens, frigidum appellamus. Et quia ferme secundum individua pluribus circumstantiis, motus in homine variant, non æqualis in omnibus relatio, non æqualis omnium sensatio esse potest.

§. XII. Objecta ergo hæc pro diversis illis modis, è quibus præcipuos recensuimus, vel illam æqvabilem cutis, durante vitâ, protensionem, vel distinctius fibrillas nerveas diversâ ratione afficiunt. Spirituum ergo pro diversâ impressione varia quoque ad cerebrum undulatio est, & sic pariter, prout sensorium diversâ ratione afficit, aut commovet, vel determinationes novæ corpori inducuntur, vel mens nostra motus illos conveniente denominatione, affirmatione aut negatione, &c. excipit. Interim quis non videt, objectorum & organi quandam proportionem esse, secundum quam alia sensibus nostris subjiciantur, alia non item. Imò ex eo apparet quoque, per sensus non ipsam rerum essentiam, quàm certos tantum & relativos nos afficiendi modos, exhiberi, adeoque nisi ratio accesserit, infidum eorum testimonium esse.



Et enim
que uti
quæ m
du velu
illi app
dent, hu
organi v
quod ori
fibus rec
vice vers
pervenit

§. II.
grata
linatum
Lorenz

DISSERTATIO XXIX.

De.

GUSTU
&
OLFACTU.

§. I.

In recensitione sensuum externorum à tactu ad gustum ferimur, cum organi utriusque affinis sit ratio, & ob modum afficiendi similem hic præ aliis illius species videatur. Olfactum verò cum eo eadem velut in tabulâ exhibemus, quòd arcta inter utrumque cognatio sit. Etenim utrisque non modò ad voluptatem, sed necessitatem quovque utimur, quando & ea, quæ grata futura sint, cognoscimus, & quæ minus profutura existimamus, rejicimus. Quinimò olfactu velut prælibamus, an gustui committenda sint objecta, & quæ illi approbantur, huic tradimus; at contra, quæ minùs illi arriident, huic ne exhibere quidem solemus. Est enim magna utriusque organi vicinitas & communicatio, foramen scilicet satis patulum, quod oris cavitati & naribus interjacet: ut proinde vix odorata naribus recipiantur, quin eorum quædam partes ad os descendant, & vice versâ, vix aliquid ori immittatur, quin aliquæ partes ad nares perveniant, atque adeò utrumque organum afficere queant.

S. II. Itaque gustus iste sensus est, qvô ori commissâ dignoscimus,
 & grata aut ingrata judicamus. Organum ergo sensationi huic de-
 destinatum vix constituit involucrum membraneum oris ex mente
Laurentii & *Spigelii*; neque etiam nervi per lingvam excurrentes
 Ec imme-

immediatè objecta excipiunt, quod *Fernelio* & *Cartesio* placet; nec ex intentione *Whartoni* tonsillarum glandulæ, sed lingua potius. At minime linguæ spongiosa caro, quod antiquis potissimum arrisit, sed peculiaris laminarum obtegentium conformatio, ex *Bellini* præsertim, *Fracassati*, *Malpighii*, & *Bidloi*, solertiâ delineata.

§. III. Nimirum sunt quoque papillares quædam eminentiæ, quæ ex tunicâ interiore tendineâ, nerveâ, aut etiam hinc papillari dictâ, & carni immediatè superextensâ, eiqve firmissimè alligatâ, emergunt, ejusque superficiem asperam reddunt, & per reticulare stratum ad extimam, cuticulæ vicem gerentem, terminantur, & disseminantur tunicam. Triplices præsertim describuntur, primi generis sunt capitatae instar fungorum, aut emissis cochlearum cornubus, ab exili stamine in obtusum desinentibus, similes; secundi generis in fibrillas discissæ exeunt; & tertia species cuneiformium & pyramidalium cutaneas æmulatur. Habent hæ papillæ immediatam cum nervis continuitatem, quorum plurimi quidem ex quinto, aliqui tamen etiam ex nono eò disseminantur. Illam verò evidentem fieri ait *Excell. Bobnius*, si nervus maximam partem separatus, hamulo suspensus, aliquantisper trahatur, sic enim papillas ipsas retrahi manifesto sensuum testimonio edocetur.

§. IV. Papillares has nervorum extremitates pro vero & genuino organo asserimus, quòd (1.) nervis sint continuæ, & proin impressiones objectorum ad sensorium transferre valeant, (2.) quòd in illis locis, ubi plures exquisitior sensus, e. g. in linguæ margine & cuspidè, & contra nulla saporum perceptio, ubi deficiunt, v. g. in inferiore linguæ parte, observetur: (3.) peculiaris quoque earum sit conformatio, & hinc singularem usum inferat; ita tamen, ut differentia earum non tam differentes sensationes innuat, quod *Tauvrio* placet, ut nimirum primi generis saporum, secundi dolorum, & tertii reliquarum tactilium qualitatuum dignotioni inserviant; sed adeò differenti-

rentibus objectis percipiendis congrua & adæqvata organa præsto sint.

§. V. Quodsi ergo eminentiæ eæ nerveæ in lingvâ gustûs organum constituunt, seqvi videtur, qvòd si eadem in aliis oris partibus inveniuntur, eidem scopo destinantur. At similes curatius examen deteget tam in tunicâ palatum investiente, qvàm circa isthmum faucium, & primum pharyngis initium, ut proin iis partibus qvòq; omnem in gustu exercendo pròvinciam non denegemus. Accedit, qvòd uvulæ immediatè applicati pulveres ex pipere, Zingibere & similibus, gustu dignoscantur, etiamsi nec prius viderint, nec linguæ motus accesserit. Ipse verò œsophagus per totum suum tractum iisdem caret, adeòqve si alimenta, qvàm maximè licet sapida, pharyngem supervenerint, non amplius gustu dignoscuntur.

§. VI. Objectum gustûs non est sapor, cum is non sit aliquid objecto inexistens, qvàm ex ejus determinatâ organum nostrum efficiendî ratione oriri solita, perceptio. Verùm eo loco potiùs reponuntur res sapidæ, i. e. qvæ peculiari qvâdam papillas nostras nerveas modificatè commovendi habitudine gaudent, ut ea à nobis deinceps diversâ saporum ideâ excipi possit. Insipida qvidem pariter gustu exploramus, at ea negatio potiùs saporis, qvàm ejus perceptio habenda est. Omnia corpora saporis excitandi virtutem à sale habere, communis omnium, chymicorum præsertim, est sententia. Et revera observamus, sale ex concretis omni extracto, eadem insipida reddi, & contra pro hujus abundantia magis sapida esse. Qvamis ergo potior sit Peripateticorum doctrina, qvæ ex variâ qualitatum missione in elementis, qvæ tamen simplicissima, adeòqve organo non proportionata, & insipida fingeant, saporis prodire existimat, suas tamen qvòq; correctiones desiderat.

§. VII. Absolutè enim salia non dici debent saporè excitare, qvate-

nus interdum nullo afficiunt, tùm quando aliis partibus intertexuntur, e. g. in ocul. cancr. C. C. &c. tùm quando varias per præcipitationes aut additiones immutationem patiuntur, quemadmodum innumeris exemplis à *Boyleo* dilucidatur. Accedit, quòd ipsa salia, si pura sint, vel alkalia, vel acida, vel ex his mixta & falsa forent, adeòque paucas saporum ideas excitarent, cùm diversissimæ potiùs ex concretis eliciantur. Nec figuræ diversitas, quâ unam salium speciem præ aliâ gaudere observationibus microscopicis hodiè constat, negotium exhaurire videtur, etiamsi diversum singulis afficiendi modum inesse ostendat. Enimvero, tùm quando ab aliarum compage liberantur, tùm pro variâ terrearum, sulphurearum, aliusque generis particularum, etiam interdum insipidarum, admixtione, ad excitandas saporum diversitates diversimodè modificantur. Ita tamen, ut & pro salium & accessoriorum speciali differentiâ diversæ quoque saporum ideæ proveniant, quatenus acida cum terreis austeritatem, cum saturno dulcedinem, cum lunâ amaritiam repræsentant.

§. VIII. At nec salinarum particularum certa afficiendi habitudo negotium absolvit, quin duo adhuc necessaria requisita involvat. Alterum fluit ex veteri illo axiomate, salia non saliant, nisi soluta. Itaque præsertim in concretorum solidiorum saporibus eruendis opus non modò est diffractione per dentes, sed salivæ admixtione, quâ resolutæ particulæ sapidæ papillis impressionem saporiferam concedant. Quippe si vel maxime sapida ori ingerantur, eadem nisi soluta percipientur, & non modò ea corpora insipida sunt, quæ à salivâ resolvi nequeunt, e. g. terræ, lapides, &c. sed & deficiente in ore salivâ nullus rerum gustabilium sapor est. Alterum modificatam particularum sapidarum ad papillas impressionem desiderat, quatenus linguæ volutatione exagitata iisdem committi debent. Id quod patet, quòd in degustandis rebus eadem ore volutare soleamus, sine eo verò ori ingesta nullo sapore nos afficiant.

§. IX.

Prout ergo papillæ à particulis salinis, earumque diversâ secundum molem, figuram, texturam, & motum, habitudine, à salivâ resolutis, & congruè iisdem applicatis diversimodè afficiuntur, & à spiritibus per nervos ad sensorium commune deferuntur, diversæ quoque perceptiones aut ideæ in nobis excitantur. *Tria* verò ex illis nobis significantur. *Primum* est, ut eas certa saporis, amari, dulcis, acidi, &c. enunciatione definiamus, prout nimirum à primâ nativitate per experientiam edocti aut assueti sumus, diversos afficiendi modos his vel illis ideis designare. *Secundum* est, quòd alia nobis grata, alia ingrata judicentur, prout nimirum spiritus blandâ aut inordinatâ determinatione sensorium afficiunt, ut exin commodum aut incommodum expectemus. *Tertium* est, quòd simul ex sapore cognoscere soleamus, num res nobis profutura sit, an secus, cum quotidianum sit, juxta proverbium, quod sapit, nutrit, ea alimenta, quæ palato arrident, sæpè plus emolumenti præstare, quamvis ex se minùs congrua videantur, quàm laudabilia visâ, si cum aversatione quâdam ingerantur. Et cum hâc ratione quilibet ad commodum, aut incommodum, quod exinde sibi promittit, aut metuit, dignotiones revocat, in tantâ hominum diversitate non mirum est, quòd quædam aliis grata sint, quæ ingrata sunt aliis, & contra quoque eveniat.

§. X. Ad olfactum pergimus, quo percipimus odorata naribus exposita. Equidem hæc organum ejus genuinum sunt, non verò vel ventriculi cerebri interiores, ex mente *Aristotelis* & *Galen*i, nec etiam *Casserio*, *Molinetto*, pluribusque aliis opinantibus, processus mammillares, siquidem cum his partibus objecta odorifera communicare immediatè non posse, experientia anatomica docet. Nares autem melius spatâ hâc insigniuntur, ita tamen, ut ejus cavernæ tubulosæ pro colligendis, excipiendis & determinandis effluviis odoratis potissimùm constructæ videantur, quatenus depressis naribus difficulter, eminentibus facilius odores percipiuntur. Specialius

tamen attendi merentur ab osse ethmoidéo producti à *Casserio* ob figuræ similitudinem, ossa, turbinata, dicti, distinctius excipiendis odoribus dicati, quòd hinc in canibus venaticis odoratu sagacioribus eminentiores deprehendantur, iisque ozanâ erosus olfactus aboleatur. Præsertim verò in penitiorem considerationem vocat tunica à *Casserio* carnea vocata, non illa pituitaria, alibi jam descripta, sed spongiosa illa singularis texturæ, & quæ partim ex fibrillis à processibus mammillaribus exeuntibus, partim ex nervi quinti paris ramulis constructur. Nullum enim est dubium, hanc imprimis affici in odoratu, quatenus in canibus venaticis iterum plures illæ sunt fibrillæ, atque objectorum motus ob continuitatem cum nervis ad cerebrum transportari possunt.

§. XI. Objecta iidem non odores dicendi, quàm res odoratæ: ipsis enim rebus non insunt, sed ex earum determinatâ afficiendi ratione illorum perceptio oritur. Cum verò res odoratæ interdum ad distans nos afficiant, imò etiam propius naribus admotæ, ipsum tamen organum antea assertum immediatè vix contingere videantur, quæstio est, quid ex illis pro odoribus excitandis nos commoveat. Intentionales species, aut qualitates patibiles supra jam removimus, adeoque in eorum locum potius collocamus effluvia è rebus odoratis emanantia, quæ nares feriant. Scilicet illa non sunt, nisi particulæ ex ipsorum corporum odoriferorum compage secedentes, cum ex earum emissione illa pondere imminuantur, camphora fermè tota consumatur, flores exin marcescant, atque etiam, quæ partibus subtilioribus, & quæ elevari possint, constant, odorata, fixiora non item, esse solent. Prout hæc omnia infinitis exemplis, illustri *Boylei* dexteritate illustrata & confirmata sunt. Atque sic quod qualitatatum emissarum nomine scholis olim veniebat, hodie rectius ipsis corporum particulis ad organum olfactus delatis in acceptum refertur. Exile enim, & in mole valde exigua esse oportet, quod organo adeò subtili commovendo & afficiendo proportionatum esse debebat.

§. XII. At, quæ sunt illa corpora odorata, & in quo consistit illorum odores

odores excitandi per effluvia habitudo. Mittamus & hîc Peripateticorum vanam circa elementorum mixturam in eum locum suffiendi sollicitudinem, dum calidiores & ficciores sive igneas mixti partes id præstare sibi persuadent. Ut enim taceam, illis tantam odorum diversitatem non exhauriri, ita humiditatem quoque congruam requiri, mox constabit, non verò eâ odores impediri. Sulphurea ergo corpora chymici substituunt, & revera sulphureis particulis ex concretis evocatis eadem odore privantur, & quò plus de sulphure participant, eò magis spirantia sunt. Ast nec sola sunt, quæ odorem movent, quatenus (1.) etiam salina sola, e. g. urinosa ex animalibus elicita aut sale armoniaco, studiosissime licet ab omni adhærente oleo separata, nihilominus penetrantissimum odorem excitant; (2.) vix odorata solo sulphure consent, quin illis partibus aliæ, imprimis verò salinæ admisceantur, & firmissimè adhæreant, pro quarum variâ admixtione diversâ quoque affiendi habitudine gaudeant.

§. XIII. Enim verò pariter nec harum partium absoluta affiendi ratio, sed modificata est. Quippe *primò* in organo præter memoratâ conformationem, eidem serum quoque in tunica narium secretum, eamque irrigans, majorem objecta percipiendi aptitudinem conciliare mihi videtur. Mittam enim, & in gustu & olfactu spiritibus nervos utrinque sufficienter turgere debere, & hinc in ægris eos turbari, quòd in generalibus sensationum requisitis id annotaverimus. Cui etiam ignotum est, odores in gravedine nullos percipi, imò quoque in coryzâ, quatenus illic viscidius, hîc fluidius, & à statu naturali recedens serum invenitur, quòd alioquin secundum naturam se habens, moderandis & temperandis quidem, & modificandis effluviis imprefusionibus aptum natum est. *Secundò* motus quoque particularum requiritur, (1.) quia à calore effluvia magis commoventur, & odorata corpora, si caleant, plus afficiunt; (2.) attritione & trituratione, aut aliâ exagitatione odorata magis reddantur; (3) sulphur ipsū non odorē spiraret, nisi accensum, adeoque odoratorū certa organo applicatio requiratur. *Tertiò*, aer quoque, quòd in gustu saliva, in olfactu præstat, quatenus nimirum odoratarum partium, quemadmodum hæc lapidarum, ve-

hicu-

hiculum est. Id ergo manifestum redditur exinde, quod adversante nobis vento effluvia è corporibus emanantia facilius & fortius percipiamus, contra autem, si à re odorata nobis obviam non fiat, minus cognoscamus: item, quod effluvia illa per aërem sparsa ad distans quoque intelligamus, dum non modò ex tabernaculis, in quibus arbores, fructus & flores fortiter spirantes asservantur, sed etiam ex Insulis & provinciis, copiosis iisdem satis, è longinquo odores & fragrantiam observamus.

§. XIV. Ante omnia verò eapropter, contradicente licet *Casserio*, in inspiratione opus est, ut admissio aëre, quæ in eo quasi volitant, effluvia simul organum olfactus attingant, illudque determinatè afficiant. Et enim quæ fortiter aliàs nos afficiunt, à nobis percipi nullatenus valent, si spiritus cohibeatur, aut inspirationem velut suspendimus. Clarius verò experimento *Loweriano-Needhamiano* res demonstratur, scilicet si cani in jugulo rescissa arteriæ asperæ portio extrorsum rapiatur, ut aër in inspiratione non amplius per fauces & nares, sed per foramen ingressum instituat, naribus ad motis quam gravissimè olentibus nullatenus is afficietur. Si quidem non motus ille aëris sufficiens videtur, quin fortiore opus sit impulsu, quo anfractus organi subire, idque distinctius & fortius afficere queant objecta.

§. XV. Quamobrem, his declaratis, modus in olfactu facilis est cognitu. Effluvia è corporibus pro variâ suâ texturâ, motu & habitudine agendi, aëris adminiculo in nares recepta, certam imprimunt spiritibus in nervis determinationem & motum. Hic ad cerebrum continuatus pro suâ diversitate, varias quoque de se perceptiones in mente excitat, ut diversis odorum ideis distinguantur. Prout nimirum solita ea est ejusmodi motus certis enunciationibus definire. Et ex eodem fundamento graves aut suaves illi, noxii aut proficui nobis odores judicantur, prout sapes quocumque diversam ad nos relationem gerere superius ostensum est.



DISSERTATIO XXIX.

D.

A U D I T U.

§. I.

H A genus eas sensationum species perlustrati sumus, in quibus res percipiendæ ipsæ organum afficere solent. Nunc illas persequi ordinis ratio jubet, quorum objecta per intermedium quoddam tertium organum commovent, & quæ adeò spheram activitatis illis ampliorem naturæ sunt. Auditum & visionem innuimus, quibus objectorum etiam longinquæ positorum modos afficiendi persentiscimus. Equidem odoratum latius & longius patere, videri posset, quod ad multa milliaria à præternavigantibus, aut appropinquantibus plantarum & arborum fragrantium fertiles insulas & provincias, illarum odor percipiatur. Auditus autem ad angustius spatium restrictus apparet, cum vix tormentorum bellicorum sphaera activitatis tam longè extendatur, visio verò ad exiguum magis intervallum terminetur & hebescat. Enimvero quamvis corpora, è quibus effluvia odorifera ad distans quam maximè spatium proferri valent, longius ab organo distent, nulla tamen illorum perceptio est, nisi hæc, tanquam partes à toto avulsæ, nares percillant, adeoque immediatè contingant. In visu autem & auditu nec objectum, nec objecti partes organum contingunt, sed tertium quoddam est, quod illius motus & modos afficiendi ad hoc defert.

§. II. Auditum nunc solummodò sistimus, ad cuius accuratius examen duo potissimum invitare possunt. Alterum est, quod homini in excellentiori, quam omnibus animalibus gradu concedatur. Etiam si enim de apro potius perhibeatur, eum exquisitius homine audire, item de anatibus feris constet, quod vel levissimos venatoris motus percipiant, assertum tamen nostrum firmum manet. Quippe concedamus licet teneritudinem in iis organi majorem, quod affici etiam ab exilibus motibus animalia illa queant, qui ab homine non

percipiantur, alia nihilominus hominis auditûs excellentia est. Is enim non audit duntaxat varios sonos, sed eos etiam distinguit, ordinat, &c. Alterum est, quod auditui præsertim omnem ferme, aut præcipuam nostram scientiam debeamus. Non enim solum auditus est, quò præceptorum monita cognoscimus, variâq; animum doctrinâ imbuimus, sed & eo erudimur, quibus notionibus aliorum sensuum perceptiones definire debeamus. Nimirum, modum afficiendi sensus exhibent, sed num ejusmodi perceptio duri aut mollis, amari aut dulcis, equi aut canis termino designari debeat, auditu didicimus, & hinc natâ consuetudine continuamus. Id quod præsertim in infantibus videre est, qui eodem ac nos modo ab objectis afficiuntur, sed in denominandis ideis titubant aut errant, usq; dum auditu cognoverint, hanc vel illam iisdem describendi formulam deberi.

§. III. Ab organi proin auditûs descriptione initium faciamus, quod ex diversis partibus constat, variis circa objectorum motus colligendos, determinandos, moderandos, &c. muniis dicatur. Auris id est, tam externa, quàm interna, ad cujus cognitionem quæ requiruntur, paucis exponemus, cum dilucidiorum partium harum descriptionem uberius exposuerint *Schelhammerus* & *DuVerneyus*, par scriptorum & anatomicorum prænobilissimum. Externa auris ad latera ossium temporum sita utrinq; eminet, & auricula dicitur, emittens magis naturâ, sed vanâ formositatis persuasione, non sine auditûs læsione studio, ad os temporum reclinata, cujus inferior appendicula lobus dicitur. Cartilagine tenui, molli & flexili, hoc excepto, constat, cute superinductâ. Immobiles ex se est in homine, secus ac in brutis, ut totius capitis flexurâ opus sit, si ad excipiendos sonos accommodare magis placeat. At si natura curiosiore ejus conformatione id compensavit, dum varias cavitates & eminentias in eâ formavit, quibus undecunq; fermè venerint soni, excipi & colligi possint. Limbus exterior helix, quæ subjacet eminentia antihelix, ad ejus initium transversim producta *Schelhammero* innominata, *Bidloo* hircus; inferius, antica tragus, postica antitragus nominatur. Ex cavitatibus inter helicem & antihelicem interjacens prima antrorsum spectat, opposita scaphæ nomine ad tergum respicit, concha super antitragum sita est, & superna, alvearium inter tragus & antitragum media ab inferioribus ad meatum auditorium ducit. Hic partim cartilagineus,

par-

partim osseus est, & introrsum per varias flexuras pergens membranâ validâ exactè clauditur. Tota quippe auris hæc externa colligendis, & ad interiora dirigendis sonis inservit, siquidem abscissâ eâdem vix distincta perceptio est, & instrumentis acusticis ad ejus normam formatis hebetudinem auditûs emendare solemus. Mittam vasa & musculos à *DuVerneyo* & *Bidloo* quoque enumeratos, ubi tamen *Schelhammerus* horum in homine præsentiam inficiatur. Solùm hæc cum *DuVerneyo* annotasse sufficiat, copiosas illas glandulas subcutaneas in meatu auditorio, subluteas, & quæ per vasa sua excretoria ad aurem externam mucosum illud cerumen deponunt, ut non opus sit ejus natales ex cerebro derivare.

§. IV. Sub finem meatûs auditorii septum est, quod tympani nomine aurem externam ab internâ separat, obliqve magis protensum, & aliquatenus introrsum retractum, funiculo nerveo, de quo jam supra actum, tanquam chordâ munitum, cui in embryone apposita est membrana quædam ex mucositate oriunda, in natis postea iterum evanescens. Pone illud cavitas invenitur, à quibusdam anatomicis concha appellata, *DuVerneyo* tympani capsula. In hæc primò occurrunt considerandi duo meatus, de quorum altero alibi jam mentio facta, qui ad palatum sub aquæductûs *Fallopîi* titulo derivatur: alter superior, amplior, sed brevior in sinuositates processûs mastoidei penetrat. Hinc attendi merentur bina illa foramina, sive fenestræ, ossi petroso insculptæ; harum altera superior ovalis est, in cujus limbo stapedis basis reponitur: altera rotunda dicta, ovalis pariter est, & membranâ tenui obtenditur. Porro ossicula quædam inveniuntur, quorum primum malleus audit, & manubrio tympano adhæret, capite secundo, incus dicto, unitur, quod gracilescens parvi ossiculi, quod quartum vocant, interventu stapedis summitati unitur, pro tertio communiter recensiti. Ea per duo crura in basin ovalem protenditur, quæ fenestram primam claudit, & in illâ parte, quâ crura diducuntur altero in latere tenuem membranam velut agglutinatam gerit. Ex musculis bini ad malleum, tertius ad stapedis summitatem inseritur.

§. V. Per fenestras aditus patet in ossis petrosi alteram cavitationem, quæ labyrinthus appellari solet. Constat is ex variis gyris, quorum initium excavatum vestibulum *DuVerneyo* audit, quod novem

vem aperturas admittit, quarum prima fenestra ovalis est, una ad cochleæ scalam superiorem, quinque ad semicirculares canales spectant, duæ nervo acustico accessum concedunt. Sequuntur hinc tres canales semicirculares à figurâ ita dicti, in inferiorem, superiorem & medium ab eodem autore distingvi soliti. Tertia hujus pars cochlea est, ossi petroso insculpta, ex canale semiovali, & laminâ spiræ in modum contorta, aut in scalæ similitudinem fabrefacta. Investiuntur hæ labyrinthi partes membranâ quâdam lanuginosâ & tenui, quæ ex nervi auditorii portione molli contextitur.

§. VI. Cum omnium partium auris consensus in auditu instituendo sit, quid aliæ præ aliis præstent, videndum est. Tympanum à musculorum binis tenditur, ab uno relaxatur, & undulationes aëris externi transitu per meatum auditorium multiplicatas excipit, & ad internas auris partes transfert, adeoque ad auditum summè necessarium est. Quamvis enim eo rupto omnimodè auditus non statim aboleatur; minùs tamen distinctus est, qui percipitur sonus, & tandem omnis perditur, quod partes injuriis externis nunc magis patentes, quæ intus latent, faciliè alterationem quoque patiantur. Meningis illius motus partim per aëris commotiones in conchâ contenti ope membranæ fenestram ovalem occludentis, partim per ossicula labyrinthi conceditur, quatenus tympano malleus, malleo incus, incude quartum ossiculum, hoc stapes & stapede demum labyrinthi cavitas concutitur & exagitur. Cum verò cochlea sit, ad quam tremulæ illæ agitationes omnes dirigantur, & ab ejus configuratione singulari modificentur, atque nervo auditorio concedantur, eam pro primario organo auditûs, & parte principe venditare nulli dubitamus, quod omnes reliquæ potius videantur ministras tantùm operis pro sonis ad eam transferendis præstare.

§. VII. Quod objecta attinet, non tam soni sunt, quam res audibiles, i. e. non ille, qui perceptio est, sed hæ, quæ perceptionem excitare possunt. Liceat proin adhuc servare distinctionem illam antiquam in sonum primum & secundum, quorum ille ipsam corporis sonum excitantis vibrationem, hic illius in au-

re perceptionem denotat. Primus ergo objecti nomine dignus est. Corpora verò, quæ sonitum aliquem edere possunt, æquidem maximam partem habentur solida, at liquida etiam sonum edere, strepitus aquarum, clangores ex fluctuum collisione, sibili ex liquorum fermentantium motu, & sexcenta alia, confirmabunt; ita quidem, ut nunc solida & solida, nunc liquida & liquida, nunc solida & liquida, inter se commissa, edere sonum aliquem valeant. Attamen & in singulis certa quædam habitudo requiritur, quatenus non omnia collisa invicem, sed è solidis duriora & magis tensa, è liquidis non oleosa & pingua, verum, quæ rigidas quasdam particulas intermixtas habent, sonitum edunt, & is etiam pro ipsorum corporum diversitate variat, ut acutus magis & penetrans, aut etiam obtusus observetur. Ita nihilominus nec sola corporum habitudo ad sonum sufficit, quin opus quoque sit, ut certa quædam agitatio & vibratio instituat, siquidem campana, nisi impulsæ, strepitum nullum edere solet.

§. IIX. Enimvero res audibilis non ipsa, uti in tactu, aut etiam quicquam ex iis emanans corporeum, quemadmodum in olfactu, organum afficit, ergo medium aut tertium quoddam requiritur, quod motus ab objecto ad organum transferat, siquidem verò id impressionem factam sustinet & transportat, subiectum quoque soni rectè ab Excell. *Bohio* nuncupatur. Ordinariò id ipsum aer est, qui certam ab objecto sonante agitationem suscipiens undulationem illam ad aurem continuat, eamque dein variâ ratione commovet. Atmosphæricus verò ille sit, necesse est, ut continuari undulatio valeat, quòd in vacuo *Boyliano* campanæ aut horologii sonitum vix, aut non ita evidentè, percipiamus. Confirmamur in eâ sententiâ (1.) quòd ab objecto longius distante motum prius videamus, quàm sonum audiamus exinde, e. g. in tormento bellico longè dissito explosio ignem aliquâ morâ citius erumpere datur, quàm fragor exin percipiatur, cum hæc undulatio successivè magis & simili modo spargatur, quo videmus aquam commotam in medio piscinæ successivè per totum ambitum, diffundi: (2.) quòd pro aeris diversâ constitutione sonos

Ff 3

faci-

facilius aut difficilius exaudiamus. Quippe sereno cœlo sonus longius spargitur, nebuloso cohibetur, & velut supprimitur, quòd illic agitationis continuatio facilior sit, hîc verò ob crassitiem & majorem resistentiam difficilior esse soleat. Imò etiam si contigerit, ventum ab objecto sonante ad nos ferri, itidem melius, eòdem verò ad nos non directo, non ita commodè exaudiri.

§. IX. Interim negandum non est, communissimè aërem esse, qvî objectorum motus ad organum auditûs defert, at nihilominus aquam in urinatoribus eandem provinciam gerere, quòd eos aquis submersos quoque percipere constet, qvatenus ab aëre aqua, ab hâc auris commoveatur. At obtusum magis sonum esse inde constat, quòd aqua minùs aëre fluida & crassior continuationem motûs tantâ facilitate instituere nq̃veat. Imò si altius demergantur, vix quicquam persentiscunt, quod tanta ab objectis vibratio aquæ imprimi neq̃veat, quæ ad longissimum spatium & indefinitum omninò transferri possit. Quidni & solidorum interjectione impulsus quandoque continuatur, qvatenus pertica auri admota, si in alterâ extremitate percutiatur, sonitum in ipsâ aure excitari faciet, dum modo impulsus per fibras ligni, tum per aërem intra meatus ejus existentem continuari valeat.

§. X. Est proin in sono certa quædam aëris agitatio, pro impellentis structurâ, firmitudine, & modo agendi quàm maximè differens. Illa ergo ad omnes dimensiones æqvabiliter dispargitur, & propagatur, qvâli ratione videmus aquam ex lapidis lapsu circulos semper latiores spargere, nisi aliquod obstet, quod undulationem illam intercipiat, aut aliter moderetur. Et hinc est, quòd in libero aëre sonus facilius exaudiat, variis verò a dificiorum structuris, eâdem fermè in distantia posito, fortius aut etiam levius afficiat. Et quemadmodum de vento ante diximus; qvî impressionem factam ad unum locum magis, quàm in alium dirigat & provehat, ita quoque in illis motibus, qvî ex canale quodam prodeunt, ad illam lineam fortius & longius disseminantur, ad quam impulsus magis, quàm aliò, dirigitur, ut hinc etiam

etiam prædicantis verba ii facilius percipiant, qvi ipsi è regione positi sunt, qvàm qvi ad tergum ejus locantur.

§. XI. Antequam ad modum in auditu declarandum progredimur, opus est, ut attendamus duplicem aëris in eo negotio considerationem esse. Alius enim est externus, & qvi objectum sonans, nostramq; aurem interjacet, alius internus, qvi pone tympanum intra cavitates invenitur. Qvi intra conchæ capsulam reperitur, ab externo non nisi situ differt, atqve per aquæductus *Fallopii* accedere & secedere iterum continuò potest, forte etiam per tympani poros aditum sibi parat & reditum, qvòd flatus auri immisus ad interiora penetret. At intra labyrinthum qvi continetur, connatus etiam aliquibus audit, qvòd fenestræ sive foramina, ovale per stapedem, rotundum per membranam, accuratè claudantur, qvem tamen iidem per poros meningis laudatæ viam sibi parare & sublimiorem esse & requiri suspicor, qvòd distinctius tum organum efficere & commovere debeat.

§. XII. Prout ergo objecta variè aërem & modificatè exagitant, undulatio ab eo continuata ad aurem externam pertingit. In hac tympanum quatit, & sic per ossicula auditûs impressio illa ad labyrinthum continuatur, ut in eo velamentum illud nerveum variè iidem exagitent, & motus etiam iis respondentes ad sensorium commune transvehant, variis ideis sonorum à mente nostrâ designandos & denominandos. Quemadmodum verò tympanum ab aëre externo afficitur, sic internus ab illo & motibus ossiculorum eandem determinationem suscipit, & hinc in labyrinthi anfractibus aliter iterum modificatus nervum ferit; & pro objecti moventis diversâ ratione variè etiam commovet. Et quamvis exiguæ hæ partes gravissimis motibus fortissimisqve vix adæqvatz aut proportionatæ videantur, qvos referunt, mirum tamen non erit perpendiculari, qvòd etiam grandis qvàm maximè res exigua velut in imagine oculis sistatur. Imò hinc quoque ratio apparet, cur chorda dentibus prehensa & concussa sonum æqve percipere efficiat, ac si auribus excipiamus. Non enim nervorum

qvin-

qvinti & septimi paris communicatio est, qvòd falsò præsупponitur, sed, qvòd aër in ore concussus per aquæductus *Fallopîi* undulationem ad interiora transferat, & sic factâ ejus ad labyrinthum translatione sonitus perceptionem instituat. Sic etiam, qvi surdi & muti qvoqve sunt, non ex eâ nervorum communicatione tales evadunt, sed, qvòd auditûs defectu cognoscere neqveant, qvibus ideis aut notionibus res designare debeant. Sonum enim aliquem, sed inconditum, non verò articulatam vocem edunt, qvòd ignari sint, qvomodo eam moderari debeant. Imò observationes plures sunt, inter quas *Willisii* qvoqve recensenda, qvòd muti à nativitate & surdi aliis adminiculis, qvòd auditu non poterant, sermonem formare didicerint.



miser
bus, c
tur; l
denda
declin
mus, c
ejus p
oculat
culoru
solo af
bus son
S
culum i
forioru
rnes p
nistras
sertim r
unt val
cui ocul
Hæ sunt
cem dili
& interio
parte per
illi, qvili
culum al

DISSERTATIO XXX.

De

VISIONE.

§. I.



visionem aggredimur, alteram illam sensationem, in qua obiecta longius posita organum afficiunt, & à nobis cognoscuntur. Nullus dubito, quin omnes omnino homines sensum illum summè necessarium, summè utilem judicent, præsertim si intelligant, quanta incommoda, quæ miseræ, oculorum usu orbatos affligant. Imò dum gustus saporibus, olfactus odoribus, auditus sonis duntaxat percipiendis destinantur; latius visio patet, dum innumeræ species oculis objiciuntur videndæ. Hæc etiam, quæ eminens imminet, pericula cognoscimus declinanda, eaque in plerisque vitæ nostræ actionibus carere non possumus, ad quas reliqui sensus nihil faciunt. Quid? annon eminentiam ejus præ reliquis sensibus vel id testatur, quòd certissima probatio ab oculatis testibus sumatur, quatenus si per reliqua sensoria cognitio oculorum fides accesserit, nullus dubitandi locus relinquitur, & sæpè ex solo aspectu fercula jucunda palato, instrumenti musici gratum auribus sonum hariolamur & promittimus.

§. II. Maximum verò artificiosissimæ structuræ Conditoris miraculum in organo conspiciendum est, quod auditus & cæterorum sensoriorum fabricam multis parafangis antecellit. In hoc secundum omnes partes cognoscendo eas distinguere utile erit in continentes, ministras, & quæ ad ipsum oculi orbem pertinent. Inter continentes præsertim referri debent, quæ oculum condit cavitas, & quæ ipsum muniunt valvæ. Illa ossea est orbita in calvariâ sub osse frontis excavata, cui oculus includitur, & interius reponitur, ne externis pateat injuriis: Hæ sunt palpebræ, aliæ superiores, aliæ inferiores, quæ rimâ à se invicem distinguuntur, cujus extremitates canthi; illa, quæ naso propior, & interior, major; quæ exterius respicit, minor, dicuntur. Supernâ in parte per semicirculû crinibus ornantur, qui supercilia audiunt, dum illi, qui limbis palpebrarum infiguntur, ciliorum nomine veniunt, & oculum ab externis injuriis, præsertim in aëre volitantibus, muniunt.

Limbus cartilagineus est, dum in palpebrâ superiore muscoli quoque observandi sunt. Horum alius à fundo orbitæ recta protenditur, ab exili initio sub finem latius diductus: alius transversus est, qui sphincter quoque appellari potest, & dum fibræ ab utroque cantho excurrunt, *Bidloo* pro duplici musculo habetur. Eum in finem conditæ palpebræ videntur, partim ut clausurâ suâ oculum ab iis, quæ ab extra eidem minùs grata evenire poterant, defendant, & radiorum accessum ubi opus non est, arceant, quod imprimis in somno fit, ut ne ab objectorum in oculos illabentium motu quies nostra turbetur; partim, ut continuo suo motu oculum velut poliant, lævem reddant, & mobilitatem faciliorem ei concedant. At interdum si quid oculi bulbo firmitus adhæreat, quod amoliri necessum sit, in homine manu palpebris admotâ oculum fricamus, quævis destituta pleraque animalia ex quadrupedibus & volucris tertiam quandam in cantho interiore palpebram obtinuerunt, quâ oculo obducta & reducta illum ab adhærentibus liberant: aves verò simul luminis vehementiam temperant.

§. III. Ministras appello partes, quæ equevidem immediatè ad visum non faciunt, suâ tamen actione, quò oculus ad diversum objectorum situm accommodari valeat, efficiunt. Inter has iterum certo modo numerandæ sunt palpebræ, quatenus his magis diductis, aut strictius commissis radiorum accessionem variè moderamur. Maximè autem ob glandulas, quas equevidem alibi jam commemoravimus, & quarum plures, sed exiguæ palpebris intertextæ, duæ verò, præsertim majores, orbitæ adstant. Altera innominata *Stenonis* superior, altera in cantho oculi majore lachrymalis dicta, quam tamen in homine vix præter tantillum pinguedinis esse *DuVerneyus* affirmabat, cum vera ejusmodi glandula illis præcipuè animalibus adsit, quæ palpebrâ illâ tertiâ instructa videntur. Humiditas, quam illæ plorant, lubricando præsertim oculo destinatur, ut felicius pro rei exigentiâ hinc inde volvi valeat. Residuam per puncta lachrymalia ad nares derivari suo loco ostensum est, quæ ex accidenti expressa per genas lachrymas constituit.

§. IV. Præ aliis verò ad eam partium classem recenferi merentur muscoli, quibus, prout opus est, oculus huc illuc vertitur. In homine sex sunt, quatuor recti, duo obliqui. Ex illis, qui oculum ad superiora trahit, attollens & superbus; qui ad inferiora, deprimens & humilis nominatur. Lateralium is, qui oculum nasum versus aut ad interiora deducit, adducens, aliis bibitorius; qui ad exteriora rapit, abducens,

cens,

cens, atque etiam indignatorius vocatur. Huic proximus inferiora versus simul trahens est ex obliquo inferior, amatorius appellatur, dum intra attollentem & abducentem alter & superior locatur, qui quod super cartilaginem trochleam dictam volvatur, trochlearis nuncupatur. Non incongruum iudicem muscutorum obliquo actionem esse reciprocam, quâ velut in æquilibrio oculus servetur. Unde suos obtineant nervos, dissertatione XXII. declaratum est. Nec tamen silentio plane prætereunda est copiosa pinguedo, quæ musculis præsertim intermiscetur, & totum ferè oculi bulbum exteriorem investit, quatenus & illa fovendo & lubricando oculo inservit, qui durioribus contentus in continuâ volutatione faciliè læderetur,

§. V. Quæ ad ipsum oculi orbem referuntur partes dispescere conveniet in tunicas, humores & nervum: vasa enim sangvifera ex illorum distributione generali peti possunt. Ex tunicis primò nominanda est adnata, aut conjunctiva, ab officio ita dicta, aut etiam albuginea, à colore. Hæc reliquis partibus oculum alligando suo modo ad ministras partes aut continentes referri potuisset, cum nec ad oculi orbem constituendum impendatur. Cui usui potius destinatur sclerotica à posticâ parte & versus nervum opticum densior, firmiorque, & omnino opaca, cujus anterior portio diaphana corneæ titulo insignitur, à quibusdam hinc pro peculiari tunicâ venditari solita. Quemadmodum verò hæc omnes partes oculi interaneas continet, ita antè pellucidam esse oportuit, ut radiorum ab objectis reflexionem admittere eadem valeat.

§. VI. Sequitur uvea, quam inter & scleroticam ligamenta quædam tendinea inveniuntur; dicitur etiam choroides. Eadem vasis sangvineis perreptatur quàm plurimis exterius, interius in homine tota nigricans est, in brutis in fundo viridescens. Hæc à fundo oculi antrosum versus producta circulo quodam albicante terminatur in iridem. Ea corneæ subjacet, & ex variis fibrillis sive processibus ciliaribus constat, quorum extremitas una uveæ connectitur, pro cujus diverso colore oculorum differentia est: alia ad circumferentiam humoris vitrei spargitur, & alia humorem crystallinum ambiens magis adhuc nigricat, ligamenti ciliaris nomine veniens. In medio perforata est oblongè in brutis, rotundè in homine, ut radios transmittere valeat. Quemadmodum tota uvea non alium in finem condita videtur, quàm ut ad certum usque punctum claudendo humores radio-

rum accessionem moderetur; ita iris dilatationi & constrictioni pupillæ inservit, de quibus inferius. Nunc annotasse sufficiat, duplicem eam constare serie fibrarum, quæ revera musculosæ sunt: aliæ sunt rectæ, & quæ à pupillâ, tanquam centro, velut plures radii ad ambitum diffunduntur; aliæ verò sunt circulares, & tanquam totidem circuli pupillæ pararelli apparent.

§. VII. Ad fundum hinc posita est dicta retina, sive reticularis, quæ mollis & ex fibris flaccidis conflata nervi optici productio, tanquam flos à caule prodiens habetur. Si quidem mucositate in aquâ tepidâ detersâ filamentorum series manifestius conspicitur. Albida hæc est, ut species oblatas excipere possit. Hæc pro instrumento primario visionis, contra *Mariottum*, choroidi faventem, reponitur, i. e. in quam omnium imaginum representatio transferatur, ut hinc per nervum opticum ad sensorium transmitti queat commune. Solent enim cum camerâ obscurâ oculi fabricam comparare, & pro linteamine aut chartâ retinam venditare, in quâ objecta depingi soleant. Quippe non modò avulsis in posticâ parte tunicis scleroticâ & uveâ, ad retinam depictæ imagines conspiciuntur, sed & si oculum hâc ratione denudatum foramini cameræ obscuræ applies, is tibi lentis vitreæ instar erit, per quam imagines in chartam protensam conjiciantur.

§. VIII. Humor oculi nomine veniunt illa contenta pellucida, quæ intra tunicam scleroticam uveamque continentur, quorum solus aqueus fluidus est, reliqui biniconsistentiam solidiorem obtinent. Primus est aqueus, consistentiæ fluidæ, pellucidæ & albumen ovireferentis, antè inter crySTALLINUM & iridem locatus. Ab eo oculi globositas est, quòd eo effluente oculus collabatur. Humorem hunc restaurabilem esse, experientia docet. Ut alia mittam argumenta, unicum id abundantissimè confirmat: nimirum, inflatò cani aut aliî animali vulnere, per scleroticam penetrante, ille effluit, at aliquot dierum spatio, munitâ & consolidatâ plagâ, iterum colligitur, oculi globum elevat, & visum restituit. Unde hæc fiat reparatio, *Nuckii* præsertim dexteritati debetur, qui canales quosdam invenit, quibus is ad oculum derivetur, & quos ea propter aquosos nominat. At utrum illi peculiæ sint, sanguine vacuæ, determinare nolim, cum autor tantoperè contra molliatur, interim tamen, si arterioli humiditas injiciatur, eadem ad cavum oculi penetret, & partium texturæ serosam à sanguine portionem transcolanti res deberi videatur.

§. IX.

§. IX. Humor crystallinus cingitur ciliari ligamento, & investitur propriâ membranâ satis tenui, quæ arachnoides appellatur, & pupillæ è diametro opponitur. Ipse figuram lentis habet ellipticam, antèrius depressam, posticâ in parte rotundiorem. Eum *Leeuwenbaki- us* ex variis fibris mirè contextis constare lynceis suis oculis visum delineavit. Fovetur velut in sinu humoris vitrei, qvî, posticam oculi partem constituens, antèrius excavatur, ut illum excipere & continere possit. Consistentiam pariter solidiorem, sed pellucidam consecutus est, atqve propriâ itidem tunicâ obducitur, quæ hyaloides vocitatur. Num & hi humores evulsi ex oculo restaurari arte possint, de quâ *Bur- rhus* & *Kerckringius* gloriantur, eqvidem dubius hæreo. Fidem enim tantorum luminum, qvis reprobet? Qvis fallaciam subesse harioletur.

§. X. Quemadmodum ergo humores totidem vitra videntur, quæ non modò radios transmittant, sed & pro diversâ suâ figurâ, consistentiâ, situ, eos diversimodè refringendo & reflectendo variè modificent; ita de nervo qvoqve optico suo loco dictum fufius. Hujus verò munus est, impressas retinæ species visivas ad cerebrum continuare, & eidem sistere. Alios qvoqve nervos, & hic ipse se cingentes, & muscoli, & aliæ oculi partes, habent, sed illos in nervorum distributione delineavimus. Vasa sangvineâ quod attinet, arterias ab utrâque carotide sortiuntur, venæ tam internæ, quàm externæ, ad jugulares terminantur, qvînimò nec lymphaticis destituuntur oculi.

§. XI. Pergimus ad objecta declaranda. Ea cum sint, à quibus sensatio excitetur, & ad quæ perceptio nostra iterum referatur, ita in eorum locum reponimus omnia illa, quæ nobis aliquam imaginem aut ideam sistere & exhibere possunt, & quæ videre dicimur. Scilicet omnes res corporeas, quæ sub certâ magnitudine, figurâ, motu, superficie, porositate radios ad oculum sub certâ modificatione transmittunt. Ex quibus apparet objecta illa interdum esse aliquid reale, e. g. eqvum, arborem, stellam, tabulam; interdum aliquid modale, i. e. quod corpus quidem aliquod, sed sub certo aliquo modo, repræsentat, & in hanc classẽ referimus colores. Siqvidem ex recentiorum physicâ, à *Cartesio* imprimis & *Boyleo*, infinitis experimentis & rationibus comprobata suppono, colores nullos esse veros, sed omnes apparentes. Nimirum vel à corporum opacorum, radios non transmittentium, superficie diversissimâ, vel à corporum diaphanorû, radios transmittentium, variâ meatuû constructione, & particularum constitutivarû conditione ra-

dios reflexos aut refractos sub diversâ modificatione ad oculum venientes colores nuncupamus.

§. XII. Lucem pro medio agnoscimus, quod objecta nobisistere soleat, siquidem sine illâ nec corpora, nec eorum colores, ullâ ratione videri possunt. Lux enim ut lux non videtur, sed prout vel à corporibus interjectis variè intercipitur, vel ab iisdem aliter modificatur, corpora illa & quæ sunt, & quantum lucem intercipiunt aut modificant, conspiciere dicimur, eaq; vel eorum modos, certis quibusdam ideis determinamus. Quemadmodum enim aër ab objecto sonante non suos motus transferendo sonos, ita lux à corporibus nactas mutationes visui exponit, & medium est, quo objecta cognoscuntur. Enimverò, quia lux ab objectis modificata oculos afficit, hoc sensu etiam objectum dici cum Excell. *Bohrio* potest. Quid lux sit, physica explicat, & meo quidem iudicio nemo philosophorum dilucidius renato illo scientiarum fidere *Cartesio* declaravit. Est ergo quædam actio à corpore lucido emanans, & per congruum medium per proportionatum quendam ambitum continuata. Nimirum motus est, quem sol, sidera, aut alii ignes in circumfusâ atmosphærâ iis partibus imprimunt, quæ agiles, & ad motum præ aliis aptæ sunt, nec immeritò sphæricæ concipiuntur. Quoniam autem corpus lucidum tanquam centrum est, æqualiter undiquaq; ab eo secundum omnes dimensiones pressio, longius aut brevius, pro impellentis diverso robore continuatur. Imò cum omnes illæ partes contiguæ sint, uno momento pressio ea, dum una aliam, vicinæ scilicet, vicinas urgent, ad peripheriam usq; spargitur. Radii proinde vel sunt illæ lineæ, secundum quas globulos pressos moveri aut conatum movendi exercere concipimus; vel ipsæ sphærulæ sub certâ motûs determinatione consideratæ. Prout ergo plures aut pauciores, & pro figuræ, superficiei & meatuum in corporibus, ad quæ appellant, diversitate aliter atq;ve aliter modificati ab objectis ad oculum veniunt, diversas rerum species exhibent, ita quidem, ut fermè ab omnibus ejus punctis aliquis prodeat.

§. XIII. His prælibatis modum visionis cognoscere perfacile est. Radii nimirum à corporibus illuminatis (reliqua enim non videntur) sub certâ modificatione ad pupillam veniunt, perpendiculariter incidentes recta ad fundum pergunt, obliqui verò in humoribus oculi pro diversâ novorum mediorum figurâ, consistentiâ, secundum regulas

las ex mathematicorum demonstrationibus petendas, diversimodè refringuntur & reflectuntur, tandemq; in retinâ non tam imagines depingunt, quàm eidem certam quandam motûs speciem concedunt, quæ per nervum opticum ad cerebrum delata à mente congruâ quâdam ideâ denominari solet. Equidem hinc faciliè patet, cui sententiæ accedendum sit, cum antiquitus disceptatum est, num emissione radiorum ex oculo, an receptione intra eum corpora videamus; posterius enim fieri ex antecedentibus constare potest.

§. XIV. Id solùm dubium est, quòd quemadmodum in camerâ obscurâ in chartam, sic quoque ab oculo imagines rerum ita in retinam conjiciantur, ut quæ erecta sunt, inversa appareant. Id enim non modò ad regulas reflexionum, & refractionum, radiorum revocatus per humores transitus demonstrat, sed experientia confirmare videtur, quâ oculus ritè præparatus, cameræ obscuræ foramini applicatus, & si in posticâ parte inspicitur, res videndas inversè, & quæ dextrorsum sitæ sunt, sinistrorsum & vice versâ, repræsentat. Quid ergo efficit, ut quæ res nobis inversæ sistuntur, erectæ tamen, & vero in situ, appareant? *Cartesius* putat animam rationalem id agere, quòd à juventute assiveta sit, imagines inversè repræsentatas, tanquam erectas assumere, postquam scilicet ab ineunte ætate didicerit, id necessarium esse. At, ut alias difficultates hujus asserti sicco pede præteream, sequeretur sane, quòd animalia, quæ animâ rationali destituuntur, species erigere non possent, atque sic in cibo sumendo, aut eundo, per præcipitia (cum semper contrarium ipsis sisteretur,) continuò fallerentur, quod rationi & experientiæ contrariatur. In ipsâ ergo oculi organisatione rectius negotii cardo quæritur, quæ verò illa sit, nondum satis declarata mihi hæcenus videtur. In eo saltem plurimorum errorem consistere puto, quòd secundum analogicam describendi formulam sibi concipiant imagines similes in retinâ depingi, ac in linteo albo cameræ obscuræ fieri amat, & illas à sensu communi aut animâ, simili fortè ratione, ac ab assidentibus, considerari. Cum tamen radii retinam à dextris venientes in sinistro latere, summi deorsum, & vice versâ, afficiant per certam motûs speciem, qui hinc per nervum ad sensorium continuari debet, adeoque in illo motu immutationem ad rectitudinem experiantur. Si enim suspicioni locus in re adeò abstrusâ, considerandum est, quòd nervi optici è bulbo oculi utrinque emergentes in progressu coeundo, & iterum divulsi literam fermè X

exprimant. Suppositis ergo prioribus, motus objectorum ex oculo ad cerebrum per nervos deferri, & in retinâ summa in imo, dextra ad sinistram afficere, dum iidem per nervos excurrunt, dictâ ratione fabricatos, propter angulum ex coâitione utriusq; emergentem novam determinationem spiritus suscipiunt, ut mutatâ priore rectâ iterum objecta sensorio communi sistantur.

§. XV. Interim & hoc singulare quoddam est phænomenon, quod duobus oculis exceptâ imagines rem tamen non geminam, sed simplicem nobis exhibeant. Non enim existimandum est in illâ nervorum opticorum combinatione species utrinq; venientes conjungi, quod nervi illic loci non fibras confundant, sed distinctas servant, & tantum viciniam colant. Verum res potius in eo consistere videtur, quod oculi in æquilibrio positi sint, & in re videndâ uterq; ad unum punctum dirigantur, necesse sit. Quod si enim alterum altiore, alterum depressum magis casu, aut à nativitate, quidam obtinuerint, aut in strabismo alter huc, alter aliò trahatur, geminæ res apparent. Parî ratione ac si alterutrus oculi bulbum vel deprimendo, vel elevando, è situ alteri respondente turbamus, itidem objecta dupla nobis videntur. Rationes *Briggii*, quas in æquali nervorum tensione & tono ponit, à Cl. *Bohnio* sufficienter refutatas silentii peplo involvimus.

§. XVI. Tandem cum per tubum opticum hodiè quidam oculi fabricam describant, in quo humores vitra, tunica sclerotica laminas, uvea chartam constituent, opus quoque erit, ut aut oculus pro remotis objectis cognoscendis elongetur, pro proximioribus verò contrahatur, aut pupilla pro radiorum plurium admissione modò ampliatur, modò pro eorum concentratione, ut vocant, coarctetur. Equidem oculi bulbum elongari à musculis cum *Robaultio* existimari vix potest, cum, quemcumq; musculorum inspicimus, situmq; connexionem & actionem in iis contemplerur, huc illuc trahere orbem, aut in æquilibrio servare, non oculi figuram & magnitudinem immutare poterunt. Non in fibris humoris crystallini ejus elongationem & contractionem quærere licet, quod hic intra vitreum conditus actioni illi congruus esse nequeat. Enimvero in iride cardo rei vertitur. Ejus substantiam fibrosam supra notavimus, illa ergo intumescere & detumescere potest, quatenus, si oculum alterius, manu aliq; andiu tectum, eâ subito remotâ, inspicimus, manifestè iridem augmentari deprehendimus, ut proin hac potius decrecendo aut accrescendo desideratum finem præstare soleat. Verum, cum præsertim duplex oculorum conditio sit, alii planiores, alii rotundi magis; in illis opus est contractione pupillæ, ut distinctius radii incendant, in his ampliatione, ut plures intrare queant. Aut etiam, utcumq; oculi se habeant, si rem accuratius cognoscere animus sit, solemus etiam palpebris commissis pupillam arcere, & aciem intendere. Maximè verò huic negotio inservit illa duplex in iride fibrarum series, circulare & rectarum. Illis agentibus & contractis pupilla angustatur & elongatur, his contractis aperitur, dilatur & abbreviatur.

* * * * *

FAME, SITI ET DOLORE.

§. I.

Postquam eas sensationes delineavimus, quæ à rebus extra nos constitutis, per certa quædam organa, excitantur ad alias quoque procedimus. Ordine ergo circa sensationem in genere constituto, nunc sese offerunt perceptiones illæ, quibus de statu quodam corporis nostri admonemur, quo dein ad appetendum, aut fugiendum disponimur, fames, sitis & dolor. Sensationibus his cum externis magna quidem intercedit cognatio, quod certum afficiendi modum, corporis quædam parte excipi solitum, designent, pro earum tamen speciebus habendæ omnino non sunt. Etenim illis præsertim nobis sistuntur res extra nos constitutæ, earumque natura, ex diversâ nos afficiendi habitudine cognoscendæ; his interiorum potissimum moventium actionem, & quid corpori hinc ipsi nostro accadat, intelligimus. Licet dolor interdum quoque ab externis excitari soleat, ab internis tamen etiam aliquando procedit, & non tam per eum ad id, quod afficit, prout in externis sensibus, sed ad statum corpori nostro molestum, qui hinc eidem inducitur, perceptionem nostram dirigimus.

§. II. Quemadmodum verò & appetitum quoque brutis negare non possumus, quòd alimenta sibi quærere congrua quotidiè videantur; ita nec dolore carere eadem opinandum est, cum, quando vapulant, aut aliâ ratione malè afficiuntur, eadem ejulare, aliisque gestibus sensum veluti suum exprimere soleant. Imò necessum erat, ut bestię, quæ continua opus habent, durante vitâ, partium suarum conservatione & reparatione, esurirent & sitirent, i. e. stimulo etiam quodam concitarentur, quò & alimenta arriperent, atque simul eâ gauderent habitudine, ut non indifferenter quælibet, adeoque noxia cum innoxiiis, sed quæ ipsis congrua forent, assumerent. Necessum pariter fuit, ut dolore afficerentur bruta animalia, i. e. ut certâ quædam affi-

H h

entium,

entium, & integritati illorum minus conveniente ratione ad ea fugienda impellerentur, quibus à Creatore O.M. se tuendi arma, & se movendi organa, & hinc facultas quoque concessa erat. Enimvero dispares eorum has sensationes ab hominis esse tenendum est.

§. III. Supponimus proin in antecedentibus declaratum esse, brutorum corpora viventium, adeò singulari Sapienissimi conditoris artificio, constructas esse machinas, quæ pro mirâ suâ conformatione, & afficientium habitudine relativâ, variis motibus agitari valeant, qui à non viventibus, etiam artificiosissimis automatis, proficisci non queant. Fame proindè & siti eadem urgentur, quando ex certâ quâdam afficiendi habitudine, vel escæ expositæ, vel internæ cujusdam causæ corporis organa, & hinc elater ille princeps, sive sensorium commune ita determinatur, ut sic animal ad assumenda alimenta impellatur. Liqvida verò modò, modò solida, i.e. nunc cibum, nunc potum capit, prout ex hujus aut illius defectu, & eapropter diverso afficiendi modo, in hunc vel illum dirigitur. Congrua eligit, incongrua respuit, non quatenus bona aut mala cognoscit, sed quia iis iterum diversimodè determinatum non hæc, sed illa assumere potest. Dolent animalia, & si pungas, aut aliâ ratione lædas, partes contrahunt, vociferantur, aufugiunt, non quòd ex quâdam cognitione proficiscatur, sed pro diversâ impellentium ratione, & organorum partiumque determinatas hinc commotiones edendi habitudine necessario promanet. At quamvis in homine interdum & has sensationes sine mentis attentione fieri non equevidem negem, aliter tamen ordinariò se res habet, cum is potius appetitu, i. e. desiderio quodam assumendi potum aut cibum feratur, quod etiam si ex quodam objecto, aut etiam internâ partium quarundam corporis modificatione oriatur, ejus tamen perceptionem & cognitionem involvit. Accedit, quòd etiam in illo appetitu latius brutis vagetur, cum horum quævis certis tantum alimentis & potulentis vesci soleant, homo verò non modò ad innumera vago appetitu feratur, sed etiam in iis feligendis & respuendis libertate maximâ gaudeat, & de his vel illis potius assumendis nimis sollicitè cogitet. Et quidni dolor quoque in homine alius est, utpote quo simul, quæ nos afficiant, intelligimus, modumque & diversitatem, variè perpendimus. Magis ea dilucidari poterunt, quando in singularum harum perceptionum specie-

speciebus enucleandis occupati, earum subiectum, movens, utriusque modum, & hinc ortam sensationem trademus.

§. IV. Mittamus ergo veterem illam doctrinam, quâ appetitum in naturalem & animale distinguebant. Illum dixere suctionem quandam, quæ propter exinanitionem à vasorum & partium extremis ad vasa majora, hinc ad hepar, & inde ad ventriculū, continuetur. Hunc appellabant, quando ex illâ suctione animal ad assumptionem alimentorum & potulentorum sollicitatur. Multa quippe vel in limine hujus sententiæ occurrunt, quæ mox falsa deprehenduntur, & ex lege circulationis, structurâ vasorum, similibusque facile refelli possunt. Accedit, quod appetitus non semper ex depletionem originem sumat, sed interdum ex ferculo viso ad ejus assumptionem invitetur; ubi vasa adhuc chylo turgida, aut ventriculus ab aliis ingestis nondum liberatus est. Quin imò mox ab alimentorum assumptione fames desinit, à potu sitis, etiam si brevi morâ ad partium extrema assumpta pervenisse, nullatenus concipi possit.

§. V. Fames ergo est illa sensatio, quâ ad alimenta assumenda ferimur. Residet verò ea interdum in merâ voluptate & phantasiâ, quando de assumptione alimenti cogitamus, aut in hæc vel illa incidimus, aut ex aspectu aut enarratione cibi grati ejus assumptionem desideramus. Sed de hac non tam sermo est, quàm quâ ex necessitate ad alimenta capienda sollicitamur, ut nimirum partium nutritioni congruarum restitutionem nanciscamur. Ea excitatur in ventriculo, quatenus etiam molestiam quandam, aut sensibilitatem circa ejus regionem, dum famelici sumus, experimur. Tunica verò potissimum ejus nervea, sive tendinea afficitur, ut hinc ope nervorum, quorum plures ad ventriculum spargi cognovimus, ad sensorium commune pro excitandâ illâ sensatione ferri valeat.

§. VI. Quid verò ventriculum movet & afficit, ut appetitus alimentorum sequatur? Non exinanitio partium ad ventriculum per vasa continuata, quod superius diluimus. Non acidum à lienē inspiratum, aut etiam inibi productum, etiam si ex acidorum usu stimulum appetitus experiatur, quod cuncta hæc suis in locis, & fusus quidem, fuerint refutata. Verum lympa illa, partim salivaris, partim glandularum œsophagi, & ipsius ventriculi, quam menstruum ciborum solutioni congruum esse ex antecedentibus patet. Hoc post prior-

res cibos absumentos partim copiosius in vacuo ventriculo colligitur, partim particulis gelatinosis & chylofis, successivis circuitibus per corpus exuitur, & modò quod non habeat, in quod agat, modò quod spicula salina, quibus scatet, tunc minus impedita, sed energetica magis reddita manifestius se se exerere possint, leni arrosione, aut irritatione potius ventriculum afficit.

§. VII. Irritato ventriculo motus ille per spiritus intra nervos ad cerebrum deferitur, & pro suâ, quâ sensorium commune afficit, habitudine in brutis varias partium assumptioni dicatarum determinationes producit, in homine verò cognitionem, adesse chylosarum partium defectum, efficit. Mens ergò corporis, cui jungitur, integritati studens, salinarum irritatione de chylosarum inopiâ admonita, desiderio impletur eas reparandi. Hoc aliâ ratione fieri nequit, quàm ut nova alimenta assumantur, ex quorum solutione illæ iterum reparentur. Prout itaque hâc ratione in statu naturali laudabile illud serum tunicam ventriculi irritando, illam sensationem producit, ita ejus impletioni obedire necessarium est. Imo quia ab humore congruo proficiscitur, proportionatè afficit, & veluti simul quantum assumendum sit, & digeri possit, determinat. Imitantur id ipsum in anorexiâ curandâ medici, & acribus, salinis, aromaticisq; stimulum similem aut irritationem instituunt. Quid? annon in statu præternaturali acres humores, e. g. in phthisicis, & hypochondriacis appetitum justò auctiorem efficiunt.

§. VIII. Quod verò non indifferenter ad alimenta duntaxat, sed in specie in hâc vel illâ potius feramur desiderio, non existimem provenire cum *Craanio* à particularum ejusmodi, quas in cibo desiderato contineri supponimus, defectu, quatenus eum mens persentiscat, & assumptione dein illius edulii emendare studeat. Verum, prout motus differt, ita etiam sensatio. Sic enim singularis quædam esse debet spirituum in nervis agitatio, quæ cerebrum afficiat, & nos ad varia capienda impellat. Quinimò uti à menstruo naturaliter ad alimenta sumenda irritamur, ita peculiaris hujus debet esse ratio, & afficiendi modus, quo determinatorum quorundam ciborum cupidine agitamur, quamvis in quo propriè consistat, determinare concessum non sit.

§. IX. Sicut est appetitus assumendi liqvida, distinctus sane à prio-

à priori, quòd fame licet sedatâ, sitim adhuc superesse, & peculiaris sensationem esse observemus. Eam verò omnem pro statu quodam præternaturali habere vix licet, quòd non tam ex ejusmodi defectu oriatur, qui morbosus aut symptomaticus dici debeat, sed necessitatem potius liquidorum innuat. Sic enim sanissimi homines sitiunt, & diluentia ejusmodi desiderant. At quod de fame pronuntiamus, id de siti quoque asserendum est, eam interdum ex merâ voluptate & consuetudine provenire, hominesque aliquos semper veluti sitire. Verum id potius nostri instituti est, eam explicare, quando ex necessitate, ad corporis integritatem requisitâ, nobis potentiorum assumptio significatur.

§. X. Fauces autem, œsophagum, & ventriculum quoque pro parte illâ reputamus, quæ statum ejusmodi indicet, ex qua sitis proveniat. Quod si enim aridæ istæ sint & siccæ, in ventriculo autem deficiat congruum diluens, desiderium potius in nobis nascitur. Nam & os continuo irrigari salivâ, & ad digestionem præstò esse debet, aut non commodè instituitur, nisi etiam liquidorum accessione negotium faciliemus.

§. XI. Movens ergo causa non est modò objectum aliquod aut potius genus oculis exhibitum, aut phantasiâ excogitum, sed præsertim defectus, aut necessitas diluentis, aut portionis serosæ in locis debitis. Uti enim chylosas & gelatinosas requiri partes, adeoque hinc alimenta assumi debere fames significabat, ita diluentium, liquidorumque necessitatem siti colligimus. Manifestius id apparebit consideranti, quibus ex causis sitis excitari soleat. Quippe si vel nulla saliva ad os deponitur, vel inter loquendum absuitur, potum desideramus, eum avidius copiosiusve ingerimus post esum alimentorum salitorum nimis, aut aromatizatorum, quòd horum particularum acriores in faucibus & gulâ hærendo irritatione suâ diluentis necessitatem inferant. Sic post evacuationes immoderatiores, tum in motu corporis nimio, & sero per habitum copiosius effuso, tam vaporetenuis, quam in sudore, tum in alvi fluxu potum expetimus uberiorem, quòd defectu liquidarum in sanguine partium reparare summè necessarium sit. At inquis, quomodo ex defectu feri oriri poterit sitis, si in hydropicis, in quibus abundans potius illud invenitur,

tur, sitim nihilominus urgere intelligis? Differentiam autem facile intelliges, attendendo, quod illud non sit in locis debitis, sed quia vel in cavitatem aliquam effunditur, e. g. in ascite, vel restagnat, prout in anasarcâ, utique ejus defectum, & in sanguine, & in faucibus agrorum maximum esse cognoscimus, quod ille hinc inde evidenter satis, ex diluentis inopiâ, restagnet, hæ verò aridæ semper maneant, etiamsi amphoras exhauriant, quod effluendo per rupturas vasorum lymphaticorum, aut restagnando intra tubulos salivam reparare nullatenus possit. Imò & in febribus ardentibus & intermittentium paroxysmorum finibus, sitim illam, ex diluentis pariter defectu, originem trahere quis non asserat, cum hinc si potus agris illis concedatur, moderatior tamen & tenuior, insigne levamen persentiscant.

§. XII. Quandocunque ergo serum vel in toto corpore, in sanguine diluendo, vel in ventriculo, in digestionem instituentia, vel in ore deficit, ex faucium & partium ipsis continuarum siccitate, aut etiam salinarum & acrium particularum vellicatione, certâ ratione spiritus determinati ad sensorium commune regurgitant. Hinc mens eosdem motus intelligit defectum diluentium indigitare, adeoque desiderio tenetur assumendi potum, unde refarcire illum valeat.

§. XIII. Ad harum, quas modò recensuimus, perceptionum classem pertinet quoque dolor, quatenus etiam idea ad statum quendam nostri corporis transfertur. Differt autem à prioribus, quod per eas ad appetendum aliquod, dolore ad fugiendum & averfandum disponamur. Tristis enim sensatio dolor est, i. e. quo tristemur & angamur, quod corpus noxâ aut molestiâ aliquâ affici intelligamus. Neque tamen quis miretur, cur in œconomiâ hominis secundum naturam tradendâ occupati, dolorem quoque enarremus, qui ad statum potius præter naturalem pertinere videtur. Enimverò etiamsi causa movens contra aut præter naturam esse videatur, imò etiam actionum pleræque naturaliter sine dolore fiant, facultas tamen illam cognoscendi nobis concessa ad naturam nostram

nostram pertinet. Interim dolor vel in tristi tantum cogitatione illâ persistit de vi aut periculo, quod infligitur, vel illa etiam gestibus, clamore, similibusque circumstantiis manifestatur.

§. XIV. Partes, medianibus quibus afficiamur dolore in nostro corpore pteræque sunt, ita quidem, ut (1.) requiratur earum cum reliquis continuïtas, pars enim semel solutionem continui passa & avulsa nos non amplius afficit; (2.) ut fibræ earum sint flexiles atque tensiles, adeoque à vi quâdam compressæ, aut aliâ ratione irritatæ commovere spiritus valeant, hinc etiam aliæ partes aliis sensibiles magis sunt, & ossa plane absque dolore inveniuntur; (3.) ut tandem adhuc nervis gaudeant, aut ab iis ramulos & fibrillas suscipiant, atque hinc quo pluribus instruuntur, eo exquisitiore sensu gaudeant.

§. XV. Excitatur verò dolor partim à causâ externâ idu, cassione, lapsu, contusione, &c. partim ab internâ, ex humorum stagnantium distensione, acrium vellicatione, impetuosius irruentium vehementiâ, &c. His ipsis autem vel actualis continui solutio inducitur, vel ad metum, aut proximum rupturæ gradum eæ deducuntur. Non enim sola fibrarum extensio ei sensationi excitandæ apta est, quatenus etiam manus ad rigiditatem sine dolore expanditur, sed major & ad rupturæ metum usque eadem fieri debet. Imò stamina fibrosa partium musculosarum, tendinosarum, &c. non integra filamenta, sed ex minoribus fibrillis contexta novimus, ubi hæc ita inter se uniuntur, ut antequam una desinat, alterius extremitas jam inceperit. Quapropter si eadem fibrillæ ad rectitudinem tantum usque expandantur, nullus est dolor, si ultra eam, aut actu à se invicem divellantur, tristis ille sensus producit. Hinc enim commoti spiritus statum illum ad mentem transferunt, atque ut illa de eo statu, quo corpori arcè conjuncto ruina aut periculum imminet, angatur, aut etiam in auxilium ferendum commoveatur, efficit. Quippe qui doloribus vehementioribus affliguntur, non modò membra ad subtrahendum se periculo, aut rei nocenti variè

moven-

moventur, sed etiam clamoribus velut aliorum auxilium imploratur. At quamvis in manu aut pede, aut parte illâ, quæ afficitur, dolor esse videatur, perceptio tamen in mente est, & ad partem tantum illam transfertur. Si enim pars sphacelo correpta fuerit, aut nervis compressis & obstructis objectorum motus ad cerebrum continuari nequeant, etiamsi maximè afficiatur, prematur, secetur, nullam tamen doloris perceptionem inferet. Et contra ægri quidam de dolore conqueruntur pedis, manus, aut alterius membri, actu jam avulsi, adeoque sensationem illam, non in parte, sed de parte in mente nostrâ existere necesse est.



DISSERTATIO XXXII.

De

SENSIBUS INTERNIS.

§. I.

Pures perceptionum lustravimus species, five qvomodo ex variis spirituum motibus, pro diversâ moventium determinatione, sensorium commune diversimodè afficientibus, variæ cognitiones nobis enascantur. Ad illas hominis functiones pergimus, qvibus in objectis apprehendendis, ulterius considerandis, atqve servandis & reddendis occupatur. Qvoniam hæc intra nos geruntur, sensus interni communiter audiunt, & sensus communis, phantasia, & memoria appellantur.

§. II. Superfluum existimem iterum ostendere, sensus internos certâ ratione brutis qvoq; competere. Siqvîdem ad nauseam usq; inculcatum est, eorum organa & partes, pro diversâ spirituum agitatione, ab externis aut internis moventibus dependente, variis motibus determinari. Id ergo sensum communem in brutis nominare licebit, qvando objectorum motus, ab organis modificatè exceptus, per spirituum undulationem ad sensorium commune delatus, id certâ ratione determinat, totiç hinc machinæ eidem adæqvatas commotiones inducit. Imaginatione pollent, qvatenus vel ab objectis externis excitatus spirituum motus diutius & fortius afficit, & hinc cerebro certa qvædam vestigia inprimit, vel à causis internis variè commoti spiritus similibus determinationibus animal exagitant. Non immemores videntur bestiæ, qvando motus, qvibus assuescunt, iterum edunt, loca, qvæis malè cum ipsis actum est, evitant, atq; pariles actiones instituunt, qvæ recordationem involvere ostendant. Nimirum si contigerit, ut certâ ratione modificetur ipsorum sensorium, & hinc ab ejus vestigiis spiritus, ad parem priori modum, determinati pristinis similes actiones edant.

§. III. Major nos de hominis illis functionibus explicandis sollicitudo tenet, qvibus tamen intellectis ea, qvæ de brutis modò enarravimus, clarius cognoscuntur. In homine ergo in qvo nobile illud men-

tis & corporis connubium est, sensus interni sunt certæ operationes mentis circa ea, quæ vel aliunde ipsi advenerunt, vel in corpore fiunt, vel in mente contingunt. Quis hinc non videt duplices esse, alios solius mentis, alios ex mutuâ afficiendi corporis & mentis habitudine emergentes. Illi sunt conceptus, qui non nisi in nostrâ intentione consistunt, & de rebus extra intellectû nostrum non existentibus formantur, e.g. quando attributa divina, illud non ens, naturam &c. scrutamur. Quamvis enim negandum non sit, quòd etiam per sensus externos oblata species, præsertim per auditum, iisdem formandis inservire videantur, at penitus consideranti faciliè erit cognitu, sæpè sonos illos aëris undulantis, & organum auditûs commoventis, vix cum conceptibus illis connexionem habere, & nos frequenter ex solius voluntatis libertate ad eorû considerationem ferri, & nihil audientes, nihil videntes iisdem immorari. Accedit, quòd mens à corpore separata aliquandò & cognoscere se, & quæ extra eam sunt, & considerare illa, & recordari eorum poterit, adeoque facultates illas exercere etiam valeat sine corporis adjumento. Verùm linquamus illos mentis solius sensus sublimioris ingenii philosophis, quorum studio ostenditur, plus sane esse notitiæ in nostro intellectu, quàm per sensus ipsi advenerit. Instituti potius ratio ad alteros vocat, qui sunt ex corporis & mentis commercio oriundi. Hi non sunt, nisi reflexiones illæ, quas mens, illa intelligens in nobis portio, circa spirituum motus sensorium commune diversimodè afficientes, format. In eorum expositione communem servabimus numerum, & receptam plerisque recensitionem, supra commemoratam, ita ut eorum differentia aut convenientia ex sedis, objecti moventis, & ipsius perceptionis genio elucescat.

§. IV. Sub enarratione autem expositâ unus tantum sensus internus esse videtur, aut vis considerandi motus à spiritibus ad sensorium commune delatos, ita tamen, ut distinctio tantum sit vel à diversitate objecti, quod præsens in sensu communi, in imaginatione & memoriâ absens quoque est; vel à diurnitate & brevitate considerationis, dum sensus communis breviter, phantasia longius objectorum considerationi immoratur, vel ab ejus continuitate aut intermissione, quòd sensus communis tantum eo tempore exerceatur, dum externi sensus eidem species exponunt, memoria pariter modò feriatur, modò usurpatur, dum interim imaginatio continuò occupatur. Ut taceam,

vix sensationes illas unam sine alterâ esse, aut nisi gradu inter se distinguere posse, quòd imaginatio sine sensu communi species præsentes vix excipere, sine memoriâ vix retinere aut reddere valeat. Unum enim est agens, quod oblatas species recipit, modò brevius, modò diutius perpendit, fovet & recolligit, ut non opus sit cum veteribus tria velut ejusmodi facultatum phantasmata fingere, quorum unum alteri species tradat, aliud excipiat, aliud retineat, & postulante priore iterum promat.

§. V. Quapropter etiam in sede sensuum diversâ determinandâ videntur errâsse, veteres, quando communi sensui proram, verticem imaginationi, memoriâ puppim capitis & ἐγκεφάλῳ assignârunt, eidemque ventriculos cerebri mancipârunt. Qvippe & situs ventriculorum ipsis non favet, & diversâ soliditatis aut mollitiei gradus in cerebro experientiâ contrariantur, & nervi non ad apices cerebri anteriores, sed ejus interiora & medullam oblongatam potissimum terminantur, quibus in sensoriis susceptas ideas ad sensum communem transferunt. Equidem magnam probabilitatem pro roborandâ sententiâ sibi persuadent, quòd in recordandis rebus posticam partem fricemus, & *Tulpio* recensente ex vulnerato occipite memoria deleta fuerit. Enimvero quemadmodum & reliquis partibus cerebri læsis idem accidisse *Excell. Bohnius* affirmat, ita gestus illi non tam partem designant, dum alii alios adhibere consueverunt, quàm quòd ad recordationem opus sit sæpè externo agitante spiritus in motum reducente. Neque tamen *Willisii* opinio congrua videtur, dum corpora striata sensui communi, memoriâ corticalem cerebri substantiam sacram nuncupat. Ut enim prius equidem ἀλσων omnino non est, ita posterius planè non quadrat, quòd corticalis substantia glandulosa, adeoque speciebus excipiendis omninò inepta sit.

§. VI. Verumenimvero ex antecedentibus constare potest, recte innuisse *Claudinum*, unam esse in cerebro partem, quæ in omnibus illis sensationibus adhibeatur. Instrumentum nimirum illud, ad quod omnes objectorum motus à sensoriis referuntur, quodque à spiritibus diversis motibus variè determinatum, in mente nostrâ varias excitare ideas solat, & eapropter sensorii communis nomen meretur. Quænam verò illa in cerebro pars præ aliis unicè muneri huic præficienda sit, equidem superius monitum est, nos fugere. Glandula quippe pinealis

nealis *Cartesi* provinciâ illâ excidit. Medullaris substantia magis quidem adæqvata videtur, quòd corticalis spiritibus secernendis, ipsa verò distributioni eorum dicata sit, adeoque speciebus transferendis inserviat, res tamen omni difficultate non caret. Fibræ enim, ex quibus medullosa portio coagmentatur, canaliculi tantum sunt, transmittendis & ad partes promovendis spiritibus consecrati, adeoque centrum potius illorum, à quo exeunt, & ad quod terminantur, spartam illam mereretur. Utrum ergo centrum ovale à *Vicussenio* eo titulo vere mactetur, meum non est determinare.

§. VII. Quemadmodum verò uno omnes instrumento gaudent passivo, aut ad unam sedem referuntur, ita eodem omnes utuntur activo. Nimirum sive sensorium id commune affici, atque à variis objectorum motibus diversimodè determinari, variisque ideis excitandis accommodari debeat; sive mediante illo variæ determinationes pro recolligendis vestigiis instituuntur, intermedium quoddam requiritur. Id ergo non nervos esse, qui trahant, aut trahantur, in antecedentibus ostensum est. Verum spiritus, sive fluidum illud, quod & intra fibras medullares, & circa harum initium invenitur, insignia illa commodius gerunt. Prout enim illi à diversis moventium quorumvis, externorum & internorum, impressionibus variè determinantur, ita variè sensorium afficere, & ideas hinc adæqvatas excitare superius vidimus. Iidem ergo ab illius vario motu ad partes has vel illas commotiones congruas suscipiunt.

§. VIII. Enimvero sicut una omnibus sedes, idemque instrumentum activum, ita ratione objectorum vix discrepare videntur. Nempe iisdem speciebus, quæ à sensu communi assumuntur, phantasia diutius inhæret, memoria condendis & promendis vacat. Sermonem enim nunc duntaxat institui de imaginatione & memoriâ circa species sensibiles occupatis, cum mentales, ut ita loqui liceat, ad institutum nostrum non faciant. In eo saltem differentia versatur, quòd sensus communis actu præsentia supponat objecta, quæ per organa sensoria eidem sistantur, dum imaginatio, etiam iisdem nihil exhibentibus, circa ea tamen, quæ antea aliquando advenerant, contemplanda versatur, imò quoque ultra objecta à sensibus oblata, ad ideas, quæ nostri corporis statum, & ad connexionis rationem pertinent, extenditur, quatenus & circa famem, sitim & dolorem cognoscen-

noscehdos, varièqve concipiendos, etiam in affectibus animi, vires suas exerit.

§. IX. Pergimus ad causas moventes. In sensu communi, quia ultimus sensuum externorum gradus est, causâ movente semper est externâ opus, quæ organa sensoria percellat, quatenus sine eâ nihil haberet, quod contempletur. Eo tamen cum discrimine, quod obiectum illud, quod videri, audiri, gustarive cognoscimus, non afficiat sensorium commune, sed id potius excipiat motus spirituum ab obiecto iisdem impressos, & illud variè commoventes, adeoque motus hos mens nostra in sensu communi apprehendat, i. e. aliquâ enuntiatione, aut denominatione, motui illi adæquatâ, designet. In imaginatione & memoriâ interdum causâ movens externa est, ita quidem, ut vel rebus, quas videmus, aut audimus, diutius illa intenta est, hæc eas & imprimit, & occasione similium moventium reddit. Adeoque hinc requiritur, ut sæpè pro imaginatione in formando conceptu, pro memoriâ in altius figendis speciebus, vel in re visu cognoscendâ fixis oculis diutius hæreamus, vel in judicandis & apprehendendis per auditum repetito aliquoties sermone, opus habeamus, quod ea vivaciter magis nobis imprimi valeant. Interdum verò à causâ internâ & memoria & phantasia proficiuntur. Ea verò itidem variat, quod quandoque à mero voluntatis arbitrio procedant, quandoque à motu spirituum excitentur, quatenus vel fluidum illud activum hinc inde fertur, vel pro sanguinis motu & crassi varias determinationes suscipit, adeoque ideis quibusdam sistendis aut, iterum revocandis, inservit. Hinc enim est, ut variæ non modò fortuitò rerum imagines & reminiscentiæ nobis nascantur, sed & in morbis, pro motu sanguinis & temperie vitiatis, irregulares, & à sanorum hominum judiciis recedentes conceptus oriuntur.

§. X. Quod modum perceptionum nominatarum declarandum attinet, dolendum quàm maximè, eum adeò abstrusum, adeò cognitu difficilem esse, ut præter meras conjecturas & similitudines vix aliquid reliquum maneat. At verò summè necessarium est medico nosse imaginationem, quod ejus vires in morbis producendis, exacerbandis, curandis etiam, imò circa remediorum quoque energiam, maximæ sint. Neque conceptu de memoriâ destituatur, quod in ejus imbecillitate restituendâ sæpius medici auxilium imploretur. Ut non attingam, in

desipientiâ sæpe illius iudicium expeti, quam in perversâ imaginatione & memoriâ minùs fidâ consistere faciliè deducere est. Liceat ergo tantum de illis dicere, quantum sufficere videtur & phænomenis explicandis, & pro juvandis indicationibus in læsionibus earû aliquando in praxi formandis. Ea verò præsertim in memoriam revocanda sunt, quorum demonstrationem in antecedentibus dedimus, nimirum prouti causa movens variat, sic etiam varios ratione diversæ determinationis motus emergere, at pro motûs differentiâ differentes quoque ideas provenire, quæ sese ad motus illos & moventia referant.

§. XI. In sensu proinde communi, quotuplici ratione objectorum adeò diversorum impressiones, ab organis adeò differentibus modificatè exceptæ, alium atque alium spiritibus ad sensorium usque motum concedunt, ut id quoque hinc variâ ratione commoveatur, tot etiam variæ in homine motuum illorum perceptiones, tot diversæ cognitiones emergunt.

§. XII. In imaginatione modò speciebus per sensus oblati diutius considerando insistimus, idque fieri putem, quòd sensorii communis ab illis facta modificatio diutius in eodem statu servetur, ut diuturno hoc afficiendi modo firmior impressio maneat. Ad id verò æquabilem & nullâ aliâ determinatione alteratum spirituum motum requiri simul tenendum est, quòd iisdem ataxiâ laborantibus, specieve aliâ jam imbutis imagines rerum non veræ, sed confusæ exhibeantur. Modò etiam in phantasiâ sine eo, quòd sensus externi ideas quasdam concedant, variæ aliæ nobis obveniunt. Id verò accidere solet, quòd vel fortuitâ undulatione spirituum; vel aliunde iisdem determinaciones, prioribus similes, inducantur, quæ à sensibus externis offerri solebant, atque adeò his quiescentibus aut nihil exhibentibus, variæ rerum sensibilibium species propullulent. Quinimo prout vel pluribus rebus designandis congrui motus simul, aut pauciores singillatim afficiunt, fieri solet, ut variæ rerum imagines nunc plures combinentur, uunc divisæ magis sistantur. Interdum ex arbitrio liberiore ad hujus vel illius considerationem ferimur, adeoque tunc opus est, ut per sensorii communis motum, à voluntate eidem inducitur, spiritus quoque parilem determinationem sustineant. Atque ex his etiam elucescit nunc melius phænomeni illius ratio, cur pede abscisso ægri nihilominus de hujus vel illius digiti in eo dolore quærelas moveant. Quippe non tam ad

tactum

tactum pertinet, quòd nulla tùm objectorum externorum dijudicatio contingat, sed phantasiæ opus est. Scilicet quia adhuc spiritus similibus motibus conari non commovent, ac prius, eadem quoque perceptio est. Jam verò parte recentè amputatâ potest adhuc orta spirituum determinatio, aliquandiu remoram passa, dein sensorium afficere, ideamque excitare, ad partem, unde provenit, referri solitam, adeoque de illâ pronuntiari, quæ antea, dum continua erat, sensationis occasionem induxerat, etiam si postmodum actu jam avulsa sit.

§. XIII. Quando ergo ex his patet, perceptiones illas in imaginatione sese tantum referre ad certos vel spirituum, vel conarii, motus, facile quoque erit perspicere, eas pro partium nominatarum conditione & habitudine congruas & non congruas fore. Hoc est, pro diversâ ratione & spiritu, & sensorii communis, modus sistendi quoque varias ideas, ritè aut perversè ex illis pendeat, ut propriisdem alii species rectè, alii malè, alii fortius, alii debilius imprimant. Mentem enim hinc ita procedere, ut non motus incongruè oblatos emendet (neque id etiam in ejus potestate est) sed quales offeruntur, tales judicet, licet interdum pro iisdem rectius instituendis solliciti teneamur. Atque ex his etiam in apicem deducitur, cur tantum discrimen illustri *Auctor medicinae mentis* inter concipere & percipere constituerit. Hic enim res nobis imaginamur, & pro variâ tantum ad nos relatione, & pro organorum & instrumentorum diversitate; illic ratio agit removendo omnia, quæ pugnare videntur, veritatem eruens.

§. XIV. Memoria restat, quando per sensus & aliunde cognita, diutiusque considerata mens iterum recolligit. Supponit hæc quandam cerebri ab objectis modificationem, quam tamen exprimere distinctius vix licitum est. Variis equidem similitudinibus à tabulis cereis, quæ stylo, aut chartis, quæ variis plicaturis aut puncturis acicularum signari possint, ea à variis adumbratur. Enimvero analogias ostendunt, quæ ultra id vix explicant aliud, quam à speciebus certâ ratione affici, & similiter ac ab incedentibus in fundo molliore vestigia relinquere. Quinimò si consideremus vehementes cerebri à lapsu concussionis, ab epilepsiâ crebriore alterationes, ab hydrocephalo & senio immutationes, memoriam lædere, non dubitabimus, cerebrum pro certâ quâdam habitudine imagines fuscipiendi, ad eam requiri. At eam ad humiditatem & siccitatem tantum referre vix phænomenorum omnium consideratio concedit.

§. XV.

§. XV. Objecta per certum spirituum motum sui ideam excitant, non quòd tales imagines, quæ res videndas exprimant, sensui communi exhibeantur. Idcirco impulsus ille, præsertim diutius continuatus in cerebri quâdam parte (forsitan in medullari illo ambitu, quem centrum ovale nuncupant anatomici) stigma quoddam, si ita loqui liceat, imprimit, & in superficie quâdam mutationem efficit. Jam verò quia novimus pro diversâ corporum superficie, varias reflexiones corporum impellentium contingere, hîc quoque, si spiritus in notam illam incurrant, eos exinde modificatè reflexos, similem antecedenti motum, & hinc ideâ quoque, ex modo afficiendi conarion, exhiber. Exemplo res clarior poterit reddi ejusmodi. Fingamus motum, qui nobis equum sistit, vestigium planum, qui canem, concavum, qui felle convexum efficere, pro diversâ igitur superficie variè reflexi incurrentes spiritus alium semper motum exhibebunt, qui semper alias ideas excitet, aut imagines sistat.

§. XVI. Quamvis equidem obijciatur, nulla à nobis ejusmodi vestigia in sectione cerebri inveniri: at multiplice ratione dubium hoc dilui potest. Etenim (1.) alius est status cerebri in vivente animali, alius in mortuo; (2.) vestigia illa exilissima esse debent, etiamsi magnas res repræsentent, adeòque oculorum aciem effugerent; (3.) etiamsi eadem nobis in conspectum venirent, quia non illas imagines rerum repræsentarent, sed certam tantum notam constituerent, quæ rem cognoscendam significaret, ea non intelligeremus, quòd ignari simus, quæ vestigia ad res nobis repræsentandas requirantur. Interdum ergo sponte quasi recordamur, quòd spiritus impellentes in illa vestigia in eum motum reflectantur, qui imaginem rei recordatæ exhibet. Interdum volumus rei reminisci, itaque mens ope sensorii communis variè movet spiritus, usque dum in vestigium illius incidant, atque hinc ab eo motus illam determinationem suscipiant, quæ rei illius ideam sistat. Spiritus autem esse illud instrumentum, quo motus illi sistantur, partim ex antecedentibus constat, partim experientiâ confirmatur, quòd in defectu aut torpore spirituum memoria lædatur, e. g. post morbos diuturnos, in senio, & affectibus soporosis; aut etiam eadem per spirituosam & analeptica iterum solet restaurari.



DISSERTATIO XXXIII.

De

AFFECTIBUS ANIMI,
ut &
SOMNO ET VIGILIA.

§. I.



Commercio mentis cum corpore declarato, visisque modis, quibus variæ ideæ nobis nascantur, & imaginationis viribus exploratis, ad eas perceptionum species progredimur, quæ ad mentem nostram referri dicuntur. Vocantur eapropter affectus aut pathemata animi, item passiones animæ. Equidem hæc doctrina vel ethicis tantum hætenus relicta, vel à medicis duntaxat adhibita est inter rerum non naturalium enumerationem, quæ variis morbis generandis aptæ haberentur in pathologiâ, aut quarum certo regimine opus foret in diætâ. Neque tamen impugnare animus est, revera affectus eò pertinere, id tantummodo attendendum puto, omnes illos, hominem affectibus animi obnoxium esse, merè supponere. At verò melius, non dicam modò doctrinæ morali, sed medicinæ etiam consultum foret, si naturam affectuum penitus nosse daretur. Illic enim sæpè feliciore eventu adhiberentur solamina tristibus, frænis compescerentur, iracundi; hîc morborum causæ cognoscerentur, affectuumve intempestivi motus componerentur, dum contra ubique peccatur quod naturâ non ritè cognitâ & distinctâ, incongrua contingat applicatio, & Herculis cothurni infanti, hujus verò prætexta illi aptentur.

§. II. Quando ergo physiologia omnes actiones, quæ homini non tantum ut animali, sed etiam ut homini competunt, expendit, quis affectus animi tantum non ubique à physiologis omisso, ad ipsos quoque pertinere non intelligat, cum *Plinii* junioris testimonio, hominis utique sit affici. Miserum enim, & ipsis bestiis inferius foret humanum genus, si omni affectu destitueretur, cum illas quoque certâ ratione tristitiâ, irâ, amore affici videamus. Itaque quid sit in homine affectu gaudere, impræsentiarum declarare constitutum est

K k

mecum.

mecum. Qvod anteqvam aggrediar, vix impetrare à me potui, quin prius referam, quæ circa eandem doctrinam olim molienti mihi acciderint. Dum specimen studiorum reddere Patroni à me flagitarent, dissertationem diæticam de affectibus animi scripsi, & Præfide Excell. *Albino*, in Academiâ Viadrinâ, anno hujus sæculi LXXXI. habui. Animus tùm erat, tentare, num affectuum naturam declarare, & ætiologiam exin morborum, & regulam diæticam eruere concessum sit. Me rem acu tetigisse non affirmo, quin potius me tùm juvenem, & medicinæ sacris vix initiatum, in materiâ humeris meis impari, sæpe hallucinatum fuisse lubens fateor. Factum nihilominus est, ut anno XC. dissertatio in eâdem academiâ recuderetur, quod non improbo. Verùm id mirari non satis possum, quòd Bartholomæus quidam Tobias Seibtius, qui se Philosophiæ & Medicinæ Doctorem nuncupat, ausus sit, Gorlitii, ne verbo quidem mutato, anno XXXIV. eandem iterum prelo committere, & Viris quibusdam Clarissimis, tanquam suam, non sine plagii gravioris notâ, inscribere.

§. III. Sed ut in viam redeamus, affectuum explicationem aggessuri, eos tractationis argumentum constituemus, qui medicæ præsertim considerationis sunt. Itaque primò lingvimus, qui sunt solius mentis, & intellectuales quibusdam vocantur, rectius tamen ad voluntatem pertinent. Nil enim sunt, nisi actus animæ nostræ, quibus in bonis amplectendis, aut malis fugiendis, occupatur, aut etiam utriusque diuturniori considerationi inhæret, in quibus ubique voluntas operatur. Sic non modò in nos ipsos reflexi variis amoris, odii, admirationis affectibus agitamur, sed annon etiam anima in statu à corpore separato amore Dei, odio malorum, admiratione immensæ ejus bonitatis, sapientiæ, justitiæ, tenebitur?

§. IV. Deinde sicco quidem pede omninò præterire non licet illos affectus, qui brutis quoque, sine tamen cognitione, competunt, quamvis nec hos scopum nostrum constituerimus. Scilicet quis inficietur, bestias etiam amoris, lætitiæ, mœroris, aliorum pathematum signa edere? At quem fugit, & tùm easdem necessariò agere? Est quippe varia tantùm per objecta facta illarum determinatio. Nam sine objectis moventibus bruta in affectus non rapi cuilibet attendenti apparebit. Prout verò eadem variant, ita determinationes, quibus modò in fugam conjiciuntur, modò in amplexus ruunt, diversæ sunt.

Qvin.

Quinimò pro diversâ sanguinis, spirituumque in illis conditione his vel illis affectibus potius suscipiendis aliâ aliis aptiores inveniuntur. Irascuntur hinc, e.g. quod ab objectis variis vehementius commoti spiritus diversâ ratione sensorium commune afficiant, & pro modo, quo hoc agitur aliarum iterum partium commotiones inde proficiuntur. Sic etiam circa reliquos affectus fieri amat. Quæ cum ita agi deprehendimus, ex arbitrio id provenire putatur, aut cognitione objecti, quod tamen ex habitudine hujus determinandi, & bruti id ipsum exequendi ponitur. Quid? annon vel ipsos nos invitos, & reluctante etiam animo, imò sæpè contra rationis dictamen, in iram, terrorem, aliosque affectus conjici quodidè experimur, quod ex objecti cognitione fluere vix potest, quòd sæpè levissima occasio, si ponderaretur, tantis motibus vix compar esse videatur.

§. V. Enimvero nunc potissimum animus est, affectus considerare illos, qui homini magis proprii sunt, i. e. ex mutuâ mentis & corporis conjunctione provenientes. Illi enim, qui solius sunt mentis, medico parum necessarij videntur: corporei autem vel ex nostrorum cognitione simul patebunt, vel rarò in homine sine mentis vel aliquâ alteratione contingunt. Affectus itaque hos dicimus perceptiones, quæ vel in mente ex diversis in corpore motibus oriuntur; vel à mente in corpus varias agitationes transferunt. Ad appetitus species olim eas referebant, vel concupiscibilem, vel irascibilem. At verò sic admiratio, quæ nihil concupiscit, stupor verò magis, ut alios affectus silentii peplo involvam, affectuum numero erunt eximendi. Rectius ergo omnes illæ perceptiones, quas affectus nuncupamus, vel aversionem, vel desiderium, vel diuturnam & singularem objecti considerationem involvunt. Ad primam classem odium, ira, tristitia, metus & terror; ad secundam amor, cupido, lætitia, atque spes; ad tertiam admiratio & stupor pertinent.

§. VI. Perceptiones illas excitari interdum diximus in mente per corpus. Quando nimirum pro diversis spirituum motibus, qui nobis objecta diversimodè repræsentant, variæ in mente cogitationes oriuntur. Sic e.g. in exactè sanis lætitiâ, in ægrotis & hypochondriacis præsertim, tristitiâ deprehendimus, non ex causâ aliâ, quam corporis pendentes, quòd pro illius habitudine diversi illi affectus emergant, & eâ mutatâ emendentur. Vice verò versâ interdum à

mente affectus traducuntur in corpus. Quando scilicet pro diversis, quibus mens nostra agitur, motibus corpus quoque afficitur, id est, varii motus in eo excitari amant. Nimirum hinc est, quod nullis vitæ molestiis turbati integrâ etiam valetudine, cæteris paribus, gaudeant, at ægritudines & mœrores, ex ingente bonorum jacturâ enormes, valetudinem nostram quoque lædant.

§. VII. Id ergo hinc patet, cur pathemata dicantur ad mentem referri, cum, sive à corpore procedat occasio, sive id ex commotione animi alterationem patiatur, mens tamen semper affici, & ita quidem soleat, ut, quæ contingunt, ad se ipsam pertinere arbitretur, dum alia vel ad objecta & res extra se positas, vel ad certum quendam corporis statum transferat. Anima ergo nostra sedes erit affectuum rectius, quàm cor, quæ veterum erat opinio. Obstat videtur, quod in iis circa cor mutationes experiamur, dum palpitat in metu, constringitur veluti in mœrore, sanguis exagitur in ira. Enimvero effectus sunt hi potius affectuum, cum mutationes ex illis in corpus manare superius ostensum sit.

§. XII. Instrumentum enim, tum quo ex corpore affectus in mente excitentur, tum quo à mente corpori certæ commotiones inducantur, iterum immediatum magis sunt spiritus & sensorium commune. Hoc vel ab illorum motu varias determinaciones suscipit, vel eos pro diverso affectu variè contra determinat. Mens ergo assueta motus oblatos ex modo, quo punctum illud sensationis afficitur, judicare, ad commodum omnia aut incommodum refert, adeoque averfatione aut desiderio agitur, aut attentâ consideratione defigitur. Contra verò, si ex affectibus à mente oriundis alterari corpus contingat, illa per certam sensorii agitationem spiritibus varios motus infert.

§. IX. Sed unde spiritus ad affectus in mente excitandos, & quomodo moventur, si ex nobis causa non nascitur. Objecta ferme innumera sunt, imprimis verò tum bona, tum mala fortunæ (quo opes & honores spectant) animi, & corporis, quæ vel à nobis possidentur, vel nobis defunt; nobis vel offeruntur, vel subtrahuntur; præsentia, præterita aut futura sunt. Ex eorum ergo attentâ consideratione & collatione, amore aut odio, gaudio aut tristitiâ, indignatione aut applausu commovemur, prout bene vel malè id nobis evenire judicamus, & motus, qui nobis exin imprimuntur, ordinariis

riis conformes aut dissoni & contrariantes, œconomiæve nostræ molesti sunt. Ea enim philantia omnibus connata esse videtur, ut ad suam utilitatem & commodum quisque omnia transferat. Juvat autem, quàm maximè hinc imaginatio in sistendis objectis variè iterum occupata. Quæ cuncta non difficile foret longius & distinctius exhibere, pluribusque instantiis illustrare, nisi legis instar servanda nobiscum constituta esset brevis.

§. X. Concurrere præterea peculiaris quædam sanguinis crasis, quidni & fluidi illius nervei? videtur, unde nimirum vel objecta diversimodè commoveant, vel motus non in omnibus individuis iisdem proveniant. Etenim quotidie observare datur, modò eodem objecto alium in iram, terroremve conjici, quo alter ne minimum quidem commovetur. Temperamentorum diversitatem hîc in auxilium plerique vocant, quàm non inficior. Revera enim pro sanguinis diverso statu in alios atque alios affectus proniores sumus, ut, mittam phlegmaticis vocari solitis sic dictos cholericos, phthysicos etiam aliis facilius, & nolentes sæpe, irasci; in integris etiam nationibus, aliis scilicet præ aliis, certi quidam affectus præpollent; prout climatis, victûsque ratio diversam humorum temperiem induxisse videtur. Id me saltem dubium tenet, annon in ejusmodi casibus peculiaris quoque diathesis spirituum potius in causâ sit, cum qualis sanguis, tales quoque spiritus esse ex antecedentibus constet. In quo verò ea consistat, quia determinari vix potest, ad humorum potius conditionem animum applicamus. Illius autem ratione spiritus his vel illis motibus determinatè exagitantur, prout & humorum commotiones in aliis facilius, difficilior in aliis proveniunt. Aptitudo enim hæc & affectibus modò concitatum iri, modò non, etiam sæpe in iisdem individuis, variat, quatenus gravidæ sæpe levissimâ occasione terrentur, quæ non gravidas plane non movet. Neque tamen consuetudo hîc omninò reticenda, quâ alii frænum affectibus laxantes iisdem sæpius vacant, alii cohibitioni studentes, eosdem etiam moderari valent.

§. XI. Præ aliis verò attentum tenere debent medicum motus, qui in affectibus in corpore observantur, sive causa, sive effectus affectuum fuerint, utpote quòd ex illis præcipuam utilitatem derivet. In omnibus ergo affectibus spirituum, & hinc sanguinis motûs vel quan-

titas alteratur, vel modus. Quoad illam vel commoventu plus iusto, vel retardantur, aut figuntur. Prius in lætitiâ accide re effusâ, vel id exemplum docet, à *Valerio Maximo* annotatum, quòd matres duæ ob inopinatum filiorum, quos in prælio occisos certò sibi persvaserant, reditum, exanimatæ sint, non aliam ob causam, quàm quòd commotus hinc nimium sanguis majore in copiâ irruerit in cor, quàm exprimi iterum potuerit. Sic in metu rapidiorem motum, tremor artuum & cordis palpitatio probat. Maximè verò iram eum effectum inducere, venarum intumescentiâ, facies exagitato sanguine rubens, exagitationes partium vehementiores, excretiones & effusiones humorum auctæ, & sexcenta alia evincunt. E contrario in mœrore spiritus velut figi continuâ objecti consideratione, pulsus tardior, evacuationes suppressæ, & plura alia confirmant. Medio modo quoad hæc se terror habet, ut primò spirituum & humorum motus velut sistatur, adeoque aliorum extremorum, pulsus suppressus, facies pallida, mensum emanatio subsequantur: hinc verò impetuosius moveantur, & alterationes notabiles, imò etiam abortum ex in quibusdam moveant. Modum motus in spiritibus ab humoribus alterari dixi, idque fit, si nec plus, nec minus, sed inordinatè, agitentur. Hoc verò itidem vel in terrore simul contingit, quatenus hinc epilepsiæ inducuntur, vel, & potissimum, in amore, ut amantes hinc amantes dicantur, aut quandoque fiat, quòd spiritus ex diuturno hoc affectu *atque* tandem omnimodam suscipiant. Atque sic in aprium etiam deducitur, quòd pro diversâ humorum mobilitate, aut etiam renitentia, alii præ aliis affectibus diversis obnoxii sint, & cur tam differentes effectus ex affectibus in nobis deprehendamus.

§. XII. Ut tandem historiam actionum, quæ ad œconomiam hominis pertinent, ad colophonem perducamus, somnus adhuc & vigilia restant. Vigiliæ sunt, naturales intellige, à sufficiente spirituum copiâ & activitate dependens actiones tam voluntarias, quàm automaticas expediendi potentia. Vigilantes enim muniis nostris obeundis apti sumus. Somnus verò in eo consistit, quòd ab actionibus voluntariis & sensationibus externis aliquandiu feriemur, postquam earum exercitio diuturniore plures impendimus spiritus, quàm ordinariâ pnevmatoseos actione præparari poterant. Idcirco dum ab illis quiescimus, interim tamen libera est pnevmatosis, somno suffi-

sufficiens iterum spirituum copia reparatur, ut actionibus etiam voluntariis iterum vacare valeamus.

§. XIII. Vix solemus actiones nostras ad vires mensurare, adeoque dum pluribus occupamur, spiritus tandem sufficientes amplius non sunt præsto, quin restorationem efflagitent. Oritur proin somnus non tam ex quiete spirituum, hætenus tot functionibus delassatorum, revera enim in movendis organis hæmatoseos & chyloseos etiam in somno operam præstant, imò insomnia de eorum motu testantur. Non etiam quòd cerebrum in somno deprimatur, in vigiliis elevatum, quamvis enim ex spirituum ubertate in his vascula turgentiora concipiantur, quàm in illo, elevatio tamen & depressio cerebri à circulatione sanguinis pendet, quæ cum in dormientibus quoque per severet, reciprocatio quoque illa æquè ac in vigilantibus contingat, necesse est. Verùm defectus spirituum, aut minor agilitas, somnum exposcit, quippe quæ spiritus deperdunt, e. g. itinera, curæ, aliaque exercitia corporis vehementiora, item, quæ torpidos reddunt, e. g. narcotica, somnum inducunt; & quamvis ad tempus ab eo liberari laboremus, nolentibus tamen nobis nihilominus oboritur. Hinc quia ad partes amandari spiritus, aut etiam nervi iisdem ad plenitudinem impleri non possunt, quâ rationem corporis continui servare debebant, neque membra, neque corpus moveri, neque objectorum motus ad sensorium transferri possunt.

§. XIV. Quando ergo spirituum defectus non omnimodus, sed aliqualis somnum desiderat, opus est, ut aliquæ actiones feriantur. Feriari non possunt actiones illæ automaticæ, quæ ad esse hominis pertinere dicuntur, i. e. quibus sine vitæ discrimine carere non possumus. Liberæ ergo sunt chylicatio, respiratio, circulatio, & quæ hinc dependent secretiones. Actiones verò illæ, quæ ad bene esse hominis pertinere dicuntur, i. e. non immediatè ad vitam faciunt, quiescunt; actiones ergo voluntariæ, motus corporis & membrorum, localis, meditationes & sensus externi ad illud tempus non instituuntur. Hinc etiam est, quòd oculos palpebris commissis claudamus, ne radiorum ab objectis venientium influxus exagitando spiritus somnum turbent, qui & quoad cæteros sensus quietem & silentium efflagitat.

§. XV. At

§. XV. At enim vero corpore licet quiescente quoad motum localem, mens tamen non quiescit, sed actiones tam proprias, quam compositi, durante conjunctione exercet: ita tamen, ut in somno ab imperio in corpus absteineat, aut etiam abstinere cogatur, quod instrumenta ad voluntarios motus expediendos deficient. Libera tamen est phantasia, & sic ex spirituum in cerebro adhuc residuorum, variis motibus sensorium variè exagitatum, diversas menti ideas sistit, rerum licet absentium, ac si praesentes forent, quod insomniorum nomine exprimimus. Somniamus proinde semper, etiamsi non semper insomniorum recordemur.

§. XVI. Atque sic ad finem nos perduxisse arbitror historiam hominis, actionum ejus & facultatum, quæ ad statum secundum naturam pertinent. Unicum restat generationis negotium & oeconomia foetus, quibus residuum spatium destinavimus.



SUBJECTIS ET ORGANIS GENERATIONIS.

§. I.



Vando huc usque occupati fuimus in declarandâ œconomia hominis nati, restat, ut progrediamur ad œkonomiam hominis nascendi. Nimirum ad primordia vitæ nostræ, & speciei generationem attendat qvovqve physiologus necesse est, qvòd partim hinc reliquis qvovqve actionibus lux affulgeat, partim ad integritatem hominis generandi potentia pertineat. Si enim defecerit in sterilibus, status p. n. est, qvemadmodum qvovqve impuberes ob nondum ad *anum* perductum vigorem, effecti ob declinantem ad occasum naturam, eâdem destituuntur. Eqvidem, si rem ab ovo ordiri sit congruum, satius fuisset, hanc doctrinam initium constituisse nostræ physiologiæ. At qvia supponenda plura fuissent, ad levandos juvenum conceptus, à singularum actionum simplice consideratione ad generationem ferimur, qvæ pleasqve reliqvas, si non omnes, involvere videtur. Qvòd ut eò distinctius succedat, neqve qvidqvam reliqvm maneat, contemplabimur (1.) subjecta, (2.) organa generationis, (3.) materiam, (4.) conceptionem, (5.) concepti fœtus viam ad uterum, (6.) ejus nutritionem, (7.) vitam, & (8.) deniqve partum.

§. II. Qvoad subjectum generationis, duplex requiritur, sexu distinctum, mas & fœmina. Fœmina, qvòd ea sit in qvâ, mas per qvem generatio instituitur, adeòqve utriusqve necessitas requiratur. Eqvidem obitare videtur, tùm præjudicium Parlamenti Tholosani, tùm SCtum Anglicanum. Illud enim fœminam illustrem, medicis patrocinantibus, ab adulterio absolvit, qvæ marito absente, ex ejus amplexibus in somno repræsentatis, vi imaginationis se gravidam factam annuebat. Hoc legitimos filios pronunciat, qvi à matre enixi sunt, in patris diuturnâ licet absentia, modò is fines Angliæ interea temporis non excesserit. Ast ejusmodi sancitis naturæ legibus vim inferri, qvis non videt?

§. III. In mare ergo pariter ac in fœminâ congrua ætas requiritur, qvatenus pueri & senes ad generationem ordinariò inepti sunt,

quemadmodum & puellæ, satis licet robustæ, ante annum decimum tertium vix uterum gerunt, vetulæ autem post quadragesimum quinarum, & postquam menstruari desierunt, rarissime concipiunt. Virgo proin nubilis, quam viraginem dicunt, esse debet, cujus aptitudinem partim ex constitutione corporis firmiore, partim & imprimis ex mensium fluxu, si contigerit, sibi promittunt, cum sola ætas vix negotium determinet. Quinimo, & quæ jam pepererunt fœminæ, modò vegetâ adhuc ætate gaudeant, ad generandam prolem congruæ sunt.

§. IV. Dum virginem diximus, eam, quæ nec peperit prius, nec viri congressus sustinuit, intelligimus. De hoc interdum à medicis iudicium desideratur, dum vel deflorationem, sponsi, aut dotis obtinendæ gratiâ, simulant, vel famæ conservandæ causâ eandem dissimulant. An ergo de integrâ pudicitîâ signum profet, determinare est physiologi, cui omne id, quod ad integritatem partium & actionum spectat, declarare incumbit. Mittam ridicula ex colli commensuratione, urinæ in emissionem strepitu, aut ejus pelluciditate, papillis rubentibus, mammis firmioribus, vocis & pilorum mutatione, & similibus depromi solita. Imò nec crediderim, apum examen veritate niti. Ea tandem trademus, quæ ex ipsâ partium illarum structurâ defumuntur. Potissima videntur, quæ ex hymene, rugositate, & arcitudine vaginæ, atque cruentatione in congressu derivantur.

§. V. Hymenem alii affirmant, alii negant, alii diversimodè concipiunt. Protenfionem carneam *Riolanus*, nerveam *Fallopîus*; ex ligamentis & venulis retiformem *Berengarius* & *Mercatus*, imò quoque olim *Avicenna*; caruncularum, à figurâ myrtiformium dictarum congestionem *C. Baubinus*, *Bartholinus*, *Pinaus*, & alii plures, affirmant; ridiculè verò satis *Picolbomineus* telæ araneæ similem descripsit. Alii mox pone urethram, alii sub nymphis, alii intimius, locant. *Graafii* sententia probabilior est, zonam illam membranam esse, sed secundum longitudinem apertam, quæ semotis partibus externis in vaginæ initio constituatur, & fortè rugositatum protensio quædam extenuata dici posset. Talem enim interdum inveniri in puellis, *Graafii*, *Schvvammerdamii*, *Albini*, *DuVerneyi*, ut alios fileam, demonstrationes testantur. Eam quidem pro ejusmodi parte, quæ in omni virgine & semper invenitur, vix asseram; in multis enim non invenitur, tum quòd interdum nulla actu adsit, sive ex conformatione, aut quòd exilis atque subtilior existat, sive quòd casu, aut libidine destructa sit; tum quòd

quòd ob anatomici in inquirendo minùs cautam administrationem laceretur. Contra tamen, ubi reperire ejusmodi pelliculam datur, eam semper pro statu præternaturali & arthretâ habere vix consultum est, dum hæ potius nimis crassæ & imperforatæ pro eugio præternaturali habendæ veniant. Ex quibus apparet, ficulneum sanè argumentum ab ejus absentia pro defloratione affirmandâ desumi, cum etiam in illis desiderari possit, quæ viri amplexus non sustinuerunt. At quamvis majore firmitudine videantur judicare, qui ejus præsentiam illibatæ virginitatis indicium existimant, id tamen pariter vix absolutam congressus aduvasiam inferre vel inde concludere licet, quòd imperforatas & arthretas, sine penis immissione concepisse, *Riolani*, *Ruysschii*, & *Monickenii* observationes ostendant.

§. VI. Major quidem ratio à rugositatis & arcitudinis vaginæ conditione desumitur. Revera enim iteratis congressibus distensæ, & à se invicem divulsæ, adeòque hinc minùs eminentes redditæ videntur plicæ, quæ à vaginæ interiore tunicâ formantur. Imò etiam pudoris sinus angustiores ambitum & difficiliorem aditum concedit in illibatis, quàm quæ vel licitum, vel illicitum concubitum multoties expertæ fuerunt. Enimvero utrumque signum in testandâ illasâ virginitate fallax satis & insufficiens est. Quemadmodum enim frænorum *Riolani*, firmitudo scilicet & renitentia cutis inferiorum in pudendis labiorum, ita etiam rugositas uno alterove congressu non deletur, præsertim, si longius dein iterum ab eo abstinerint. Observamus quippe etiam à partu, quamvis destrui à nimia extensione soleant, & tali in statu interdum maneat, ut plurimum tamen iterum in plicas consuetas reponi. Idem esto de arcitudine judicium. Ea (1.) differt secundum diversam individuorum constitutionem, pro quâ ut reliquæ partes, sic nominatæ etiam, variè inter se magnitudine & amplitudine differunt: (2.) in iisdem individuis variat, tum ratione ætatis, quâ minores natu & non ita crebrò menstruata vix specillum admitterent, dum digitum caperent mediocrem natu grandiores; tum aliorum accidentium, cum fluore muliebri correptæ, aut immediatè post mensium fluxum, laxiores, quàm instantibus illis, & reliquo tempore, esse soleant. Sic enim apud *Pineum* & *Blegny* annotatæ historix id confirmant, dum nuptiarum tempore in brevem à mensuris moram incidente neonymphi sponсарum castitatem in dubium vocarunt, quòd facilem aditum concederent, dum aliquot hebdomadibus post genitalia ad pristinum

nam arctitudinem redacta, difficillimo accessu uxorū castitatem, maritorum errorem, detexerunt. Quinimò (3.) pro relatione familiarum ad viros variā differt quoque arctitudo, quatenus, quæ cole graciliore instructo laxa, ea magis mentulato arctior videbitur.

§. VII. Maximum à cruentatione in congressu factā argumentum videtur, quòd etiam autoritate sacri Codicis nitatur. Ast ut mitam causam cruentationis ejusmodi sæpè falsam supponi, eamque non omnimodè rejiciendam existimem, tam absolutum tamen castitatis illæ indicium non est, ubi invenitur, neque læsa, ubi non reperitur. Partim enim ob differentem arctitudinem & relationem ad diversam viri conditionem, partim quòd non omnes, robustioris scilicet & firmioris texturæ, primo ex congressu, inò etiam annosiores, sanguinem fundant, partim quòd quædam, pluries licet compressæ, si adhuc in initio aut post longiorem à priore concubitu moram, aut instantibus mensibus contingat, sanguine polluantur; cruentatio vix certum & indubitatum non prius solutæ zonæ indicium salutare meretur, prout observationes *Riolani*, *Ranchini*, *Fidelis*, *Zaccbia*, aliorumque, testantur. Ut taceam, id ex relatione cognosci, in quâ, si cruentationem negent in dissimulatâ defloratione, aut affirmant in simulatâ, aut fraudibus confirmant, quis Oedipus veritatem eliciat? Quapropter quamvis inter virgines & defloratas, inò maritatas diutius, discrimen intercedere non inficier, inò etiam in concubitu ut plurimū signa sese ex nominatis exerere possint, quæ virgines distinguant à reliquis; ab inspectione tamen & contactu minus fidum judiciū depromi exin auguror, quòd signa ejusmodi sint, quæ partim & in virginibus, & in nō virginibus inveniuntur, partim v. suâ absentia aut præsentia nihil indubitati concludant, imprimis quia non mox à compressione inspectio adornatur.

§. VIII. Pergimus ad organa generationis videnda, non quòd ea, quæ pudica natura celare docuit, in libidinis incitamentum retagenda existimemus, sed ut verè eorum consideratione miraculum illud naturæ de hominis propagatione penitus intelligamus, & si cubi læsum fuerit, felici restitutione adjuvemus. Illa verò organa sunt vel per quæ, vel in quibus generatio peragitur. Illa virorum, hæc foeminarum, voco.

§. IX. Organa virorum generationi inservientia vel generationi seminis ministrant, tum prolifici, testes scilicet & epididymides, tum humoris accessorii, corpus nimirum glandosum; vel prioris ascensionis
c. esti-

è testibus, vasa deferentia; vel ejus asservationi, vesiculæ seminales; vel excretioni & imprægnationi destinantur, membrum scilicet virile. Testium, parastatarum, prostatarum, & capsularum seminalium structuram & usum differt. XIV. §. XI. & seqq. exhibuimus. Restat nunc, ut colem virilem; ejusque in generationis negotio habitudinem describamus.

§. X. Penis, mentula, & priapus dicitur virga virilis, quæ in imò abdominis sita, exterius cuticulâ, cute, & panniculo carnosio obvolvitur, quæ in anteriore parte, quâ glandem tegunt, duplicata, ad finem ejus revolvi solent, & præputium constituunt. Interius primò occurrunt corpora, dicta nervosa, quæ distincto principio utrinque ab osse pubis incipiunt, hinc sibi vicina facta ad penis dorsum excurrunt, & quæmadmodum membranâ quâdam validâ investuntur, ita hæc corpora illa etiam à se invicem distinguit, & septum constituit, quod tamen glandem versus evanescit. Substantia dictorum corporum folliculosa & spongiosa cum *Graafio* asserenda potius, quàm ut cum *Whar-
tono* pro carne glandosâ habeatur. His substernitur meatus, aut fistula urinaria, urethra dicta, parte spongiosâ & dilatabili exterius, internè membranè gaudens, & in canalem, ad penis apicem, secundum naturam apertum, efformata. Iis antè apponitur glans, balanus & cerasum quoque vocata, quæ exquisito sensu & substantiâ firmiore corporibus nervosis instructa videtur. Musculi quatuor hinc attendi merentur, duo collaterales, non adeò commodè erectiores appellati ab ossis coxendicis appendice in membranam corporum nervosorum diffusi: duo, urethram dilatare dicuntur, & ad eandem membranam ex ani sphinctere feruntur. Nervos potissimum ab osse sacro suscipi, qui in dorso penis supra nervosa corpora excurrunt, quamvis & aliæ quæ fibrillæ ex intercostalis extremitatibus eò spargantur. Arteriæ & venæ hypogastricis originem debent. Illæ duplices interius secédunt, & tùm per corpora nervosa, tùm per urethræ partem anteriorem disseminantur. Hæ ab anterioribus partibus pluribus furculis profectæ, in unum truncum coeunt, qui iterum deinceps in duos ramos divisus ad hypogastricas excurrit.

§. XI. At enim verò id quoque phænomenon explicari nunc meretur, quando penis, ordinariò flaccidus & propendens, erigatur, ut imprægnationi facilius & promptius litare possit. Musculis id tribuerunt plerique veterum, sed quoniam horum actio in contractione con-

fistit, penis verò iis potius retraheretur solis, & non nisi sub certâ conditione officium id tribui potest. Elongatur enim non modò, & quasi intumescit penis, sed & rigidior, atque ad superiora erectus observatur. Cuncta hæc pendent partim ab influxu spirituum animalium per nervos ad illas partes uberiore, partim à sangvine copiosius per arterias influente, & refluxu ejus per venas impedito. Hæc verò veritate niti *Graafii* experientia confirmat, quòd aquâ per syringam in arterias injectâ penis corpus erigatur & extendatur, adeoque sangvinem ad corporum nervosorum cavitates effundi ab illis doceat, præsertim, cum, eodem *Graafio* referente, ligato canis pene in congressu, sanguis per aperta corpora nervosa effluat, membrumque flaccidum reddat. Jam verò apparet quoque ratio, cur septum inter corpora dicta versus glandem obliteretur, ne scilicet mentula in aequalis contingeret erectio, affluxu per alterutram arteriarum impedito, sed utrinque via patula habeatur. Refluxum autem sanguinis impediri necesse est, si erigi colis debeat, id verò muscoli agunt, qui venas & principia eorum corporum comprimendo sanguini reditum negant; ut hoc nomine juvare erectionem dicendi sunt, quòd sine ipsis coagentibus ea non contingere possit. Erectio tamen ipsa, quam tentigirem vocant, à spirituum & sanguinis influentium inflatione procedit, prouti fistulas flatu turgidas erigi simul deprehendere licet.

§. XII. Organa mulierum generationi dicata partim externæ, partim internæ sunt; aliæ congressui dicantur, aliæ foetus materiam continent, aliæ nutriendo foetui domicilium præbent. Externæ partes pudendorum nomine veniunt, & cum in imò ingvine situm invenerint, pars quæ ossi pubis incumbit, eminentior, & ex pingvedine cuti substratâ constans, mons veneris, hinc anum versus diducta rima, vulvæ, cunni que denominatione insignitur, dum, quod finem ejus & exitum illum interjacet spatium, perinæum appellant. Amplior illa vaginâ interiore, ut eò minùs rupturæ in partu metus sit, quòd minùs dilatabilis quoque existat. Ejus valvæ laterales labiorum nomine designantur, quorum pars inferior ligamentosa & tensa frænum vocatur *Riolano*, dum pili, pubertatis annis partes illas investientes, pubes dicantur. His aliquatenus diductis in summitate eminens corpusculum clitoris, columella, & à similitudine conformationis, mentula mulieris audit, atque etiam à protensione quâdam membraneâ obvolvitur, quam præputium nominant. Ipsâ verò substantiâ penem virilem

lem mentitur, imperforata tamen, siquidem & duo corpora nervosa à distincto principio procedentia, & septum, & glandem, & musculos, & vasorum similem structuram atque turgentiam, & flaccescientiam mutuam obtinet, sustinendis partibus dicata. Ab hac utrinque productæ protensiones alarum & nympharum titulo salutantur, quæ similiter ac clitoris à spirituum & sanguinis arteriosi impetu eriguntur, alias verò vaginam occludunt, & ut *Riolano* placet, urinæ exitum dirigunt, ne collum vaginæ polluat. Quæ hinc aliæ eminentiæ aut corrugationes apparent, constituere videntur carunculas illas myrtiformes, à quarum arcu commissurâ virginitatis notam desumi vidimus. Non longè infra clitoridem protuberat aliquantulum exitus meatus urinarii sive urethræ, quæ est vesicæ lotium educit, & mirum dilatabilis est. Prope hunc constitutæ sunt lacunæ, meatus *Graafio*, cæci ductus *C. Bartholino*, appellatæ, viæ tamen plures à prostaticis mulierum ibi exeuntes, quæ substantiam albicantem glandulosam referunt, & muliebria humore seroso, interdum cum saltu, perfundunt, ut seminis in mulieribus emissionem falsò quidam existimarent.

§. XIII. Ad partes internas ferimur; è quibus primò videnda vagina, malè uteri cervix dicta. Hæc inter vesicam & intestinum rectum ad uterum protenditur, interius gaudens tunicâ nerveâ, sive tendineâ, quæ in varias plicas corrugatur, ut in exitu foetus cedere melius, nec facile rumpi possit: quæ variis in locis perforata è glandulis eidem superimpositis copiosum serum fundit, quò & congressus & exitus foetus facilitatur, quod autem malè pro semine foeminarum reputatur. Incumbit tunicæ illi latus musculus, & vaginæ anteriorem partem cingit, & obstrictionem sphincteris nomen obtinuit. Huic subjacent expansiones illæ, interius nigricantes, *Graafio* dictæ plexus retiformes. Saperstrata omnibus tunica extima membranosa, sed fibris carnis secundum longitudinem excurrentibus dotata. Tota verò vagina & viro admittendo, & foetui in partu transmittendo inservit.

§. XIV. Ea autem utero continua est, quem inter stercus & urinam conditum antè ossa pubis, pone sacrum, ad latera ilei ossa muniant, dum cavitas tota pelvis vocatur, & annotante *Graafio* & *Mauriceau* feminis præ viris amplior concessa est. Anterior pars, quæ vaginæ alligatur, acuminata magis, collum sive cervix, postica latior, fundus uteri audit, & hæc libera est, ut foetu grandefcente extendi possit. Pyriformis enim figura est, non verò ac in brutis, cum *Galeno*, cornua habet.

habere credenda, cujus parti acutæ orificium inest transversum, quod uteri internum appellat, vix admittens in non gravidis digitum auricularem. Ductus hoc ad cavum uteri, quod vix amygdalum ordinariè capit, nihil verò de quinque vel septem receptaculis ostendit, triangulare ferme, cujus duo anguli in fundo constituti tubas versus respiciunt. Crassities pollicem æquat, quæ in gravidis, ut falso opinatur *Vesalius*, non extenuatur, sed eadem manet, dum ipse uterus paucis diebus à partu ad pristinam exilitatem redigitur. Exterior membrana validà à peritonæo oriundà cingitur, quæ & cum vesicâ, & intestino recto validè conjungitur: interior *Malpighius* perforatam, & ductibus pluribus, præsertim circa orificium, instructam, cum *C. Bartholino*, innuit. In hac nuper quoque, ut & *Graafius* obtigit, vesiculæ aliquot diaphanæ, lympham ex inflicto vulnere cum saltu fundentes, inventæ sunt. Substantiam *Graafius* nerveo-membraneo-carneam, rectius *Malpighius* fibroso-vasculoso-glandulosam asserit. Exterior obtinere situm fibras carneas, in varios fasciculos collectas, & diversimodè implicitas, quæ cum internâ pariter carneâ substantiâ contractioni & fœtus expulsionì consecrantur. Inter has varias esse pelliculas, quæ cavitates forment, cellulis lienaribus similes, omnes inter se communicantes, & sanguinem admittere solitas in gravidis, à quo turgescens, expansus licet, uterus crassitiem suam servat. Ex cavitatè uteri exeunt canales, ad ductus quosdam ducentes, qui tubæ Fallopiantæ dicuntur, de quibus, & ad fundum uteri utrinque constitutis, corporibus orbicularibus, quæ testes & ovarium vocant, inferius acturi sumus fusius.

§. XV. Restant solummodò nunc ligamenta uteri, & vasa. Illa duplicia sunt, rotunda & lata. Hæc alæ, vesperilionum dictæ, à formâ, non uterum firmant cum osse ileum, sed testes, tubas, uterum, vaginam inter se colligant. Tæretia verò à fundo uteri utrinque per peritonæi duplicaturam excurrunt, & non per ejus processus, sed distantia ab illis notabili id perforant, & ad inguina ascendunt, dum membranam illam aliquatenus extendendo, aut extrorsum trahendo, d verticula illa peritonæi *Nuckio* vocata formant. Ipsa autem ligamenta os pubis ascendendo eidem prope clitoridem in fibrillas varias divisa inferuntur. Ea uterum firmiter retinent, qui etiam vaginæ, & per hanc externis partibus, atque intestino quoque recto, & vesicæ firmissimè alligatus, nullatenus loco moveri, multò minùs ascendere potest.

§. XVI. Vasa quod attinet, arteriæ spermaticæ testibus potissimùm, aliquot verò furculi etiam utero, cui tamen & vaginæ hypogastricæ potius consulunt. Venæ ad similiter denominatos truncos exonerantur. Arteriæ verò illæ, imò etiam venæ non modò unius lateris cum alio, sed diversæ etiam illæ inter se anastomosibus junguntur, quod mercurio alterutri illorum vasorum immisso egregiè conspicitur. Imò etiam retis instar vasa illa variè complicantur, & venæ serpentinos quasi ductus efformant. Nervi à lumbis ab externas pudendorum partes, ad internas ab osse sacro, imò etiam furculi ex intercostali feruntur.

Lymphatica ab utero & testibus quoque prodire, *Nuckii* dexteritati debemus.



MATERIA GENERATIONIS & CONCEPTIONE.

§. I.



As & fœmina, vegetâ ætate gaudentes, & organis genera-
tionis instructi, congruam quoque materiam afferant
utrinque necessum est. Eo nomine semen vocamus, &
aliud virorum, aliud fœminarum est.

§. II. Quid de semine masculino tenendum, differt.

XIV. §. X. seqq. edocere possunt. Id duplici ex liqore constare, alte-
ro prolifico, à quo imprægnatio procedat, altero accessorio, quòd
priorem diluendo ad ejaculandum faciliorem, & imprægnationem
præstandam aptiorem reddat. Officinam illi præbere testes & epidid-
ymides, unde per vasa deferentia ad vesiculas seminales transporte-
tur, & hinc in congressu emittatur. Hunc provenire à prostaticis, &
priori in congressu admisceri. Proin negavimus Hippocrati semen
in congressu demum ex omnibus corporis partibus confluere, & hinc
testes viam esse tantum, quæ transitum eidem concedat, & qui pro
firmandis vasculis culcitram constituent. Sic enim sequeretur, mutilos
partibus quibusdam parentes mutilos quoque liberos produ-
cturos, quod experientiæ repugnat; imò testibus exsectis superesse se-
men, & imprægnationem nihilominus fieri posse, quod pariter con-
tra *Consentinum* ἀποπρον ostensum est. Similiter veritate non nititur,
aliud semen in dextro testiculo marium, aliud in sinistro fœcellarum
generatione litare, quod multiplici variorum, præsertim verò *Timæi*
experientiâ, per monorchum ex herniotomiâ plurium liberorum
utriusque sexus genitorem, confirmatur. Liqvidum verò illud acti-
vum & energeticum in maribus esse semen, sive illam materiam, à quâ
procedat generatio, loc. all. §. XII. evictum est, quòd sine illo nulla
fœtus productio expectanda veniat.

§. III. Semen fœminas habere negavit *Aristoteles*, & ex medicis à suis
partibus stantes habuit *Averrhoën* & *Avicennam*. Ejus enim loco quia

M m

consuit

cenfuit fanguinem menftrum, hujus & feminis peculiaris exiftentiam minùs neceffariam judicavit. At fanguis menftruus pro femine reputari ex eo nequit, quòd retineatur in gravidis, aut etiam in puellis, cum pubefcunt, proveniat, fimili ratione, ac semen in adolefcentibus, ut alia argumenta, quæ levioris armaturæ milites funt omittamus. Idcirco antiquam *Hippocratis*, *Galen*, & plerorumque neotericorum, quovis fermè ævo aſſertam ſententiam potiùs eligimus, ſemine quoque fœminas gaudere, quamvis per anatomica noſtrorum temporum ſtudia, quid illo nomine venire debeat, rectius conſtet.

§. IV. Communiffima, & à medicis fermè omnibus recepta erat ſententia, quam *Laurentius*, *Fallopius* & *Whartonus* recensent, à teſticularibus muliebribus ſemen per tubas ad uterum venire, aqveum plus minus ſpiſſum eſſe, ad vaginam copioſius confluere, & à libidinofis interdum cum voluptate excerni. Enimverò ſciendum (1.) liqvore illum non venire à teſtibus, ſed partim in proſtatis fœminarum, partim in vaginalibus glandulis ſecerni, partim ex collo uteri per vaſa excretoria *Malpighii* & *C. Bartholini* ad vaginam deponi: (2.) non poſſe eſſe ſemen, quia copioſiſſimè confluat, & ſine ſæcundo congreſſu in libidinantibus inveniatur, imò non à ſanguine vaſorum ſpermaticorum, ſed hypogaſtricorum potiùs ſeparatur, & tandem in ipſam uteri ſubſtantiam non recipiatur, ſed ab eo potiùs excernatur: prout horum alibi jam mentionem injecimus.

§. V. Ut ergò rectius de ſemine fœmineo conſtet, non injucundum futurum puto, ſi occaſionem & hiftoriam inventi veri feminis muliebris paucis verbis deſcribam. Olim communis erat diſtinctio animalium in *ωότονα* ſive ovipara, & *ζωότονα* ſive vivipara, quibus *Ariſtoteles* vermipara adjecit, quæ tamen *Harvæo* monente, & *Fr. Redi* demonſtrante, ab iisdem vix diſcrepant, ſed ſub prioribus claſſibus ſtare debent. Dum interim *Harvæus* ductu *Fabricii ab Aquapendente* primus erat, qui cuncta animalia ex ovo naſci aſſereret, & analogiam inter pennatorum & reliquorum animalium ova oſtenderet, quamvis ipſi adeò felici eſſe non licuit, ut plenariè aſſertum confirmaret. Erant interim ſolliciti in ovibus ejusmodi inveſtigandis anatomici, primus tamen videbatur *J. van Horne*, qui in teſtibus, hæcenus ita vocatis, muliebribus, veſiculas ſerum aliquod continentes, ovula, teſtes ovarium diceret,

diceret, & *Graafium* haberet, qui ipsum in eadem denominatione mox seqvebatur. Majorem verò applausum sententia nacta est, cum *Kerkringius* rudimenta foetus in iisdem contineri demonstraret, & omnium maxime, cum anno LXXXII. *D. de S. Mauricio* Parisiis in foeminae cujusdam, alias octo liberorum matris, testiculo dextro foetum plenarie formatum inventum esse publicaret.

§. VI. Quod verò testiculorum structuram attinet, notandum, eos intra abdomen ad fundum uteri, utrinque unum, positum esse, atque eidem per ligamentum satis firmum connecti, quod malè ab antiquis quibusdam anatomicis pro vase deferente venditabatur. Ope vasa spermatica investmentium membranarum cum peritonæo firmanur, & veluti suspenduntur. Figura eorum præter propter orbicularis est, saltem quòd depressi aliquantum globos exactos non referant, imò etiam in summitate planiores, quam in inferiore parte observentur. Involucrum eorum alii duplex, alterum commune à peritonæo, alterum proprium, vocant, quod *dartos Galeno* audit; at à *Graafio* ostenditur, eam potius unicam, sed crassiore, & cum interiore substantiâ firmiter cohaerentem esse. Substantia ipsa subalbida ex variis membranis & fibrillis contexta vesicularia quædam corpora intertexta gerit, quæ æquidem à *Vesalio*, *Fallopio*, *Roderico à Castro Coitero*, *Laurentio*, *Baribolino*, *Whartano*, *Marchetti*, & aliis jam visæ, rectius hodiè ovula cum *Hornio* vocantur. Vasa ad testes five ovarium disseminantur arteriæ spermaticæ, materiam nutritiam, & nervi, spiritus advehentes, ab iisdem verò venæ spermaticæ, sanguinem, & vasa lymphatica, lympham reducentia, prodeunt. Vesiculas illas ova congruè appellari vel inde patet, quòd liquorem contineant, qui coctione, ut aliorum animalium ova, in substantiam albicantem & vitellinam indurefcet, & id sit, quod imprægnatum, simili fotu ac alia ad exclusionem usque maturetur. Quamvis enim pennatorum ova involucri duriore gaudeant, nostra non item, facilis tamen apparet ratio, cum illic exclusa foveantur, & in incubatione munita esse debeant, ne diffringantur, hinc id ipsum autem non desideretur.

§. VII. Ovula hæc à primâ nativitate adesse, & magnitudine milii semen vix excedere supra monitum, quæ semen foeminarum dicenda sunt, (1.) quia ad ea vasa spermatica disseminantur, (2.) historia generationis in iisdem continuata id sufficienter declarat. Accedit, quòd in

omnibus animalium speciebus, magnitudine verò inter se differentes, reperiantur. In iisdem tamen rudimenta & stamina foetus futuri actu jam latere *Malpighii, Kerckringii, Borelli, Stenonis, Bartholini*, aliorumque ex demonstrationibus patet. Hinc etiam animalium distinctio initio allegata sensu veterum planè tollitur; eatenus verò adhuc tolerari potest, quòd quamvis omnia ex ovo animalia oriantur, vivipara, in utero matris exclusa, edantur viva, ovipara verò, ovis adhuc inclusa, deinceps ulterius fovenda & excludenda.

§. VIII. Postquam semen utrumque, tam marium, quam foeminarum lustravimus, quomodo hoc ab illo, ut imprægnetur foemina, disponi debeat, videndum est, quod conceptionem vocant. Maris & foeminæ conjunctionem in generationis necessitatem requiri, ex differt. præcedente constat, quæ ergo invicem cohabitare debent. Id requisita quædam in viris, quædam in foeminis desiderat, sine quibus nulla imprægnatio succedit, ut eapropter medicis inspiciendi concedantur, quòd sterilitatis causa innotescat. In viris ergo (1.) tentigo debita, (2.) seminis emissio congrua requiritur. Quomodo illa præstetur, & unde procedat, loco allegato dictum est. Quòd verò ad congressum necessaria sit, vel exin patet, quòd eâ destituti, & qui nullâ coeundi potentiâ gaudent, frigidi & impotentes dicantur, atque ad generandam prolem inepti sint. Hæc, ejaculatio vocata, membri congruam conformationem, & præsertim perforationem flagitat, quòd phymosi laborantes, aut pene vel plane non, vel indebitè, perforato, frustraneus & sine imprægnatione succedaneâ congressus sit. Foeminarum autem partes, ut iniri possint, formatæ esse debent, quòd arctas nimis & atretas itidem ad matrimonium inhabiles esse constet. At, quòd conceptio hinc melius intelligatur, locus, in quo, & modus, quo conceptio instituatur, disquirendus est.

§. IX. Ubi conceptio sive imprægnatio in matre contingit? In uterum venire semen masculinum, & ibi imprægnationem instituere, veterum tam philosophorum, quam medicorum est opinio, qui vel semen foeminarum ex testibus eò descendere, vel menstruum sanguinem ejus vicem supplere arbitrabantur. At vix unquam aliquid virilis seminis in uterum injici meritò dubitant, qui (1.) orificii interni uteri angustiam & conformationem considerant; (2.) ex *Harvæo* didicerunt, id quoque in plerisque animalium ἀδύνατον esse, imò post concepti-

ceptionem nil quicquam ejus in utero inveniri, sed potius id etiam in fecundo congressu, iterum ejici; (3.) perpendunt atretas apud *Guillemeau & Ruyfchium*, arctas apud *Riolanum & Blancardum*, occlusas à mole carneâ apud *Aquapendentem*, nihilominus concepisse, in quibus tamen seminis virilis ad uterum accessio per partium illarum naturam cohibita est. Enimverò, quemadmodum modò descripta observatio, quâ foetus in ovario inventus est, locum rectius determinat, ita illic loci, ubi materia in prægnanda invenitur, conceptionem fieri nemo ambiget amplius. Cadit proin etiam multò magis *Fallopia* assertum, qui semen masculinum se in tubis invenisse sibi persuadet, cum nec à tubis semen illud veteribus è testibus venire creditum expectari possit, nec ab utero per tubas ad testes semen masculinum integrum pervenire credendum sit, quod ad uterum id ipsum non pertingat, & vel deinceps per densam testium substantiam aditum non inveniret, vel potius per apertas tubarum extremitates in uterum delabere-

§. X. Quomodo ergo conceptio peragitur? Duæ præsertim antiquitus florebant circa hoc naturæ mysterium opiniones. Altera philosophorum, medicorum altera dicta. Illa *Aristotelem* habebat auctorem, quam tamen *Averrhoës*, *Avicenna*, *Alb. Magnus*, *Petrus de Albano*, *Casalpinus*, *Cesar Cremoninus*, *J. C. Scaliger*, & *C. Hoffmannus* etiam propugnârunt. Nimirum asseriebant, ex solâ matre venire materiam, ex quâ producat infans, ex geniturâ verò, à patre collatâ, solam venire formam, nihil autem ex eâ, tanquam materiâ, fieri, quòd species misceri, & ex entibus duobus per se, unum ens per se fieri posse implicaret, & inutile sit, quòd utrumque semen vim activam contineat, quòd alterum abundaret aut frustra concurreret. Loco verò materiæ à matre concessæ referebant non semen, quòd in utero inveniri, aut ad eum pervenire negabant, sed sanguinem menstrualementem, in gravidis ordinariò retineri solitum.

§. XI. Posterior sententia, medicorum dicta, *Galeno* debetur, qui contra *Stagiritam*, medicis fermè omnibus in ejus partes secedentibus, professus est, maris & foeminæ semen in utero convenire, & ex utroque conjuncto partes foetus formari, ita tamen, ut quidam, e.g. *Sennertus*, cum semine simul admiserint sanguinem, quòd pauxillum feminis, ad partium formationem non sufficiens exinde, alimoniam ulteriorem

fusciperet, adeoque hinc aliæ partes ex semine, aliæ ex sanguine formantur, quarum illæ albicarent, & spermaticæ, hæ ruberent, & sanguineæ, dicendæ forent, uti differt. II. §. III. jam monitum fuit. Hinc etiam nascebatur sententia de simultaneâ seminis in utroque sexu emissionem, quæ ad fecundum congressum summè necessaria foret, & quam in ipso *Galeno* deprehendere, in *Laurentio* autem fufius reperire est. Sic in sterilitate, quam exin metuebant, si non contingeret seminis commistio eodem temporis momento, medicos in auxilium vocatos, solitos esse consilia suppeditare, quomodo eadem, si defecerit, procuranda foret ex *Jasone à Pratis*, aliisque vetustis Practicis videre conceditur.

§. XII. At enimvero posteriorem hanc doctrinam refragante inventam esse naturâ, hodiernorum anatomicorum experimentis ostenditur. Scilicet ex antecedentibus liquet (1.) nullum esse semen mulierum, quod in uterum veniat, sed ichorem, potius illum pro semine falso habitum in vaginâ tantum inveniri; (2.) masculinum ad uterum non pervenire, quemadmodum utrumque *Harvæus* non rationibus tantum, sed experienciâ suffultus ostendit, qui in secis post factam imprægnationem cervarum uteris nil quicquam de alterutro semine deprehendit. Quoad prius dogma, etiam si non infulsû videatur id eatenus amplecti cum *Excell. Bohmio*, quod patris semen non videatur materialiter, sed formaliter ad generationem concurrere, i.e. non materia est, ex quâ formetur infans, quam mater potius præbet, sed per quam illa imprægnari debeat, quod ex sequentibus melius elucescet. Menstruum tamen sanguinem minùs congruè pro materiâ, ex qua generetur infans, reponi, multa superius jam enarrata ostendunt.

§. XIII. Verùm ovulum est genuinum semen muliebri, quod imprægnari debet à semine masculino. Cum verò illud non in utero, sed testibus fœminarum inveniatur, hoc non ad uterum, multò minùs ad testes penetret, imò sæpè conceptio vel ex levi affricatione, & in quibus ipsa conformatio mentulæ virilis, & hinc quocumque seminis immisionem excludit, observata sit, quæritur, quâ ratione semen masculinum in fœmineum agat? *Harvæus* scholarum illius temporis præjudiciis delusus speciem quandam contagii virtualis sibi concipit, aut per irradiationem spiritualem negotium explicare conatur. Enimvero quemadmodum ex physicis neotericorum emendatis constat, radios non quid esse

esse incorporeum ed lineas tantum ad qvas corpora lucida suam actionem continent; ita omne contagium materiale, & per contactum agit, saltem quod id, quod virtuale antiquitus dicebant, vel non adeo immediate ac prius, vel non integrum, sed per emissas aliquas sui partes, qvas effluvia & miasmata vocant, in alterum operetur. Sic ergo semen masculinum non tota sua substantia aut integrum, sed subtiliores, spirituosas, activas & energeticas ejus partes, à reliquis evolutas, & à *Graafio* aura seminalis dictas, fecundationem præstare rectius auguramur.

§. XIV. Interim cum in ovario imprægnandum sit ovulum, quomodo activa seminis masculini portio à vaginâ per uterum ad id ipsum pervenire poterit? Alii per sanguinea vasa absorbentem auram seminalem testibus adduci autumant, cum tamen hoc circulationis legi & vasorum distributioni repugnet, quoniam secundum illam per venas minores non ad partes, sed ab illis ad truncos majores confluit, secundum hanc testes præcipue vasa præparantia, vagina & uterus hypogastrica suscipiunt. Alii porosam uteri substantiam, in congressu fecundo ad dilatationem necessariam suscipiendam rarefactam semini ad testes aditum concedere putant. Nobis probabilissima videtur sententia, non integrum semen, quod *Graafius* aliquando fieri sibi persuadet, sed subtilem portionem per tubas Fallopianas testibus adduci, quæ licet in demortuis flaccidæ, & extremitatibus ab ovariiis remotæ pendeant, in cæstro tamen venereo percitis turgescerent erigantur, & testiculum amplexæ auræ seminali accessum faciant, ovuloque dein excipiendo, & ad uterum deportando inserviant. Id verò tanto magis probabile videbitur illi, qui ex *Veslingio* eruditur, ob tubas has occlusas sterilem omnino congressum contigisse.

§. XV. At formalis fecundationis ratio ejusmodi abstrusum ænigma est, ut nemo ædipus inveniatur eidem accuratè solvendo aptus. Coagulationis qui speciem volunt antiqui, masculinum semen coagulo, foemineum lacti æquiparant. Qui fermentationis notione delectantur, acidum masculinum, foemellarum alkali informare fabulantur. Semen foeminarum ovula esse, staminibus futuri foetus jam imbuta, ex antecedentibus constat. Hæc ergo materia sunt, quæ actuali, & successive in foetum formari debent, sola verò activitatem fecundam, ita disponente Creatore Optimo Maximo non tribuere sibi possunt. Masculi seminis activa portio materiam ex se inertem actualiat, & eodem Conditor ita ordinante, stupendo planè modo, ad motum
ejus-

ejusmodi plasticum disponit, quo in foetum humanum transeat; ita tamen, ut solus hic generando foetui non suppar sit, nisi materia ovulum congruum invenerit, & contra hoc sine illo foecundari nullatenus queat. Interim ichorem illum, qui & ex utero vagina copiosius in congressu semini masculino obviam fit, partim transcolandæ subtiliori portioni & activæ, partim in turgescientiam debitam uterum agitando inservire cum *Malpighio*, Excell. *Bohnus* rectè auguratur. Mater proin materiam, ex quâ foetus generetur, præbet, sed modificatam, pater materiam, per quam illa actuetur: cum hæc ob suam exilitatem & paucitatem, ut in partes foetus transeat, quàm maximè impar videatur, & semel factâ conceptione sæpè nihil amplius pater contribuat. Imò gemellorum quoque exin reddi potest ratio, quòd vel duo ovula, vel unum duplice vitello, quemadmodum interdum in avibus, instructum, actuetur, & sic illic distinctis amiculis, hic uno, sed pariete intergerino distincto, includantur.

§. XVI. Singularem imprægnationis rationem *Leeuwenhækius* tradit, quatenus animalculum unum vel alterum, semini masculino inexistens, in foecundo congressu utero matris adhærens, exin alimentum sugens in foetum formetur masculum vel foemineum, prout diversi sexus vermis fuerit. Ast ut taceam, vermiculos in semine vivente esse dubios, ita hæc foecundationis ætiologia lubrico stat talo, & experientiam præsertim anatomicam, in prioribus allegatam, contrariam experitur.



MOTU OVULI AD UTERUM, & FOETUS NUTRITIONE.

§. I.

Intra testiculos muliebres vesiculæ illæ seminales, quas ova hodiè dicimus, à seminis masculini activâ & energeticâ portione in legitimâ cohabitatione utriusque sexûs fecundantur. Quamvis verò, sed præter naturæ ordinem, hic foetus formati exempla tum ex *Mauritii* nuper allegati, tum ex *Jacobi Grandii* Veneti per *C. Bartholinum* communicatâ observatione habeantur, ordinariò tamen hinc ad uterum pervenire, & in eo sui ulteriorem perfectionem expectare debet, usque dum in partu prodeat. Quare ut cognoscamus, quomodo ovum imprægnatum ex ovario ad uterum perveniat, attendendum est (1.) quid ovulo in imprægnatione accadat, (2.) quid ipsum ex ovario exturbet, & (3.) quas per vias ad uterum feratur.

§. II. Ovula intra ovarium ex arteriis spermaticis per glandulas testiculorum, à *Bohnio* & *Malpighio* assertas, alimoniam suam, & ad imprægnationem suscipiendam debitam conformationem, partesque necessarias acquirunt. Ex iis verò in fecundo congressu unum aut alterum à seminis masculi accessione actuatur. Hoc est, in ovulo, ad debitam partium formationem congruâ delineatione instructo quidem, sed ex se inerte, à spiritu seminis virilis plastico, secundum agendi vim & necessitatem à Creatore Optimo Maximo ipsi inditam, & motus inchoatur, & ad dispositionem justam dirigitur. Atque adeò materia in eo contenta, dum exagitur, turgescere equidem debet, mox tamen iterum subsidet, & non modò tunicarum diaphaneitas turbatur, atque hinc inde vestigia vasorum sanguineorum se produnt, sed corpus quoddam glandulosum formatur, quod intra tunicas illius genitum id tandem undiq; ambit, ceu naturâ duce *Graafius* annotavit. Corpus hoc non sine prævio congressu, sed eo præcedente, ex parte quâdam ovuli secessoriâ produci cum *C. Bartholino* & *Excell.*

Bohnio persuademur, siquidem in aliis non invenitur, & ovuli substantia imminuta id innuit. Hoc verò corpus ovulo deinceps filtri vicem præstare, quo alimonie tantillum ipsi instilletur, cum eodem Præceptore nostro auguramur.

§. III. Turgescentia illa materie seminalis in ovulo, & corporis glandulosi formatio efficiunt, ut hæc ratione & à reliquorum ovulorum, & ab ipsorum testiculorum conjunctione liberetur & avellatur. Neque id mirum videbitur consideranti, quòd fructus maturi facile à pedunculis secedant, & secundina utero prius firmiter annexa dein quæ si sponte separetur. Alteratio verò illa id simul efficit, ut ovarium ad contractionem pro expellendo ovulo sollicitet & stimulet. Illud enim fibris motricibus instructum, *Malpighio* docente, systaltico suo motu ovulum, ad secedendum dispositum, expellit aut exprimit, ut eadem expulsionem meritò in acceptum referamus melius, quàm si cum *Graafio* & *Blancardo* eam corpori glanduloso ex se inerti tribueremus. Fimbriam verò tubarum Fallopiarum amplexantem in fœcundo congressu ovarium compressione suâ ad secessum ovuli symbolam quoque suam contribuere, forte non sine ratione suspicor. Contractis ergo tunicis ruptura producit in testiculo, per quam ovulum exitum suum invenit. Quamvis enim *Lamy* dubius sit, quomodo ovulum ovario exeat, avtopsiatamen *Graafii*, *Bohnii*, *Ruysschii*, aliorumque id testatur, qui foraminis illius vestigium in homine & diversis aliis animalibus oculis suis viderunt, papillari quâdam eminentiâ, extrorsum facti motûs indice, instructum.

§. IV. Quæ ovulum ex testibus ad uterum ducunt viæ, non incongruè vasa deferentia dicuntur, ad imitationem illorum, quæ in viris ex testibus semen ad vesiculas pro excretionem in fœcundationem necessariâ derivant. Eo quidem nomine antiquitus *Fernelio*, *Laurentio*, *Plazzono*, *Higbmoro*, & quibusdam aliis veniebant ligamenta illa, quibus testes cum utero connectuntur, quòd pervia, & ferendo ex testibus ad uterum semine destinata, ea arbitrantur. Eosdem autem *Graafius* & ipsa avtopsia refutat. Eo ergo titulo melius salutabuntur canales illi, utrinque à fundo uteri porrecti, quos tubas *Fallopius* appellavit. Harum substantiam *Graafius* tantum membranousam, ex duplici tegmine, externo lævi, interno in varias plicas reposito, constantem putat. At rectius fibrosam quoque & spongiosam, nervosis

penis

penis corporibus similem, texturam inspectio declarat. Extremitates alteræ cum utero contiguæ, & corpore per ligamenta illa, alarum vesperilionum nomine dicta, productæ, alteræ liberæ in mortuis pendent, & foliaceam fimbriam obtinent, quæ tantum non musculosa testiculo amplectendo apta est. Perviæ sunt utræque, & quidem exitu altero ad uteri cavitatem, altero ad abdominis cavum respiciunt, dum uterque angustior apparet, flaccescentibus illis, quàm tubarum medium.

§. V. Hæ ovulum excipiunt, & ad uterum propellunt. Equidem non immediatè à conceptione, quo tempore *Harvæus* vacuum adhuc uterum invenit, paucis tamen diebus, (longius enim aut brevius à conceptione secedit ex testibus, prout animalia majora aut minora fuerint) tenellum & exiguum adhuc ovulum à tubis excipitur. Eas enim in cæstro venereo quasi inflatas erigi, & sic non modò plicas, quas valvulas alii putant, explanari, sed extremitates etiam ovario applicari, & id comprehendere, eoque in statu perdurare, usque dum ovulum in debitum suum hospitium deduxerint, quod motu præsertim suarum fibrarum exequuntur, non vanè auguramur. Earum quippe substantia spongiosa erigibilitatem declarat, observatio *Ruysschii* applicatas ovario extremitates avtopsiâ confirmavit, *Riolani* verò experientia, & *Vassalii* historia, vias fœtus esse tubas demonstrant, dum hic fœtum in cornu, quemadmodum aliquibus audiunt tubæ, inventum, quòd exitum invenire non potuerit, describit. Revera enim hunc fuisse in tubâ, cum *Graafio* ex historiæ accuratâ analysi asserendum potius, quàm ut pro duplici matrice, aut cum *Mauriceau* pro herniâ, habeamus.

§. VI. Ovulum proin imprægnatum ex ovario per tubas in uterum deportatur, ut illic ad debitam *ακμήν* usque nutriatur. In ejus ergo nutritione rectè & distinctius cognoscendâ id agemus, ut (1.) organa in quibus, (2.) per quæ, (3.) materiam, & sic (4.) modum speciatim exequamur.

§. VII. Organa, in quibus fœtus continetur, alia immediatè fœtum ambiunt, alia demum his medianibus. Ex his nominandus præcipuè uterus, cujus structuram in dissert. XXXIV. §. XIV. sqq. exhibuimus. Is ergo, vix pugni magnitudinem in non gravidis æquans, secundum proportionem fœtus grandescens augetur & expanditur; id quod imprimis obfundum liberum facilius evenit. Etenim in imprægnatione ad turgescentiam rarefactoriam disponitur, atque hinc

augetur, & abdominis non modò viscera sursum premit, sed integumenta musculosa, & ipsam cutem ejus externam insigniter dilatat. Interim ab interfluente uteri pelliculas sanguine ejus crassities prior adhuc conservatur, utin maximâ licet mole non extenuetur, sed ejusdem densitatis deprehendatur.

§. VIII. Immediatè magis foetum circumdant membranæ involventes, sive tunicae. Hæ non recenter generantur, sed in ipso ovulo inveniuntur, successivâ duntaxat augmentatione cum foetu succrescentes. Triplices in brutis, exterior vasis sanguineis intertexta chorion, interior albicans amnion, & media allantoides, urinaria etiam à contento, & farciminalis à figurâ, dicta, numerantur, atque etiam à se invicem divulsæ diversos velut humores continent. In homine *Vesalius*, *Spigelius*, *Higbmorus*, *Plempius*, *Needham*, atque etiam *Bidlous* eundem tunicarum numerum statuunt, avtopsiâ etiam pro fundamento allegantes. Communissima tamen omnium sententia est, mediam deficere, & solùm duas reliqvas inveniri, quæ etiam, præsertim ultimis temporibus, firmissimè sibi agglutinantur, ut non nisi attentâ & suspensâ manu separari valeant.

§. IX. Organorum, per quæ embryo nutritur, vicem gerunt tum ipse uterus, tum tunica, tum verò placenta cum funiculo umbilicali. Uterus, præterquam quòd includat foetum, etiam alimoniam suggerit, quatenus secretam portionem chylosam hinc inde in uteri gravidarum interiore tunica transfudantem reperire licet. Ex tunicis chorion processulis sive fibrillis exiguis, præsertim in initio, asperum est, quibus non modò circa placentam, sed etiam reliquis in locis, si cervicem excipias, utero connectitur, & canales illos anatomicis cæcos constituit, quibus, præcipuè ante placentam formatam, immediatè ex uteri cavo alimentum imbibit, & foetui concedit.

§. X. Placenta autem præcipuè huic officio destinata est, quam, hepar etiam uterinum dictam, homo unicam, (nisi gemelli aliud efflagitent,) & orbicularem magis; canes & quædam alia animalia, cinguli instar foetui cingentem, & chorion velutin duas partes distribuentem, obtinent. Dum interim in bisulcis dispersæ potiùs glandulæ ejus vicem, nomine cotyledonum & acetabulorum gerunt. Hujus rudimentum pariter cum ovulo utero adducitur, eidem verò postea firmiter satis connectitur, non semper eodem in loco, utplerimum tamen cum *Fallopio* & *Graafio* opinari fas est circa tubarum exitum. E-

jus

jus substantia glanduloso-vasculoso-spongiosa est; sic enim spongiæ instar ex utero succum alibilem imbibit, ope ductuum recipit, per glandulas ulterius separat & depurat, qṽi per funiculum umbilicalem foetui adducitur, & ab eo iterum residuus à nutritione ad placentam revertitur. Funiculus ille ex duplici arteriâ, & unâ venâ constat, quarum hæc à placentâ embryonali moniam adducit, illæ superfluum reducant. His aliud vasis genus, urachi nomine, jungitur, quod ex vesicâ ad allantoidem aut ad chorion spargi, & alii pervium esse, pro urinâ foetus ad illam transportandâ, asserunt, alii id de quibusdam animalibus concedunt, de aliis, & præsertim homine, negant; ut in tantâ auctorum diversitate difficile veritatem determinare liceat, imprimis, quia etiam in descriptione illarum partium variant.

§. XI. Materia nutritionis non est patris semen, cum materno & spermate & sanguine concrefcens. Exigua enim illius, quæ accedit, portio, vix vel minimæ parti formandæ adæqvata foret, præsertim cum deinceps nihil amplius ejus accedat. Mater ergo sola materiam ex quâ suggerit, sed quia ea, quæ cum ovulo advenit, vix sufficeret pro membris omnibus formandis & augmentandis, novâ utique accessione indiget. Hanc non præstat sanguis, etiam si ille copiosius circa uterum rarefactum confluat, & mensium fluxus in gravidis supprimitur. Duplicem enim fundamento lubrico innitebatur veterum hæc opinio. Alterum erat, quod sanguinem menstruum cum in finem retineri putarent, ut foetui formando vacaret. Alterum autem, quod sanguinem matris ad infantem transire sibi persuaderent. Enimvero, quod prius attinet, sanguis in imprægnatis ideo retinetur, quod in utero nunc rarefacto majus spatium majorem sanguinis copiam efflagitet, dum eo in non gravidis arctitudinem suam retinente superfluum hinc sanguis, aut minus proportionatus reliquo corpori, sui amolitionem menstruum postulat. Quoad posterius id experientiæ refragatur, siquidem anastomoses, quas sibi inter vasa venosa matris & placentæ infantis concipiebant, nullibi reperiuntur. Quin potius cotyledonibus, aut placentâ, ab utero avulsis, nulla conjunctionis vestigia sunt, si remotionem providè & sufficienter institueris: quamvis si aliquid illorum utero adhuc conjunctum maneat, punctis suis rubicundis anastomoses testari videatur, id quod etiam errandi occasionem quibusdam suppeditasse mihi persuadeo. Ut taceam, falsò etiam illos in adulto sanguinem nutritionis materiam supponere. Verum

chylosa quædam est portio, quæ ab utero secernitur, & à reliquo sanguine separatur, revera enim succulentia ejusmodi chylosa in gravidarum uteris non modò circa placentam avulsam, sed reliquis etiam in locis invenitur, & ex iis, atque placentâ, exprimitur. Hinc verò partim à papillaribus fibrillis aut ductibus chorii & amnii ad cavitatem tunicarum transportatur, partim à spongiosâ placentæ substantiâ imbibitur, & dein per venas umbilicales cum sanguine fœtui adducitur. Præsertim cum adultorum idem nutrimentum, & Hippocratis quoque sententiæ conforme sit, qui lacteam etiam alimoniam ait, quali dein pariter in lucem editus infans opus habet.

§. XII. Quando per fibrillas chorii alimoniam ad cavum tunicarum deponi assertum est, meritò humores earum considerare convenit. Quemadmodum verò in tunicis auctores, ita etiam in humoribus describendis numero variant. Duplicem esse, in brutis manifestius cognoscitur, dum in allantoide contentus urinæ similis, interior contra amnii gelatinosus, congelabilis & nutritius magis deprehenditur. At in homine differentem ejusmodi liquorem non reperire licet. Quamvis enim interdum aquarum collectio inter duplicaturas membranarum accidat, eæque ante partum, & quandoque longo satis abhinc tempore, profundantur, non tamen urinæ, sed serosa quædam portio amnii humoris est, quæ per id transsudans aliquandiu inter utramque membranam hæsit, usque dum à calcitationibus infantis, sine suâ noxâ, sub nomine aquarum superfluarum (wilde Wasser) profiliat. Verùm unus in homine humor, sed ex diversis partibus constans invenitur. Non quòd sudorem & urinam fœtus excrementitiam omninò cum Galeno vocare congruum sit, sed quòd præter partes nutritias etiam alias serosas, minùs alibiles, præsertim ultimis mensibus contineat. Evidentius hoc patebit consideranti, unde humor ille proveniat. Scilicet ex utero per fibrillas chorii canaliculosas, primis præsertim mensibus ad tunicarum cavitatem stillat. Sed postmodum his densioribus redditus, viisque tantum non abrogatis, plures aliæ debent inveniri, dum priores non sufficere pro tantâ quantitate solent. Non ergo videtur cum Whartono per gelatinam funiculi secedere, non cum Needhamio & Graafio per arteriarum umbilicalium propagines exsudare; sed per excretoria, partim ordinaria, artim extraordinaria, superflua nutritioni portio ex embryone iterum ad tunicas deponitur, de quo in sequentibus.

§. XIII.

§. XIII. Nunc potius ad modum nutritionis videndum ferimur, quæ ut penitius intelligamus, distinguere liceat in id, quod in primo statim initio, & ante vasa umbilicalia formata, atque quod post eorum formationem accidit. Initio actuata ovuli materia ad sui formationem à spiritu seminis masculini plastico disponitur. Hinc cum opus sit, ut non modò alimentum disponat, quod adest, sed & viam, pro novo & sufficiente suscipiendo, paret, in medio punctum conspicitur, quod, quia mox apparet, mox oculum fugit, saliens nominatur. Hoc initio albicans mox rubicundum redditur, & auriculam dextram, hinc cordis structuram inchoat, à quo mox lineæ ducuntur aortæ, & umbilicalium arteriarum rudimenta, quibus dein vasa reductoria, venæ, succedunt, ut scilicet ita & reditu placentam versus alimentum sufficiens procuret, quod hæcenus ex utero per fibrillas tantum chorii susceperat. Placentâ ergo & vasis umbilicalibus formatis, foetusque aliquatenus grandescente, quid fiat, visuris necesse est, ut (1.) quomodo alimoniam assummat, (2.) quomodo distribuât, (3.) quomodo assimilet, atque (4.) quònam superfluum secedat, inquiramus.

§. XIV. Alimentum foetus assumit, aut potius eidem accedit, primò ex funiculo umbilicali. Hujus vena per capillares radices à glandulis placentæ depuratam portionem chylosam absorbet, & cum sanguine ad embryonem transfert. Deinde alimonia etiam foetus os potius subit, quàm ut ab eo suctione hauriatur. Scilicet dum hæc non fiat, solo pondere partim alimentum descendit, partim à motu infantis eò de-truditur. De viâ autem hæc *Coiterum, Harvæum, Eberhardum* habemus consentientes, & contenta chylosa in ventriculo, eorumque mox à partu vomitus, & excrementa alvi, id præterea evincunt. Humorem amnii alibiles partes continere ex superioribus constat, quæ partim ex utero per ductus nominatos eò deponuntur, partim ab ipso foetu iterum eò transeunt, plus assumptæ, quàm ut unâ vice assimilari potuissent, cujus veritas mox elucescet.

§. XV. Assumptum alimentum sui distributionem indiget. Illud ergo, quod per os descendit, equidem satis depuratum est, ut maximam partem per venas lacteas & ductum thoracicum ad sanguinem abeat, sui ræmen in ventriculo & intestinis aliqualem digestionem experiri, excrementa, sive copiosum illud meconium, quod in recens natis invenitur, confirmant. Alterum, quod per venam umbilicalem accessit, cum sanguine, similiter, ac prius, cum eò devenit, distribuitur. Hujus ut circulus melius cognoscatur, terminum à quo, & ad quem, placentam constituere liceat. Ab eâ ergo per venam umbilicalem san-

sanguis, & cum eo alimentum, per umbilicum ad hepar atq; venam portæ, hinc vero per canalem venosum *Glissonii* immediatè ad cavam transit, & mediante hac ad dextrum non modò ventriculū, sed viam concedente foramine ovali ad sinistrum quoq; traducitur. Exiens hinc sanguis ex sinistro ad aortam immediatè, & ex dextro quidē ad arteriam pulmonalem, sed mox post exitum per canalem arteriosum, qui utramq; arteriam conjungit, ad eandem aortam deducitur; dum interim arteria atq; vena pulmonales feriantur. Ope ergo aortæ non solū ad omnes partes, & per ramulum bronchiale *Ruysschii* etiam ad pulmones sanguis dispefitur, reditu per venas circulum in embryone perennans; sed etiam per arterias umbilicales, quæ ex iliis erumpunt, per umbilicum exiens ad placenta iterum revertitur, denud & perpetuò per venas rediturus.

§ XVI. Proin cum sanguine embryonis ex matre alimonia apportatur, aut ore assumitur. Ea verò ita comparata est, ut cujuscunq; generis particulas afferat, diversis partibus in nutrimentum cessuras. Quamobrem partim aptitudine suâ, quam attulit, in matre accommodatâ, partim quam denud intra ipsum foetum suscipit, alibilis succus in diversa membra pro variâ suâ habitudine contextitur, & partium interstitiis appositum, earum molem ad debitam *ampli* eo modo auget, quem in adultorum nutritione notavimus. Sic enim, quæ initio mucosa, exilia & ligamentosa tantum, successivè firmiora evadunt, ossa etiam unum post alterum formantur, & pedetentim indurescunt, prout id specialius *Kerckringio* persecutus est.

§ XVII. Enimvero plus alimenti foetui adducitur, quam ut unâ vice, aut solo illo sanguinis circulo, assimilari possit; eapropter quædam portio iterum excernitur ad amnii cavitatem, ut dein per os assumi, & in ventriculo magis accommodari valeat. Scilicet non modò per poros & spiracula cutis superflua portio eliminatur, sed cum *Drelinecourtio* & *Bohnio* utiq; asserendum, etiam per os ex glandulis salivalibus effluere & ed congeri. Imò nec mihi dubium videtur urinaria vasa admittere. Non quòd ea urinam excrementitiâ fundant, sed quòd superfluitates serosas pariter & chylosas reddant, foetu demum edito urinæ secretioni destinata. Neq; id mirum videbitur attendenti (1.) quòd vasa salivalia soli sero dein accommodata, nunc adhuc laxiora, etiam chylo pervia sint; (2.) quòd structura renum in embryonibus alia, quam in adultis, & non adeò stricta, sed distincta, alius humoris, quam urinæ secretioni, tum vacet; & (3.) humor etiam amnii congelabilis potius, neq; odore, neq; reliquis conditionibus urinam referat. Urinandi autem difficultas, quæ in recens natis quibusdam invenitur, planè ferri nominata vasa vix innuit: quin potius, quia eadem à mucositate quædam in viis illis hærente provenit, & enematibus solventibus superatur, humores illic transisse, sed in spissatos esse, notat. Accedit, quòd urinæ suppressio quandoq; aliquo à partu tempore, & postquam aliquoties urinam emisissent, contingat. Hæc verò cuncta nunc nominata vasa pro excretoriis ordinariis habemus. Extraordinaria sunt, quæ tantum in foetu, non autem in adultis, officio simili funguntur. Mammellæ hæ sunt, utriq; sexui communes, quas huic fini dicatas dissert. XIV. §. IV. annotavimus. Ubi simul lacteus ille, qui exprimitur in recens natis, liquor chylosam portionem iterum deponi ad amnium superflua, adeoq; id partim laudabiles, partim excrementitias continere, docebit, quamvis longiore morâ tandem priores in nutrimentum foetui cedentes, successivè magis magisque absumantur & deficient.

PARTU, ET VITA FOETUS.

§. I.

Fœtus in utero matris debito tempore, & sufficienter nutritus, cum ad justam magnitudinem pervenerit, in lucem edi debet, quod partum appellamus. Hujus ergo contemplabimur (1.) tempus, hinc (2.) causas, tam stimulantibus, quam moventibus, (3.) modum, & (4.) consequentia.

§. II. Et homini, quemadmodum aliis quoque animalibus, statum tempus partus à Conditoris esse constitutum, nemo ambigat. Mirandum hinc eò magis, quod tantus auctororum dissensus circa illud definiendum observetur. Causa potissima videtur, quod terminus, à quo computus institui debeat, minus certus & fidus haberi possit. Sive enim ab initio conceptionis desumi debeat, id sæpè fallax, & quam maxime incertum est; sive à motu foetus percepto fiat, id quoque variat. Quia enim pro medio habent gestationis momento, aliæ fœminæ sedecim, aliæ viginti, aliæ pluribus hebdomadibus post, imò eadem nunc brevior, nunc longior intercapedine pariunt, ut proin duplicato hebdomadam numero pro diversitate illâ, modò plures, modò pauciores emergerent. At quemadmodum vix mihi persuadeo, maturitatem foetus ad unum aliquod omnibus fatale momentum restringi debere, quod necessario attingere, aut vix superare debeat; ita etiam multæ causæ sunt, quæ eundem vel diutius aliquanto detineant in utero, & partum differant, vel unâ alterâve hebdomade citius exturbent, sine eo, quod hoc pro abortu, illud pro statu præternaturali æstimari debeat. Communissimus, & si experientiam consulimus, verus etiam terminus videtur mensium præter propter novem, si solares, dierum triginta, non verò lunares, dierum viginti octo, concipiamus; sic enim decem requirerentur. Eapropter etiam, si hebdomadarum numero describere velis, vix ante trigessimam octavam prodibit, & vix ultra quadragessimam protrahetur partus, qui legitimus, & nec præposterus, nec justò tardior habendus sit.

§. III. Causas partus hinc non intelligimus finales, quæ est foetus in lucem

lucem edendi necessitas, si finis imprægnationis, & multiplicatio generis humani obtineri debeat. Verùm efficientes, quas alias dicimus stimulant, id est occasionales, quæ partim organa ad expulsionem, partim fœtum ad exitum sollicitant; alias verò moventes, quæ ipsam infantis exclusionem præstant.

§. IV. Ex illis primò non intelliguntur eæ, quæ præter naturam fœtum justò citius provocant, animi pathemata vehementiora, humorum in subjectis scorbuticis aut phthificis acrimonia, tunicas nimis irritans, & quæ sunt aliæ. Neque secundo, quando ad lunæ phases vulgo respiciunt, veritate nituntur, quatenus scilicet, quæ prætergressa est primam aut ultimam quadram, novam aut plenam lunam adhuc expectare debeat, & ab hac exterminetur facilius. Quamvis enim lunæ in atmosphæram, & hinc etiam corpora nostra, vim aliquam non inficer, experientiam tamen asserto contrariari nemo non, diligenter ad partus quovis tempore contingentes attendens, poteritprehendere.

§. V. Enimvero plures quasi causæ conspirant, quarum prima uterum ad contractionem à mole fœtûs adauctâ stimulat. Quemadmodum enim cunctæ partes, sic uterus quoque, ad certam tantum proportionem dilatabilis est, atque hinc ad *dimensum* distentus ulteriori expansioni resistit, prout pathologi etiam uteri angustiam majorem, aut expansionis remissionem abortûs causam invenerunt. Dein etiam distentæ uteri fibræ, ut aliæ in corpore, ad systalticum motum irritantur. Secunda est particularum nutritiarum defectus aut insufficientia, partim quòd fœtui grandiori factò id, quòd à matre advenit, non suppar sit, partim quòd diuturnitate temporis amnii humor partibus alibilibus exuatur, adeoque fœtus ad quærendum alimentum adigatur. Tertia prioribus juncta nec minoris momenti est. Quoniam, ut dein dicemus, embryo non respirat, aër, qui hætenus actuando matris sanguini suffecerat & fœtûs, hoc mole aucto non sufficit, sed immediatam ejus agitationem vitalem efflagitat, quòd circulum suum absolvere possit, ut proin pro ejus usurâ capiendâ ex ergastulo suo prorumpat.

§. VI. Causæ moventes vel in matre quærendæ sunt, vel in fœtu. In illâ non modò instante partu conatus observantur successivè ingruentes, quibus, si veri sint, partes illæ in contractionem pro fœtu excludendo necessariam, sub nomine dolorum partûs, nituntur; sed & ipsi us matris, durantibus illis, advenit auxilium, quæ inspiratione protractâ

tractâ, diaphragmate deorsum pulso, simili, licet adauctâ magis vi, ac in fœcum alvi duriorum exclusione, partum molitur. Infantis verò nîsus obstetrix non modò ipso sensu edocta testatur, sed &, quod fœtu mortuo, & adjutorio ejus nîsu deficiente, partus difficilîus contingat. Hisce causis jungimus aliam, accessoriam & externam magis, obstetricis scilicet operam, quâ in partu, quamvis maximè naturali, vix carere licet, utpote quæ, congruis enchiresibus instructa, situm incongruum mutando, viarum dilatationem cautè adjuvando, aut alia obstacula removendo, imò etiam vaginæ uterinæ & intestini recti procidentiam præcavendo, partui exituro prudente consilio, providâ manu, lentâ festinatione, adminiculo est.

§. VII. Proinde partûs modum adumbraturi necesse est tradere, unde instantem illum cognoscamus, quod parturientis regimen, & quid in ipso partu eveniat. Instare verè partum scimus, si justum gravitationis tempus præter propter effluxerit, & veri motus & matrem, & obstetricem de eo admoneant. Scilicet quando illa non tam tormina ventris, quàm per vices redeuntem exerendi conatum cum dorso dolore persentiscit, artus tremunt, alvus & urina egeruntur, & continuus tenesmus perseverat, imprimis autem obstetrix orificii interni, usque huc clausi, aperturam explorat; sine hac enim nullus exitus est, & labores illi idcirco appellantur spurii, sæpè longo ante partum tempore infestantes. Priora si contingant, parturiens justo situ in sellâ aut cubili ad id accommodato locatur, aère frigido, imò & cum excessu calido, vitato, non tamen intempestivè, & non nisi quantum natura monstrat, ab obstetrice adjuta, etiam subinde analepticis, præsertim alimentosis, refocillata, partûs labores subit.

§. IIX. Omnibus hac ratione ad exitum dispositis, orificio uteri se dilatante, & partium illarum nîsu contractorio adaucto, rarius infans una cum suis amiculis transit, sed potius ruptis membranis, & post aquarum in iis contentarum profusionem prodit. Eadem verò non tam à calcitrationibus infantis, quæ etiam ante partum satis validæ interdum observantur, quàm per aquas, ab utero se contrahente & diaphragmatis motu compresso, arctatas rumpuntur. Cautè tamen & hîc agat obstetrix, ne ipsa, membranas rumpendo, aquarum intempestivum profluvium, & dehinc difficilem partum, aut etiam violentiam simul infanti, inferat, nisi quòd interdum earum nimia & insolita densitas, cæteris paribus, ejus opem efflagitet.

§. IX.

§. IX. Ruptis membranis ipse exitum molitur infans, & per orificium uteri ad vaginam tendit, quæ interiore suâ & rugosâ tunicâ sine metu rupturæ cedere, & præsertim confluyente ex glandulis suis sero irrigata, faciliorem transitum concedere potest. Infans enim, qui hætenus capite magis erecto, & umbilicum matris respiciente, pedibus manibusque compositis in utero federat, ordinario & communi maximè modo, capite demisso, atque ossibus ejus ob hiatum in fontanellâ aliquatenus commissis, exitum quærit, & facie intestinum rectum versus respiciente, manibus verò pedibusque reclinatis prorumpit, quandoque etiam partim extrahitur. Interdum tamen utroque pedum, quandoque natibus, per easdem vias exit, qui duo exitus modi cum priori pro naturalibus partus speciebus habentur, quòd tùm nullâ opus sit in fœtu sitis mutatione, sed modò obstetrix prudente adminiculo fuerit, prodire potest; cùm reliquæ sitis species ad partum præternaturalem pertineant, quia sitis mutatione opus est, si nasci debeat infans.

§. X. Interim uti à posticâ parte os coccygis aliquanto extrorsum cedit, & dolores à partu relinquit, ita antrorsum commissura ossium pubis, per cartilaginem intermediam aliquatenus dilatata diducta, videtur transitui faciliori favere, dum, fortè non sine ratione, *Pineus, Mauriceau*, & plures alii ambitum illum osseum fœminis præ viris ampliorem afferunt. Interim num ossa pubis à se invicem divellantur, quemadmodum *Arniseus, Pineus, Guillemeau, Riolanus, Paræus, Baubinus, Spigelius, Harvæus, Diemerbræk, Ludovici*, autoritate non tam *Hippocratis, Avicennæ, Aëtii*, quàm propriâ experientiâ, nixi contendunt, difficile est dictu. Avtopsiæ enim tantorum anatomicorum iteratæ contradicere vix licet. Proin, quia & aliter plerique sentiunt, & contrarium sibi evenisse testantur, eam non negaverim factam esse interdum, existimem tamen id non semper & in omnibus ad actualementem secessum contingere. Cœterum ordinariò quidem obijcitur, pro aduocandâ divulsionis ostendendâ, cruribus fœminam stare non amplius posse, quòd ischii ossibus hinc loco motis, femoris quoque dislocationem necessariò experiri debeant, cùm tamen mox à partu surgant, & pedibus insistere possint puerperæ. Enim verò quid si extremitates ischii immotæ esse possint, dùm solùm ossa pubis non tam ad latera secedere, quàm antrorsum aliquatenus elevata dehiscere concipi valeat; aut etiam interdum ossium pubis extremitates ob mediam cartilaginem extensione attenuatam & subsidentem eminentes secedere credantur.

§. XI.

§. XI. Fœtu prorumpente funiculus umbilicalis religatus uterum versus refecatur, & quoniam infante in lucem edito placenta uterina non amplius nutriendo, membranæ eidem continendo, inserviunt, eadem funiculi reliquæ portione leviter tracta, & contractorio uteri motu continuato, sub nomine secundinarum excernuntur. Dehinc ex illis locis, ubi secundina utero erat contigua, hæc contractio, sanguis & serum exinde exprimuntur titulo lochiorum, quorum fluxus per plures dies, imò hebdomades, in quibusdam continuat. Dum vel postea ad mammas materiâ nutritiâ translata infanti alendo adhuc aliquo tempore impenditur, vel puerperio exacto fœmina tributum lunare iterum debitis intervallis solvens ad œconomiam animalis ordinarias regulas suam revocat.

§. XII. Sic non tantum mater onere suo liberatur, sed etiam ipse infans propriam magis vitam agere incipit, cum antehac à matris vitâ fœtus quoque vitalitas in eo simul penderet, quod ab illâ hic non modò incongruum diversorium, sed & alimoniam nullam suscipere valeat. Ita enim, licet aliquâ adhuc morâ à matre moriente embryo interdum vivere soleat, necessario tamen (nisi, qui perfectus est, tempestivè in lucem protrahatur) spiritum ponere cogitur. Imò prout mater variis affectibus tum animi, tum corporis corripitur, ingens quoque in œconomia fœtus mutatio oritur. Proin inquirere non inconsultum erit, primò qualem vitam agat embryo, & quando illa incipiat, dehinc unde & quæ nova ipsi vitæ ratio in lucem edito accadat.

§. XIII. Vita cum sit ordinatus quidam partium motus, quo tam alimonia assumitur, distribuitur & assimilatur, quam reliquæ functiones ad integritatem requisitæ præstari possunt, quis fœtum neget vivere? In eo enim, ut ex antecedentibus patet, alimentum tum per funiculum umbilicalem, tum per os hauritur, perfecta est circulatio, partes delineatæ successivè augmentum sumunt, variis motibus agitur embryo, ut de vitâ ejus nullum remaneat dubium. Imò ea, quamvis ob causas ante memoratas alteretur à matre, propria est infanti, quatenus sæpè contingit, ut vel ante partum, vel in eo, embryo emoriatur. Propria enim ipsi œconomia est, cui continuandæ & ad augmentum perducendæ mater & hospitium & debitum nutrimentum confert.

§. XIV. Caterum meritò hic quaeritur, an animâ quoque gaudeat, & unde eam suscipiat? Animam ipsi esse aut vitam corporis, ex prioribus

bus patet, dum effectus vitalitatis evidentes etiam causam illius innuunt, præsertim, cum ex Dissert. I. & III. constet, in illâ partium benè formatarum mutuâ harmoniâ & habitudine agendi atqve reagendi id consistere, quod aliis animæ nomine venit. Proinde potius determinandum, an animâ humanâ, i. e. rationali illa & immateriali gaudeat? Sed quis dubitet? Quamvis enim locis allegatis declaratum fuerit, animæ hujus directioni non subesse vitalitatem corporis, monitum tamen simul est, nunquam vitam corporis humani sine eo, quod animam conjunctam habeat, concipi posse, quod ex OptimiMaximi Creatoris voluntate sapientissimâ nunquam soleat vivere corpus, nisi cum animâ, etiamsi non in omnibus per animam rationalem. Regeris, ibi cessare finem conjunctionis, qui sit, ut mutuò invicem afficiantur anima & corpus, quod ex hujus teneritudine, & nondum obtentâ perfectione contingere non possit, adeoque nisi corpore demum formato animæ conjunctio requiratur. Enimvero quis determinet, in tenello quocq; corpore id non succedere; licet nulla sit eorum, quæ ibi geruntur, recordatio, cum nec hæc in infante recens nato possit deprehendi. Accedit, quod una corporis atqve animæ origo sit, adeoque necessariò coæva anima corpori existere debeat.

§. XV. Unde verò origo animæ? Corporis sanè manifestior est, dum seminis masculini conditiones, & fœtus rudimenta in ovulo conspici possunt, imò successivo corporis augmento ejus primordia apertius constant. Ast immaterialis illa anima aciem oculorum nostrorum fugit. Quis autem materialitatem cum rationalitate (sit venia barbaris verbis rem vix homine dignam designaturo) sanâ ratione præditus asserat! At vero quamvis non ex materiâ, cum materiâ tamen eosdem natales animæ esse mihi persvadeo. Quando omnipotens generis humani Conditor Adamo & Evæ dixit benedictum illud; crescite & multiplicamini: non corpori illorum solum, sed ut hominibus, dixit. Quoniam autem homo ex corpore & animâ conjunctis constat, non potuit ex illis, & dein per omnes generationes, nisi homo integer generari, i. e. qui animâ & corpore gaudeat, cum illâ destitutus maximâ & potissimâ sui parte privaretur, & homo foret non homo. Quando cunqve ergo semen parentum in fœcundo congressu ad generandum hominem conjungitur, & imprægnatio fit, anima simul conceditur. Non quod insit semini, quia tùm ubi semen perditur, animam quoque

que perdi sequeretur, quod ἀπονοεστ. Non quod eapropter animæ parentum aliquid decedat, quemadmodum enim eorum substantia, cum semen concedunt, integra manet, ita multò minùs anima immaterialis, & hinc indivisibilis suâ naturâ aliquid perdere potest. Verùm quòd cum semine, & duntaxat ubi utriusque parentis congressus ad generationem concurrat, animæ quoque propagatio contingat. Ergone animam quoque propagabilem concipis? Quidni idem Deus, qui animam condidit, is eidem etiam propagandi virtutem, sub his tamen conditionibus, ut cum corpore multiplicetur, concedere potuit, quamvis modus in re arduâ intellectum nostrum lateat. Recordare enim pium est cum *Cartesio*, Deum auctorem rerum esse infinitum, & nos omninò finitos; neque ullo modo mirandum, multa esse, tum in immensâ ejus naturâ, tum in rebus ab eo creatis, quæ capium nostrum excedant. Melior ergo est, & Theologis quoque plerisque nostris probata sententia, animam propagari per traducem, quamvis exemplum vegetationis per infusionem rem in homine non exhauriat, sed à latâ quâdam analogiâ tantùm promanet. Altera verò, quâ infundi à Deo animam opinabantur corpori, ut taceam Theologorum quorundam dubia, philosophico etiam fundamento, quantum mihi videtur, non nititur. Cur enim ἀδύνατον sit propagari animam illi, qui omnia potest? Cur opus sit novam creationem ab illo desiderare, qui cuncta creavit in illâ perfectione non modò præsentī in primo vûv, sed futura etiam per cuncta sæcula, & dein ab opere quævit. Excipis, creatas esse à initio animas tot, quot necessarias futuras omniscius idem DEUS cognoverit. Enimvero, ubi interim illæ? & cur non, cum hominī concessit generandi potentiam, in homine etiam illam quærimus? Objicis, ex priorē sententia fluere, tot perdi animas, quot semine frustra profuso, aut in generandi potentia apto & matrimonio vel detrectante, vel occiso, generationes impedirentur. Verùm, eidem jam obviā ivimus, quòd non in semine, sed cum semine, & quidem utriusque sexus, & in fecunda cohabitatione conjuncto propagatio illa animæ tantùm instituatur, & ubi semen sit sine generatione, ibi etiam sit sine animâ.

S. XVI. Ex quibus etiam faciliè nunc inferre licebit, quando vita nostra incipiat. Nimirum non ad vulgi illam opinionem originem vitæ nostræ ad id tantummodò tempus rejicere congruum erit, ubi motus infantis persentiscuntur. Si enim motus vitæ index, etiam ante id tempus, quo percipi possunt, motus in embryone erant, quamvis ob teneritudinem partium primis momentis & mensibus sentiri nondum valeant. Quapropter vita embryonis pendet à primo illo momento, quo imprægnato in ovulo à semine masculino motus ille plasticus inchoatur, toto deinceps vitæ tempore continuandus. Exiguus enim quamvis initio sit, & deinceps demum majorem ambitum acquirat, id vitalitati ejus nihil derogat, cum non à mole corporis, sed à vitali illâ determinatione pendeat. Imo quoniam ex ante demonstratis anima quoque tum mox præsto est, apparet, hominem trucidari, non quando propius ad partum, sed quando à primo conceptionis momento, vitalitatis continuatio violentiâ quâdam impeditur. Quapropter exin quoque liquet, in utero extinctos non brutorum instar omnino desinere, quòd anima immortalis sit æquè in tenello ejusmodi embryone, ac deinceps in homine in lucem edito. Maxime verò ex eodem fundamento refelli potest ex *Hippocratis* persuasionē nata priorum



priorum temporum sententia, fœtum septimestrem & novimestrem, non verò octimestrem esse vitalem, à quâ etiam, tanquam ex tripode dictâ, veteres medici in iudicio ferendo itabant. Scilicet quia & octavo mense continuatur motus vitalis, anima interim à corpore non secedit, sub nono mense ingruente reversura, aut dormiendo tempus erit; imò mater eo tempore motus infantis persentiscit, & experienciâ constat, octavo mense vivos produisse infantes, non modò *Drelinecourtium* & quosvis medicos cordatos, sed ipsam naturam potius contrariam sententiam amplectendo sequimur.

§. XVII. Vivit equidem hæc ratione embryo, sed sine respiratione, quamdiu adhuc uteri ergastulo includitur. Scilicet nulla aëris reciprocatio per os fieri potest, quia uterus in gravidis clausus, embryo tunicis accuratè circumdatus, & aquis innatans, aërem admittere non potest. Imò & pulmones tùm non perlucit sanguis sicut in edito, & ab aëre non distenduntur, quod respirationis immediatum consequens est, siquidem iidem embryoni in utero enecto, aut in partu mortuo exfecti in aquam immissi fundum petunt, qui aliàs supernatant. Quod experimentum equidem pro nondum factâ respiratione, non verò pro negandâ fœtus, dum prodisset, vitalitate valere, Excell. *Bohnii*, & *Cl. Zelleri*, amici integerrimi, demonstrationibus constat.

§. XIX. At quamvis embryo non respiret in ætero, editus tamen in lucem necesse est, ut respiratio & incipiat, & sine intermissione ad finem vitæ perduret; & tùm cum vitâ pari passu ambulet. Nimirum sanguis in fœtu, qui hætenus ab appulsu particularum nutritiarum à matre commovebatur, eo in lucem edito & à matre avulso, facillè restagnaret, nisi aëris facta & continuata inspiratione novam agitationem vitalem continuò susceperet. Hinc enim inspirato aëre infantem recens editum & languidiorem velut ex orci faucibus eripiunt, & contra nisi respiratio succedat, infans in vitam revocari nequit. Facta ergò inspiratione & dilataris pulmonibus sanguis ex dextro ventriculo arteriosum canalem præterlabens per arteriam pulmonalem illos irrui, & ad sinistram per venam redit, novâque hæc ratione ad vitæ finem usque perennat. Ut proin vita infantis editi continuanda revera ab aëris accessione pendeat. Quibus ita se habentibus alimoniam deinceps aliunde quærit, & primò ex matris uberibus (naturâ ita monstrante) hinc aliis etiam nutritus & auctus, vitam suam secundum explicatas in antecedentibus regulas continuat, usque dum anima ejus compedibus corporis solvatur, postquam hoc vel casibus variis, vel fatali omnibus rebus materialibus termino destructum officio suo amplius fungi nequeat.

SOLI DEO GLORIA.





INDEX RERUM ET VERBORUM.

A *Cetabula.* pag. 284. § X.
Acidum non est menstruum
 ventriculi. 38. sq. §. XI. XII.
Actiones in homine diversæ di-
 versam in eo substantiam arguunt.
 3. §. IV.
 sunt triplices. 4. §. IIX. 8. §. XXI.
 Compositi quæ dicantur? 8. §. XXI.
Adeps non est pars solida corporis. 11. §. VI.
 refertur ad humores. 14. §. XIV.
 cor obsidens in quem finem? 67. §. V.
Aër est motor externus corporis viven-
 tis. 6. §. XVI. 10. §. III.
 homine in lucem edito motus conti-
 nuat. 22. §. XIII.
 subtilior, non atmosphaericus, venit
 ad sanguinem. ibid.
 ejus partes constituentes. 73. §. II.
 ejus fluiditas, elasticitas, & gravitas.
 73 §. III.
 crassior non venit ad sanguinem in
 pulmonibus. 76. §. X.
 gravitate ingreditur pulmones. 79.
 §. XVI.
 in expiratione non omnis è pulmo-
 nibus exprimitur. 79. §. XVII.
 intra pectus non datur. 79. §. XIX.
 non materialiter, sed formaliter
 concurrat ad pnevmatosin. 164.
 §. IIX.
 requiritur ad odoratum. 224. §. XIII.

est objectum soni. 229. §. IIX.
 in auditu negotio duplex, externus
 & internus, cui nonnulli conna-
 tum addunt. 231. §. XI.
Ætas variat alimenta. 48. §. XI. 183. §. X.
 & nutritionem. 182. §. X.
Affectus animi ut noverit medicus, ne-
 cessarium. 257. §. I.
 intellectuales. 258. §. III.
 mechanici in brutis. 258. §. IV.
 in homine quid sint? 259. §. V.
 eorum ortus est duplex. ibid. §. VI.
 eorum sedes. 260. §. VII.
 eorum instrumentum, sunt spiritus
 & sensorium commune. ibid.
 §. IIX.
 eorum objecta & modus. 260. §. IX.
 eorum concausæ sunt sanguinis &
 spirituum peculiaris dispositio.
 261. §. X.
 quid in iis medicus attendere de-
 bet? ibid. §. XI.
Ala vespertilionum. 272. §. XV. p. 283.
 §. IV.
Algebra cur, & ad quid, utilis medico?
 Progr. 2.
Alimenta quid sint? 25. §. II.
 in eorum assumptione quæ ob-
 servanda? 47. sq. §. XI.
Analytica vera unde petenda? Progr. 2.
 quid efficiat? ibid.

INDEX RERUM

- Anastomoses* arteriarum cum venis non dantur. 72. §. XIX.
- Anatomia* medico necessaria Progr. 5.
- Anima* facultates. 201. §. I.
earum divisio rejicitur. 201. §. II
- Anima rationalis* doctrinæ physicæ non subjacet. 2. §. III.
non potest esse materialis. 3. §. VI.
4. §. VII.
habet duas facultates. 4. §. VII.
quæ declarant ejus essentiam. ibid.
ejus vita in quo consistat? 5. §. X.
non est facultas tantum cogitandi. ibid.
est immortalis. 5. §. XI.
planè diversam à corpore habet vitam. ibid.
afficitur à corpore. 198. §. IIX. IX. XI.
operatur etiam sine corpore. 250. §. III.
est jam in foetu. 294. §. XIV.
propagatur per traducem. 294. sq. §. XV.
- Anima bruta* Willisii. 19. §. VI.
- Anima sensitiva* non potest esse immaterialis. 18. §. IV.
an peculiare agens quoddam hypostaticum? 19. §. V. VI.
negatur. 19. §. VII.
non agit liberè. ibid.
quid per eam intelligi debeat? 19. §. V. 20. §. IIX.
ejus facultates rejiciuntur. 24. §. XX.
- Animatum* & vivum synonyma. 20. §. IIX
- Anthropologia* quid sit? 2. §. II.
- Antibelix*. 226. §. III.
- Anitragus*. ibid.
- Appetitus* competit etiam brutis. 241. II.
malè distinguitur in naturalem & animale. 243. IV.
quomodo contingat? 244. VII.
specialis unde? ibid. IIX.
- Aqua* quandoque est subiectum soni. 230. IX.
- Aqueductus Fallopii*. 117. XII. 227. IV.
- Arachnoides*, tunica humoris crystallini. 237. IX.
- Archæus* Helmontii. 19. VI.
- Arctitudo*. 267. VI.
- Arteria* describuntur. 70. XIII.
earum usus. ibid.
pulmonalis. ibid.
aorta, sive magna. ibid.
ejus rami. 71. XIV.
bronchialis. 75. VI.
- Arteria aspera*. 75. IIX.
- Arteria venosa*. 71. XV.
- Asperum* quid. 215. XI.
- Atmosphæra*. 73. II.
- Auditus* quomodo differat ab odoratu? 225. I.
in homine excellentior præ brutis. 225. II.
facit ad scientiam nostram. 226. II.
- Organon*, auris. 226. III.
- Ossicula*. 227. IV.
- Formalitas*. 228. VI.
- Objecta*. 228. VII.
- Modus*. 231. XII.
- Augmentatio*. 178. II. 182. IX.
- Auricula*. 226. III.
- Auriculæ cordis*. 69. X.
earum motus. 69. XI.

earum

ET VERBORUM.

earum usus. 70. XI.
Auris externa. 226. III.
 ejus usus. 227. III.
 ejus eminentia innominata. 228. III.
 B.

Bilis. 52. IIX.
 ejus analysis. ibid.
 ejus materia non est chylus. 133. IIX
 neque sanguis arteriosus. ibid. IX.
 sed sanguis venæ portæ. ibid. X.
 separatur non fermentatione, sed
 colatione. 134. XI.
 est duplex, hepatica & cystica. ib. XII
 non est alkalica, sed falsa. 135. XIII.
 ejus motus. ibid. XIV.
 ejus circulatio nulla est. 136. XVI.
 ejus usus. 136. XVII.

Bronchus. 75. IIX.

Bronchia. ibid.

Bruta unde habeant vitam? 5. XII.

habent sensus. 209. I.

eorum sensatio est mechanica. 206.
 IX. 209. II.

tres habent palpebras. 234. II.

fame, siti & dolore afficiuntur.
 241. II.

affectionis modus, & differentiare
 spectu hominum. 242. III.

C.

Cadaver quid sit? 20. X.

Calida potius assumenda alimenta.
 47. XI.

Calidum quid? 215. XI.

Calidum innatum non est causa motus
 sanguinis. 22. XIV.

non datur. ibid.

Calor non producit motum sanguinis.
 22. XIV.

est effectus motus intestini. 23. XV.
 86. IIX.

adjuvat chylicationem. 40. XVII.

non est causa efficiens primaria chyli-
 ficationis. ibid.

Calvaria vid. *Cranium*.

Canalis alimentorum. 113. I.

Canales semicirculares. 228. V.

Cantbi palpebrarum. 233. II.

Capsule atrabilarie. 144. XX.

Caro male associatur partibus similaribus
 II. VI.

Cartilagine quid sint? 12. X.

Cerebellum. 156. IIX.

ejus partes. 158. X.

Cerebrum quibus gaudeat integumentis?
 153. II.

ejus structura. 156. IIX.

ejus partes. 157. IX.

ejus vasa. 159. XII. sqq.

ejus substantia cineritia. 163. VI.

non demittit pituitam ad partes.
 168. XVII.

ejus motus. 175. XIII.

est terminus à quo & ad quem spi-
 rituum motus tendunt. 200.
 XII.

Cerumen quid sit? 14. XIV. 227. III.

Chirurgia quid sit? 1.

Chorion. 284. IX.

Chylificatio. 25. I.

ejus instrumenta. 33. sqq.

non fit coctione. 44. VI.

neque digestionem. 44. sq. VII.

neque fermentationem. 45. IIX.

sed solutionem. 46. IX.

speciali verò, sive extractione. ibid.

P p 2

Chyl.

INDEX RERUM

- Chylificatio* est actio mechanica, sed singularis. 47. X.
certas requirit circumstantias. 47. seq. XI.
continuatur in intestinis. 49. I.
non uni parti competit. 64. XIV.
Χολωσις, idem quod Chylificatio.
Chylus est quibus particulis constat? 43. IV.
unde ejus color lacteus? ibid. V.
ejus separatio à fecibus. 54. XII.
comparatur cum filtratione sive co-
latione. ibid. XIII.
non fit præcipatione. 55. XV.
singularia duo involvit. 56. XIX. XX.
ejus motus ad sanguinem. 57. I.
ejus via. 61. IIX.
ejus motores. ibid. IX.
non resolvitur in vaporem. 62. X.
affunditur sanguini. 65. I.
est spirituum animalium materia. 164. VII.
est nutritionis materia. 179. §. V.
probat. ibid. VI.
Chymia physico necessaria. Progr. p. 6.
physiologo necessaria. Progr. 5.
pathologo necessaria. Progr. 6.
non est physica & medicina cyno-
sura. Progr. 5.
Chymus. 43. V.
Cilia. 233. II.
Circulatio sanguinis, vid. Sanguis.
in embryone. 288. XV.
Clima variat assumptionem alimentorum.
48. XI.
Clitoris. 270. XII.
Cochlea. 228. V.
primarium auditus organon. ib. VI.
- Coctio* male applicatur ad chylificatio-
nem. 44. VI.
ejus signum. 56. XVI.
Colatio & chyli à fecibus secretio analo-
giam habent invicem. 54. XIII. XIV.
Colon plures, quam cætera intestina, ha-
bet valvulas. 56. XVI.
ejus valvula major. ibid. XIX.
Colores omnes sunt apparentes. 237. XI.
Columna cordis. 68. V.
Commercium mentis & corporis in quo
consistat. 200. XV.
Composita corporis partes sunt vel sim-
pliciores, vel compositæ, vel decom-
positæ. II. VII.
quarundam officium. 13. XI.
Concha. 226. III. 227. IV.
Conceptio, vid. Imprægnatio.
Consuetudo efflagitat differentia alimen-
ta. 238. XI.
Contiguum & Continuum quid? 214. XI.
Cor est præcipuum instrumentum san-
guificationis. 65. II.
est centrum thoracis. 65. I. I.
ejus figura & inclinatio. ibid.
est musculus. 66. V. II.
ejus ventriculi. 67. VI.
ejus septum non est perforatum. 68. VII.
ejus vasa. 69. IX. 70. XIII.
ejus auriculæ. 69. X.
ejus motus sive pulsus. 69. XI. 195. IV.
ab influxu spirituum. 70. XII.
non à sanguine fermentante. ibid.
est circulationis punctum. 86. IX.
solum non præstat sanguificationem
95. XV.
Coronaria cordis vasa. 69. IX.

Corpus

Corpus unde habeat essentiam? Progr. 4.
Corpus animale vivum est subiectum sen-
 sationum. 203. VI.

ad ejus motum quid requira-
 tur? 208. XV.

Corpus humanum comparatur cum ma-
 chinâ. 3. V. 5. XII.

dubia solvuntur. 7. XII.

huius & brutorum vita à motu
 pendet. 5. XII.

non à mente. 6. XVII.

vivens quantum differat à cada-
 vere? ibid.

non potest vivere sine animâ. 8.
 XIX. 24. XIX.

quid sit? 9. I.

ejus partes quæ sint? 9. II.

an rectè in ventres & artus divida-
 tur? ibid. III.

vel in partes continentes, conten-
 tas & impetum facientes? ibid.

ejus vitalitas, v. Vitalitas corporis.
 differt à machinâ artificiali. 17. I.

24. XII.

afficitur à mente. 198. IIX. 199.
 X. XI.

Costæ non explanantur in inspiratione.
 77. XII.

earum motus unde? 78. XIV.

Cotyledones. 284. X.

Cranium. 153. II. III.

ejus sinus. 154. III.

Crusta villosa intestinorum. 50. III.

Cuticula vid. *Epidermis*.

Cutis est organon transpirationis. 138. IV.

Cystis fellea. 131. V.

ejus ductus. ibid.

ejus radices. ibid.

non secernit bilem. 132. VII.

ejus motus. 135. XV.

D.

Deglutitio. 30. §. II.

ejus modus. 31. XV.

non fit alimentorum pon-
 dere. 32. XVI.

Demonstrationes in quo consistant?

Progr. 2.

Densum quid? 215. XI.

Dentes sunt ossa. 27. VII.

adsunt à nativitate. ibid.

eorum species. 28. VII.

Dietæ quò spectet? 2.

Diaphragma. 77. XII.

ejus actio. 78. XIII.

motu suo adjuvat chylicationem.

40. XVI.

movet chylum. 61. IX.

Diastole cordis. 69. XI.

Digestio in sensu chymico quid sit? 44.

VII.

malè applicatur chylicationi. 45.

VII.

foetus in utero. 287. XV.

Dissimilares corporis partes, vid. Com-
 posita.

Dolor quid sit? 246. XIII.

ejus subiectum. 247. XIV.

ejus causæ & modus. ibid. XV.

Dolores partus. 290. VI.

à partu. 292. X.

Ductus adiposi. 104. XVI.

Ductus choledochus. 51. VII. 131. V.

Ductus cysticus. 131. V.

Pp 3

Ductus

INDEX RERUM

Ductus Pecquetianus s. thoracicus. 58. V.
103. XV.

ejus valvula notabilis. 59. V.

Ductus salivalis Whartonianus. 115. IIX.
Stenonianus. 1 6. IX.

Nuckii. 116. X.

Ductus Virsungenianus s. pancreaticus. 51.
§. VII.

Durum quid? 214. XI.

E.

Effluvia quid sint? 222. XI.

Elementa partium corporis animalis
differunt ab elementis physicis. 10. V.

Elementares partes v. simplices.

Embryo, vid. *Fœtus*.

Epidermis. 138. IV.

Epiglottis. 75. IIX.

Evacuaciones superfluatorum. 137. I.

conveniunt invicem. ibid. II.

Euchyma }
Epyepia } alimenta. 48. XI.

Exspiratio. 79. XVII.

Extractio convenit cum chylicatione.
46. IX.

F.

Facultates animæ sensitivæ exulant.
24. §. XX.

concoctrix. 33. I.

Faces alvina quomodo promoveantur?
55. XVI.

eorum condensatio. 56. XVII.

eorum exclusio. 56. XIX.

eorum nidor unde? 56. XX.

eorum color à bile. 56. XIX.

Fames quid sit, & ubi contingat? 243. V.
unde proveniat? ibid. §. IV.

Fenestra rotunda. 227. IV.

Fenestra ovalis. ibid. & p. 228. V.

Fermentatio in sensu chymico quid sit?
45. IIX.

non competit chylicationi. ibid.

neque in sensu physico. 46. IIX.

non convenit cum motu intestino
sanguinis. 83. VI.

ejus requisita & effectus. 84. VI.

non præstat secretiones. 100. IX. X.

Fermentum stercoreum non datur. 56.
XX. 142. XII.

Fibræ sunt partes similes corporis. 10.
§. VI.

quid sint? 11. VI.

non sunt simplicissimæ. ibid.

Fibra motrix quid sit? 12. X. 189. IIX.
190. IX.

Fibra motrices. 193. I. ventriculi. 35. VI.

Filtratio & chyli à fecibus secretio analo-
giam habent. 54. XIII.

Fluidæ partes sunt motores corporis. 6.
XIV. XV. XVI.

quid sint? 14. XIII.

externæ & internæ. ibid.

Fluiditas. 81. III.

Fluidum quid. 214. XI.

Fœtus in utero nutritur. 283. VI. seqq.

non sanguine, sed chylo. 285. XI.

ejus tunicæ. 284. IIX.

cum humoribus 286. XII.

nutritionis modus. 287. XIII.

nutrimentum accipit. ibid. XIV.

digerit. ibid. XV.

sanguinis circulatione gaudet. 288.

§. XV.

succrescit. ib. XVI.

excernit. ib. XVII.

ejus

ET VERBORUM.

ejus vita. 293. XIII.
vivere quando incipiat? 295. XVI.
an habeat animam? ibid. XIV.
unde hujus origo? 294. XV.
non respirat. 296. XVII.
nisi editus. ib. XIX.

Folliculus fellus, vid. *Cystis fellea*.

Frigidum quid? 215. XI.

Funiculus umbilicalis. 285. X.

G.

Gemelli unde? 280. XV.

Generatio quid involvat? 265. I.

ejus subiectum, mas & foemina.

ibid. II.

horum requisita. ibid. III.

ejus organa in viris. p. 268. IX. sqq.

in mulieribus. 270. XII. sqq.

Geometria cur utilis medico. Progr. p. 2.

Deus & natura eam exercuerunt.

Progr. p. 3.

Glandula maxillaris interna. 115. II. X.

parotis. 116. IX.

oculi innominata. 117. XI.

lacrimalis. ibid.

pinealis non est terminus à

quo, & ad quem, in motu

spirituum. 200. XIV.

Glandule antiquitus neglectae. 97. II.

Conglobatae describuntur. 97. IV.

Conglomeratae explicantur. 98. V.

oesophagi. 31. XIII. 119. XVII.

ventriculi. 34. §. IV. 119. XIX.

intestinatorum. 50. IV. 119. XIX.

etiam impuritates ex san-

gvine secernunt. 56. XIX.

mesenterii. 57. II.

eorum usus. 62. XI.

in corde. 67. V.

buocarum. 114. III.

sublinguales. 114. IV.

palatinae. 114. V.

oculorum. 117. XI. 234. III.

hepatis. 129. II.

miliares five *subcutaneae*. 139. IV.

subcutaneae in mea tu auditorio. 227. III.

renales. 144. XX.

Grave quid? 215. XI.

Grumus sanguinis. 91. V.

ejus ad serum proportio. 92. I. X.

Gula. 30. XII.

ejus tunicae. 30. XIII.

ejus connexio. 31. XIV.

Gustus quid? 217. II.

ejus Organum secundum sententi-

am variorum. ibid.

sunt papillae nervae in lingua. 218. III.

probatur. 218. IV.

dubium solvitur. 219. V.

Objectum. 219. VI.

ejus finis. 221. IX.

H.

Hematosis v. Sangvificatio.

Hemorrhoidalis vena. 51. VI.

Helix. 226. III.

Hepar non sangvificat. 96. XVI. 132. VII.

ejus structura. 129. II.

ejus vasa. 130. III. sqq.

ejus connexio. 132. VI.

Hircus. 226. III.

Homo, ejus consideratio cur peccet ad

medicum? 2. II.

non totus refertur ad physicam, sed

tantum ejus corpus. 2. III.

dupli-

INDEX RERUM

- duplicem in eo substantiam diver-
 sa actiones docent. 2. & 3. §. IV.
 quid eum constituat? 4. IIX.
 non agit necessario. 8. XIX.
 est maximum DEI artificium. 8.
 XIX.
 moritur non ex vicio mentis, sed
 corporis. 24. XIX.
Humidum quid? 215. XI.
Humidum radicale non datur. 23. XIV.
Humores referuntur ad partes corporis.
 9. II.
 an tantum passive se habeant? 10. III.
 quid sint? 14. XIV.
 eorum elementa per analysin de-
 lecta. 15. XV.
 eorum requiritur proportio con-
 grua. 15. XVI.
Humores oculi. 236. IIX. sqq.
Humores tunicarum faciei. 286. XII.
Hyaloides, tunica humoris vitrei. 237. IX.
Hydrops cur sitim habeat comitem? 246.
 §. XI.
Hyggine quid sit? 2. I.
Hymen. 266. V.
Hypothesis an *Peripateticorum*,
 an *mechanica* preferenda?
 Progr. 4.
 I.
I *Dia*. 107. X.
fecur vide *Hepar*.
Imaginatio brutorum. 249. II.
 in homine. 254. XII.
 congrua & perversa. 255. XIII.
Impregnatio iusque requisita. 276. IIX.
 ubi contingat? ibid. IX.
 quomodo peragatur? 277. X.
 q.
 ejus ratio est abstrusa. p. 279. §. XV.
 sententia *Leeuwenhoekii*. 280. XVI.
Inspiratio. 78. XV. sq.
 requiritur ad olfactum. 224. XIV.
Intestina continuant chylicationem.
 49. I.
 eorum descriptio. 49. II.
 eorum substantia. 50. III.
 eorum glandulae. 50. IV.
 eorum connexio. 51. V.
 eorum vasa. 51. VI.
 eorum functio. 54. XII.
 eorum motus peristalticus. 54. XIV.
 eorum valvulae conniventes. 56.
 XVI.
Ira. 262. XI.
Iris oculi. 236. VI.
 ejus usus. 240. XVI.
 L.
L *Abia*. p. 25. §. III. IV.
 eorum musculi. 26. IV.
Labyrinthus. 227. V.
Lac. 105. 107. VII.
 materiam non habet à sanguine, sed à
 chylo. 106. V.
 ejus via. 107. V.
 ejus diversitas unde? ibid.
 cur & unde ordinariò post partum
 adest? 107. VI.
 ejus ductus. 107. VII. sq.
 ejus partes constituentes. 108. IIX.
Lachryma unde? 234. III.
Lactia. 262. XI.
Lave quid? 215. XI.
Larynx. 75. IIX.
Leve quid? 215. XI.
Libere agere idem est ac *rationari*. 19. VII.
 Lien

ET VERBORUM.

Lien non facit ad sangvificationem. p. 96.

§. XVII. 127. XII.

ejus structura. 121. II.

ejus vasa. 122. III. sqq.

ejus connexio. 123. VI.

ejus usus. 124. VII.

an propterea, quia extirpari potest, nullius sit usus? 126. XI.

variarum opiniones refelluntur. 127. XIII. non secernit humorem melancholicum. 128. XIV.

Ligamenta unde dicta? 12. IIX.

quid sint? ibid.

hepatis. 132. VI.

Limbus oculi cartilagineus. 234. II.

Lingva. 28. IIX.

ejus musculi. ibid.

deglutitionem juvat. 30. XI.

Liquor pericardii. 66. IV.

Lobus auris. 226. III.

Lochia. 293. XI.

Loquela quomodo contingat? 208. XV.

Luna vim habet aliquam in nostram atmosphaeram. 147. IV.

ejus phases nihil faciunt ad partum. 290. IV.

Lux est medium & objectum visionis. 238. XII.

quid sit? ibid.

Lympha fertur omnis ad receptaculum & ductum thoracicum. 63. XII.

cur id fiat? 93. sq. XIII.

est materia secretionis glandularum conglobatarum. 99. VII.

describitur. 101. XII.

quid eam secedere cogat à sangvine? 102. XIII.

non est pars illaudabilis. 102. XIV.

depuratur in glandulis conglobatis.

104. XVI.

ejus usus. 104. XVII.

non est materia nutritionis. 179. V.

Lympha glandularum intestinalium. 53. X.

confert ad chylicationem. ibid.

Lymphatica vasa, v. *Vasa lymphatica*.

M.

Mamma. 106. III.

earum usus in embryone. 106.

I. 288. VXII.

Massa alimentaris. 53. XI.

Masticatio quid sit? 26. VI.

quibus instrumentis peragatur? 28. IIX.

ejus ratio in quo consistat? 28. IX.

Mater dura & pia cerebri. 12. IIX.

Materia nullas agnoscit partes per se activas. 193. III.

Mathefis cur utilis medico? Progr. 2. sq. juvat physicam & medicinam, ib.

Maxilla. 26. VI.

earum musculi. 27. VI.

Meatus auditorius. 226. III.

Mechanica cur utilis medico? Progr. p. 2.

ejus regulæ faciunt ad actiones animalium declarandas. Progr. 3.

hypothesis cur assensum meretur? Progr. 4.

Mediastinum. 12. IIX.

symbolam suam confert in respiratione. 78. XIV.

Medicamentum quid involvat? 1.

Medicina distingvitur in scientiam & artem. I. I.

veterinaria. ibid.

INDEX RERUM

- Medicina* subjectum est homo. *ibid.*
Medicinam sibi comparaturus, quibus præceptis debeat esse imbutus? *Progr. 2*
Medicus debet esse philosophus. *Progr. 1.*
 cur hominis considerationem sibi vendicet? *2. II.*
 non curat animam, sed corpus. *4. IX.*
Medulla spinalis. *158. XI.*
 etiam secretioni litat. *163. VI.*
Membrana quid sint, & ad quid inserviant? *12. IIX.*
Memoria brutorum. *249. II.*
 in homine. *155. XIV.*
 ejus modus. *256. XV.*
 probatur. *ibid. XVI.*
Meninx dura. *154. IV.*
 ejus falx. *ibid.*
 ejus sinus. *154. V. seqq.*
pia. *ibid.*
media. *ibid.*
Mens, v. Anima rationalis.
Mensium fluxus. *145.*
 ejus subjectum non sunt viri, sed feminae. *ibid. II. nec omnes. 146.*
 ejus causa non est segnitie, neque temperamentum frigidum, neque fermentum. *146. sq. III.*
 neque influxus lunaris. *147. IV.*
 sed sanguinis turgescencia. *148. V.*
 ejus via. *149. VI.*
 non ex ipso utero, sed hujus vaginæ profluit. *ibid.*
 est sanguis venosus. *ibid.*
 excretionis modus. *150. VII.*
 non est venenatus. *ibid. IIX.*
 ejus tempus. *151. IX. X.*
 ejus usus. *152. XI.*
Menstruum ventriculi quid sit? *36. VII.*
 ex quibus constituatur fontibus? *ibid.*
 est genuinum solvens alimentorum. *36. sqq. IIX. IX. X.*
 adest in sufficiente quantitate. *36. IIX.*
 est appetitus causa. *37. IX.*
 habet particulas ad solvendum aptas. *37. X. 41. I.*
 non est acidum. *38. sq. XI. XII.*
 neque alkalicum. *40. XIII.*
 sed falsum. *40. XIV.*
 movet appetitum. *243. VI.*
Mesaraica vena. *51. VI.*
 non sugunt chylum. *59. sq. VII.*
Mesenterium. *12. IIX. 51. V.*
 ejus usus. *51. V.*
 ejus glandulae. *57. II. 62. XI.*
Mesenterica arteria. *51. VI.*
Metus. *162. XI.*
Moror. *162. XI.*
Molle quid? *215. XI.*
Mors unde sequatur? *8. XX.*
Motores in corpore sunt partes fluidae. *6. XIV.*
 interni sanguis & spiritus. *ibid. XV.*
 externus aer. *ibid. XVI.*
Motus in genere quid sit? *17. II. 194. II.*
 localis idem ac Circularis.
 particularum facit ad olfactum. *223. XIII*
Motus in corpore constituit ejus vitam. *5. XII.*
 vitalis requirit partium solidarum conformationem. *5. XIII. & fluidarum agitationem. 6. XIV.*
 omnis corpore mechanica est necessitas. *7. XVII.*

conti-

ET VERBORUM.

continui in homine. 17. I.
 varii ex effectu tantum cognoscuntur
 ibid.
 corporei non pendent à mente. 18. III.
 animalis ab aliis motibus differentia.
 185. II.
 ejus divisio in naturalem & spontane-
 um non est adæqvata. 185. III.
 distinguitur ratione corporis moven-
 di, durationis, & principii. 186. sq.
 IV. V.
 involuntarii, avtomatici, & non spon-
 tanei, &c. arbitrarii, voluntarii,
 spontanei, & liberi. 187. V.
 utrorumq; eadem est movendi ratio.
 207. XIII.
 mixti. 188. VI.
 solidis & fluidis partibus competit.
 188. VII.
 ejus instrumenta. 189. IIX.
 immediatum est mulculus & fibra
 motrix. ibid.
 mediatum est nervus. 191. XI.
 instrumenta fluida sunt spiritus &
 sangvis. ibid. XII.
 horum agendi modus. ibid. XIII. sqq.
 avtomatici, sunt vel continui, vel non
 continui. 195. III. sqq.
 Compositi. 197. IIX.
 fiunt quandoq; mere avtomaticè.
 197. VI.
 horum ratio declaratur. 197. VII.
 voluntarii quoniam sint? 208. XIV.
 membrorum & corporis quid requi-
 rat? 208. XV.
Motus chyli. p. 57. I. sqq.
 ejus modus. 61. X.

Motus intestinorum peristalticus adjuvat
 chyli transcolationem. 54. XIV.
 fecum alvinarum condensatio-
 nem efficit. 56. XVII.
 chylum movet. 61. IX.
Motus sanguinis duplex. 21. XI. 81. II.
 non producitur à calore. 22. XIV.
 est causa efficiens sangvificationis.
 94. XII.
Motus sanguinis circularis unde. 21. XIII.
 ejus modus. 86. IX.
 ejus usus. 88. XIII.
localis v. circularis.
Motus sanguinis intestinus probatur. 21.
 XII. 82. III.
 unde pendeat? 21. XIII.
 efficit calorem. 23. XV.
 ejus formalitas. 82. IV.
 comparisonem non admittit. 83. V.
 non fit fermentatione. 83. VI.
 ejus causa efficiens in ovulo semen.
 84. VII.
 in homine aer. 85. VII.
 ejus effectus. 86. IIX.
Motus ventriculi chylicationem unice
 non absolvit. 36. VI.
Mucus narium quid sit? 14. XIV.
Musculus quid sit? p. 189. IIX.
 ejus partes. 190. IX.
 ejus usus & modus. 191. X.
Musculi quid sint? 12. X.
Labiorum. 26. IV.
Maxillarum. 27. VI.
Lingvæ. 28. IIX.
Abdominis adjuvant chyli secre-
 tionem à facibus. 54. XIV.
 movent chylum. 61. IX.
 Qq 2 faci-

INDEX RERUM

faciunt ad respirationem. 78. XIV.

Pyramidales. ibid.

Muti ex surditate. 232. XII.

N.

Natura humana quid per eam intel-
ligatur? 2. III.

Nares serum concedunt ad constituen-
dam salivam. 117. XIII.

Nervi sunt instrumentum mediatum
motus animalis. 191. XI.

sunt medium passivum, quo orga-
norum motus deferuntur ad
mentem. 200. XII. 204. IIX.

nullam tractionem experiuntur.
204. IIX.

Nervorum succus refellitur. 102. XII.

structura. 160. XV. 169. II.

Par olfactorium. 170. III.

Par opticum, oculorum motorium,
& patheticum. 171. IV.

Par gustatorium. 171. V.

Par timidum. 172. VI.

Par acusticum. 172. VII.

Par vagum. 172. IIX.

Par lingvæ & cervicis motorium,
173. X.

paria XXX. in medullâ spinali.
174. XI.

usus. 175. XII.

Nervus intercostalis. 173. IX.

Nutritio quid sit? 177. I.

convenit cum generatione. 178. I.

eius divisio. 178. II.

eius materia non est sanguis. 178. III.

neque succus nervus. 178. IV.

neque lymphæ, sed chylus. 179. V.
182. IX.

probatur. 179. VI.

eius subjectum. 179. VII.

eius causa efficiens est motus vitalis.
180. IIX.

eius modus. 181. IX.

variatur ætate. 182. X.

sexu. 183. XI.

temperamento. 183. XII.

ovuli in utero. 183. IV. sqq.

O.

Obfetricis officium. 291. VI. & IIX.

Oculus organon visionis. 233. II.

eius partes continentes. 233. II.

ministra. 234. III.

propria. 235. V.

eius orbita ossea. ibid.

eius limbus cartilagineus. 234.
II.

eius sphincter. ibid.

eius musculi. 234. IV.

eius pinguedo. 235. IV.

eius tunica. 235. 236. V. VI. VII.

eius humores. 236. 237. IIX. IX. X.

eius vasa. 237. X.

duplex cur objectum simplex
repræsentet? 240. XV.

elongatur & contrahitur. ibid.
XVI.

Odor non dependet ab elementorum
mixtura. 223. XII.

neque tantum à sulphure. ibid.

Oeconomia animalis quid sit? 2. III.

Oesophagus, v. Gula.

Olfactus cum gustu affinitas. 217. I.

Organon sunt nares. 221. X.

earumque tunica interior. 222. X.

Objectum sunt effluvia. 222. XI.

Requi-

ET VERBORUM.

- Requifita. 223. 224. XIII. XIV.
 Modus. 224. XV.
Orbita oculi offea. 233. II.
Ordo fervandus in afſumendis alimen-
 tis. 48. XI.
Organica & non organica partes quæ? II.
 VII.
Os externum. 25. III.
 internum. 26. V.
Oſſa quid ſint? 12. X.
Oſſa pubis an in partu à ſe invicem divel-
 lantur? 292. X.
Oſſicula auditus. 227. IV.
Ovaria mulierum deſcribuntur. 275. VI.
Ocula in ovario exiſtere probatur. 275. VI
 ſunt ſemen fœminarum. ibid. VII.
 qvomodo imprægnantur? 278. XIII. ſq.
 actuantur à ſemine maſculino. 281. I.
 & II.
 ejus corpus glanduloſum. ibid.
 qvomodo exturbentur ex ovario?
 272. III.
 per quas vias? ibid. IV.
 eorum nutritio. 283. VI. ſqq.
 P,
P *Alpebra*, oculi valvæ. 233. II.
 earum uſus. 234. II. & III.
 earum canthi. 233. II.
 tres in brutis. 234. II.
 earum glandulæ. ibid. III.
Pancreas Afellii. 57. II.
Pancreus Viſſungii. 119. XX.
 ejus ſuccus. 120. XX.
Papilla mammarum. 108. VII.
Papilla nervea ſunt organon tactûs, & de-
 ſcribuntur. 214. X.
 in lingvâ ſunt organon guſtûs &
- deſcribuntur. 218. III.
 aſſertum probatur. ibid. IV.
 dubium ſolvitur. 219. V.
Partes corporis quæ dicantur? 9. II.
 an rectè dividantur in continentes,
 contentas & impetum facien-
 tes? 9. III.
 non in ſpermaticas & ſanguineas?
 10. III.
 ſunt vel ſolidæ, vel fluidæ. ibid.
 utrarumque mutua habitudo. 16.
 XIIIX.
 earum conformatio includit ma-
 gnitudinem, figuram, motum,
 ſitum atq; texturam. 13. XII.
Partus quid? 289. I.
 ejus tempus. ibid. II.
 ejus cauſæ ſtimulantes. 290. IV. V.
 moventes. ibid. VI.
 ejus modus. 291. VII. ſqq.
 inſtans qvomodo cognoscendus.
 ibid.
 ejus ſpecies naturales. 292. IX.
Parturientis regimèn 291. VII.
Pathologia quid ſit? I.
Penis ejusq; partes conſtituentes. 269. X.
 ejus erectio unde procedat? ib. XI.
Pericardium peculiare quid habet in ho-
 mine. 66. IV.
 ejus liquor. ibid.
 reſpirationis negotium adjuvat in
 homine. 78. XIV.
Pericranium. 12. IIX. 153. II.
Perioſtium. 12. IIX.
Periſtalcticus inteſtinorum motus. 54. XIV.
 56. XVII. 61. IX.
Peritoneum. 12. IIX. 51. V.

INDEX RERUM

ejus diverticula. 272. XV.
Phantasia vid. *Imaginatio*.
 in somno est libera. 264. XV.
Pharynx. 30. XII.
Phenomena physica pariter & *medica* per
 quid explicanda? Progr. 3.
Philosophia medico necessaria. Progr. 1.
Physica medico necessaria. Progr. 3.
Physiologia quid sit? 1. I. 2. III.
Pili referuntur ad partes corporis. 9. II.
Pinguedo 139. VI. unde. 104. XVI.
 vid. *Adeps*.
Pituita non depluit à cerebro. 168. XVII.
Placenta uterina. 284. X.
Pleura. 12. IIX. 77. XII.
Πνευματικός quid? 153. I.
Potus nocturnus nocet. 48. XI.
Præcipitatio non convenit chyli à feci-
 bus separationi. 55. XV.
Præputium. 269. X.
Processus mamillares. 170. III.
Proportio servanda inter alimenta solida
 & liquida. 48. XI.
Prostate viriles. 110. XIII.
 muliebres. 112. XIX.
Pulmones ambiunt cor. 66. III.
 sunt organum respirationis. 74. IV.
 sed non solitarium. 77. XI.
 eorum substantia. 74. V.
 eorum vasa. 75. VI. sqq.
 eorum usus. 76. IX.
Pulsus cordis. 69. XI.
Punctum saliens. 287. XIII.
 Q.
Qualitas respicienda in alimentis.
 48. XI.
Qualitates quid sint? 211. V.

earum natura est relativa. 215. XI.
Quantitas in assumptione alimentorum
 attendenda. 48. XI.
 R.
Radii solares quid sint? 230. XII.
Ramus splenicus. 122. III.
Receptaculum lumbare. 58. V. 103. XV.
 non est glandulosum. ibid.
Remedium, quid sub eo comprehenda-
 tur? 1.
Renes describuntur. 140. VII.
 eorum vasa. ibid. IIX.
 eorum fracedo unde. 142. XII.
Renes suscenturiati. 144. XX.
Respiratio. 73. I.
 ejus organa. 74. IV. 77. XI.
 ejus usus. 80. XX. sq.
 falsa de eo asserta. 80. XXII.
 motum intestinum sanguinis susti-
 net. 85. VII.
 non competit foetui intra uterum.
 296. XVII.
 sed excluso necessaria. ib. XIIIX.
Retina instrumentum visionis primari-
 um. 236. VII.
Risus quomodo contingat? 208. XV.
Rubedo unde proveniat? 93. X.
 S.
Salia an, & quomodo sint objectum
 gustûs? 219. 220. VI. sqq.
 non nutriunt. 182. IX.
Saliva non est humor excrementitius.
 29. X. 119. XVI.
 facit digestionis initium. 29. X.
 gustum adjuvat. ibid.
 ejus analysis. 37. 38. X.
 ejus fontes. 113. II. sqq.

ET VERBORUM.

- est unius generis ex diversis locis. 118. XV.
Sanguificatio, ejus organa. 65. sqq.
 quid sit? 90. II.
 ejus causa efficiens est motus sanguinis. 94. XII.
 & organis & sanguini adscribenda. 95. XIII.
 non uni alicui parti competit. 95. XIV. sqq.
Sanguis vitalitatem concedit corpori. 6. XV. 21. XI.
 immediate movet partes. 21. XI.
 ejus motus intestinalis probatur. 21. XII.
 ejus motus, v. Motus sanguinis, movetur in corpore vivente. 81. I.
 ejus diversitas. 82. III.
 ejus calor debetur motui intestino. 86. VIII.
 ejus circulus duplex. ibid. IX.
 in embryone unus tantum. 288. XV.
 affluit per arterias, refluit per venas. 88. X.
 non guttatim irrui cor. ibid. XI.
 falsa de eo sententia. ibid. XII.
 non nutrit. 89. II.
 dupliciter consideratur. 90. III.
 non est liquor homogeneus. ibid. IV.
 arteriosi & venosi differentia unde? 92. IX.
 ejus rubedo unde? 93. X.
 potest augmentari. 94. XI.
 solus non sanguinem facit. 95. XIV.
 arteriosus est materia secretionis glandularum conglomeratarum. 99. VII.
 ejus depuratio in capite. 166. X.
 non est materia nutritionis. 178. III.
 est instrumentum motus. 191. XII.
Sanitas quid sit? 8. XXII.
Sapor non omnis à sale. 219. VI. VII.
 nullus à qualitatibus. ibid. VI.
Scapha. 226. III.
Scientia debetur auditui. ibid.
Scientia medica distinguitur in theoreticam & practicam. 1.
Secretio quid sit in sensu chymico? 97. I.
 est duplex, vel inchoata, vel perfecta. 97. I. II.
 in corpore fit etiam sine glandulis. 99. VI.
 ejus materia è quâ? ibid. VII.
 ejus causa efficiens. ibid. VIII.
 non fit fermentatione. 100. IX. X.
 refertur ad tres classes. 101. XI.
Secundina. 293. XI.
Semen masculinum causatur motum intestinum sanguinis in ovulo. 84. VII.
 describitur. 108. X. 273. II.
 ex qua materia constat? 110. XIV.
 est secretionis productum. 111. XV.
 vermiculos in se continet. 112. XVII.
 ejus generatio variat nutritionem. 183. XI.
Semen femineum sunt ovula. 112. XIX. 274. V. 275. VII.
 non sanguis menstruus. 274. III.
 non liquor vaginalis. ibid. IV.
Semiotica quid sit? 1.
Sensatio in genere quid sit? 202. III.
 ejus duæ reperiuntur species in homine. 203. IV.

ejus

INDEX RERUM

- ejus objectum movens est materia-
 le. 203. V.
 ejus subjectum est corpus animalis
 vivum. 203. VI.
 ejus modus. 204. VII.
 quomodo contingat? 205. IX.
 brutorum est mechanica. 206. IX:
 hominis est intelligens. 206. IX.
 non est in partibus, sed in cerebro.
 207. XI.
 tripliciter consideratur. 207. XII.
Sensatio animalis est motus quædam spe-
 cies. 24. XIIIX.
 ejus terminus. 211. VI.
Sensus hominibus præ brutis excellen-
 tiores sunt. 210. III. 212. VII.
 an sint fidei testes? 216. XII.
Sensus externi quid sint? 209. I.
 organon. 210. IV.
 eorum objecta secundum Peripateti-
 cos & modernos. 211. V.
 eorum modus. 212. VII.
 eorum numerus. ibid. IIX.
Sensus interni describuntur. 249. I.
 in brutis. ibid. II.
 in homine. ibid. III.
 sunt duplices. 250. III.
 distinguuntur. ibid. IV.
 eorum sedes, sive instrumentum passivum. 251. V. VI.
 eorum instrumentum activum, sive spiritus. 252. VII.
 eorum objecta. ibid. IIX.
 eorum causæ moventes. 253. IX.
 eorum modum nosse medico neces-
 sarium. ibid. X.
Sensus communis brutorum. 249. II.
 in homine. 254. XI.
Septum cordis non est perforatum. 68. VII
Serum, v. Lympha.
Serum sanguinis. 91. VI. VII.
 ejus ad grumum proportio. 92. IIX.
Sexus variat nutritionem. 183. XI.
Siccum quid? 215. XI.
Similares partes, v. Simples.
Simplices partes antiquis erant plures.
 10. V.
 recentioribus est sola fibra. 10. VI.
Sinus cranii. 154. III.
 dura matris. 154. V. seqq.
 horum communicatio. 156. VII
Sitis non omnis est præternaturalis. 245.
 IX.
 ejus subjectum. ibid. X.
 ejus causa movens. ibid. XI.
 hydrôpicorum & febricitantium.
 246. XI.
 ejus formale. ibid. XII.
Solidæ partes an passivè se habeant? 6.
 XIII.
 an tantum continendo inserviant?
 9. III.
 quæ dicantur? 10. IV.
 dividuntur in simplices & compo-
 sitas. 10. IV.
 immediatè moventur à sanguine.
 21. XI.
 vitalitatem habent à motu sangvi-
 nis. ibid.
Solidum quid? 214. XI.
Solutio ciborum quomodo fiat? 42. III.
 ejus tempus an possit definiri? 42. II.
 est specialis quædam actio. 46. IX.
Somnus quid? 262. XII.
 unde oriatur? 263. XIII. in eo

in eo feriantur actiones voluntariæ,
liberis automaticis. ibid. §. XIV.

non mens, sed corpus, quiescit. p.
246. §. XV.

Sonus duplex describitur. p. 228 229.
§. VII.

à liquidis etiam corporibus profi-
ciscitur. ibid.

eius subjectum s. medium, aer at-
mosphæricus. p. 229. §. IIX.

quandoq; etiam aqua. p. 230. §. IX.

quid? p. 230. §. X.

cur chorda dentibus prehensâ &
concussa audiat? p. 231. §. XII.

Sphincter oculi. p. 234. §. II.

uteri. p. 271. §. XIII.

Spiritus faciunt ad motum corporis. p. 6.
§. XV.

referuntur ad partes corporis. p. 9. §.

II.

quid sint? p. 16. §. XVII. p. 161. §. II.

quos motus efficiant in corpore?
p. 23 §. XVII.

adjuvant, non solitariè perficiunt
chylificationem. p. 40. §. XV.

XVI.

eorum existentia probatur. p. 162.
§. III.

eorum secretio duplex. p. 162. §. IV.

omnes sunt animales. p. 162. §. V.

secernuntur à cerebri substantiâ
cineritiâ. p. 163. §. VI.

eorum materia est chylus. p. 163.
§. VII.

non verò aer. p. 164. §. VIII.

secernuntur, non à fermento pro-
veniunt. p. 165. §. IX.

eorum natura hæcenus est inco-
gnita. p. 166. §. XI.

an sub formâ liquidâ appareant?
p. 167. §. XII.

an comparisonem admittant?
p. 167. §. XIII.

non sunt naturæ aëreæ. p. 168. §.
XIV.

neq; ignei. p. 168. §. XV.

neq; sulphurei. p. 168. §. XVI.

eorum usus. p. 169. §. I.

eorum undulatio. p. 175. §. XIII.

eorum regurgitatio. p. 176. §. XIV.

sunt instrumentum motus. p. 197.
§. XII.

se ipsos non movent, sed movent-
tur. p. 193. §. II.

quid eos moveat? p. 194. §. III.

sunt medium activum, quo obje-
ctorum motus deferuntur ad

mentem. p. 200. §. XII. p. 205.

§. VIII.

Spiritus vitalis Borelli. p. 19. §. VI.

Sputum an differat à salivâ? p. 118. §. XV.

Succus nervens refellitur. p. 102. §. XII.

pancreaticus. p. 52. §. IX.

confert ad chylosin. ibid.

Sudor quid sit? p. 137. §. II.

non omnis est p. n. p. 138. §. III.

Supercilia p. 233. §. II.

Surdi cur simul muti? p. 232. §. XII.

Systole cordis. p. 86. §. XI.

T.

Tactus omnium sensuum nobilissi-
mus p. 213. §. 2.

Rr

Orga-

INDEX RERUM

- Organon est cutis. p. 213. §. X.
 & in eâ papillæ nervæ. p. 214. §. X.
 objecta. p. 214. §. XI.
 modus. p. 216. §. XII.
Tegmen reticulare. p. 135. §. IV.
Temperamentum an & quid sit? p. 23. §.
 XVI. p. 184. §. XII.
 variat nutritionem. p. 183. §. XII.
Tempus attendendum in assumendis ali-
 mentis. p. 48. §. XI.
Tendines quid sint? p. 12. §. X.
Tenue quid? p. 215. §. XI.
Terror. p. 262. §. XI.
Testes viriles. p. 102. §. XI.
 sunt officina seminis prolifici. p. 110.
 §. XII.
 muliebres, vid. *Ovarium.*
Theoria medica tractat subjectum & re-
 medium. p. 1.
 practica utriusque applicatio-
 nem. p. 2. §. I.
Therapeutica quid sit? p. 2. §. I.
Thorax. p. 77. §. XII.
 ejus ampliatio & angustatio in qvo
 consistat? p. 77. §. XIII. p. 78.
 §. XIV.
Tomentum partium quid sit? p. 11. §. VI.
Tonsille. p. 115. §. VI.
Tonus partium quid sit? p. 13. §. XII.
Trachea vid. *Arteria aspera.*
Tragus. p. 226. §. III.
Transpiratio quid sit? p. 137. §. II.
 est evacuatio continua & natura-
 lis. p. 138. §. III.
 ejus organon. p. 138. §. IV.
 ejus materia est serum. p. 139. §. V.
 ejus finis. p. 139. §. VI.
 emittit & excrementitium & lauda-
 bile. p. 139. §. VI.
Trochlea. p. 235. §. IV.
Tube Fallopianæ. p. 282. §. IV.
 sunt erigibiles & viâ foetus. p. 283.
 §. V.
 earum fimbria. p. 282. §. IV.
Tubuli bilarii. p. 131. §. IV.
Tunica foetus. p. 284. §. VIII.
Tympanum. p. 227. §. IV.
 summe necessarium. p. 228. §. VI.
 ejus capsula. p. 227. §. IV.
 V.
Vagina uteri. p. 271. §. XIII.
Valvula coli major qvo officio fun-
 gatur? p. 56. §. XII-X.
Valvula notabilis in ductu Pecquetiano.
 p. 59. §. V.
Valvula intestinorum conniventes. p. 56.
 §. XVI.
 plures, quàm in aliis, sunt in colo-
 ibid.
Valvula mitrales aut tricuspidæ. p. 68.
 §. VIII.
 semilunares aut sigmoidæ. ibid.
Valvula vasorum lacteorum. p. 57. §. II.
 p. 103. §. XV.
 faciunt ad motum chyli. p. 61. §. IX.
 p. 62. §. X.
Vasabilaria. p. 131. §. IV. sqq.
Vasa lactea. p. 51. §. VII. p. 57. §. II. p. 103.
 §. XVI.
 eorum terminus. p. 57. §. III.
 non immittuntur nervis. p. 58. §. IV.
 eorum munus. p. 59. §. VI.
 eorum valvulæ. p. 57. §. II.
Vasa lymphatica sunt etiam vasa lactea.
 p. 57. §. II. p. 103. §. XV. de.

- describuntur. p. 72. §. XVIII. p. 102. & 103. §. XV.
 quò confluant? ibid.
 excipiunt lympham. p. 87. §. IX.
Vena describuntur. p. 71. §. XV.
 earum usus. ibid.
 pulmonalis. ibid.
 cava. ibid.
 ejus rami. p. 71. sq. §. XVI. XVII.
 ἀγγεῖα. p. 72. §. XVI.
 portæ. p. 72. §. XVII.
Vena arteriosa. p. 70. §. XIII.
Vena portæ. p. 130. §. IV.
Vena lactea, v. *Vasa lactea*.
Vina mesaraica, v. *Mesaraica venæ*.
Ventriculus. p. 33. II.
 ejus tunica, p. 34. III. IV.
 ejus vasa. p. 35. V.
 ad chylicationem confert. p. 35. VI.
 ejus motus chylicationem unicè
 non absolvit. p. 36. VI.
 ejus actio. p. 41. §. I.
Ventriculi menstruum, v. *Menstruum ven-
 triculi*.
Ventriculi cordis. p. 67. VI.
 eorum differentia. ibid.
 eorum foveæ. p. 68. VI.
 eorum columnæ carneæ. ibid.
Veritas quo instrumento investigari &
 demonstrari possit. Progr. p. 2.
Vesica urinaria. p. 140. IX.
 ejus tunica & fibræ. ibid.
 ejus sphincter & valvula. p. 141. IX.
 non fecernit urinam. ibid. XI.
 ejus vis in excretionem urinæ. p. 143.
 XIII.
Vesicula fellea vid. *Cystis fellea*.
- Vesiculæ seminales*. p. III. XVI.
Vestibulum labyrinthi. p. 227. V.
Vigilia quid? p. 162. XII.
Virginis notæ. p. 266. IV. sqq.
 de iisdem epicrisis. p. 268. VII.
Viso sensus omnium maximè necessa-
 rius. p. 233. I.
 ejus Organon, oculus. p. 233. II.
 ejus Instrumentum primum, re-
 tina. p. 236. VII.
 ejus Objecta. p. 237. §. XI.
 ejus Medium. p. 238. XII.
 ejus Modus. p. 238. 239. XIII. XIV.
Vita animæ in quo consistat? p. 5. X.
 non est à corpore. p. 5. XI.
corporis in quo consistat. p. 5. XI. XII.
 p. 7. XVII.
 non pendet à mente. p. 6. XVII.
 quid sit? p. 24. XIX. p. 293. XIII.
 in fœtu. p. 293. XIII.
hominis in quo consistat? p. 8. XX.
 quando incipiat? p. 295. XVI.
 quam diu duret? ibid.
Vitalitas corporis quid complectatur?
 p. 17. I.
 requirit ejus justam aptitudinem.
 p. 20. IX.
 est singularis. p. 23. XV.
Umbilicalis funiculus. p. 285. X.
Ungues referuntur ad partes corporis.
 p. 9. II.
Utrachus. p. 285. X.
Ureteres. p. 140. II. X.
Urethra. p. 269. X.
Urina quomodo fecernatur? p. 140. VII.
 sqq.
 ejus organa. ibid.


INDEX RERUM ET VERBORUM.

horum connexio. p. 141. X.	ejus secretio respondet transpirati- oni. p. 137. II.
non fermentatione, &c. sed trans- colatione secernitur. p. 142. XII.	ejus foetor unde? ibid.
ejus excretio. p. 143. XIII.	<i>Urina</i> febricitantium. p. 82. III.
constat ex partibus excrementitiis & superfluis. p. 143. XIV.	<i>Uterus</i> p. 271. XIV. p. 283. VII.
ejus analysi naturalis. p. 143. XV.	ejus vagina. ibid. XIII.
XVI. XVII.	ejus ligamenta. p. 272. XV.
artificialis. p. 144. XIX.	ejus vasa. ibid. XVI.
ejus differentia. ibid. XIX.	<i>Uvula</i> . p. 115. VII.

Errata potiora sic corrigantur.

p. 7. lin. 15. pro *mediatione lege meditatione*. p. 18. lin. 7. pro *non attendit lege attendit*.
p. 20. lin. 31. pro *oneretur lege operetur*. p. 21. lin. 7. pro *corpori lege corpore*. p. 22. lin. 22. pro
aëris lege sanguinis. p. 30. lin. 13. post *claudente adde superatâ*. ibid. lin. penult. pro *defixa*
lege defixo. p. 31. lin. 22. pro *perfonat lege perforat*. p. 39. lin. 6. pro *alimenta lege medicamen-*
ta. ibid. lin. 37. pro *oleolis lege salis*. p. 40. lin. antepenult. pro *solo lege soli*. p. 42. lin. 4. pro
protenditur lege protruditur. p. 51. lin. 27. pro *omnes lege nam omnes*. p. 60. lin. 7. pro *reliqvi*
lege reliquis. ibid. lin. 20. pro *spacelatis lege sphacelatis*. p. 60. lin. 6. pro *eodem lege ungue*.
p. 72. lin. 5. pro *spina lege vertebis*. p. 86. lin. 25. pro *affectus lege effectus*. p. 102. lin. ult. pro
& internis lege sed & internis. p. 106. lin. 14. pro *vivis lege viris*. p. 111. lin. 15. pro *potissi-*
imum lege potissimam. p. 125. lin. 12. pro *linarem lege lienarem*. ibid. lin. 27. pro *coherere*
lege cohæreant. p. 127. lin. antepenult. post *arridet adde non imbibit*. p. 134. lin. 8. pro *& le-*
ge ex. p. 139. lin. 12. pro *quia lege quemadmodum*. ibid. lin. ult. post *sed etiam adde illis*. p. 143.
lin. 21. pro *& nulla lege vel nulla*. p. 157. lin. 25. pro *plandula lege glandula*. p. 192. lin. 14. post
figuram adde mutari. p. 222. lin. 1. post *producti adde processus*. p. 225. lin. 1. pro *perlustrati*
lege perscrutati. p. 245. lin. 20. pro *excogitum lege excogitatum*. p. 251. lin. 34. pro *solat lege*
soleat. p. 267. lin. 3. pro *archreta lege atreta*. p. 279. lin. 1. pro *& lege sed*.

FINIS.



2257



